

**EUSTACHII RUDII ...
LIBER DE ANIMA. IN
QUO PROBATUR
GALENUM DE
VEGETALIS, &...**

Eustachio Rudio, Lorenzo : de
Rossi, Michelangelo Albrizi





Ex Bibliotheca
majori Coll. Rom.
Societ. Jesu

14-15-H-17

49! 6. 32.

49

6

32.

49

B

9





EVSTACHII RVDII
VTINENSIS,
IN PATAVINA SCHOLA
*Medicinæ Praxim ordinario, atq; primario
loco Profitentis,*
LIBER DE ANIMA.

In quo probatur Galenum de vegetalis, & sentientis animæ substantiæ reliquis omnibus rectius sensisse, veriora, tum vitæ, tum mortis principia, & causæ traduntur, nec non rationalis animæ immortalitas efficacissimis rationibus probatur.

Perillustri, & Excellentissimo viro
OCTAVIO AMALTHEO
COMPATRI SVO DICATVS.



Ex Legato

H. laurasi De Rubeis



BIBLIOTECA NAZ.
ROMA
VITTORIO EMANUELE

P A T A V I I,
Apud Petrum Bertellum. M. DC. XI.
 Superiorum Permissu.

Superiorum Permissu.

EVSTACHII RVDII

VITAE

ET

SCRIPTURAE

LIBER

DE

RE

LIBER

DE

RE

RE

RE

RE

RE

RE

RE

RE

RE

RE

RE

RE

RE

RE

RE

RE

INDEX CAPITVM:

Proœmium, in quo de Operis intentione, vtilitate, ac nobilitate agitur. pag. 1

Animam in viuientium corporibus inesse principium omnibus notum esse. Cap. 1. 7

Quid animæ essentia sit apud Galenum, & primùm quid de hac re senserint antiquiores. Cap. 2. 11

Loca, in quibus Galenus fassus est, se animæ essentiam ignorare. Cap. 3. 18

Animam non esse spiritum, vt Stoici opinabantur, Galeni auctoritatibus probatur. Cap. 4. 29

Animæ temperamentum esse quamplurimis Galeni, ac veterum auctoritatibus, & rationibus doceri. C. 5. 39

De naturali cerebri constitutione & quæ principaliter, & quæ secundo ad actiones animales in eo edendas concurrunt. Cap. 6. 52

Ex traditis fundamentis Galeni sententiam exactiùs comprobari posse. Cap. 7. 66

Quibus rationibus Galeni sententia euerti possit, atq; probari, animæ essentiam non esse corporis temperamentum. Cap. 8. 72

Animæ substantiam cum Hippo. & Gal. innatum calorem esse, certiùs probari posse. Cap. 9. 78

Alios præter Hippo. & Galenum fuisse Philosophos, qui calorem animam esse existimarunt, etiam si Arist. aliter senserit: & Quid sit innatus, siue vitalis calor apud Hippoc. & Galenum. Cap. 10. 83

Naturalem calorem eas omnes functiones in viuentibus exprimere posse (vna tamen rationalis animæ excepta operatione) quas ipsammet animam edere voluit Arist. & primùm illas, quæ ad animam attinent vegetalem. Cap. 11. 97

Calorem innatum animæ sensitiuæ functionum primùm esse auctore & auctoritatibus, & rationibus probatur. Cap. 12. 106

Instantiæ

EVSTACHII RVDII

V I F F E N S I S

IN TITULO PONTIS

DEI PATRIS OMNIPOTENTIS

ET FILII

LIBER DE ANIMA

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

DEI PATRIS OMNIPOTENTIS

ET FILII

de l'œuvre de l'homme

de l'œuvre de l'homme



DEI PATRIS OMNIPOTENTIS

INDEX CAPITVM:

P Roæmium, in quo de Operis intentione, vtilitate, ac nobilitate agitur. pag. 1

Animam in viuentium corporibus inesse principium omnibus notum esse. Cap. 1. 7

Quid animæ essentia sit apud Galenum, & primum quid de hac re senserint antiquiores. Cap. 2. 11

Loca, in quibus Galenus falsus est, se animæ essentiam ignorare. Cap. 3. 18

Animam non esse spiritum, vt Stoici opinabantur, Galeni auctoritatibus probatur. Cap. 4. 29

Animam temperamentum esse quamplurimis Galeni, ac veterum auctoritatibus, & rationibus doceri. C. 5. 39

De naturali cerebri constitutione & quæ principaliter, & quæ secundo ad actiones animales in eo edendas concurrunt. Cap. 6. 52

Ex traditis fundamentis Galeni sententiam exactius comprobari posse. Cap. 7. 66

Quibus rationibus Galeni sententia euerri possit, atque probari, animæ essentiam non esse corporis temperamentum. Cap. 8. 72

Animæ substantiam cum Hippo. & Gal. innatum calorem esse, certius probari posse. Cap. 9. 78

Alios præter Hippo. & Galenum fuisse Philosophos, qui calorem animam esse existimarunt, etiam si Arist. aliter senserit: & Quid sit innatus, siue vitalis calor apud Hippoc. & Galenum. Cap. 10. 83

Naturalem calorem eas omnes functiones in viuentibus exprimi posse (vna tamen rationalis animæ excepta operatione) quas ipsammet animam edere voluit Arist. & primum illas, quæ ad animam attinent vegetalem. Cap. 11. 97

Calorem innatum animæ sensitiuæ functionum primum esse auctorem & auctoritatibus, & rationibus probatur. Cap. 12. 106

Instantia

Instantiæ nonnullæ, quæ ex Galeni dictis colligi posse videntur, & eius iam explicatam de animæ substantiâ opinionem videntur euertere. Cap. 13.	113
Quo pacto omnes propositæ obiectiones sint diluendæ. Cap. 14.	119
An Anima Mundi cum Platoniciis fœtuum causa formatrix dici possit? Cap. 15.	139
Calorem natium animam esse validioribus adhuc argumentis probari posse. Cap. 16.	138
Confutatio quorundâ argumentorû, quibus Arist. Alseclæ Gal. sententiam euertere conantur: Et primum quo pacto Semen animatum esse possit. Cap. 17.	143
Calor innatus licet accidens sit, nihilominus viuientium anima statui potest. Cap. 18.	147
Quædâ alia aduersariorû argumenta diluuntur. C. 19.	150
Quomodo caloris naturalis merito viuentia ad plures loci differentias moueantur. Cap. 20.	154
Cur viuētia in molē immensam non excreſcant; sed determinatâ habeant magnitudinem: & primum Arist. ratio pro hac re perpenditur, & confutatur. C. 21.	162
Innatum calorem non siccū & igneum, sed humidum, & aereum esse, & subinde nostrū corpus & humidū non depascere, sed potius regere, & conseruare. C. 22.	167
In viuientium corporibus calorem igneum & siccum de necessitate reperiri, qui determinatæ magnitudinis, ac senij causa est. Cap. 23.	173
Cur homo non omnem, sed talem habeat determinatâ magnitudinem. Cap. 24.	186
Qua de causa sit Homo mortalis effectus. C. 25.	191
Cur homo vitam adeo breuē fuerit sortitus. C. 26.	197
De nâli omnium viuientium æuo: de humanæ vitæ cursu in relatione ad cæterorû viuientium durationem; & de summa Naturæ, nostriq; Cōditoris Iustitia. C. 27.	205
De Rationalis Animæ immortalitate. Cap. 28.	218

EVSTACHI^I

R V D I I

A D

Perillustrem, & Excellentiss. Virum,

OCTAVIUM

AMALTHEVM,

Libri de Anima

*Praemium, in quo de Operis intentione, utilitate,
ac nobilitate agitur.*

QUANTO semper apud omnes Philo-
sophos, celeberrimosq; Medicos tum an-
tiquiores, tum recentiores in pretio fue-
rit Galenus, Clarissime compateri, haud
ignoras. Idq; non immerito: Eo enim nullus vn-
quam exitit in Logicis disciplinis solertior, (cùm
in lucem quatuor & decem libros de Demonstra-
tione ediderit, toties in suis libris citatos, & comme-
moratos, necnon alterum de captionibus, quæ in
verbis fiunt, volumen egregium condiderit): neq;
magis in Platonis, aut Aristotelis Philosophia, ac
disciplina versatus, cum in suis scriptis & illum &
istum, ad fundamentum & comprobationem pro-
priorum dogmatum, frequentissimè adductum vi-
deamus,

deamus ; & in Platonis Timæum tanquam dialogum ad Peripatericam disciplinam magis attinentem commentarium olim diuulgarit . Quamobrem de eo verba faciens accuratissimus ille Aristotelis interpres Simplicius 4. Phisic. com. 103. non solum magnum Philosophum, sed virum etiam admirabilem Galenum vocat. Et insuper à plerisque alijs primæ classis Philosophis, præsertimque ab Athenæo, Nemesio, Themistio, & (vt alios omitta) Auerrohoe in contemplationibus ad naturalem scientiam spectantibus, in medium aduocatus, ac commemoratus legitur . Quantum verò in Medicinæ scientia eminens fuerit, & reliquis omnibus præstiterit, omnes qui in ea Dogmatici, ac Rationales habiti sunt, facile cognouerunt, cum in hac certissima Philosophiæ parte semper ei primas sedes tribuerint . Tantum enim huic facultati luminis præbuit, vt nō solum permulta Diuini Hippocratis, quem omnium bonorum inuentorem appellat, obscuriora scripta, ac quadam veluti caligine inuoluta volumina illustrauerit ; verum etiam summo splendore, & certitudine vniuersam Medicinæ scientiam dilucidauerit . Quocirca maximo iure dici potest, quod si eā Hippocrates inchoauit, Galenus ad summam perfectionem redegit : & viæ, ac methodo, quam Hippocrates adinuenit, illud commodum, illamque facilitatem, ac securitatem adiunxit, quæ à quouis per eam progredi cupiente excogitari possit. Ac subinde cunctas alias Medicorum sectas, & Methodicorum, qui vocabantur, & Empiricorum, & Chymicorum, aut aliorum generum, quæ nostra tempestate floruerunt, vel potius defloruere, adeo obscurauit

*Chymia, & alia
Empirica, et alia
per Dogmaticos, et
vniuersi labefecerunt Gal.*

rauit, & labefactauit, vt sola viz Galenica constāte, immobili, & glorioſa remanente, ceteræ omnes pro temporum qualitate, ac varietate, inuix, periculis ac incommotis humanis reſeriffimæ, ac penitus euerſæ, & obliteratæ ſint. Nihilo tamen minus millies atq; millies Medicos & Philoſophos noſtrorum temporum illi exprobrare audiui, & hoc vnum vitio verti, quòd videlicet, quid ſit anima, ſe prorfus ignorare fateatur. Et cum de eius quidditate, ſiue eſſentia, vel ſubſtantia, ei incidit ſermo, modo cum Hippocrate innatū calorem, modo cum Stoicis inſitū ſpiritū, modo opinatur corporis, aut præcipuarū partium temperamētum eſſe, aut huic temperamēto inſeruire, aut vti, & interdum nullam aliam vim calore ingenito ſuperiorem agnoſcere. Et hac de cauſa ſubinde à nonnullis parum prudens, habetur, & de ioſcitia, leuitate, atq; inſtantia notatur, & redarguitur. Quod quidem cum læpiū animo voluerim, & verba, atque dogmata præclariffimi huius viri temerè tantum dilacerari non patiar, potiſſimum, cū validiſſimis fundamentis, efficaciſq; rationibus innitantur, & me Dogmaticum, ac Galeni præceptorum in arte noſtra, ſectatorem eſſe profitear; quem ſemper omnibus in meis lucubrationibus artis Medicæ in lucem editis, à quouis ei repugnante, & contradicente tueri pro viribus, ac ſtudioſè, inter admirabiles huius facultatis Scriptores, illius nomen, vti decet, vſq; ad ſydera extollere conatus ſum, arbitratus in eo Sapientis dictum comprobari poſſe, prædicentis ante plura ſecula magni huius viri aduentum his verbis: Honora Medicū, quia propter neceſſita-

tem creauit illum Alissimus; hoc etiam tueri cō-
 gor, & omnibus patefacere, primò non fuisse incon-
 stantem, neq; sibi contradixisse: secundò in re, quā
 ipsi vitio vertunt, nunquam errasse, imò sapientis-
 simum se prābuisse: & quo ad animę inferioris, si-
 ue dicamus nutrientis, ac sentientis naturam atque
 substantiam, id omne pernouisse, quod naturali &
 humano ingenio, intellectuue discerni potest: &
 cum ad intellectum ascenderit humanum, ad cuius
 essentiam nostrum naturale lumen forsitan nō per-
 uenit, & aspirat (hacq; de causa Philosophus de il-
 lo valde implicite loquitur.) prudentissimum existi-
 tisse, clauumq; in lingua tenuisse. Quare cum ipse
 vnā cum prāceptore suo, Diuino nimirum Hippo-
 crate potissimum explicauerit animam vegetalem,
 ac sensitiuam naturalem calorem esse, si ego vali-
 dissimis argumentis huiusmodi dogma verissimū
 esse comprobauero, & cunctis obiectiōibus ab Ari-
 stotele, ac cæteris Philosophis eius sectatoribus ad-
 uersus hanc veritatem adducendis me opposuero,
 nec non calorem, innatum cōfirmauero per seipsum
 omnes efficere operationes, & effectus, qui ab Ari-
 stotele, & alijs Philosophis animę nutrienti & sen-
 tienti assignantur, has deinde, eorum bona pace,
 duas conclusiones elicere potero: Prima erit, Ga-
 lenum magnum sapientem circa humilis animę ef-
 fentiam verum scripsisse, cæterisq; melius sensisse;
 sicq; votum assequar meum, & Phycum celebra-
 tissimum tuebor, lumen artis medendi fulgentis-
 simum; ex quo pleriq; in posterum audaces de illo
 obloqui cauebunt. Secunda erit, quòd argumen-
 to & ratione demonstrante, ab effectu desumpta,
 aperte

apertè probabitur, ac ab omnibus clarè dignosce-
 tur, quod cum non valeat innatus, siue naturalis
 calor intellectus, siue humanæ mentis, rationalisue
 animæ functiones celebrare, neq; componere, aut
 diuidere, aut ratiocinari, vel consequentiam, & re-
 pugnantiam in rebus cernere, sola hominis intelli-
 gentia, & rationalis anima indiuisibilis est, & im-
 mortalis, & non quidem, vt aliæ inferiores faculta-
 tes, è materiæ potentia eduçta, sed à summo rerum
 omnium opifice in cælo creata, & ab eius potentis-
 sima ac munificentissima manu demissa, & in homi-
 nem infusa. Verum quoniam mea hæc speculatio
 non minus difficilis, quàm iucunda & utilis est, vtrq;
 optimè intelligatur, hominem non modo in Me-
 dendi scientia, sed multò magis in naturali Philo-
 sophia, præsertimq; in Logica doctrina exercitatus-
 simum requirit, nullum te ipso in istis disciplinis
 doctiorem, magisq; versatum, & instructum repe-
 riri video. A quo quando mea hæc contemplatio
 fuerit comprobata, rectissimè egisse; voti; compo-
 tem me esse arbitror. Tua siquidem peritia atq;
 præstantia in curandis & arcendis morbis à Sere-
 nissima Republica Veneta, totaq; ciuitate commen-
 data in primis, amplexataq; fuit: Vbi per annos
 plus quam quadraginta communi vniuersæ ciuita-
 tis beneficio, & quasi totius Europe, quæ diuersis
 temporibus, tanquam ad emporium totius orbis ter-
 rarum celebratissimum confluit, summo honore,
 & gloria vitam honestissimam duxisti, & hanc emi-
 nentissimam artem exercuisti. Doctrinam porro
 tuam in studio Sapientiæ, & admirabilem in discer-
 nendo verum à falso præstantiam recensere superua-
 caneum

caneum esse arbitror; cum tua in adolescentia aliquot annos in nostra Academia Patavina duos illos divinos Aristotelis libros posterioriſticos publicè explicaveris confluentibus plurimis auditoribus, qui admirabili ſilentio ex ore tuo pendebant; & tui collegæ alioquin doctiſſimi eſtimati in numero auditorum palmam tibi dabant: Inter quos etſi ceteris omnibus inferior etiam numerandus ſum ego: qui bienſio maxima cum animi voluptate te Ariſtotelem interpretantem audiui. In quorum ultimo ſecundi libri poſteriorum adeo celebris, ac perfectis Philoſophis atq; Medicis adeo utilis, & neceſſarij explicationem percepi. Et, quod plurimum intereſt, & extollendum imprimis, tu, tua illa animi magnitudine ductus, primus Illuſtriſſimos huius Gymnaſij Moderatores, ut in Academia Patavina liber ille publicè explicaretur, hortatus fuiſti. Olim enim per ſecula nunquam niſi primus, fuit explanatus. Hoc & alia ſigna, in ea quaſi videnti ætate cunctis tum legentibus, tum ſtudentibus exhibita; quæ annis graviſoribus, ac maturis à te expectanda erant, oſtendere planè potuerunt. Quod etiam abſq; ullo dubio ſperari optimè poterat, imo certiffimum haberi, cum ex Nobiliſſima Amalthea hominibus doctiſſimis florentiſſima, & olim, & in præſenti, celeberrimis ac ſapientiſſimis viris copioſiſſima familia ſis ortus. Ex qua Ioannes Baptiſta Eques Patrus tuus olim à ſecretis Sanctiſſimi D. N. Pij Quinti ſœlicis memoriæ Pontif. Max. Vir admirabili ingenio, integritate, atq; prudentia præditus; quibus partibus magnopere dilectus, & in numero ſuorum familiarium à Diuo Carolo Borromeo

mao habuisti: eo potissimum tempore, quo etiā
 Iacobus Rudius mihi Patruus, Præhonorarius &
 Abbas Mosacensis intimus suorum domesticorum
 vnus tenebatur. Insuper Parentem Hieronymum
 suā tempestate Poetam, ac celebratissimum Philo-
 sophum habuisti, & arte nostra adeo eminentem,
 vt eo tāquam altero Æsculapio vniuersa Patria no-
 stra Foloiliensis in maximis suis, depellendis mor-
 bis semper quamplurimis annis fructuosissimē vsa
 fuerit. Possim profectō tum alios complures, tum
 potissimum Perillustrem, ac Reuerendissimum A-
 tilium Fratrem tuum, nunc Atheniensem Archiepi-
 scopum commemorare, qui cum sit vir singulari sa-
 pientia, prudentia, & integritate clarus, Pontifi-
 ciji Legationibus sæpius est perfunctus. Sed tum
 illum, tum alios, breuitatis causa, silentio præteri-
 bo. Et his præemij loco prelibatis, ad opus me
 accingo, te obnixè rogans, vt. quo tempore tibi
 otium aliquod suppetit (quod certè breuissimum
 erit) illud libenter, accuratèq; perlegas, moxque
 tum de hac re mihi iudicium tua ingenuitate di-
 gnū proferas.

Animam in viuientium corporibus inesse principium

omnibus notum esse. Cap. I.

CVM autem ex Philosophi, Galeni, & omnium
 sententia quæsitum, An sit, id, quod Quid est,
 præcedere debeat, maximè congruum in hac con-
 templatione sumemus initium, si dicamus, animā
 in nobis existere omnes nouisse. Galenus enim in
 fragmento illo de Substantia Naturalium faculta-

tum

rum tanquam commuticam quandam summptionem,
 siue principium per se notum, huiusmodi enuntiati-
 um accepisse visus est. Cum enim Plato in Timæo
 mundi animam per ipsum totum diffusam affirmas-
 set, & cur Plato in hanc sententiam deueniret, alijs
 in commentarijs nihil ei consentiens aut repugnās
 declarasset, & naturalium rerum contemplationem
 ad probabilitatem, veriq; similitudinem vq; pro-
 gredi eam censeret, hæc statim Galenus subintulit:
 Ego sanē (inquit) stirpes internum aliquod motus
 principium ac vim propria & aliena sentiendi ha-
 bere, verum esse puto: eiusmodi ramen res non in
 tempore proferre magis, quam ille, refugio. Siquis
 autem à me quærat, quid animalia stirpibus præ-
 stent; sensu ego illa præstare, voluntarioq; motu,
 responderem, & item ijs facultatibus, quas modo
 memoraui, attrahendi, expellendi, continendi, &
 immutandi; quas non animales, sed naturales vo-
 co: præsertim cum ex hac re nullum detrimentum
 afferri aut Medicinæ, aut Philosophiæ Morali per-
 spiciam. Cum verò mihi de Naturali parte philo-
 sophiæ Moralis, qualem Plato constituit, mihi est
 necessariò differendum, quædam apertè laudo, illiq;
 assentior: in quibusdam pertractandis ad probabi-
 litatem vsq; progredior, sicuti in quibusdam pror-
 sus dubito, neq; vllum mihi rationis momentum
 in controuersis suppetit, cuius vi alterutrum proba-
 bilius esse videatur: quemadmodum norunt omnes
 animam in nobis esse, quippe qui ea, quæ, dum am-
 bulamus, dum currimus, dum luctamur, varijsq;
 modis sentimus, corpore gerimus, euidenter intueā-
 tur. Præterea verò intelligant, harum actionum
 causam

causam esse aliquam oportere: quod est omnibus hominibus axiomate quodam probato à natura persuasum, ut nihil fieri sine causa intelligamus. Verum, quia harum actionum causa ignoratur, ab ea vi, quam habet ea efficiendi, quæ efficit, nomen est ductum, ut vis singularum, quæ fiunt, rerum effe-
 -ctrix nuncupetur. Ex quibus Galeni dictis aperte patet, animam in nostris esse corporibus, esse commune quoddam principium, ac per se notum. Quod quidem apertius adhuc ex ipso motu in diuersas ac sepe contrarias loci differentias, ab internoq; principio profecto, & in eodem elemento facto, demonstrari potest. Si enim de inanimis corporibus habeatur sermo, hæc profecto ab intrinseco principio, quod in genere causæ non quidem finalis, sed efficientis continetur, non possunt habere nisi vnicam ac simplicem motus differentiam. Quemadmodum enim declarat Philosophus in principio primi de Cælo, cælestia corpora circulari tantummodo latione, quatuor elementa solum recto mouentur motu, quorum duo sursum, reliqua deorsum tantummodo naturaliter feruntur. Quod si ignis & aer circulariter moueantur, id ijs non ab interno, sed ab extrinseco principio contingit, & non secundum eorum naturam; quod etiam de aquæ fluxu, atque refluxu asserendum est. Mixta quoque corpora, sed anima carentia, ab intimo suo principio, suapteq; natura vnico, eoq; simplici mouentur motu, grauius quidem deorsum, leuius, si quæ sunt imperfecte mixta, sursum; quales exhalationes sunt atq; vapores, nisi & hæc quoq; non ab interno motore, sed ab extrinseco & solis calore sursum trahantur.

De horum enim circulari motu nemo dubitat, quin ad motum ignis, vel aeris in gyrum ab extrinseco motore circumducantur. Videmus pariter omnes lapides, atque metalla recto motu suapte natura deorsum tendere: Ferrum autem dum ab Heraclio lapide sursum trahitur, motus hic ei ab extrinseco, & violenter imprimitur. Quod etiam de omnibus corporibus aut projectis, aut impulsis, & quoquo pacto violenter motis est asserendum. Quod si quis obijciat lignum, aut trabem in aere deorsum, in aqua sursum ab interno principio moueri, huic ex iacta hypothesi iam responsum est. Hi enim contrarij motus non in eodem contingunt elemento. Sed si lignum, vel trabs, vel aliud corpus minus densum, in quo aer conclusus copiosus asseruari possit, mergatur in aqua, vi quidem deorsum pellitur, ac deorsum mouetur, ac subinde non ab interno, sed externo violentoq; motore cietur. Ab interno autem motore solam lationem, quæ sursum sit, sortiuntur, propter aerem copiosum in aqua corpus illud suspendentem. Sed in aere manens à partibus terreis ac grauib; deorsum fertur. Animata verò corpora quæcunq; sint, tum in aere, tum in aqua, varijs atq; contrarijs, & horum nonnulla nedum rectis, verum etiam obliquis, & circularibus, artificiosisq; cientur motibus. Quorum obliqui, ac progressiui omnium brutorum communes, artificiosi verò ipsorum hominū proprij censeri debent. Hinc verò patet, cur Plato animam definiens ipsam numerum esse seipsum mouentem dixerit. Et Philosophus 8. physic. tex. 29. dicebat, moueri à seipsis proprium animatorum esse.

Quid

*Quid anima essentia sit apud Galenum, & primum,
quid de hac re senserint antiquiores. Cap. 2.*

CVm itaq; clarissimum sit ex Galeni & omnium auctoritate, animam in nobis esse, sequitur, vt videamus, quidnam de eius essentia siue substantia, siue quidditate idem Galenus senserit. Et vt methodo conuenienti progrediamur, primum Antiquorum opinionem, quam refert Galenus, apponemus Aristotelem imitati, qui & ipse in hac contemplatione prius Antiquorum sententias examinat: Secundò ea loca describemus, in quibus Galenus fateri videtur, se animę essentiam prorsus ignorare: Tercio eius dicta proferemus, in quibus obscurum huius speculationis lumen concipiens assertiuè affirmat, quid anima non sit: Vltimo loco ipsum audiemus dicentem, quidnam arbitratus sit animam esse; qua in re ab Hippocrate præceptore suo nulla ex parte discrepabit. Quibus accuratè enucleatis, nostrum erit, huiuscemodi sententiam exactiùs comprobare, & tandem omnes dubitationes, quæ aduersus Hippocratis, & Galeni mentem afferri possunt, è medio tollere. De Antiquorum igitur opinione sermonē habens Galenus in libro de spermate ante medium, sic ait: Dicunt Ammonius, Democritus, & alij complures, quod ille spiritus (cuius scilicet origo est à corde, & cuius clarior pars ascendit per quasdam arterias ad caput, & ibi se secundariò clarificat per calorem sursum procedentem à corde, & clarificatus vadit per duas arterias in nervos, qui sunt harmonia trium ventriculorum ca-

pitis vsq; ad animam, cui ex nimia subtilitate sui connexa est anima) dicunt, inquam, quod ille spiritus est corporeus; & idem ipse est anima, hac ratione, quod ministrando phantasiam sensibus, & sensus corpori, findens se per poros dat corpori sensum; hinc etiam accidentaliter probatur esse, quia harmonia capitis, eo consumpro, necessario trahit alium spiritum per easdem arterias ad nutrimentum animæ: quia si substantialiter inesset, non esset opus alium attrahi. Vnde per hunc & ipsa anima corporea esse probatur. Porphyrius non considerat quidem animam, sed considerat spiritum animatum rationalem, ostendens, spiritum hunc in Isagogis corporeum esse necessarium ad opus animæ; non ipsam animam. Sed Socrates, Plato, Aristoteles, Theodorus Platonicus, & Andronicus Peripateticus, & Porphyrius, & alij complures vnanimiter affirmant, quod nec corporea est, nec lege loci tenetur, nec scinditur: quia cum totum corpus virtute sui illuminet ad quælibet exteriora progressa, non tamen in substantia sua aliquam scissionem patitur: & sicut aer Sole illuminatur, sic corpus anima: & sicut aer per Solis lumen primam omnium rerum confert oculis intelligentiam: sic anima corporis harmoniæ per spiritualem suæ sapientiæ lucem, & primam, & secundam intelligentiam confert: Et sicut lux Solis, quæ incorporea est, suum complens effectum, nullam patitur diuisionem; sic & anima: Sicut etiam lumen Solis, quod incorporeum est, separatur ab aere, & ab omni intelligentia oculorum sine corruptione; sic anima, quæ incorporea est, separatur sine corruptione à corpore. Empernomos

Philo-

Philosophus dicit, non esse mirum, Animam, quæ est substantia incorporea, posse separari à corpore, cum ignis, qui est substantia corporea, possit separari à lignis, quibus est iunctus, & reuerti in primam, & propriam naturam sine sui corruptione, sicut etiã Solis lumen illustrandum hominibus sola vi ytitur sua, non indigens vi alterius, quæ attrahat quasi ad complementum prioris virtutis; sic & anima. Et hæc de Antiquorum dictis à Galeno de animæ quidditate exaratis nunc satis erunt. Nam alia plura in explanatione eorum, quæ reliqua sunt, aperta fient. Quæ quidem per se adeo clara sunt, vt nulla fere indigeant declaratione. Nam harmoniæ nomine ipsos complexionem, siue temperamentum intellexisse patet. Sicut, dum aiunt aerem per Solis lumen primam omnium rerum oculis conferre intelligentiam, per hanc non nisi sensationem, seu cognitionem sensitiuam intelligi voluerunt. Verum, quoniam huiusmodi Antiquorum sententia maxima consideratione digna est, antequam ad vltiora progrediar, mihi liceat in ea aliquantisper immorari, & pulcherrimam quandam in ea contingentem ambiguitatem proferre, & è medio tollere. Tamen si enim liber de Spermate inter spurios Galeni libros connumeretur, nihilominus sententia hæc à Galeno in eo descripta, Antiquorum, & præsertim Aristotelis sententiæ est maximè consentanea; & ea, quæ à me nunc dicentur, ad percipiendam Galeni mentem infra proponendam apprimè facient. Clarissimum est igitur, nedum ex Aristot. verum etiam ex Platone, Galeno, & alijs omnibus, animam nobiscum copulari aliquo principio mediante, quod
 ipsius

ipſius vitæ ſons, & origo ſit. Quod quidem licet apud Ariſtotelem vnum ſit; apud Platonem, & Galenum multiplex: nihilominus omnes tum Philoſophi, tum Medici in hoc conſentiunt, cor innati caloris, quem etiam vitalem vocant, primam ſcaturiginem, & focum eſſe. Quo quidem conſeſſo, de neceſſitate ſequitur cor eſſe vitę principium atq; radicem præcipuam, quemadmodum etiam ex Antiquorum placitis ſtatim ſuprà deſcriptis colligere licet. Siquidem vita, vt docuit Ariſtoteles in libro de mort. & vita, nil aliud eſt, niſi participatio animæ in natiuo calore, & ipſius in eo permanſio: cui veritati ipſe quoq; Galenus adſtipulatur. Nam vniuerſa viuendi ratio in ratione natiui caloris ſita eſt; cuius quidem initium, & ſons cor ab omnibus ſine vlla controuerſia ſtatuitur. Verum ſi veriſſimum quoq; eſt ex Hippocratis, Platonis, Ariſtotelis, & Galeni decretis innatum calorem vel eſſe animam, vt voluit Hippocrates & Galenus, vel animæ proximum, atq; præcipuum, & immediatum inſtrumentum, ſiue vnum, ſiue alterum dicamus, cogimur quoq; de neceſſitate fateri, cor ipſum eſſe totius animæ primam radicem, atq; principium. Abſurdum eſt enim fateri animæ organum in vno principio, animam verò & artificem, qui in proprijs edendis functionibus eodem vtitur inſtrumento, in altero principio radicari. Hæc autem ſententia adeo vera eſt, vt etiam ab ipſis ſacris Theologis, qui in omnibus ſemper veraciſſimi ſunt, fuerit ſuſcepta. Quibus ſic explicatis, remanet, vt dubitationem, quam pollicitus ſum, proponā, quæ nedum in Ariſtotelis, & Theologorum, verum etiam in Platonis,

nis, & Galeni placitis locum habebit. Quæ autem ex his opinionibus firmioribus innitatur fundamentis, & quomodo Platonis, & Galeni sententia, quæ plura principia, & ipsum cerebrum inter ea principalissimum ponere videtur sit intelligenda, nos in primo libro illius operis, quod de naturali & morbosa cordis constitutione inscribitur, exactiùs aperuimus. Dubitatio itaq; erit hæc, quonam pacto anima, quæ, ex Aristotelis, & omnium sententia est tota in toto, ad vnũ primum, & principale membrum, quod, exempli gratia, imò de necessitate, cor est, determinari & contrahi possit. Si enim anima, dicit ingeniosus, ex se determinetur, & contrahatur ad vnum, & primum membrum, non videtur alijs communis, imò sibi repugnare videtur, in alijs esse. Ergo erit in corde tantum, vel vbicunq;, & in quocunq; loco, siue membro, esset anima, in eo pariter esset cor. Quemadmodum homo, quia risibilitatem sui natura sibi vendicat, vbicunq; reperitur, ibi risibile adinuenitur. Hoc tamen falsum est, quia in cerebro reperitur anima, & tamen in cerebro non reperitur cor. Neq; valeret subterfugium, si quis diceret, quod anima alio mediante, & per aliud ad ipsum cor contrahitur: quia tunc cor non esset primum, & principalissimum membrum. Est enim cōtra rationem primi membri, vt per aliud prius in esse constituatur. Huic alioquin arduè, & perdifficili ambiguitati possumus breuiter respondere per ea potissimum principia Aristotelica, quæ a te (Clarissime Compater) adeo exactè, & accuratè olim fuerunt declarata, nimirum dicendo, aliquod primum esse ex Aristotele primo poster. cap. 3. dupliciter dici

ci posse: Vno quidem modo prout significat id quod est adæquatum: altero autem modo, quatenus idem est, quod immediatum; nam primum & immediatum idem sunt, ait Philosophus. Qua stante distinctione, scire expedit, quod nunquam idem est primum primitate (vt clarè loquar) adæquationis, & primum primitate immediationis. Persisto in exemplo ab antiquis superius proposito, & à Galeo descripto. Sol sui natura potest vniuersum aerem siue medium diaphanum illustrare, & est indifferens ad quamcunq; medij partem illustrandam: Nihilominus quia inter plures medij illustrandi partes datur aliquis ordo; nam datur pars Soli propinquior, & pars remotior; ideo, etiam si omnes medij partes simul tempore, & eodem instanti collustrentur à Sole; attramen, si quis querat, quod sit primum à Sole illustratum, an scilicet totum medium, quod plures continet partes, an potius pars Soli propinquior; possumus optimo iure respondere, quod primum illuminatum primitate adæquationis, quod collustranti Soli correspondet, est vniuersum medium, prout omnes partes includit: Primum autem illustratum, quod est immediatè tale; non est vniuersum medium, sed pars Soli propinquior, quia hæc immediatiùs Solis lumine perfunditur, quam pars remotior, & vniuersum medium alioquin diaphanum. Quod igitur exemplo causæ efficientis dictum est, formali causæ, & ipsi animæ facillimè accommodari potest. Nam anima licet vniuersum corpus organicum secundum se totū possit sui natura informare atq; perficere, quia primū perfectibile, & adæquatum est totum corpus organicum;

nicum ; nihilominus quia in totius organici corporis partibus adest ordo originis vel in se, vel in habendo animam, quia primum perficitur cor, deinde aliæ partes, vt rectè inquit Philosophus lib. de generat. animal. cap. 16. Ideo anima & forma hæc non primò & æquè immediatè vniuersum corpus perficit, & informat, sed primò & immediatè cor ; deinde, corde mediante, alias corporis partes. Ex qua distinctione responsio ad argumētum facillè patet. Licet enim anima sui natura determinetur ad esse & subsistendum in corde primitate immeditationis ; non tamen sequitur, quin primitate adæquationis in alijs partibus esse & subsistere possit. At verò idem Galen. in fragmento de substantia natural. facultat. Veterum sententiam de animæ essentia summatim perstringens hunc in modum ait: At qui naturalem, quam vocant, contemplationem pertractarunt, cum alij alia sibi persuaferint, partim facultates quasdam corporis expertes in sensilibus habitare substantijs affirmarunt, partim ipsas substantias pro cuiusq; propria natura agere censuerunt : idq; siue illa natura ex quatuor elementorū temperatione constet, siue ex quapiam primorum corporum coagmentatione, quæ nonnulli indiuidua, nonnulli incompacta, nonnulli partis expertia, nonnulli deniq; ex similibus inter se constata particulis esse dixerunt. Etenim nostram quoque animam alij essentiam quandam corpore vacantē; alij spiritum esse opinati sunt, vt alij ne proprium quidem habere quid, in quo subsistat : sed corporis, substantiæ proprietatem dici, quæ earum rerum, ad quas faciendas apta & nata est, vires habeat :

cum tamē nulla earum propriam habeat naturam, sed substantia sit, quæ dum per se ipsa agit, habere per se, & à se dicitur vires eorum agendorum, quæ vt faciat, est ei natura tributum. Hæc ille. Quibus ex Antiquorum sententia de animæ quidditate, ita Galeno referente, enucleatis, reliquum est, vt ad ea loca, in quibus Galenus de re hac se ambiguum & incertum esse affirmavit, referenda transeamus.

Loca, in quibus Galenus fassus est, se anima essentiam ignorare. Cap. 3.

IN loco itaq; statim suprà citato, & ilicò post verba iam relata, subdit Galenus, Ego verò (inquit) inter hos medium quendam ordinem sequor: Cum enim de ceteris decretis absolutè pronunciem, partim, quòd in eis, quid verum sit, cognorim; partim quod nihil compertum habeam; certè in ijs, quorum nuper memini, ad probabilitatem vsq; progredior, esse nimirum satius existimans, vt à me cognita sunt, quod facere in alijs consueui, ita de eis efferre sententiam: neq; mihi, aliorum more, persuadeo, me certa cognitione præditum esse eorum, quorum certam demonstrationem non habeam. Itaq; de ijs dicam omnibus, quorum cognitio neque ad medicinam corporis, neq; ad morales animi virtutes excolendas est necessaria; magnum tamen afferent ornamentum, si ita certò cognita essent, vt quæ in Medicina, Moraliq; philosophia absoluta, perspectaq; sunt: quam ego & vtilem esse, & posse comparari ab ijs omnibus statuo, qui in ea ponere studium voluerint. Qua de re duos ego libros con-

feci.

feci. Nunc, quod pollicitus sum, efficiam, hincq;
exordiar. Aio igitur, me certo scire, omnia corpo-
ra, quæ apud nos sunt, ex quatuor elementorum
temperacione constare: quæ non minutas in parti-
culas infringuntur, vt Empedocli placuit, sed per se
tota temperantur. Vtrum verò corporeæ substan-
tiæ se mutuo totæ permeent, an solæ qualitates hoc
munere fungantur, neq; cognitu necessarium sta-
tuo, neq; pronuncio. Probabilius quidem censeo
temperamenta ex qualitatibus confici. An etiam
anima immortalis corporeis admista substantijs,
animalia gubernet, me certo nosse non profiteor: si-
cuti neq;, sitne vlla per se animæ essentia. Hæc Ga-
lenus. In quibus, priusquam ad alias ipsius aucto-
ritates progrediar, mihi liceat gradū aliquantis per-
sistere, & sciōlos istos, vel potius nimium audaces,
qui adeo libenter Galenum ignorantia accusant, ro-
gare, vt relata Galeni verba diligenter expendant,
in quibus ait, se melius esse existimare, quo modo
res sibi cognitæ sunt, ita de eis efferendam esse sen-
tentiam; neq; sibi, aliorum more, persuadere, se cer-
ta cognitione præditum esse eorum, quorum certā
demonstrationem non habeat; & postea mihi re-
spondeant, vtrum deterius, & magis improbandum
sit, nimirum, propriam alicuius rei ignorantiam fa-
teri, vel potius eius, quod penitus ignoratur, scienti-
am profiteri? Illud profecto mihi probitatis, mo-
destiæ, ingenuitatisq; hoc impudentiæ, & perui-
caciæ signum esse videtur. Adhæc, cum Galenus,
vt ex verborum serie iam descripta liquet, de homi-
nis anima iam verba faciat, quid mirum, si de eius
essentia propriam sententiam proferre non audeat;

& tandem de eius immortalitate & vnitatem dubitationem se habere affirmet, cum ab ipso quoque Aristotele diutius dubitatum sit, an animæ possit unica, & ea vniuoca definitio competere, & inter eius expositores tam variæ extiterint sententiæ, quidnam ex Aristotelis dictis atque principiis de eius immortalitate elici possit. Certissimi profecto sumus rationalem animam perennem, à Deo Opt. Max. creatam, & immortalem esse: sed id non ex Aristotelicis, sed firmioribus principiis, & fidei lumine illustrati consequuti sumus; quemadmodum & creationem ipsam naturæ lumen, & Aristotelis ingenium attingere non potuit, & nihilo secius nil certius & clarius, nil firmitus ipsa creatione habemus.

Sed ad aliam Galeni auctoritatem pergamus: Et clarissimam ipsius de animæ substantia sibi incomperta confessionem, seu de rationali dubitationem, in fine libri de foetus in utero formatione expressam hic prætermittentes, & infra commodò loco describentes, conuertamur ad eam, quæ reperitur in libro illo, cuius inscriptio est, Quod animi mores sequantur temperaturam, capit. 3. Hic cum sui præceptoris Platonis opinionem attulisset, in qua Plato tres animæ species ponebat, & unam quidem in iecore, alteram in corde, tertiam in cerebro collocabat: & ex his tribus totius animæ speciebus, ac partibus, immortalem esse eam, quæ in cerebro collocata ratiocinatrix est, asserbat, relictis duabus primis animæ partibus, de huius animæ partis, siue speciei æternitate Galenus ambigens ita scribit: Si igitur pars, quæ ratiocinatur, animæ species sit, mortalitatis erit: siquidem ipsa quoque est quædam cerebri

tempe-

temperatura, atq; ita omnes animę species, ac partes habebunt suas facultates temperaturę consequentes: talisq; erit animę substantia. Si verò immortalis sit, vt Platoni placet, cur refrigerato vehementer cerebro, aut nimium calfacto, aut siccato, aut humectato separetur, rectè nobiscum ageretur, si Plato, vt alia, quę ad eam pertinent, conscripssisset: nam & mors, vt est proditum à Platone, fit, cum anima separatur à corpore. Cur autem ipsam à corpore seiungat copiosa sanguinis euacuatio, & cicuta epota, & æstuosa febris, profecto si in hac lucis vsura Plato versaretur, ab eo perdiscendum omnino censerem. Sed quia ille desiit esse in humanis, & nemo è Platoniceis Doctoribus causam vllam medocuit, cur ijs de causis, quas memorauimus, anima à corpore seiungi cogatur, equidem non omnem corporis speciem ad animam rationis participem suscipiendam aptam esse ausim affirmare. Hoc enim esse Platonis de anima sententię consentaneum intueor: de eo tamen nullam habeo, quam asseram, demonstrationem; quòd, animę substantia qualis nam sit, ignorem: cum eam genere eorum, quę corporis expertia sunt, contineri statuerimus: Video enim in corporibus cum mirum in modum inter se diuersas, tum verò permultas temperaturas: At incorporeę substantię, quę constare per se ipsa possit, non sit autem qualitas, aut forma corporis, certè quamuis sæpe meditatus sim, diligenterq; peruestigarim, tamen nullam eius differētiā perspicio. Sed nec animo concipio, qui fiat, vt cum nulla pars corporis sit, in totum pertinere corpus queat. Atq; horum quicquam ne cogitatione quidem comple-

Et potui, quamuis sim diu, multumq; meditatus.
 Illud verò euidens, perspicuumq; esse noui, sangui-
 nis euacuatione, cicuræq; potione corpus refrigera-
 ri: vehementi feбри nimium calefieri. Idem etiam
 iterabo, cur refrigeratum, aut excaľactum corpus
 anima prorsus deferat, cum longo studio quęsierim,
 non inuenisse: sicut neq; cur, cum flaua bilis in ce-
 rebro redundat, dementiam; cum atra, melancho-
 liam gignat. Itemq; cur pituita, & quę refrigeran-
 di vim habent, veterni causę sint, à quo memoria,
 intelligentiaq; læduntur. Cur etiam cicuta epota
 eam insaniam pariat, quam Gręci nomine ducto
 ab eo affectu, quo affici ab ipsa corpus video, *κα-
τατρον* vocant: vini autem potus omnes sollicitudi-
 nes ac molestias aperte leniat. Hęc ipse. In qua
 etiam auctoritate liquido constat, eum, dum ait,
 animę substantiam se ignorare, de parte ratiocina-
 trice verba facere, vti etiam in alia superiori loco
 citata verborum serie, semper de eadem sermonem
 habuit. Insuper ex his verbis mirari lubet Gale-
 ni diligentiam; animiq; magnitudinem in rebus
 arduis, ac difficillimis peruestigandis ac dijudican-
 dis, cum dicat, se rem huiusmodi sæpe meditatam
 esse, diligenterq; peruestigasse, & nihilo secius nul-
 lam huius animę substantię differentiam perspicere
 re potuisse, nec animo concipere; quò pacto, cum
 nulla corporis pars sit, in totum pertinere corpus
 queat: atq; horum quicquam ne cogitatione qui-
 dem complecti potuisse, quamuis diu, multumque
 fuerit meditatus. Vnde ab eo discant illi, qui adeo
 facile de rebus obscuris inconsideratè, & extemplo
 serè suam efferunt sententiam. Ex hoc quoque non
 leue

leue argumentum ratiocinatricis animæ immortalitatis elicimus. Cum enim Galenus adeo perspicax, adeo admirabili præditus ingenio, & adeo in Logica facultate, & Peripaterica doctrina, & in alijs omnibus disciplinis versatus, etiamsi diu multumq; meditatus sit, nullis omnino parcens laboribus, & assiduis contemplationibus animæ nostræ substantiam atq; naturam assequi non potuerit, signum euentissimum est, ipsum hanc eandem animam, siue animę partem aut speciem neque corpoream, & materialem, neq; subinde mortalem agnouisse. Si enim talem agnouisset, quemadmodum de alijs duabus speciebus (quarum vna in iecore, altera in corde sita est, verba faciens, eas vnà cum Platone in morte corrumpi dixerat, & subinde illas harum partium vel temperamentum esse, vel ex earum temperamento resultare, vel idem temperamentum consequi, affirmauerat; ita quoq; de anima rationis particeps absolutè pronūciasset, ipsam morte corrumpi, & proinde cerebri temperamentum esse, vel ex eo prodire, vel suam facultatem illud idē temperamentum consequi, subindeq; talem esse animæ substantiam tradidisset. Nihilominus ipse clare rem hanc sub dubio relinquit per hæc verba dum ait: Si verò immortalis sit, vt Platoni placet: Et quamuis aduersus Platonis placitum afferat instantiam, inquit, neq; Platonem, dum vixit, neque aliquem ex Platonicijs vnquam declarasse, cur scilicet refrigerato vehementer cerebro, aut nimium calfacto, aut exiccato, aut humectato separetur, aut cur ipsam à corpore seiungat larga sanguinis euacuatio, & cicuta epota, & æstuosa febris; attamen huic instantiæ

instantiæ ipsemet videtur occurrere, dum statim subdit, se audere affirmare non omnem corporis speciem ad animam rationis participem suscipiendam aptam esse, quod etiam Platonis de anima sententiæ consentaneum esse ait. & ilicò post addit, de hoc nullam se habere, quam afferat, demonstrationem, eò, quòd animæ substantia qualisnam sit, ignoret. Peripatetici verò Aristotelis lectatores huic Galeni obiectioni faciliè respondent, dum aiunt, rationale animam neq; corpoream, neq; organicam quidem esse, sed nihilominus, aliquò, quod in corpore existat, & organicum sit, ad proprium obeundum munus indigere. Quo quidem vnà cum cerebri (in quo tanquam in proprio organo residet) & totius corporis, ac cordis potissimum naturali ac propria temperatura pereunte, necesse quoq; est, vt rationalis anima à propria cesset operatione, & à corpore ipso separetur. Hæc obiter. Nunc ad alium Galeni locum me transfero, è quinto scil. de simplic. medicam. facult. cap. 9. in quo de animæ substantia dubitare se ait. Cum enim de pus mouentibus pertractaret, quæ quidem innatum calorem penes copiam augere debent, Verū nihil prohibet (inquit) sanguineam substantiam simulq; seminalem vnà cum spiritu calidum inaudire innatum. Ac Stoici quidem hunc ipsum spiritum animæ esse substantiā autumant. Nos sanè de animæ substantia non admodum pronunciare quippiam audemus, & ad præsens superuacaneum arbitramur. Quanquam nos iam ante spiritum innatum, etiamsi non sit animæ essentia, saltem primum eius instrumentum esse, commentarijs de Hippocratis, Platonisq; placitis demon-

demonstrauimus: & certè dicimus eum spiritum in omnibus animatis contineri partibus, sed non vndiq; esse sui similem, veluti nec sanguinem esse necesse. Quam sententiam de hominis anima prout rationis participem comprehendit, fuisse prolatam, clarissimum est. Cum enim humanum corpus in vniuersa rerum sublunari natura, vt idem Gale. 2. de Temper. docet, sit symmetron, siue eucraton, & exactè medium, ac temperatissimum, pus mouentia, qualia in hoc loco proponuntur à Galeno, vt, aqua temperata, hydrelæon, triticea farina, oleum temperatum, & panis ipse triticeus, sunt & dicuntur temperata in relatione ad humanum corpus, & illud quidem temperatum, ac subinde calorem humano calori penes gradum quàm simillimum nata sunt, ac subinde nostrum insitum calorem non penes gradum, sed penes copiam & quantitatem potius adaugent. Hæc sunt potiora loca (vt alia nonnulla prætermittamus) in quibus Galenus animæ substantiæ cognitionem dubiam reliquisse videtur. Nisi velimus his, quæ dicta sunt, Nemesij in lib. de Anima, cap. 2. testimonium adiungere: qui clarè inquit, quod Galenus de hac re nihil quidem pronunciat; sed testatur in libro de Demonstratione, se nihil de anima affirmasse; attamen, quæ dicit, de clarant, eum magis probare animam esse temperamentum, vtpote cum morum differentia temperamentum sequatur: quod ex Hippocratis dictis affirmare nititur. In hanc autem sententiam probabilitè inclinare Galenus potest, quia tunc ex tribus animæ speciebus, quas ipse vocat, ad duas illas, quæ ex mente quoq; Platonis corrumpuntur, respexit.

Quod hoc sit verum hæc formalia verba statim subdit Nemefius : Verum, si ita est, certe etiam mortalem eam opinatur, non tamen omnem, sed eam tantum, quæ rationis est expertus. Nam de rationis particeps addubitat his quidem verbis. quid clarius ? Nos vero libros quatuordecim Galeni, de de monstratione confectos, quorum ille tum in catalogo suorum librorum, tum in alijs suæ Medicinæ locis sæpius meminit, nunquā vidimus : quia ad nos (quemadmodum tu quoq; melius nosti, Clarissime Compater) siue temporis, siue ignis iniuria id factum sit, non peruenerunt, etiam si ab omnibus mirum in modum desiderentur. Hæc igitur, si verissima sunt, & si ex vna parte Socrates, Plato, Simplicius, & alij veteres, & inter recentiores D. Thomas fulgidissimum illud Philosophiæ ac sacræ Theologiæ lumen, & infiniti ferè alij, præclarissimi Philosophi & Medici rationalem animam eternam esse censuerunt ; Alexander Aphrodisæus Aristotelicis magis principijs, quam rationi additus eā corruptibilem sustinere conatus est, Auerroës autem ipsam quidem immortalem, sed (vt infinitum actu euitaret) vnicam eandem esse somniavit ; quid mirum, si Galenus ingenuitate & singulari modestia præditus nihil certi de eius natura est ausus affirmare ? Desinant itaq; posthac isti obtrectatores Galenum deridere & criminari, & ipsum in lib. 2. de motu musculorum cap. 5. ita loquentem, vel potius aduersus pertinaces & audaces protestantem, audiant : Qui igitur euidentibus fidem abrogat, sensus est expertus : qui verò de dubijs promptè pronunciat, temerarius est : qui autem propter obscuritatem,

tem, quæ in his inest, quæ etiam clara sunt, habet suspecta, de numero eorum est, qui dubitationibus oblectantur: porro, qui non modo suspecta habet, verum etiam, quæ clara sunt, propter obscuritatem dubiorum, studet euertere, extremè fatuus est. Hæc autem verba consulto descripsi, ut cuidam tacitæ obiectioni pro Galeno respondeam, & huic capiti finem imponam. Cum artis Medicæ subiecta materia, circa quam versatur sanitas, & in ea aut conservatur, aut deperdita recuperatur, sit humanum corpus, huius autem forma sit anima, forma verò vnum ex naturalibus ipsius principijs existat, aliquis posset Galenum carpere, & Medicinæ scientiā ab eo traditam infringere, atque damnare dicendo, quòd principijs rerum ignoratis, earundem passionum ab iisdem principijs fluentes ignorari necesse est. Sed huic tacitæ obiectioni oculatissimus Galenus respondet in libro, siue fragmento de substantia facultatum naturalium, dum sic ait: Quamobrem scire, quænam sit animæ essentia, neque ad morbos curandos, neque ad valetudinem tuendam est necessarium. Sicut neque ad Philosophiam moralem, & civilem, quæque in actione versatur. Quam conclusionem Galenus ex his, quæ tum paulo supra, tum in libello, qui inscribitur, Quod animi mores sequantur corporis temperaturam, dicta fuerant, optimo iure colligere potuit. Illud enim (dicebat paulo superius) mihi perspicuum videtur, licet foris anima in hæc corpora commigret, eam tamen eorum obnoxiam esse naturis, quæ, ut dixi, sunt ex quadam elementorum temperatione cōflata. Atque hinc nullum rei Medicæ inuestum iri detrimentum

puto, quamuis animorum immigratio, remigratioq; ignoretur. Corpus autem, quod animam suscepturn est, esse ad id accommodatum debet, ut, cum magnam in temperamento alterationem subit, anima protinus exeat: nimirum, ubi in sanguinis euacuationibus, ac refrigerantium medicamentorum potionibus mirum in modum refrigeratur: & cum aer circumfluus vellementer frigidus sit, aut supra modum exalfectus, & in febribus, & flammæ inspiratu, vel medicamentorum nimium calfacientium haustu. Neq; solum animam à corpore secerni videmus, cum illius hoc modo alteretur temperatio, sed etiam cum respiratio omnino sublata sit: siquidem eo quoq; tempore quædam in corpore fit alteratio. At bona corporis temperatione, quæ ei natura tributa est, conseruata, posse ab eo disiungi animam, mihi sanè intelligere non videor. Quocirca, si in memoriam reuocemus eius dicta superius relata, dum dicebat, quod qui propter obscuritatem, quæ in rebus inest, etiam, quæ clara sunt, habet suspecta, dubitationibus delectatur, & qui non modo suspecta habet, verum etiam, quæ clara sunt, propter obscuritatem dubiorum, studet euertere, extremè fatuus est; cogimur Galeni placitis prorsus acquiescere, & pro certo habere, ex animæ essentia ignorance Artem Medicam nullum posse detrimentum pati. Sufficit enim scire, quod anima si non corporis sit temperatura, saltem naturali ipsius temperatura opus habet, ut corpori copuletur.

*Animam non esse spiritum, ut Stoici opinabantur,
et Galeni auctoritas probatur. Cap. 4. in lib.
de Hippias auctoritate inchoat. in lib. de Hippocratis
auctoritate inchoat.*

DV O apud Philosophos cognitione, ac scitu ob-
scurissima, ac difficillima sunt: vnum quidem
propter supremum & eminentissimum entitatis gra-
dum; qualis est Deus Opto Max. alterum propter
infimum, & ignobilissimum, cuiusmodi est prima
Materia. Quocirca a Philosopho per negationem
definiuntur, aut potius circumferibuntur. Satis etiā
obscura, & scitu perdifficilis est anima nostra, non
quidem propter sui ignobilitatem, sed potius pro-
pter insignem sui eminentiam, cum mens humana
in substantiarum abstractarum genere collocetur.
Quamobrem non erit ab re, si prius illam cogniti-
onem, quam de ipsa per negationem habuit Gale-
nus, proferamus. Et quoniam Stoici ipsam esse
corpoream, & de genere tenuissimę, ac proinde spi-
rituosę substantię arbitrati sunt, ideo Galenus plu-
ribus in locis eorū sententiam refellit. Vnum por-
rō Galeni locum superius retulimus ex quinto vide-
licet simpl. pharvacorum, cap. 9. dum hæc scribe-
bat: Verum nihil prohibet (inquiēs) sanguineam
substantiam, simulque seminalem vnā cum spiritu
calidum inaudire innatum. Ac Stoici quidem
hunc ipsum spiritum animę esse substantiam putāt.
Quamquam nos iam ante spiritum innatum, etiā si
non sit animę essentia, saltem primum eius instru-
mentum esse in lib. de Hipp. & Platon. placitis de-
monstrauimus. In quibus Galeni verbis, ne iunior
aliquis decipiatur, debet animaduertere, Galenū,
dum

dum ait, sanguineam, & seminalem substantiã vnã cum spiritu posse esse calidum innatum, accipere huiuscemodi innatum calidum in concreto, & subinde substantiam quandam corpoream calore affectã intelligere. Quoniam, vt post apparebit, si accipiamus calorem, siue caliditatem innatam in abstracto, quæ non thermi, sed thermasie nomine à Græcis dicitur, huiuscemodi calor in abstracto sumptus à Galeno animæ substantia statuitur; cuius vehiculum; & primum instrumentum ipsum spiritum esse voluit. Sed ad alium locum accedo, quem idem Galenus in citata adduxit auctoritate. Est autem in lib. 7. de Hippoc. & Platon. decretis, cap. 3. post medium, in quo hæc ad vnguem scripta reliquit: Rectius verò erit (inquit ille) si existimemus in ipso cerebri corpore habitaculum animæ esse, qualiscunq; substantia eius fuerit. non enim hoc consideramus, sed primum ipsius instrumentum ad sensus omnes, & item ad motus, qui ex appetitione fiunt, hunc esse spiritum: vnde fiat, vt exinanitus animal minimè vita priuet, sed stupidum, sensu, moruq; erepto, tantisper reddat, quoad rursus collectus restituatur. At si spiritus animæ substantia esset, fieri nullo modo posset, quin simul atq; ipse esset euacuatus, continuo quoq; animal interiret. Cōsonum igitur rationi est, spiritum hunc in cerebri ventriculis oriri, atq; idcirco eò coire & arteriarũ, & venarum non paruam multitudinem, ex quibus scilicet plexus illi existunt, qui choroides à secundarum similitudine vocantur. Atq; ipsum primum esse, vt dixi, animæ instrumentum. Magis quoq; in eam sententiam inducereris, vt crederes spiritũ hunc

hunc ibi generari valis, ac præcipuè arterijs ipsum in cerebri cauas expirantibus, si reticularem contextum animaduerteres: qui ex ijs, quæ in caput pertinent, arterijs conficitur, cum primum caluariam transgressæ ad ipsam cerebri basim concurrerint. Ibi enim natura locum minime angustum, quasi cauernulam quandam à crassiore cerebri membrana circumdatam, reticulari illi texturæ præparauit. In quem locum ab arterijs, quæ soporariæ dicuntur, non parua quedam portio, vno scilicet ex vtraque parte ramo promisso, peruenit. Quæ postea in multiplicem sobolem discissæ retis formam cancellatis fibris conficiunt: neq; eam simplicem, sed præterquam quòd connectuntur inter sese omnes, ac coeunt, multæ sunt miro quodam modo sibi mutua perplexitate superiectæ: & rursus ex hac textura tam magnum arteriarum par exoriens, quantum id erat, quod a principio è soporarijs processerat, in cerebrum ingreditur, & cum alias eius partes, tum ventriculorum ambages multis ramulorum implicationibus innectit. Spiritus igitur, qui in arterijs continetur, vitalis, & est, & dicitur: qui in cerebro animalis, non quod substantia animæ sit; sed quod primum est eius ibi habitantis instrumentum; qualiscunq; substantia postea fuerit; sicut verò vitalis spiritus & in arterijs & in corde gignitur, materia generationis ex inspiratione, & humorum exhalatione sumpta: ita animalis ex vitali perfectiùs concocto oritur. Quippe cum oporteret ipsum exquisitis finem omnium immutationem adipisci. Nam si natura & semen & lac cum velit exactè conficere, quamuis animali spiritu sint potestate longè inferiora,

riora, diuturnam illis in instrumentis concoctionis moram machinata est: & idcirco semini, testibus annexum anfractum, lacti vasorum ad mammas tendentium longinquitatem præparauit; merito etiam hic cum in cerebro è vitali spiritu animale efficeret studeat, reticularem hunc contextum, quasi varium quendam labyrinthum iuxta cerebrum fabricauit. Hoc itaq; idem membrorum ipsa fabrica præ se ferente, didicimus spiritum hunc animale neq; substantiam animæ, neq; domiciliū eius, sed primum tantum instrumentum esse: eò quòd, cum ex vulneratione fuerit euacuatus, ilicò animal quasi mortuum collabitur: cum iterum colligitur, reuiuiscit. Hanc Galeni sententiam quadantenus prolixam, data opera per singula verba transcribere operæ pretium duxi, & quia maximi sunt momenti ad id, quòd intendimus, inferius probandum, & quia nonnulla continent, quæ declaratione digna sunt, & nisi rectius intelligantur, non exiguas ambiguitates parerent. Primum, quòd noto, illud est, quòd dum ait in cerebri corpore animæ habitaculum esse, id non de quacunq; animæ parte audire debemus, sed de ea solum, quæ sensus & motus principium est, aut etiam ratiocinandi facultatem habet. Nam de irascibili & concupiscibili animæ parte nullam vnquam dubitationem habuit Galenus, quin in corde & iecore tanquam in suis principijs subsistant. Secundo dum ipse ait, huius animæ primum instrumentum ad sensus omnes, item ad motus, qui ex appetitione fiunt, esse spiritum animale ab eo vocatum, & hunc eundem spiritum non posse esse animæ substantiam, vt Stoici arbitrati sunt, eò quia

quia spiritus hic exinanitus animal solummodo sensu & motu priuat, non tamen interimit, & ex toto vita priuat, quia si rursus spiritus hic refarciatur, sensus & motus redit, & animal, quod stupidum erat, veluti reuiuiscit, hoc, inquam, argumentum efficacissimum est ad demonstrandum contra Stoicos, animale spiritum non esse animæ substantiam. Sed dum in fine ait hunc eundem spiritum non posse esse eiusdem animæ domicilium, sed solum primum ipsius instrumentum, eò quòd, cum ex vulneratione fuerit euacuatus, ilicò animal quasi mortuū collabitur, cum iterum talis spiritus colligitur, reuiuiscit, huiuscemodi enunciatum de animali spiritu, ac potissimum de illo, qui in cerebri ventriculis continetur, intelligi debet. Fieri siquidem potest, ut hoc exinanito atq; deperdito, ille, qui per cerebri substantiam, & porositates disseminatus est, superstes remaneat, sed tamen anima sensus, & motus munere fungi non possit, eò quia & spinalis medullæ principium, & sensoria organa rãquam riuuli, à spiritu, qui in cerebri ventriculis subsistit, irrigari, aut etiã irradiari non possint. Quinimò etiam si ille, qui per cerebri substantiam disseminatur, vnà cum eo, qui in eius cavitatibus est, depercat, attamen si ille spiritus, qui in cerebri arterijs existit (& vitalis, non autem animalis, à Galeno vocatur) seruetur, ut clariùs post ostendimus, animal potest non interire, & ad pristinas animales functiones obeundas redire. Quocirca non debet quis arbitrari ex hac Galeni auctoritate animæ domicilium, ac primam sedem, siue subiectum non posse esse spiritum cuiuscunq; sit generis: quin etiam si spiritus, & substan-

tia impetens viuere non dicatur, sed partes ipsæ continentes ac solidæ sint illæ, quæ vita frui dicuntur, & animate sunt: Nihilominus anima sui natura incorporea huic nostro crasso corpori vniri & alligari non potest, nisi tenuissima corporea substantia, quales spiritus sunt, mediante; & subinde primum animæ contubernium, domicilium, atq; subiectum sunt spiritus. Sed animales dicti sunt primum animæ sentientis organum, sine quo ipsa operari non valet; vitales verò, qui in corde gignuntur, & conseruantur, & in eius substantia fixi sunt, & ab eo per totum corpus distribuuntur, & influentem calorem secum vehunt, sunt animæ prima radix ac fundamentum, in quo principaliter subsistit, quemadmodum infra in proprio de innato calore sermone aperiemus: Et ad hoc, vt animal in vita seruetur, sufficit, vt ij superstites maneant. Tertia animaduersio (cui, Octauii præstantissime, vt animum intendas, rogo) est circa illa Galeni verba, dum ait, quòd animalis spiritus ex vitali perfectius concocto oritur. In quibus per concoctionem non debemus accipere propriè dictam concoctionem, sed potius metaphoricam. Quod probò, quia spiritus animalis ex vitali per vltiorem concoctionem gigni nequaquam potest, siue per concoctionem eam, quæ talis maximè propriè dicitur, siue eam, quæ magis propriè assimilatio vocatur. In propria enim obeunda concoctione tria de necessitate concurrunt, nimirum, calor vegetior, tempus idoneum, & incrassatio, quia ex Philosopho 4. Meteor. quæ naturaliter concoquuntur, semper crassiora fiunt. Assimilatio verò nedum tempus

pus aliquod idoneum, & quandam incrassationem siue maiorem consistentiam exigit, verum etiam transmutationem in speciem ipsius, quod nutritur. Sed dum in cerebro ex vitali spiritu, qui in eius arterijs continebatur, animalis fit, nulla prorsus incrassatio concurrit, sed potius separatio aeræ à sanguinea substantia, quæ fit merito illius admirabilis reticularis contextus arteriarum, quæ per oscillâ quædam tenuissima in cerebri ventriculos spirituosam tantum substantiam expirant. Neque calor adest vegetior, & intensior, cum arteriæ ipsæ, & materia quæ in illis continetur, cerebri substantia sit longè calidior. Tempus autem diuturnum ac congruum ad eiusmodi concoctionem non esse necessarium, sed quàm citissimè, & ex tempore fere vitales in animales spiritus migrare ex eo potest demonstrari, quod in syncope animalibus vocatis spiritibus dissipatis, atq; corruptis, statim animal concidit, ac sensu, & motu priuatur; sed dum à syncope reuocatur, ilico sensus, ac motus restituitur, quia ilicò quoque deperditus animalis spiritus restauratur, arterijs nimirum ipsum quàm citissimè cerebro, & eius ventriculis subministrantibus. Quod si contentiosus aliquis diceret in syncope animales spiritus in cerebri substantia, ac sinibus illæsum remanere, sed animæ officia præstare non posse, quia calor innatus cerebri aboletur, eò quia spiritus, & calor, qui in cerebri arterijs erat, syncopis vi ad cor retrahitur, & cerebrum deserit, innatus enim calor in quacunque animæ operatione pernecessarius existit. & hoc efficacius probaret ex eo, quod in lipothymia, propter minorem in cor spirituum vitalium, & innati calo-

ris retractionem, ægrotantes motum quidem deperdunt ac sensum magna ex parte; sed tamen loquuntur, & omnium, quæ contingunt, recordantur: in syncope verò deperditur omnino sensus & motus propter maiorem caloris in cor retractionem, sed nihilominus casus, & accessionis reminiscuntur, quod est signum evidens, animales spiritus per cerebri substantiam disseminatos seruari. Quod si quis, inquam, ita argumentaretur, huic statim obijcere accessionem epilepticam: In qua propter ventriculorum obstructionem, & propter cerebri concussionem & motum præter naturam ob irritationem à praua materia qualitate factam, omnis animalis spiritus, siue in sinibus, siue in porositatibus cerebri subsistat, vnde quaq; corrumpitur, suffocatur & euanescit, quod colligitur ex eo, quod non solū quæcunq; sentiens & mouens facultas omnino aboletur, verum etiam memoria ex toto labefactatur, ut accessionis nullo modo reminiscantur: Nihilominus quamprimum materia, quæ obstructionis ventriculorum & irritationis expultricis cerebri auctor est, extra cerebri ventriculos per os & nares vel alias partes expellitur, tum primum sensus & motus redit, & animal reuiuiscit, quod signum est indubitatum spiritus animales ex vitalibus ferè momento temporis refarciri. Vnde non est huiusmodi vera concoctio, & spiritus animalis vera creatio, sed potius quædam separatio à materia sanguinea, & eorundem spirituum vitalium contemperatio, quæ fit ab ipsius cerebri frigidiori temperamento. Et in hoc sensu intelligendus est Philosophus, dum de usu cerebri loquens, ipsum ait à natura fuisse pro-

creatum;

creatum, vt insignem cordis feruorem contempera-
ret, quod quidem cerebrum cum à corde adeo di-
stet, id non potest præstare, nisi spiritus, qui in cor-
de omnes gignuntur, contemperando. Nam ni-
mius eorum spirituum feruor, sensum, cognitionē,
imaginationem, & alias principes functiones, atq;
prudentiam, peruertere, ac deprauare, & impedire
facillimè potest, quemadmodum in ebrijs, phreni-
ticis, atq; maniacis, ob eximium, & intensum ca-
lorem fieri videmus. Quæ quidem rationes effica-
cissimæ sunt ad probandum, cuiuscunq; animæ ra-
dicem, atq; principium esse cor, in quo spiritus vni-
uersus procreatur, & in eo etiam sentiens facultas
virtualiter continetur, etiam si cerebro, & spiritibus
contemperatis mediantibus, animales vocatas, ac
rectrices functiones expromat, vt in primo libro no-
stro de naturali & morbosa cordis constitutione fu-
sius demonstrauius. Non esse autem huiusmodi
concoctionem illam quam assimilationem vocant,
apertissimum est, quia cerebrum ex sanguine sibi à
iecore per venas numerosissimas demandato, arte-
riosis sanguinis calore mediante, nutritur; non autē
ex spiritu animali dicto, qui in cerebri substantiam
nullatenus assimilatur. Quocirca Galeni exemplū
de sanguinis in lactis, & seminis naturam in vasis se-
minalibus præparantibus dictis, & in venis, quæ
ad mammas tendunt, conuerso, locum non habet;
quia hæc vera assimilatio est, & à vasis seminalibus,
& testium substantia, & à mammarum glandulis,
quæ omnia alba sunt, perficitur. Quare tempus
est, vt ad alias Galeni auctoritates pergamus. Qua-
rum vnā habemus 3. de locis affect. cap. 7. in qua
cuius

eius, quam nunc examinauimus, meminit his ver-
bis : Ex his igitur omnibus rationi consentaneum
est in cerebro hanc affectionem fieri (de epilepsia ei
erat sermo) impediēte humore animalem spiritū,
qui in ventriculis eius continetur, quo minus possit
exire . Porro quamobrem hic spiritus vocetur ani-
malis, aut quæ sit eius potentia , in eis commenta-
rijs, quos de Hippocratis Platonisq; placitis scripsi-
mus, iam demonstratum est . Sanè quum ea, quæ
per dissectiones apparere solent, accuratè considera-
remus, rationi consonum videbatur animam in ce-
rebri corpore sedem obtinere , atq; in ipso & ratio-
nis vim, & sensibilibus imaginum memoriam resi-
dere : ac primum ipsius instrumentum tum in sen-
sibilibus actionibus omnibus, tum in his, quæ à cō-
silio & voluntate prodeunt, spiritum esse, qui in ip-
sius ventriculis, maximèq; in postremo continetur:
quamuis non contemnendus sit medius ventricu-
lus, perinde quasi non nobilissimus sit: Multis enim
rationibus inducitur, vt hunc amplectamur, duos
verò anteriores deferamus . Ex quibus verbis mo-
nemur, vtī superiùs quoq; dictum est, animalem spi-
ritum in ventriculis cerebri contentum, esse quidem
animæ ratiocinantis cognoscentis , atq; mouentis
primum instrumentum, non tamen esse huius ani-
mæ sedem ac domicilium , cum ipsa potius in cere-
bri substantia, siue porositatibus , aut in spiritibus
inibi conclusis , tanquam in proprio, ac peculiari
subiecto ex Galeni decretis subsistat . Idem pari-
ter in sequenti huius operis libro cap. 2. versus finē,
de Caro siue alto sopore sermonem habens, *Quin-*
etiam, inquit , ad vehementes dolores hic affectus
sequitur,

sequitur, concidente scil. robore spiritus animalis. Voco autem sic (vt scitis) id, quod est in cerebri vetriculis primum animæ instrumentum, ad sensum & motum in vniuersas corporis partes transmittendos. Ex quo loco non leue argumentum desumimus, sensum, & motum per neruos & cerebri propages in totum corpus deferri posse per quandam veluti irradiationem, cum velit spiritum, qui in cerebri ventriculis subsistit, esse animæ huius primū instrumentum, & præter opticos nuncupatos neruos, per quos spiritus animalis sensibiliter in oculos deferretur, & perforati sunt, reliqui omnes nerui meatu, quoad sensum, careant. Eandem sententiam protulit Galenus in lib. de renum affectuum cognitione, & medicatione, cap. 3. circa medium, dum apertissimè scriptum reliquit in omni motione naturali sanguinem, & spiritum concurrere, quia sunt naturæ vehicula. Quod si vehicula sunt, ergo spiritus non erit natura, nec animæ substantia. Licet autem liber hic à quibusdam Galeni spurius censeatur, graui tamen alicui auctori adscribi potest, & tū hanc, tum alias sententias Galeno dignas complectitur. Hæc sunt potiora loca, in quibus Galenus apertè statuit, spiritum ipsum animæ essentiam, siue substantiam non esse. Alia, quæ minoris momenti sunt, & ad hæc referuntur, vel ab istis non discrepant, consultò prætermitto.

Animam temperamentum esse quamplurimis Galeni, ac veterum auctoritatibus, & rōnibus doceri. C. 5.

CV^a hucusq; ex Galeni placitis vel nullum, vel prorsus exiguum lumen penes animæ substantiam

tiam consequuti sumus, nunc remanet, vt ad eius rationes, ac themata transeamus, ex quibus si non rationis participis, saltem sentientis, ac nutrientis animæ substantia aliquatenus splendescit, ac effulgere incipit. Is igitur in eo libro, in quo probatur animi mores corporis temperamentum sequi, apertissime affirmat, essentiam animæ quatuor primarum qualitarum, aut etiam quatuor primorum corporum temperaturam esse ac dici posse. Quod quidem decretum non de rationis particeps, sed de ea hominis animæ parte, quæ brutis ac reliquis animatis corporibus communis est, verificari clarissimum esse arbitror, quia de rationali animæ specie loquens semper protestatus est, se eius quidditatem & essentiam ignorare. Tempus est itaque, vt ipsum 3. cap. huius libri ita loquentem attentius audiamus. Quare de ijs animæ partibus (inquit) quæ in corde, iecoreq; sunt, quas in morte corrumpi, Platoni mecum conuenit, primum consideremus. Sed cum ambo hæc viscera propriam sint nata substantiam, quænam ea accuratè sit, nondum peruestigemus; sed ad memoriam reuocemus communem omnium corporum constitutionem. Eam autem è duobus esse constatam principijs ostensum est, ex materia scilicet, & forma, quæ cogitatione quidè sit expers qualitarum, sed tamen quatuor qualitarum, caliditatis, frigiditatis, humiditatis, ac siccitatis, temperiem in se habeat: è quibus sanè qualitatibus æs, ferrum, aurum, caro, nerui, cartilago, pinguedo, omnia denique, quæ Plato primogenita, Aristoteles è particulis inter se similibus conflata nominat, efficiuntur. Quocirca, si Aristoteles ipse hanc speciem

ciem corporis esse animam dicit, querendum est ab eo, aut ab ijs, qui eundem sunt secuti, vtrum speciei nomine formam dictam esse existimare debeamus, vt in organicis corporibus cernimus: an alterum naturalium corporum principium, à quo conditum corpus sit; quòd sensus iudicio ex similibus inter se particulis constat, simplexq; est, neq; organicam compositionem habet: enimuerò alterum naturalium corporum principium respondere, dareq; cogentur: siquidem horum in primis sunt actiones: id quod nos alijs in locis probauimus, & nunc, si opus erit, repetemus. Atqui si omnia huiusmodi corpora ex materia, formaq; constant, vultq; Aristoteles cum quatuor qualitates naturales in materia proueniunt, corpoream temperaturam ex eis effici, certè ipsam formam statui necesse est. Quamobrem animæ essentia erit quodammodo temperatura quatuor siue qualitatum dicas, caliditatis, frigiditatis, humiditatis, & siccitatis; siue corporum, humidi, calidi, frigidi, ac sicci. Facultates autem ex animæ substantia sequi, si inde quoq; actiones proueniunt, probare conuenit. Animam verò affici nedum ex caliditate, & frigiditate, verum etiam ex humiditate, & siccitate, ipsius etiam Platonis testimonio in fine huius capituli, & in subsequenti principio, his verbis, & argumentis probat. Theognis quoq; (ait ille) vinum liberalius haustum esse malum affirmabat: si quis scite id bibat, non malū, sed bonum esse. Ac reuera si moderatè bibas, concoctionem, distributionem, sanguinis ortum, atque alimentum adiuuabit. Sed & animus noster ab eo & mitior, & ardentior redditur, nimirum beneficio

temperaturæ corporis, quam rursus adiuvantibus humoribus efficit, corporis autem temperatura non solum, ut dixi, animæ actiones immutat, sed eam quoq; potest à corpore seiungere. Nam quid aliud dicat is, qui cum, qui refrigerantia calfacientiaq; medicamenta sumpserit, ilico sublatum videat? Huius etiam generis sunt venena terarum. Itaque videmus, quem aspis momorderit, repente mori non secus, quam qui cicutam hauserit: quasi venenum quoq; illius refrigeret. Quare necesse est, ut qui statuunt animam habere propriam essentiam, eam corporis temperaturis servire fateatur: siquidem in eis vis est, ut cogant eam desipere, memoriaq; & intelligentia priuent, efficiantq; ut tristiora, ignaviora, timidioraque, ut in melancholijs apparet, molliatur: quorum sanè contraria habet is, qui moderatè vinum bibit. Subdit autem in principio sequentis capituli, volens probare etiam propter passivas qualitates animam immutari: An igitur animæ facultates à temperatura in calore & frigore immutari possunt, in siccitate verò atq; humore pati nihil possunt? Et tamen huius rei & in medicamentis, & in quotidiano victu habemus documenta complura, quæ percurram omnia, ijs prius in memoriam revocatis, quæ scripta reliquit Plato, cum animam ab humiditate corporea in obliuionem induci vult eorum, quæ prius, quam in corpore esset inclusa cognouisset. Loquitur enim his fere verbis in Timæo, in illo loco, ubi ait, Deos fabricatos esse homines, cum immortalem animam in corpus influens, atque effluens indidissent. Quo quidem in loco clarum est, substantiæ infantium humidita-

tem

tem innuit. Atque deinceps hæc addit: Circuitus autem ipsi in profundum flumen neque tenebant, neq; tenebantur; sed vi ferebantur, atq; ferebant. Itemq; paulo post: Cum enim fluctus inundans, ac defluens largus esset, unde nutrimentum suppeditabatur, multò etiam maior à cuiusq; affectibus afferebatur turbatio. Sed ea rursus percurramus, ut cum post ait: Horum ergo affectuum causa ab initio, cum anima corporis mortalis vinculis includitur, amens sit, cum verò incrementi, alimentiq; riuus parcius fluit, ac circuitus tranquilliore motu iter suum conficiunt, progressuq; temporis sedationes fiunt, tum in figuram naturæ suæ congruam restituantur, & singulorum circuloꝝ directæ conuersiones, eiusdem & alterius naturam rectè discernunt, hominemq; ita institutum prudentē reddunt. Cum ait: Cum verò incrementi, alimentiq; riuus parcius fluit, significat, humiditatem, quam prius esse dementiæ animæ causam affirmavit: perinde ac siccitas ad prudentiam, humiditas ad dementiā animam perducatur. Sed si humiditas dementiam, siccitas prudentiam parit, certè summa siccitas summam prudentiam gignet; mista humiditati tantū perfectę prudentiæ detrahatur, quantum humiditatis assumpserit. Et quod igitur tale erit animalis corpus tam expers humiditatis, quam corpora syderum? Nullum: neq; etiam prope accedet. Ita fit, ut ne mortalis quidem animalis corpus ad summā prudentiam propè accedat; sed omne, ut humiditatis, sic etiam dementiæ particeps est. Itaq; cum animi pars, quæ rationis est particeps, neq; vniuniformē substantiam obtinet, vna cum temperatura corpo-

ris commutatur, quidnam mortalem ipsius partem
 pati existimemus? an videlicet corpori penitus eam
 seruire? an præstat dicere, eam non seruire, sed par-
 tem animæ mortalem corporis esse temperaturam?
 Id enim iam ostendimus. Quare cordis tempera-
 tura iracunda pars animæ est; iecoris ea, quam Pla-
 to concupiscentem, Aristoteles altricem, naturalēq;
 nominat. Postea idem probat Andronici auctori-
 tate, dum addit: Andronicum autem Peripateti-
 cum, qui vt vir liber, & ingenuus, sine circuitione
 animæ essentiam, quænam esset, omnino pronun-
 ciare ausus est, summis orno laudibus, eiusq; ap-
 probo sententiam: Eum enim in alijs etiam ple-
 risq; talem inuenio: Cum verò ait, eam esse tem-
 peraturam, aut facultatem temperaturam conse-
 quentem, quod addidit facultatem reprehendo. si-
 quidem anima facultates multas habet: quippe
 quæ essentia quædam sit, vt rectè statuit Aristote-
 les, qui eam essentiam, quæ ex forma est, esse animā
 enunciauit (etiā si materia quoque essentiæ nomi-
 ne gaudeat) cum nihil aliud præter temperaturam,
 vt paulo ante ostensum est, dici posse videatur. Tā-
 dem ex Stoicorum sententia idem ostendit, dum sta-
 tim subdit: Opinio quoq; Stoicorum eodem essen-
 tiæ genere continetur. Volunt enim animam esse
 spiritum quendam non secus, quam naturam: Na-
 turæ tamen spiritum & humidiorē, & frigidiorē;
 animæ sicciorē & calidiorē statuunt. Ita fit, vt
 hic spiritus sit materia quædam animæ propria; for-
 ma autem, quæ ex materia est, aut temperatura cō-
 sistit, cum aerea, igneaq; essentia cōuenientem mo-
 dum seruat. Quare (concludit ipse) animæ essen-
 tiam

tiam ex quadam aeris, ignisque temperatura de lententia Stolorum constari cognouisti. Infra quoq; cap. 6. ex Platonis pariter sententia probat Galenus, animam a prauo corporis humore lēdi. Cum enim (dicebat Plato) acida, falsaq; pituita, aut amari, biliosq; lucci per corpus vagantes, respirationes extrinsecus non consequuntur, sed intrò pertracti ipsorum halitum intimis animæ valde permiscētes infundunt, tum omnis generis morbos, tum grauiore & leuiore, tum plures & pauciores animæ inuehūnt: quibus ad tres eius sedes perductis, quemcunq; singuli locum obsederint, ibi varias difficultates, & quascunq; animi molestias, ac sæpe etiā audacias, timiditatesq; , ac præterea obliuiones, & hebetudines pariunt. In qua oratione animam in mala quædam incidere propter vitiatos corporis humores planè faterur. Sicut rursum ex habitu corporis eā morbo affici declarat his verbis: Qui multum fluidumq; circa medullam semen habet, quasi arbor, cum nimia fructuum copia grauidata luxuriat, is multis passim affectus doloribus, & in cupiditatibus, earumque foetibus, multiplici iucunditate perfusus, plurima vitæ suæ parte præ maximis voluptatibus, doloribusq; insanit; animumq; ex corporis contagione & ægrum, & insipientem obtinet, nō vt æger, sed pro voluntate sua, vt liber, falso existimatur; re autē vera rerum Veneriarum intemperantia magna ex parte propter habitum vnius generis ossium, vi raritatis, fluidum, ac madidum in corpore, animi morbus effecta est. Mox in capite statim sequenti animam immutari, & affici pro vario corporis temperamento ipsius quoq; Aristotelis

sen-

sententia confirmat. Scripsit enim (ait Galenus) in 2. de part. anim. ad hunc fere modum: Sanguis autem crassior, & calidior maius robur efficit: tenuior verò ac frigidior maiorem vim sentiendi. Eadem differentia in ijs est, quæ sanguini proportionē respondent. Quocirca apes, & alię pleręq; huiusmodi animantes sunt multis sanguine prædijs animantibus natura prudentiores. Inter eas verò, quæ sanguine præditæ sunt, prudentia præstant, quæ frigidum, tenueque sanguinem habent, ijs, quæ contrā affectę sunt. Quæ verò calidum, tenue, syncerumq; habent, optimæ censentur. quippe quæ & fortitudine, & prudentia multum valeant. Quæ res facit, ut ita quoq; pars corporis superior cum inferiore, foemina cum viro, dextra cum eiusdem corporis sinistra dissideat. Ex quibus verbis potest, qui velit, perspicere, animi facultates ex natura sanguinis sequi, esse ab Aristotele pronunciatum. Quā etiam sententiam in eodem libro extulit tum alijs verbis, tum ijs, in quibus sic concludit: Quam ob rem quædam sanguine vacantes animantes prudentia præstant sanguineis quibusdam, quo in numero sunt apes, formicæ, & si quid aliud est generis eiusdem. Quorum autem aqueus sanguis est, timidiora sunt: timor enim refrigerat. Quæ igitur istiusmodi temperaturam in corde habent, his perturbationibus facilius corripiuntur. siquidem aqua frigore condensatur. Quocirca reliqua exanguia sunt sanguineis (ut vno verbo complectar) timidiora. ac metu perterrita motu non cientur, excrementaq; emittunt, ac pleraq; colores suos mutant. At quæ fibras admodum multas, crassasq; habent, ea terrena

na magis, iracundaq; sunt natura; ac proinde furibunda: iracundia autem calorem affert. Mox autē clarē subdit: Quamobrem tauri & apri iracundi, furibundi; sunt: siquidem eorum sanguis est fibrarum plenissimus; ac taurinus quidē celerrimē omnium coit. Quæ cum dixisset, eis hæc subiunxit: Est autē (inquit) consentaneū, ut sanguinea natura causa sit, cur multa adueniant animantibus tum ad mores, tum sensus pertinentia: est enim totius corporis materia: quandoquidem alimentum materia est; sanguis vltimum alimentum censetur. Magnā verò affert differentiam, si calidus & frigidus, & tenuis & crassus, & purus, & turbidus sit. Alia quoq; ad eandem faciendam fidem elici possunt (ut ipse ait) ex eodem Aristotele tum alibi, tum potissimū ex traditis ab Aristotele de ijs signis, quæ, quia naturam, moresq; indicant, physiognomica nominantur. Sed demum in octauo capite, immediatē præallegato subsequenti docet Galenus, animam à corporis temperatura immutari ipsius etiā Diuini Hippocratis testimonio, ita scribens: Hæc sunt, quæ in primo de historia animalium litterarum memoriæ Aristoteles consignauit; quorum sententias hoc loco recitarem, nisi frustra tempus vellem conterere, cum Hippocratem diuinum hominem, & Medicorum, Philosophorumq; omnium Principem huius contemplationis auctorem, & testem adire nobis concedatur. Hippocrates igitur in libro de aere, locis, & aquis, cum de urbibus ad Septentrionem spectantibus loqueretur, scripsit his ferè verbis: tum moribus potius feris, quam mansuetis esse: de his verò, quæ ad Solem Orientem sitæ sunt, agens, inquit,

quit, clara etiam voce præditi homines sunt, & ad iram, & ad intelligentiam promptiores, quam qui Aquilonalem plagam incolunt. Deinde in longū producto de ijs sermone, sic fermè Asiam describit: Atque Asiam plurimum ab Europa differre in natura earum omnium, quæ è terra exoriuntur, itemq; hominum, mea sententiâ est: Siquidè in Asia multò pulchriora, maioraq; nascuntur omnia: Regio quoq; est māsuetior, genusq; hominum benignius. In causa huius rei est anni temporum temperatura. Ait autem temperaturam non modo aliorum, quæ percurrit, sed morum etiam causam esse. Eum verò voluisse temperaturam anni temporum aliâ ab alia in calore, frigore, humore, ac siccitate differre, in libro de elementis à nobis scripto, in libro de natura hominis, & alijs eius operibus comprobauimus. Sed post verba commemorata, idem docens, de regione temperata, à qua hominum quoq; mores ait reddi temperatos, ita scribit: Ea enim neq; admodum à calore exoritur, neq; à squalore, & inopia aquarum resiccatur, neq; à frigore læditur. Deinceps verò subiungit: Ceterum fortitudinem, ærumnarum, laborisq; perpeffionem, & iracundiam his naturis innasci, non est verisimile: sicut neque eiusdem, neque alterius generis perpetui amatores sunt: sed in ijs voluptas dominatur. Pòst addit: Ceterum, quod ad pusillum animum, effœminatq; pettinèt, vt Asiani sint præ Europæ populis maximè imbelles, moribusq; māsuetioribus, anni tempora, quæ non magnas mutationes neq; in frigore, neq; in calore faciunt, sed æqualia permanēt, potissimum in causa sunt. Paulo etiam pòst hæc ait:

ait: Iam ipsos quoq; Asiaticos inter se differre con-
 peries; quod præstantiores alij sint, viliore alij;
 cui rei causa est temporum, vt ante diximus, muta-
 tio. Inferius etiam, cum agitur de his, qui Europã
 incolunt, hæc scribit: Hi enim populi feri, à societa-
 te abhorrentes, atq; animosi sunt natura. Postea
 sic ait: Quicumq; igitur montanã regionem, aspe-
 ram, altam, aquosamq; inhabitant, & apud quos
 temporum mutationes fiunt, eos magnitudine for-
 mæ præstare ceteris, esseq; ad labores perferendos,
 & ad fortitudinem comparatos, atq; etiam à natu-
 ra agrestes, ferosq; procreatos, probabile est. Qui
 verò concauis in locis atq; æstuosis; & vbi pratorũ
 fit copia, habitant, ventosq; calidos plus, quam fri-
 gidos sentiunt, & calidis aquis vtuntur, ij magni ef-
 se non possunt, neq; proceri, sed eis natura compa-
 ratum est, vt ampli, carnosì, & pilis nigris sint, imò
 verò ipsi nigri potius quam albi, minusq; pituitosi,
 quam biliosi existant. Ceterum, vt fortes, grumna-
 rumq; & laboris patientes sint, non ita est eis à na-
 tura tributum, sed lex accedens id efficit. Legem
 verò nominauit in quaq; regione vitę translationē,
 quam etiam victum, & institutionem, & patriam
 consuetudinē appellamus. Et, vt alia eius dicta
 prætereamus, Inuenies enim, subdit, fere & for-
 mas & mores hominum ex natura regionis esse con-
 sequentes. Quinimò alium Hippocratis locum eius-
 dem libri proposuit Galenus, in quo apertissimè de-
 clarauit, non solum mores ex temperaturis sequi tē-
 porum, sed etiam mentis stupiditatem, sicuti etiam
 acumen. Et in 6. de morb. vulgar. scribebat, quod
 quibus arteria in cubito vehementissimum motum

*De naturali cerebri constitutione & quæ principaliter,
& quæ secundario ad actiones animales in eo
edendas concurrunt. Cap. 6.*

HÆc sunt, Clarissime compater, potiora Gale-
ni loca, & quia pulchriora sunt, à me data ope-
ra ad verbum descripta, necnon firmiores compro-
bationes, & argumenta, quibus probare nititur, ani-
mæ substantiam corporis ipsius temperamentum
esse. Potuisssem proculdubio & alias ipsius auctori-
tates in medium asferre, ac potissimum ea, quæ me-
moriæ posteritatis reliquit in libro, siue fragmento
illo, quod de substantia naturalium facultatum in-
scribitur, & ex omnium sententia est Galeni legiti-
mum opus: sed quia alia loca easdem continent sen-
tentias, quas superius exaravi, & illud fragmentum
est quoddam veluti compendium, siue brevis epi-
logus eorum, quæ fusa oratione in proprio libro (ni-
mirum, quod animi mores temperaturam corporis
insequuntur) explicauerat; idcirco, alijs omnibus
posthabitis, hæc sola proferre operæpretium arbi-
tratus sum. Verum quoniam sæpius tum in hoc eo-
dem libro, in quo circa huiusmodi argumentum
principaliter versatur, tum alibi, tum potissimum
in tertio illius percelebris voluminis de locis affe-
ctis, capite septimo de hac eadem re dubiè ac disiu-
ctim loqui videtur, statuitq; animam esse aut tem-
peramentum actiuarum qualitatum, aut ab ipsarū
temperamento alterari, ac nonnunquam scribit,
animæ essentiam aut esse temperaturam, aut rem
quandam temperaturam consequentam, & interdū
clarius

clarius ab ipso temperamento cam oriri affirmat
 Ea propter nostrum munus esse debet, vt quæ ab
 ipso scripta sunt, breuibus, quò fieri possit, ape-
 riamus, & expendamus, & tandem, quid in hac contē-
 platione, quæ pulcherrima est, sentiendum sit, pro-
 feramus. Ex descriptis itaq; superiori capite Gale-
 ni auctoritatibus, & rationibus, clarè constat, ipsū,
 ad probandum, animæ substantiam tempera-
 mentum esse, triplici ratione vsum fuisse, quarum pri-
 ma à priori, vt sic loquar, procedit; secunda à poste-
 riori proficiscitur, & ab ipsarum animæ propieta-
 tum ducitur alteratione, quæ in diuersis tempera-
 mentorum speciebus, ac morbis eadem temperamē-
 ta labefactantibus, atq; ledentibus, animaduerti-
 tur. Tertia maximorum Philosophorum, ac Medi-
 corum, ac potissimum Diuini Hippocratis, Plato-
 nis, Aristotelis, Andronici Peripatetici, & Stoico-
 rum auctoritatibus innititur. Porro circa secundā
 & tertiam probationem nil aliud dicemus, cum ip-
 semet longiori, & claro admodum discursu vtatur,
 & tandem concludat tum in citato libro, tum sexta
 aphorism. com. 23. tum 3. de locis affect. cap. 7. nō
 solum humores ipsos, verum etiam corporis tempe-
 raturam animæ actiones alterare summis Philoso-
 phis, ac Medicis in confesso esse: quod de ipsis quo-
 que morbis longè magis possumus affirmare. Pri-
 mæ autem rationis vis in hoc sita est. Constat a-
 pud omnes quodlibet cōpositum & animatum cor-
 pus in duo hæc principia, materiam videlicet, &
 formam, resolui, secariq; posse: neq; minus liquet,
 animam ipsam corporis animati formam statuen-
 dam esse. Modo siue totum corpus animatum, si-

ris commutatur, quidnam mortalem ipsius partem pati existimemus? an videlicet corpori penitus eam seruire? an præstat dicere, eam non seruire, sed partem animæ mortalem corporis esse temperaturam? Id enim iam ostendimus. Quare cordis temperatura iracunda pars animæ est; iecoris ea, quam Plato concupiscentem, Aristoteles altricem, naturalēq; nominat. Postea idem probat Andronici auctoritate, dum addit: Andronicum autem Peripateticum, qui ut vir liber, & ingenuus, sine circuitione animæ essentiam, quænam esset, omnino pronunciare ausus est, summis orno laudibus, eiusq; approbo sententiam: Eum enim in alijs etiam plerisq; talem inuenio: Cum verò ait, eam esse temperaturam, aut facultatem temperaturam consequentem, quod addidit facultatem reprehendo. siquidem anima facultates multas habet: quippe quæ essentia quædam sit, ut rectè statuit Aristoteles, qui eam essentiam, quæ ex forma est, esse animam enunciauit (etiā si materia quoque essentiæ nomine gaudeat) cum nihil aliud præter temperaturam, ut paulo ante ostensum est, dici posse videatur. Tandem ex Stoicorum sententia idem ostendit, dum statim subdit: Opinio quoq; Stoicorum eodem essentia genere continetur. Volunt enim animam esse spiritum quendam non secus, quam naturam: Naturæ tamen spiritum & humidiores, & frigidiores; animæ sicciorem & calidiores statuunt. Ita fit, ut hic spiritus sit materia quædam animæ propria; forma autem, quæ ex materia est, aut temperatura consistit, cum aerea, igneaq; essentia cōuenientem modum seruat. Quare (concludit ipse) animæ essentiam

tiam ex quadam aeris, ignisque temperatura de sententia Stoicorum conflare cognouisti. Infrā quoq; cap. 6. ex Platonis pariter sententia probat Galēnus, animam a prauo corporis humore lēdi. Cum enim (dicebat Plato) acida, salsaq; pituita, aut amari, biliofiq; succi per corpus vagantes, respirationes extrinsecus non consequuntur, sed intrò pertracti ipsorum halitum intimis animæ valde permiscētes infundunt, tum omnis generis morbos, tum grauiore & leuiore, tum plures & pauciores animæ inuehunt: quibus ad tres eius sedes perductis, quemcunque singuli locum obsederint, ibi varias difficultates, & quasunque animi molestias, ac sæpe etiā audacias, timiditatesq; , ac præterea obliuiones, & hebetudines pariunt. In qua oratione animam in mala quædam incidere propter vitiatos corporis humores planè faterur. Sicut rursum ex habitu corporis eā morbo affici declarat his verbis: Qui multum fluidumq; circa medullam semen habet, quasi arbor, cum nimia fructuum copia grauidata luxuriat, is multis passim affectus doloribus, & in cupiditatibus, earumque foetibus, multiplici iucunditate perfusus, plurima vitæ suæ parte præ maximis voluptatibus, doloribusq; insanit; animumq; ex corporis contagione & ægrum, & insipientem obtrinet, nō vt æger, sed pro voluntate sua, vt liber, falso existimatur; re autē vera rerum Venerearum intemperantia magna ex parte propter habitum vnius generis ossium, vi raritatis, fluidum, ac madidum in corpore, animi morbus effecta est. Mox in capite statim sequenti animam immutari, & affici pro vario corporis temperamento ipsius quoq; Aristotelis sen-

sententia confirmat. Scripsit enim (ait Galenus) in 2. de part. anim. ad hunc fere modum: Sanguis autem crassior, & calidior maius robur efficit: renuior verò ac frigidior maiorem vim sentiendi. Eadem differentia in ijs est, quæ sanguini proportionē respondent. Quocirca apes, & alię pleręq; huiusmodi animantes sunt multis sanguine præditis animantibus natura prudentiores. Inter eas verò, quæ sanguine præditæ sunt, prudentia præstant, quæ frigidum, tenuemque sanguinem habent, ijs, quæ contrā affectę sunt. Quæ verò calidum, tenuem, syncerumq; habent, optimæ censentur. quippe quæ & fortitudine, & prudentia multum valeant. Quæ res facit, ut ita quoq; pars corporis superior cum inferiore, fœmina cum viro, dextra cum eiusdem corporis sinistra dissideat. Ex quibus verbis potest, qui velit, perspicere, animi facultates ex natura sanguinis sequi, esse ab Aristotele pronunciatum. Quæ etiam sententiam in eodem libro extulit tum alijs verbis, tum ijs, in quibus sic concludit: Quam ob rem quædam sanguine vacantes animantes prudentia præstant sanguineis quibusdam, quo in numero sunt apes, formicæ, & si quid aliud est generis eiusdem. Quorum autem aqueus sanguis est, timidiora sunt: timor enim refrigerat. Quæ igitur istiusmodi temperaturam in corde habent, his perturbationibus facilius corripiuntur. siquidem aqua frigore condensatur. Quocirca reliqua exanguia sunt sanguineis (ut vno verbo complectar) timidiora. ac metu perterrita motu non cientur, excrementaq; emittunt, ac pleraq; colores suos mutant. At quæ fibras admodum multas, crassasq; habent, ea terrena

na magis, iracundaq; sunt natura; ac proinde furibunda: iracundia autem calorem affert. Mox autē clarē subdit: Quamobrem tauri & apri iracundi, furibundi; sunt: siquidem eorum sanguis est fibra rum plenissimus; ac taurinus quidē celerrimē omnium coit. Quæ cum dixisset, eis hæc subiunxit: Est autē (inquit) consentaneū, vt sanguinea natura causa sit, cur multa adueniant animantibus tum ad mores, tum sensus pertinentia: est enim totius corporis materia: quandoquidem alimentum materia est; sanguis vltimum alimentum censetur. Magnā verò affert differentiam, si calidus & frigidus, & tenuis & crassus, & purus, & turbidus sit. Alia quoq; ad eandem faciendam fidem elici possunt (vt ipse ait) ex eodem Aristotele tum alibi; tum potissimū ex traditis ab Aristotele de ijs signis, quæ, quia naturam, moresq; indicant, physiognomica nominantur. Sed demum in octauo capite, immediatē præallegato subsequenti docet Galenus, animam a corporis temperatura immutari ipsius etiā Diuini Hippocratis testimonio, ita scribens: Hæc sunt, quæ in primo de historia animalium litterarum memoriæ Aristoteles consignauit; quorum sententias hoc loco recitarem, nisi frustra tempus vellem conterere, cum Hippocratem diuinum hominem, & Medicorum, Philosophorumq; omnium Principem huius contemplationis auctorem, & testem adire nobis concedatur. Hippocrates igitur in libro de aere, locis, & aquis, cum de vrbibus ad Septentrionem spectantibus loqueretur, scripsit his ferè verbis: tum moribus potius feris, quam mansuetis esse: de his verò, quæ ad Solem Orientem sitæ sunt, agens, inquit,

quit, clara etiam voce præditi homines sunt, & ad iram, & ad intelligentiam promptiores, quam qui Aquilonalem plagam incolunt. Deinde in longū producto de ijs sermone, sic fermè Asiam describit: Atque Asiam plurimum ab Europa differre in natura earum omnium, quæ è terra exoriuntur, itemq; hominum, mea sententiâ est: Siquidè in Asia multò pulchriora, maioraq; nascuntur omnia: Regio quoq; est māsuetior, genusq; hominum benignius. In causa huius rei est anni temporum temperatura. Ait autem temperaturam non modo aliorum, quæ percurrit, sed morum etiam causam esse. Eum verò voluisse temperaturam anni temporum aliâ ab alia in calore, frigore, humore, ac siccitate differre, in libro de elementis à nobis scripto, in libro de natura hominis, & alijs eius operibus comprobauimus. Sed post verba commemorata, idem docens, de regione temperata, à qua hominum quoq; mores ait reddi temperatos, ita scribit: Ea enim neq; admodum à calore exoritur, neq; à squalore, & inopia aquarum resiccatur, neq; à frigore læditur. Deinceps verò subiungit: Ceterum fortitudinem, ærumnarum, laborisq; perpeffionem, & iracundiam his naturis innasce, non est verisimile: sicut neque eiusdem, neque alterius generis perpetui amatores sunt: sed in ijs voluptas dominatur. Post addit: Ceterum, quod ad pusillum animum, effoeminatumq; pertinet, vt Asiani sint præ Europæ populis maximè imbelles, moribusq; mansuetioribus, anni tempora, quæ non magnas mutationes neq; in frigore, neq; in calore faciunt, sed æqualia permanēt, potissimum in causa sunt. Paulo etiam post hæc ait:

ait: Iam ipsos quoq; Asiaticos inter se differre con-
peries; quod præstantiores alij sint, viliore alij;
cui rei causa est temporum, vt ante diximus, muta-
tio. Inferius etiam, cum agit de his, qui Europã
incolunt, hæc scribit: Hi enim populi feri, à societa-
te abhorrentes, atq; animosi sunt natura. Postea
sic ait: Quicumq; igitur montanã regionem, aspe-
ram, altam, aquosamq; inhabitant, & apud quos
temporum mutationes fiunt, eos magnitudine for-
mæ præstare ceteris, esseq; ad labores perferendos,
& ad fortitudinem comparatos, atq; etiam à natu-
ra agrestes, ferosq; procreatos, probabile est. Qui
verò concauis in locis atq; æstuosis, & vbi pratorũ
sit copia, habitant, ventosq; calidos plus, quam fri-
gidis sentiunt, & calidis aquis vtuntur, ij magni ef-
se non possunt, neq; proceri, sed eis natura compa-
ratum est, vt ampli, carnosì, & pilis nigris sint, imò
verò ipsi nigri potius quam albi, minusq; pituitosi,
quam biliosi existant. Ceterum, vt fortes, crumna-
rumq; & laboris patientes sint, non ita est eis à na-
tura tributum, sed lex accedens id efficit. Legem
verò nominauit in quaq; regione vitę traductionē,
quam etiam victum, & institutionem, & patriam
consuetudinē appellamus. Et, vt alia eius dicta
prætereamus, Inuenies enim, subdit, fere & for-
mas & mores hominum ex natura regionis esse con-
sequentes. Quinimò alium Hippocratis locum eius-
dem libri proposuit Galenus, in quo apertissimè de-
clarauit, non solum mores ex temperaturis sequi tẽ-
porum, sed etiam mentis stupiditatem, sicuti etiam
acumen. Et in 6. de morb. vulgar. scribebat, quod
quibus arteria in cubito vehementissimum motum

facit, furibundi sunt: propterea, quod hæc arteriæ ob copiam caloris, qui in corde sit, ita pulsent: ac furibundos, iracundosque copia caloris: pigros, graues, quiq; difficulter moueantur, temperaturę frigiditas efficiat. Alia essent Hippocratis loca pro huius Galeni sententię corroboracione adducenda: quæ tamen, ne verborum prolixitatis accuset, data opera præmitto. Sed pro huius dogmatis maiori corroboracione, illud addere mihi sit concessum, quod in quinto capite præallegati libri, Quod animi mores, &c. Galenus scriptum reliquit, dum scilicet, nos docuit, animam ipsam pro corporis quoq; malis affici, ac meliorem, & deteriore quibusdã qualitatibus effici. Quid igitur causæ est (inquit ipse) cur non pauci, qui ad extremam senectutem peruenerunt, delirant; cum hanc ætatem siccam esse probauerimus? Nempe id non ex siccitate, sed ex frigidityte extitisse dicemus, quando hæc omnes animæ actiones apertè lædit. Quanquam autem hæc obiter dicta sunt, tamen cum hoc nobis in præsentia sit propositum, planè docent animi actiones, atque affectus ex corporis temperatura consequi. Nam si anima est forma corporis, quod ex similibus inter se particulis constat, certe ex eius essentia demonstrationem, quæ maximè scientiam gignet, consequemur: Si verò hanc esse immortalem, propriamq; habere naturam, ut Plato voluit, posuerimus, parere tamen, ac seruire corpori, certè illiusmet testimonio comprobatur, tum ob amētiā infantium, delirantiumq; senum, tum eorum, qui, cum medicamenta sumpserūt, aut prauos succos in corpore genitos cumularunt, desipiūt,

aut

LIBER DE ANIMA. 51

aut infaniunt, aut obliuioſi, amentesq; redduntur. Quouſq; enim obliuio, aut amentia, aut motus, ſenſusq; vacuitas ea, quę dicta ſunt, conſequitur, eam, ne ijs facultatibus quicquam agat, quę ei natura attributę ſunt, impediri quis affirmauerit. At, cū cernere ſe putat ea, quę non cernuntur, & audire, quę nemo elocutus eſt, & quidpiam turpe, aut nefandum, aut potius abſurdum efferat, non modo certum indicium eſt, innatas animę facultates eſſe deperditas, ſed etiam cōtrarias eſſe inuectas. Hoc autem magnam adimit toti eſſentię animę ſuſpicionem, ne non incorporea ſit. Quonam enim pacto à corporis ſocietate in contrariam ſui ipſius naturam perducatur, cum neq; qualitas vlla corporis, neq; forma, neq; affectus, neq; facultas exiſtat? Sed hoc miſſum faciamus, ne, quod obiter dicimus, multo prolixius ſit eo opere, quod nobis propoſuimus. Ceterum à corporeis malis vim animę afferri, in melancholijs, infania, & furore euidenter apparet. Vi autem morbi inuentos eſſe, qui neq; ſeipſos, neque familiares noſſent, quod eueniſſe plerisq; Thucydides auctor eſt, & in peſtilentia, quę nō multos ante annos mortales vexauit, quam nos etiam vidimus, perinde eſſe videbitur, ac ſi quis propter ſordes, aut ſuffuſionem non aſpiciat, cum tamen aſpiciendi facultas nullo affecta ſit malo. Ac ſi pro vno tria cernas, maximus erit aſpiciendi facultatis affectus: eritq; infanię non abſimilis.

*De naturali cerebri constitutione & quæ principaliter,
& quæ secundario ad actiones animales in eo
cedendas concurrunt. Cap. 6.*

HÆc sunt, Clarissime compater, potiora Gale-
ni loca, & quia pulchriora sunt, à me data ope-
ra ad verbum descripta, necnon firmiores compro-
bationes, & argumenta, quibus probare nititur, ani-
mæ substantiam corporis ipsius temperamentum
esse. Potuisssem proculdubio & alias ipsius auctori-
tates in medium asferre, ac potissimum ea, quæ me-
morie posteritatis reliquit in libro, siue fragmento
illo, quod de substantia naturalium facultatum in-
scribitur, & ex omnium sententia est Galeni legiti-
mum opus: sed quia alia loca easdem continent sen-
tentias, quas superius exaravi, & illud fragmentum
est quoddam veluti compendium, siue brevis epi-
logus eorum, quæ fusa oratione in proprio libro (ni-
mirum, quod animi mores temperaturam corporis
insequuntur) explicauerat: idcirco, alijs omnibus
posthabitis, hæc sola proferre operæpretium arbi-
tratus sum. Verum quoniam sæpius tum in hoc eo-
dem libro, in quo circa huiusmodi argumentum
principaliter versatur, tum alibi, tum potissimum
in tertio illius percelebris voluminis de locis affe-
ctis, capite septimo de hac eadem re dubiè ac disiu-
ctim loqui videtur, statuitq; animam esse aut tem-
peramentum actiuarum qualitarum, aut ab ipsarū
temperamento alterari, ac nonnunquam scribit,
animæ essentiam aut esse temperaturam, aut rem
quandam temperaturam consequentam, & interdū
clarius

clarius ab ipso temperamento eam oriri affirmar
 Ea propter nostrum munus esse debet, ut quæ ab
 ipso scripta sunt, breuibus, quod fieri possit, ape-
 riamus, & expendamus, & tandem, quid in hac contem-
 platione, quæ pulcherrima est, sentiendum sit, pro-
 feramus. Ex descriptis itaque superiori capite Gale-
 ni auctoritatibus, & rationibus, clarè constat, ipsū,
 ad probandum, animæ substantiam temperamen-
 tum esse, triplici ratione usum fuisse, quarum pri-
 ma à priori, ut sic loquar, procedit; secunda à poste-
 riori proficiscitur, & ab ipsarum animæ propieta-
 tum ducitur alteratione, quæ in diuersis tempera-
 mentorum speciebus, ac morbis eadem temperamē-
 ta labefactantibus, atque ledentibus, animaduerti-
 tur. Tertia maximorum Philosophorum, ac Medi-
 corum, ac potissimum Diuini Hippocratis, Plato-
 nis, Aristotelis, Andronici Peripatetici, & Stoico-
 rum auctoritatibus innititur. Porro circa secundā
 & tertiam probationem nil aliud dicemus, cum ip-
 semet longiori, & claro admodum discursu vtatur,
 & tandem concludat tum in citato libro, tum sexta
 aphorism. com. 23. tum 3. de locis affect. cap. 7. nō
 solum humores ipsos, verum etiam corporis tempe-
 raturam animæ actiones alterare summis Philoso-
 phis, ac Medicis in confesso esse: quod de ipsis quo-
 que morbis longè magis possumus affirmare. Pri-
 mæ autem rationis vis in hoc sita est. Constat ap-
 ud omnes quodlibet cōpositum & animatum cor-
 pus in duo hæc principia, materiam videlicet, &
 formam, resolui, secarique posse: neque minus liquet,
 animam ipsam corporis animati formam statuen-
 dam esse. Modo siue totum corpus animatum, si-

ue aliquod ipsius particulare membrum organicū
seorsim expendamus, ac diuidamus, nihil prorsus
in eo excogitari, & inueniri potest, nisi temperatu-
ra, & quæ hanc necessariò consequuntur, compo-
sitio, & ipsa vnitas, quemadmodum etiam in lib. de
different. morb. idem Galenus docet. Verum neq;
vnitas; neq; compositio, neq; quæ temperaturam
consequuntur qualitates, sunt ex illorum genere;
quibus animæ actiones primum debentur, & à qui-
bus immediatè promanant: Ergo sequitur id, à quo
actiones procedunt, esse temperamentum, & ex con-
sequenti temperamentum animæ substantiam esse.
Vt autem istiusmodi ratio clarior euadat, recurra-
mus ad eundem Galenum primo de Vsu part. cap.
9. & 10. quo in loco sic ait: Vt autem sermo noster
(inquit) methodo procedat, quæ corporibus insunt,
omnia distinguamus. Insunt autem primum, &
maximè temperamenta. quippe quæ propriam par-
ticularum substantiam complent. Corpus enim
tale natura est, propterea, quod caliditate, frigidi-
tate, humiditate, siccitate sic commistum est. Nam
carni esse carnem, & neruo neruum, & aliorum vni-
cuiq; id esse, quod est, ob qualitatū quatuor præ-
dictarum certam quandam temperaturam contin-
git. Hæ igitur eis secundum substantiæ rationem
insunt. Consequuntur autem necessariò odores, sa-
pores, colores, durities, mollities. Alia verò ne-
cessariò accidunt, positio, magnitudo, connexio,
conformatio. Hanc eandem sententiam, sed cla-
rius proponere videtur idem Galenus in libro de
optima nostri corporis constitutione, cap. 1. & 2.
Quo in loco positioni, magnitudini, connexioni, &
con-

conformationi ipsum numerum addit, vti etiam in lib. de differ. morb. eundem numerum proposuit, quia ex his omnibus integra cuiuscunque organi compositio resultat. Quo etiam in loco conformationem in figuram, superficiem, cavitates, atque meatus subdividit. His verò, quæ in primo de Vsu part. cap. 9. scripserat, & statim supra à nobis relata sunt, subiungit: Quoties igitur omnium, quæ organis insunt, vtilitatem diligenter es examinaturus, in primis disquire, per quod actionem nactum fuerit: magna enim ex parte per propriam substantiã inuenies: (& per substantiam temperaturam ipsam intelligit) aliquando autem etiam ob aliquod ex consequentibus (& tunc subaudire debemus non quidem ad compositionem attinentia, sed ea, quæ necessariò substantiam, siue temperamentum consequuntur) quemadmodum in oculis propter colorem (per quem colorem possumus etiam splendore audire, quemadmodum idem docet 1. de symptom. caus. cap. 6.) Deinde (subdit) & aliarum ipsius particularum vtilitatem singulatim disquiras, an scilicet ea propter actionem sit utilis, an propter eorũ aliquid, quæ temperamenta consequuntur: vt os propter duritiem. Post hæc autem vnumquodq; illorum, quæ & totis ipsis organis, & eorum particulis accidunt, consideres. quæ (vt paulo ante dictum est) sunt positio, magnitudo, connexio, conformatio. In capite verò sequenti subiungit, quod vbi inquirere, & examinare in vnaquaq; particula ea quæ inuenta & iam proposita sunt, voluerimus, pro principio inquisitionis debemus ipsius organi actionem habere. Qua cognita, atque perspecta,

scire

scire expedit, inquit ipse, quod in vnoquoq; organo primum reperitur vna pars, quæ principalis est & dicitur, eò quia præcipua actionis pars est, per quam organi actio primò, & principaliter fit. Reliquæ verò vniuersæ particulæ huic parti principali famulantur, ac subseruiunt triplici ratione, videlicet, vel vt melius actio fiat; vel vt causæ sine quibus non potest actio ipsa fieri; vel pro custòdia, & ad tutelam eorum omnium creatæ sunt. Ex his igitur colligimus, quòd, sicuti partes, quæ præcipuæ subseruiunt, ei opitulantur merito còpositionis, cui possumus addere vnitatem ipsam, quia hæc tam in partibus famulantibus, quam in principali concurrunt tanquam causa, sine qua non; ita ipsiusmet partis principalis, cui actio primum debetur, temperatura, vel quæ ipsam necessariò consequuntur, sunt illa, à quibus actio ipsa immediatè, & principaliter proficiscitur, quæue necessariò accidunt, & ad còpositionem attinent, vt nùmerus, magnitudo, positio, connexio, & conformatio, concurrunt triplici modo iam declarato, nimirum, vel vt actio melius fiat, vel tanquam causæ sine qua fieri nequit, vel ad partium securitatem. Quibus sic positis, primam Galeni rationem intimius expendamus, & vsq; ad viuum, vt aiunt, refecemus, & quia ipse in toto illo libro, quod animi mores corpòris temperaturam sequuntur, semper de anima cognoscente, ac sensitiua differit, cuius præcipuum & immediatum organum ipsum caput existit, illud pro exemplo methodi, quam descripsimus, accipiamus, tanquam illud quod proposito nostro optimè inseruit: vt hinc inueniamus, quæ nam in illo animæ substantia excogitari

tari possit. Clarissimum est autem capitis actionē animalem functionem esse, siue ea sit rectorix, qualis est ratiocinatrix, memoratrix, & imaginatrix, siue sentiens, vti sensus communis est, & externę sensationes, siue mouens. Sed relictis pro nunc tum externis sensationibus, tum functione mouēte, quippe quę particularia, & extrinseca propria organa sortitę sunt, accipiamus rectorices functiones, ac sensum communem, quarum actionum organum immediatum, atque præcipuum, ex omnium sententia, caput est, seclusis illis organis extrinsecis, quę tanquā riuiuli ab eodem capite oriuntur. Quamuis igitur integrę, ac perfectę huiusmodi operationes fiant ab ipso capite, vti diximus, accepto, tanquam à toto membro organico, nihilominus pars principalis, cuius merito iam dictę functiones obeuntur, est ipsum cerebrum. nam reliquę partes huic famulantur triplici illo modo iam declarato: Exempli causa, membranę, cranium, & pattes circumpositę pro custodia habentur, venę & arterię per cerebri substantiam disseminatę, quia nutritionis materiam, spiritum, & vitam deferunt, concurrunt vt causę sine quibus non, quia sine vita nulla prorsus actio fieri potest; & arteriarum ingens numerus cum copiosorem spiritum subministret, ad melius actionem edendam conducit: plexus chotoides, & reticularis illa textura admirabilis ad melius pariter edendam animalem functionem dirigitur. Quare, si cerebrū seorsim perpendamus, eiusq; temperaturam, & quę hanc necessariò consequuntur, qualitates, nec non quę necessariò accidunt, & ad cerebri compositurā spectant, examini subijciamus, cum cerebrum ex

omnium tum Philosophorum, tum Medicorum cōmuni consensu, si non prima radix, atque primum principium, saltem immediatum, peculiare, atque præcipuum cuiuscunq; animæ cognoscentis organum sit, necesse est, vt ipsius temperatura in animalibus functionibus obeundis (siue rectrices sint, hegemonicae Græcis dictæ, siue sentientes, sed interne) principaliter, seu tanquam causa principalis, concurrat. Cum autem inter rectrices actiones ratiocinatio quoq; ex Galeni placitis locum habeat, & de hac animæ particula, vti supra sæpius repetitum est, semper Galenus ambigūe locutus sit, ideo debemus hoc in loco sic accipere cerebrum, & eius temperaturam ita esse instrumentum, siue locū intellectus, & ratiocinatricis facultatis, non quia facultas hæc sit in cerebro tanquam in loco, & homini, mediante cerebro, per naturam copuletur, quia immaterialis abstractaq; sui natura cum sit, nō est organica, nec eget loco tanquam subiecto; sed dicitur esse in cerebro, & hoc mediante, nobis copulari per operationem; quia ad hoc, vt propriam functionem promat, phantasie ministerio indiget, quæ & organica est, & in cerebro locatur, & operatur, tanquam in organo sibi præcipuo. Ad quod respiciens Philosophus 12. Problematū, problemate primo, scribebat intellectum in capite, ac cerebro ipso collocari. quam quidem sententiam clarè quoq; colligere valemus 30. Problem. 3. dum scil. asseruit, homines paruo corpore præditos prudentiores esse. Quod etiam experientia probatur (vt cum Galeno fusius diximus) quia obseruamus, quòd, quamdiu innata cerebri caliditas, & temperatura commen-

rata

rata seruat, & nec ab immodico frigore labefactatur & obrunditur, nec extraneo calore perturbatur, & intenditur, inculpatæ operationes intellectus eduntur. Quod si frigus immodicum caput, & cerebrum obsideat, vel febrilis ardensq; calor ipsum arripiat, mens, & rariocinatrix facultas statim læditur, & vel labefactatur, vel corrumpitur. Ad pensum igitur redeundo, quomodo cerebri temperatura ad has functiones edendas principaliter concurrat, & reliqua omnia superius commemorata huic, & ipsi cerebro inseruiant, & famulatum gerant, iam aperiamus. Cerebrum, quemadmodum Galenus nos docet 2. de Temper. cap. 3. relatione ad cutem, & partes hominis temperatas, sui natura exangue, frigidumq; est, & eadem cute humidius, præsertim penes partem anteriorem: Est tamen temperatura magis humidum, quam frigidum. Cum enim à veteribus verè, vt Galenus ait, enunciatum sit, humidissimam inter hominis particulas esse adipem, cerebri corpus proximum adipi humiditatis ratione est, quemadmodum ex ipsius mollitie coniectare nobis licet. Huius itaq; temperamenti ratio ea reddi potest. Nam frigidum factum fuit, vt vitales spiritus sui natura feruidiores, qui a corde in cerebrum feruntur, tanquam omnium operationum animæ commune instrumentum, attemperaret. Spirituum enim feruor & nimia caliditas animæ cognitionem non parum oblædit, quia ab intenso calore nimium exagitantur, vt in ebrijs, phreniticis, & huiusmodi alijs calidioribus capitis affectibus fieri cernimus. Ideo refrigeratio & attemperatio ipsos ad sensationem & cognitionem aptiores efficit. Næ

cognitio, sensatioq; , vt ex Aristot. 2. de part. anim. cap. 10. colligimus, stabilitatem, & quietem requirit, cui frigiditas conducit, sicut ei oppositus calor motui maximè fauet. Hac de causa sola animalia sanguinea, ceu illa, quæ plures, & perfectiores sortita sunt operationes, ac subinde copiosiores, robustioresq; insitum calorem obtinuerūt, & ob id pro eius insigni euentatione corde donata sunt, cerebrū pariter nacta sunt; quia pro spirituum seruire con-temperando erat necessarium. Est tamen cerebrum minus frigidum, quam humidum, in relatione ad cutem. Vnde dicebat Galen. 2. de Temper. 3. ipsū spinali medulla calidus esse, quia periculum erat, ne ab intensiori frigiditate innatus spirituum calor extingueretur, & animales actiones penitus torpescerent. Longè autem humidius ac subinde mollissimum fuit effectum, & spongiæ instar, rariorem substantiam adeptum est, vt tenuissimorum spirituum, qui passim ab omnibus animales appellantur, congruum euaderet subiectum, & receptaculum. Quæadmodum enim anima sui natura incorporea, spiritu ipso, & tenuissima substantia mediante, crassiori annectitur corpori; ita tenuissimus spiritus, qui animæ subiectum est, & instrumentum, non potest nobis consociari, & corporibus nostris adhærescere, nisi mollissima substantia corporea, quale cerebrum est, mediante. Quæ enim crassitie, & tenuitate inter se valde dissident, mutuo absq; medio vniri, & inuicem vnita conseruari nullo modo possunt. Est autem cerebrum in priori parte humidius, ac mollius, in posteriori minus molle, magisq; compactū, quia prior pars sensationibus, discursui, & imaginationi;

rioni; posterior verò motionibus, atque memoriæ
 magis dicata est. Sicuti autem sensus consistit in
 quodam pati, cui mollities magis conducit, ut ex
 Galeno colligimus 10. de Vsu part. 1. ita motus,
 cuius natura est in quodam agere, firmioris substan-
 tię indigens est. Sicuti memoratrix quoq; facultas
 ut spectra, & simulachra, rationesq; foelicius, ac diu-
 tius conseruentur, & ex facili non effluant, firmiori,
 minusq; fluido corpore opus habet. Sed quia mol-
 litiei, quæ cerebri humiditatem consequitur, memi-
 nimus, remanet, ut ex his, quę temperaturam ne-
 cessariò consequuntur, aut ex ea potius emergunt,
 & exoriuntur cerebri quoq; colorem cõmemore-
 mus. Is autem albus omnino est, ut animalium
 spiritũ maior puritas, atq; claritas ac fulgor inde
 suboriretur. Quę quidem quantum ad rectricem,
 imò etiam ad sentientem, & potissimum visiuam
 functionem conducant, nobis clarè patefacit affe-
 ctus melancholicus vocatus: In quo dum niger aut
 ater opacusq; vel humor, vel vāpor cerebrũ & ani-
 mæ sedem obsidet, hæ functiones, & imaginatio, &
 ratio adeo peruertuntur, ac deprauantur, ut patien-
 tes in metum ac mœstitiam absque vlla alia causa,
 & in mentis alienationem absurdissimam impellā-
 tur. Nam, ut habet Galen. 2. de symptom. caus.
 cap. vlt. & 3. de locis aff. 2. nihil mirum est, quòd ex
 atra bile, cum principium rationalis animæ occu-
 pavit, timor, mœrorq;, ac mortis expectatio acci-
 dant; siquidem etiam eorũ, quæ extra corpus sunt,
 nihil videmus, quod nos perinde terreat, ac tene-
 bræ. Hæc sunt, (Clarissime Compater) quæ de ce-
 rebri temperatura, ac de ijs, quæ eam necessariò cõ-
 sequuntur,

sequuntur, dici possunt. Nunc ad ipsius compositionem, & ante omnia ad ipsius situm, siue positionem me confero. Cerebrum summam corporis partem tenet, tum quia sic decebat nostræ mentis arcem, tanquam reſtrictis ac dominæ, summo corpore collocari, cœloq; propiorem locum proprium, unde elapsa est, spectare: tum quia omnium sensationum fons & origo cum sit, & sensationum organa prope cerebrum, gratia maioris tutelæ, collocari debuerint, nullus aptior locus visui, auditui, & olfactui poterat consecrari. Nam oculi, tanquam optimi speculatores, in terrestri, bipede, ac rectæ staturæ animali, ad faciliorem, & perfectiorem visionem edendam, eminentissimum corporis locum requirebant. Simili modo, quia sonitus & odores, aerei & vaporosi cum sint, sui natura sursum feruntur, congruum admodum erat, ut horum sensibilibus organa in altiori sede proprium situm haberent. Est autem cerebrum in homine ipso magnitudinè adeo vastum, ut in relatione ad bruta, alioquin corpore grandiora, homo maximo cerebro donatus sit, quia nimirum plurimarum virtutum sedes est. Cū enim omnium maximè ad cognoscendum & contemplandum à summo Opifice creatus sit homo, cerebrum maximum subinde habuit, tum ut copiosissimum vitalem spiritum reciperet, ac contineret; tum ut ipsum ad vnguem temperaret, subindeq; ad cognitionem maximè idoneum instrumentum redderet. Quia igitur animalis vis permultis facultatibus in homine præsertim prædita est, & copiosissimis indigens spiritibus, ideo capacius domicilium ei dari par erat. idque pluribus instrumentis contineri.

neri. Tanta enim spirituum copia in animalibus edendis functionibus requiritur, ut ad eorum restorationem natura prospiciens somnum animalibus fuerit elargita, & arteriarum pulsatio in eorundem reparationem magna ex parte conspiret. Quo fit, ut Galenus 1. de caus. puls. statim in princip. & alijs sapientius memoriae prodiderit, inter causas finales, ob quas pulsus editur arteriarum, animalium spirituum generationem unam atque precipuam esse. Connexum porro non cum abdomine, sed cum thorace, eius scilicet superiore parte, cerebrum habet, quia, ut in libello de vocis instrumento nos docuit Galenus, maximè confert ad sensationes, siue internas, siue externas, ut inter cerebrum, & nutritoria viscera thorax, & spiritui, seu respirationi destinatae partes interponantur, ut scilicet sensationes à nutritorijs visceribus, maximè distent, ne scilicet ab innumeris vaporibus ex concoctionibus, & excrementis eleuatis maximè turbentur. Qua de causa scribebat ille naturam malè olentia atque deformia procul à sensibus amandasse. Insuper quia cerebrum, uti diximus, copiosissimis eget spiritibus, optimum fuit, ut supremae thoracis, & spiritalium partium regioni conderetur: praesertim, quia, ut loc. cit. idem habet, natura proprijs materiae propensionibus prospexit, & ob id alimento, quod graue est, deorsumque vergit, illic excretionem parauit. Leui autem spiritui in thorace genito, ut in sublime feratur, concessit. Quoniam verò, ut superius dictum est, cerebrum molliissimum est, ideo ad ipsius stabilimentum atque tutelam, osseam substantiam, caluariamque subiunctam vndique circumpositam ipsum habere necesse fuit.

Cum

Cum

Cum enim ob nimiam mollitiem nobilissimum hoc viscus irruentibus extrinsecus iniurijs maximè obnoxium esset; ideo osseo ac durissimo tegumento fuit vndiq; circumseptum. Sed quia inter durissimam & mollissimam substantiam nulla prorsus intercedit cognatio, & facillimum est, ut hæc ab illa labefactetur, conetaturq; ; ideo, pro eiusdem tutela, natura inter caluariam, & cerebrum, duplicem interposuit membranam, scilicet tenuem ac mollem, qua quidem cerebrum mollissimum circumtegitur, & crassam ac duram, quæ tenuem perfectè ambiens tutius commercium cum ossea substantia sibi simili habere potest. Quinimò, ut cerebrum ab eadem dura membrana aliquatenus suspenderetur, & in caluariæ ossa non ita vehementer irrueret, & comprimeretur, crassior hæc membrana villis compluribus caluariæ suturis adhærescit, qui inde foras elapsi, fusiùs, ac latius circumiccti alteram membranam conficiunt omnem caluariam extrinsecus inuestientem, quæ ob id pericranium Græcis dicitur. Et quia demum cerebrum adeo magnum unâ cum propositis partibus nedum plurimis spiritibus, sed etiam plurimo alimento indiget: ideo tum cerebro præsertim, tum alijs enumeratis partibus quam plurimæ venæ & arteriæ fuere tributæ: quarum merito cerebrum maximam cum corde & hepate colligantiam atque consensum habet. Superest cerebri conformatio, in qua possumus figuram, superficiem, cavitates, atq; meatus expendere. Eius porro figura (quam totius capitis figura consequitur) fuit rotunda tum ad securitatem, quia sic externis iniurijs minus obijcitur; tum ad melius esse gratia sensationum,

fationum, & animalium functionum, quia talis fi-
 gura spirituum, & cerebri substantiæ est magis ca-
 pax. Eius autem superficies levis omnino est, quia
 sic à tenui, & dura meninge perfectius, ac facilius
 investitur, & ab ossæ substantiæ pressu & iniurijs
 exactius tutatur. Habet tamen cerebrum in basi,
 & posteriori parte quosdam processus, siue germi-
 na, quæ quidem ad motum, ac sensationes omnes
 externas, tanquam causæ sine quibus non dirigen-
 tur. Postremo in cerebro tum cavitates, tum me-
 tus evidentes, tum minus evidentes, ac compagis,
 substantiæq; raritates, spongiæ cuiusdam instar, re-
 periuntur. Nam prior cerebri pars geminata cum
 sit, geminis quoq; ventriculis intrò reconditis exca-
 uata est. Qui quidem ex his primis cerebri parti-
 bus initium ducentes, ad medias ferè regiones acce-
 dunt, & inde paululum reflexi in imam sedem pro-
 pe cerebri basim detorquentur. Hi verò duo ven-
 triculi anteriores in mediam quandam, eamq; indi-
 uiduam cavitatem concurrunt, quam medium ven-
 triculum vocant, qui prioribus minor est. Sub cere-
 bello verò, quod occipitis osse regitur, & cerebro du-
 rius & siccus est, & à cuius extrema parte spinalis
 oritur medulla, à qua clariores nervi per totum cor-
 pus perferuntur, alius ventriculus, quem postero-
 rem vocant, continetur, qui prioribus minor est, sed
 medio maior: qui initio latius patet, sed coarctatur
 extremitate sua in mucrone compressa. Hi autem
 ventriculi cerebri, & præsertim priores, ut ex Gale-
 ni auctoritate superius citata, 7. de Placitis, dixi-
 mus, non solum ad ipsius cerebri excrementa susci-
 pienda, & expurganda per nares, & os, quod spon-
 goides

goeides dicitur, & per palatum, ac peluim vocatam diriguntur, pro cerebri nimirum conseruatione; verum etiam ad animales spiritus nuncupatos suscipiendos, alterandos, ac preparandos, vt postmodū ab innata cerebri facultate, ac proprietate alterati in oculos, ac alios omnes sensus, & per medium ac postremum ventriculum ad sensus & motus instrumenta disfluant, pro ipsorum scil. functionibus obeundis. De quibus non est dicendi singularim locus. Plures autem alios meatus sensus nostros effugientes, & rariorem compagem sortitum est cerebrū ad melius actionem animalem edendā, quia huius merito spirituosam substantiam, & vberiore suscipere, & equaliter, ac vniformiter foelicius attemperare valet.

Ex traditis fundamentis Galeni sententiam exactius comprobari posse. Cap. VII.

SI itaq; hæc omnia, quæ de cerebri naturali constitutione fuere proposita, verissima sunt, & si ex Galeni decretis humores, qui contenta vocantur ab Hippocrate, nec viuunt, nec vllam proferunt actionem; impetum autem faciētia, & spiritus ipsi, præter id, quod non viuunt, non sunt animæ substantia, sed ipsius instrumentum, vt superius ex eodem dictum est; & si solidæ tantum partes, quæ etiam continentes nominantur, sunt illæ, quæ viuunt, & proficiunt actiones proprias, & si in illis nil præstantius, & quod magis principaliter concurrat ad actiones efficiendas reperiri potest ipsa temperatura, si quis rationes diligenter subducatur, luce clarius ei pate-
tere

tere potest, animæ essentiam esse temperaturam .
 Quod eò firmitus comprobabitur , si recurramus ad
 ea, quæ in humoribus, & intemperantijs cerebrum,
 tanquam animæ cognoscentis sedem obsidentibus,
 contingunt . Quod enim ex Galeno cerebri tempe-
 ratura sit illa , à qua primum principales animales
 functiones prodeunt, ex eo demonstrari potest, quia,
 si hæc inculcata sit, ut Hippoc. lib. de diet. salubri,
 & Galenus 3. de loc. 5. testantur, hæc principes &
 internæ animales operationes valent, & optimæ
 fiunt; sin cerebrum ab exquisita & proba tempera-
 tura deflectat, eò magis vitiosæ fiunt, quò maior
 ab eucrata temperatura sit recessus . Ut autem hoc
 appareat, primò supponamus, modos, quibus cere-
 brum penes proprium temperamentum, & subinde
 quatenus pars similis est, mutatur, esse octo, pro-
 ut quatuor intemperantijs simplicibus, & quatuor
 compositis corripitur potest, quæ omnes vel nudæ, siue
 sine materia, vel cum aliqua materiali labe conne-
 cti possunt . Supponamus secundò, diuersas princi-
 pes functiones in diuersis cerebri partibus fieri . Nā
 ex Aristot. & Galeno 3. de locis affect. in anteriori
 cerebri parte est sensus communis organū, ad quod
 somnus, & vigilia sui natura pertinent: In media
 ipsius parte imaginatio residet, & phantasia, & vnā
 cogitatio & ratio; etiam si ex nonnullis Galeni au-
 ctoritatibus, præsertimq; 7. de Placit. ad postero-
 rem magis ventriculum inclinare eliciamus . Me-
 moria verò ex Galeni dogmate in postica cerebri
 regione sedem habet . Quibus ita prælibatis, quo-
 tidiana nobis patefacit experientia, quòd si prior ce-
 rebri pars frigidior, aut humidior euadat, alii fiunt

sopores: sin siccor, & calidior, vigiliæ. Si hæ intemperaturæ ad mediam cerebri partem peruenerint, ex intēsa frigiditate destruitur imaginatio, & ratio, & oritur amentia; si moderata, siue minus intensa, hebetatur, sitq; stoliditas. Ex calidiori & sicciori intemperantia hæ operationes deprauantur, & audacia, temeritas, ira; suboritur, vt in phrenitide, & mania contingit. Hæc autem idcirco fiunt, quia ab his cerebri intemperantijs animalibus quoque spiritibus per id disseminatis similes intemperies communicantur. Vt enim frigus & calor contrariæ sunt qualitates; ita aduersarij effectus inde proueniunt. Nam frigus pigras, vt Galen. ait 3. de loc. 5. & ineptias facultates reddit, & ob id omnia tarda, & inepta fiunt; & hæ functiones labefactantur, imminuuntur, & languent. Nam his leſis actionibus (inquit) cerebrum afficitur tanquam primo genere, ipsa intemperie; sed secundum alterum genus & subalternum, omnino frigida corripitur intemperie, ait ille, quia hæ animales actiones torpidas efficit, vt animalia, quæ per frigora latere coguntur, non obscure declarant. Quod etiam in frigidis medicamentis, cibis, & capitis affectibus videre est. Contrà, calor intensus nimis mouet, inordinatè exagitat, omnia confundit, imagines turbat, & iudicium peruertit, quod delirare est. Hæc pariter contraria symptomata ab intemperie materiei consociata eundem in modum fiunt. Nam calidus & siccus humor, vel vapor, in priore cerebri parte, vigiliæ; in media furem, phrenitim: Pituita in eadem auteriori parte, coma, soporem; in media amentiam, morosin, stoliditatem; in postrema obli-

uioſum

uiosum affectum patit. Sanguis in antica somnum longum, non profundum, quia humidus est & calidus, aut etiam profundum, si copiosus sit, vti Gal. 1. prorhet. com. 1. nos docet, excitare valet: Si alias cerebri partes ac ventres occupet, mouet deliria cum hilaritate, & risu, & aliqua in somnum propensione. Melancholicus succus in parte priori, vigilias; in media, & in ipso cerebri corpore, ratione frigiditatis, & nigredinis, deliria excitat, sed cum demisso animo & timore, ac mœrore, cum solitudinis delectatione, & pigritia; sed citra iram & rixam: in posteriori parte, frigiditate & siccitate interdum caten, & stuporem, siue congelationem; aliquando obliuionem gignit. Verum quoniam ea, quæ alibi Galenus tradit de melancholici succi nigredine, dū inquit ab hac, non autem ab ipsius qualitatibus primis timorem, & mœrorem proficisci, videntur nostrum hoc, imò & ipsius Galeni lib. Quod animi mores. &c. fundamentum omnino peruertere; ideo cogor hoc in loco quadantenus sistere gradum, & ostendere, timorem, ac mœrorem, melancholici humoris frigiditati, vt causæ potissime, adscribendum esse. Quod eò libentius præstabo, quod neminem hucusq; vidi, qui rem huiusmodi rectè declarauerit. Id igitur ex eo patere potest, quod spiritus omnes in corde ipso, tanquam in propria officina, generantur; in cerebro verò (vti superius docuimus) à sanguine secernuntur, & contemperantur. Sæpius autem dictum à nobis, demonstratumque est, quod cerebrum est immediatum, ac proximum quorumcunq; animæ affectuum instrumentum. Quocirca, si ex Galeni decreto lib. art. medic. c. 30.

cor frigidum ex timiditate, & tristitia nimia indicatur, quia frigidiores animales spiritus cerebro sup-
 peditat, qui ad cerebrum delati, metus ac mœstitiæ
 nimie causa euadunt: ergo in affectu melancholi-
 co iisdem animales spiritus à melancholici succi fri-
 giditate refrigerati, metus & mœstitiæ erunt aucto-
 res. Huius autem humoris siccitas, ac passua qua-
 litas, ad hæc & delirium melancholicum producen-
 dum primò & per se non concurrir: quoniã ex Ga-
 le. libr. Quod animi mores. &c. cap. 4. & 5. humi-
 ditas dementiam, siccitas prudentiam gignit: Et
 Heraclitus dicere consueuerat, splendor siccus, ani-
 ma sapientissima: Et primo de natura human. com.
 39. ait Galenus, quod animi constantia ab humore
 prouenit melancholico; stoliditas & simplicitas à
 sanguine, quia eius humiditas spiritus, & faculta-
 tum organa obrundit, siccitas acuit, & vegetia, &
 pura reddit. Ideo lib. art. Medic. cap. 16. inquir,
 quod siccum cerebrum à sensuum indicatur perspi-
 cacia. Quamobrem melancholice siccitas ad me-
 lancholica symptomata producenda duobus mo-
 dis concurrir: Vno quidem, quia spiritus ab humi-
 ditate ligari, & obrundi non sinit, & somnolentum
 affectum arcer, ac proinde vim animalem solutam,
 in continuoq; motu errantem seruat. Sed quia nõ
 caliditati, sed frigiditati iuncta est, non in ira, auda-
 cia, & temeritate, sed potius in timore, ac mœrore
 imaginatrix facultas ac functio versatur. Altero
 autem modo, quia siccitas frigiditati annexa spiri-
 tus aliquatenus absumendo, est in causa, vt anima-
 lis functio quoquo pacto langueat, & inde pusilla-
 nimitas suboriat, propter defectum, quemadmo-
 dum

dum 7. aphor. 9. Hippoc. & Galeus ex cerebri in-
 natione desipientiam fieri affirmarunt. Quare ti-
 mor in melancholicis principaliter à frigidityate pro-
 ficiscitur, cui, vt Galen. scribit 2. in 1. Epid. 75. co-
 gnata sunt mœstitiæ. Quia enim valde timent,
 ideo plurima mala sibi aduentura formidant, & fal-
 sò imaginantur, vt cœlum ruere, & alia huiusce ge-
 neris absurda. Ad hæc ramen producenda neque
 frigiditas sola sufficiens est, etiamsi causa sit princi-
 palis; neq; magis præcipua, neq; nigredo sine frigi-
 ditate: sed melancholicorum symptomatum cau-
 sa adæquata, frigiditas vnâ cum tenebrositate cen-
 feri debet. Si enim tenebrositas satis esset, plures
 maniaci timerent, ac mœsti essent. Consequentia
 clara est, quia mania sæpè ab exusto & atra fit bile
 interdum ab exusto & denigrato sanguine ortum
 ducit. Et tamen neq; metus, neq; mœstitia eos di-
 uexat. Ex aduerso, sola frigiditas sine opacitate
 non sufficit, quia sui natura soporem potius, aut a-
 mentiam, aut stultitiam, aut obliuionem procreat,
 vti clarè testatur Gal. 3. de loc. aff. 5. dum ait, cere-
 bri frigiditatem rationem, & memoriam labefacta-
 re, etiamsi nonnunquam humiditati, interdum sic-
 citati iuncta sit. Vnde non est putandum frigidita-
 tem siccitati iunctam melancholicum affectû absq;
 opacitate parere posse. quia Galen. duos refert æ-
 grotantes, qui memoria capti, non ramen melan-
 cholici erant, in quibus calorifica siccantia noxia
 erant, humectantia verò non mediocri eis erant præ-
 sidio. Quocirca eum, qui ob laborem in studijs &
 vigilias, memoriam penè amiserat, & rationem, &
subinde non melancholia, sed fatuitate, siue stulti-
 tia

tia laborabat; & agricolam, qui ob laborem in colendis vitibus, & ob tenuem viſtum, eodem modo fuit affectus, calfacientibus, & humectantibus, & præſertim optimi ſucci alimentis curauit. Sed, vti diximus, frigiditas in affectus melancholici generatione tanquam prima qualitas primas ſedes tenet; quia timorem parit, & animum deſiſſum reddit: Secundas ſedes tenet nigredo; quia eſt, in cauſa, vt etiam abſq; vlla cauſa, & ſine vlla ratione timeant, & abſurdę admodum eis imaginationes obuolentur. Ex quibus patere arbitror, qua de cauſa Galenus, ceu maximus Philoſophus, ab ijs, quę experientia ipſa quotidie obſeruantur, inſtitutus & impuſus toties affirmauerit, animę ſubſtantiam ipſummet temperamentum eſſe.

Quibus rationibus Galeni ſententia euerſi poſſit, atq; probari, anima eſſentiam non eſſe corporis temperamentum. Cap. VIII.

Quoniam verò prudentiſſimus, & admirabilis hic vir (ſic eum vocat etiam Simplicius, maximus Philoſophus) videbat quàm plurimas inſtantias, & valida argumenta aduerſus hanc opinionem afferri poſſe; ob id tale decretum non omnino abſolutè tanquam verum pronunciauit; ſed, diſiunctiuè loquens, animam eſſe vel temperamentum, vel aliquid illud conſequens, vel eo indigens, & vtens, vel eidem inſeruiens aſſeruit. Et proinde, Galenum hucusq; circa ipſius animę dignotionem lapſum eſſe, affirmare iure aliquo non valemus. Nam reuera, ſi poſthabita eius auctoritate, veri-

veritatem ipsam rimari, & expendere accuratius velimus; nulli dubium esse debet, quod anima & ipsius facultates non sunt temperamentum partium, in quibus fiunt, sed potius partium temperamentis, in proprijs edendis actionibus utuntur, tanquam proximis instrumentis, vti secundo de anima Aristot. declaravit. Quisimò temperamenta propria non solum ea intelligenda sunt, quæ ex mixtura quatuor elementorum confurgunt (hec enim tanquam materia se habent) sed si ad actum, ut Peripatetici verbis utar, sint adducenda, oportet, ut à spirituum copiarumq; substantia, tanquam à forma foueantur. Quicquidem spiritus ea qualitate, copia, & puritate, seu perspicuitate præditi esse debent, quam facultatum animæ natura requirit. Quod autem animæ substantia temperamentum esse non possit, pluribus, ac validis rationibus probat Aristot. in primo de Anima libro, dum refert opiniones antiquorum, & aduersus illos differit, à text. 55. vsq; ad 62. Earum prima est: Anima debet secundum diuersas, & oppositas mutationes moueri: sed hoc temperamentum facere non valet, quia temperamentum è quatuor elementis constatum est, cum prædominio alicuius illorum: cuius ratione non potest habere motum, nisi secundum prædominium illius elementi, quemadmodum in principio libri primi de Cælo idem Aristot. docuit. Secunda ratio est, quia temperamentum spectatur penes harmoniam simplicium corporum, & quatuor primarum qualitatum, & proinde dicit similitudinem, ut habetur primo de Generat. in fine ab eodem Aristot. & ut etiam idemmet Gale. tum lib. de diff. morbor. tum alibi

toties fassus est. Sed anima, vt per sensum ipsum nobis manifestè apparet, non potest, nisi in organico corpore & dissimilari reperiri: ergo temperamentum esse minimè potest. Tertia ratio est: Anima diuerfas, imò contrarias habet operationes, vt apparet in animæ perturbationibus, quod etiam Gal. in lib. de Placit. Hipp. & Platon. toties scriptum reliquit. Sed vni temperamento, quod est semper vniforme, tam varias & contrarias affectiones adaptare nullo modo possumus. Præterquam quod non est facile determinare, quomodo ratio cognoscendi obiecta sensibilia adeo diuersa vni temperamento accommodari possit. Quarta ratio: Temperamentum est materia, vt habetur apud Arist. 2. de part. animal. cap. 1. & ex eiusdem primi de Anima, tex. 66. colligitur, vbi inquit, quod licet anima sit aliquid diuersum à mixtione, tamen deficiente mixtione deficit, quia temperamentum ipsum est subiectum, quod ab anima supponitur. Ex quo fundamento facilè elicimus, quomodo diluenda sit instantia Galeni, quam assert in suo libro, Quod animi mores corporis sequantur temperaturam, aduersus Platonem & eius sectatores. Inquit enim Arist. 1. de Anim. tex. 14. quod licet anima non sit temperamentum; est tamen facultas corporea, & ideo penes varias corporis affectiones ad varias ducitur, ac determinatur affectiones. Hæ sunt potiores rationes Aristotelis ad probandum, animam temperamentum non esse. Quibus, si libet, alias plures ex libro Nemesij de anima, cap. 2. addere possumus. Vnde scribebat ipse, quòd, corporis temperamentum non posse esse animā, hinc patet. Omne corpus

corpus & animatum, & inanimatum ex quatuor elementis temperatum est. horum enim temperatio corpora efficit. Si igitur corporis temperamentum est anima, nihil erit inanimatum. Et concluditur ratio sic: Si temperamentum corporis anima est, Omne porro corpus temperamentum habet: Ergo omne corpus animam habet. Si omne corpus animam habet, nullum corpus erit inanimatum: neque lapis igitur, neque lignum, neque ferrum, neque aliud quippiam inanimatum erit. Si verò dicat Galenus, vel aliquis pro eo, non vniuersè omnem temperationem corporis esse animam, sed certam quandā; quærendum, qualis sit temperatio, quæ animans efficiat, & in animæ loco numeretur. Quaecunque enim temperamentum dixerit, tale & in inanimis reperiemus. Cum enim nouem temperamenta sint, ut ipse in libris de temperam. ostendit, octo quidem incommoda, vnum commodum; eo, quod commodum est, dicit hominem esse temperatum; non omnem tamen, sed eum, qui medio temperamento est: reliquis incommodis temperamenti cetera animalia, pro cuiusque specie, alia magis, alia minus esse concrerat. Sed hæc responsio non est sufficiens, quia, ut idem Gale. docet in lib. de simplic. medic. hæc nouem temperamenta etiam in medicamentis, quæ inanima sunt, inveniuntur. Nam calida, frigida, humida, sicca, & exactè media, & elucrata, siue temperata, ut ad hominem & ipsum temperatum relata sunt, dicuntur. Præterea, si anima temperamentum est; temperamenta autem ætatibus, temporibus, visuque mutantur, efficitur, mutari animam. Si mutatur anima, non eandem habemus animam;

sed pro temperamento aliquando leonis, aliquando, ouis, aliquando alterius cuiusdam animalis, quod absurdum est. Addit aliam rationem Nemesius, quam etiam ex Aristotele posuimus, dum subdit: Deinde temperatio non aduersatur cupiditatibus corporis, sed adiuuat eas, ipsa enim est, quae mouet, ac incitat: anima autem aduersatur, non est ergo anima temperatio. Præterea, si anima temperamentum est, temperamentum autem qualitas, qualitas rursus & aduenit, & recedit, sic ut subiectum nihilo magis intereat: item anima quoque separabitur, sic ut subiectum non intereat. Hoc autem verum non est. Non ergo temperamentum, aut qualitas anima. Non enim sanè alterum contrariorum naturaliter adesse animali dicent, ut calorem igni. Hic enim mutari non potest, ut temperatio mutatur, imò hi ipsi sunt, qui medendi scientia temperationes mutant. Omnes insuper corporis qualitates sensu percipiuntur: Anima verò non sub sensum, sed sub intelligentiam cadit: Non ergo qualitas corporis est anima. Præterea sanguinis, & spiritus, adiuncta carne, neruis, cæteris, bona temperatio, robur est; caloris, frigoris, siccitatis, & humoris sanitas; membrorum autem apta compositio, cum coloris suauitate, corporis pulchritudinem gignit. Quare si harmonia suauitatis, & roboris, & pulchritudinis, anima est, necesse est hominem, quoad uiuit, neque ægrotum esse, neque infirmum, neque deformem: Contingit autem sæpe non vnam tantum, sed omnes pariter has tres bonas temperationes perire; & hominem tamen viuere. Accidit enim ut idem simul & turpis sit, & infirmus, & ægrotans. Non ergo cor-

poris

poris bona temperatio anima est. Sed, inquires, quo modo ergo naturales virtutes, vitiaq; naturalia hominem insequuntur? Id verò ex corporis temperamento fit. Ut enim naturaliter ex temperamento salubri sunt, & insalubri corpore; ita alij naturaliter amara bile abundantes ad iracundiam, alij ad timorem; alij ad Venerem propensi sunt. Verum aliqui coercentur, ac superant. Dubium autem non est, quin temperamentum coerceant: atq; aliud est, quod coerceat, aliud quod coerceatur: Aliud ergo temperamentum, aliud anima. Cum enim corpus animæ sit instrumentum, si idoneè effectum fuerit, adiuuat animam, ipsumq; se commodè habet: si non idoneè, impedit animam; ac tum satis negotij habet anima, dum cum ineptia sui instrumenti luctatur: ac nisi admodum sit sobria, etiam cum eo peruertitur: quo modo Musicum lyrae peruersio in errorem inducit, nisi eam primum rectè composuerit. Quamobrem animæ adhibenda cura est, vt corpus accommodatum sibi instrumentum reddat, quod per rationem, & mores assequetur, vt in harmonia, ita hic alia laxans, alia intendens, quo ipsū sibi aptum efficiat, eoq; vt comodo instrumento vtatur, nisi & ipsa cum eo peruersa fuerit, quando etiam hoc aliquando vsu venit. Hæ sunt Nemesij aduersus Galeni sententiam rationes: Quarum licet nonnullæ sint eadem cum his, quæ ab Aristotele excogitate, & superius à nobis exaratae fuere, aliæ non exigui sint roboris, aliæ verò infirmæ, imò à nobis infra diluendæ, dum de veriori animæ substantia agentes argumenta aduersus illā confutabimus: illas nihilominus, tanquam sententias, & dogmata

scitu digna continentes, apponere volumus. Certum est autem, tum propter Aristotelis argumenta potissimum, tum propter alia, quæ possent in mediū afferri, Galenum fuisse coactum & hanc sententiā suspectam habere, & ad veriore confugere: De qua nunc & longiori, & accuratiori sermone sumus tractaturi, ubi prius (id quod sæpius à nobis repetitum est) denuo protestati fuerimus, non de rationali animæ parte, quæ immortalis omnino est, sed de sensitiua, tanquam illa animæ specie, quæ brutis communis est, & vnâ cum corpore esse definit, tum Galeni sententiam, tum probationem nostram semper intelligendam esse. Nam præter testimonia superius relata, habemus aliud eiusdem Galeni dictum in eius libris de demonstratione, quod Nemesius in libro suo de Anima, cap. 2. literis mandauit his verbis: Galenus verò (inquit) nihil quidem pronunciat, sed testatur in lib. de Demonstrat. se nihil de anima affirmasse; attamen quæ dicit, declarant, cum magis probare, animam esse temperamentum, utpote cum morum differentia temperamentum sequatur. Quod ex Hippocratis dictis confirmare nititur. Verum si ita est, certè etiam mortalem eam opinatur, non tamen omnem, sed eam tantum, quæ rationis est expers. Nam de rationis particeps addubitat his quidem verbis. Hæc ille. Quare ad pensum, & ad veriore animæ substantiam aperiendam vnâ cum Galeno properabimus.

Animæ substantiam cum Hippo. & Gal. innatum calorem esse, certius probari posse. Cap. IX.

H A NC porro certiore animæ naturam à præceptore suo, Diuino nimirum Hippocrate, tantam
quam

quod omnium bonorum inuentore didicit nedum in plerisq; alijs locis, & auctoritatibus, de quibus infra; verum etiam, dum ipsum 5. in 6. de vulgar. morb. tex. 5. hæc formalia verba scripsisse vidit, ac diligentius animaduertit. Hominis anima (inquit Hipp.) semper ad mortem vsq; producitur: sin autem ignescat, simul cum morbo, & anima corpus depascitur. Quamuis autem hanc particulam Hippocratis veram esse, non censeat Galenus, sed ab alio interpositam; tamen subdit, quod fortasse ipsius filius Thessalus in chartis accorij's Patris sui eam reperit, & interiecit. & infra eam explicans, illam ostendit esse Magni Hippocratis decretis consentaneam. Ea propter videamus, quid in eius interpretatione nobis Galenus scriptum reliquerit, & de hac opinione sentiat. In primis autem inquit, quod cum Hippo. in nullo proprio libro clarè exposuerit, quid verbum (producitur) significet, ideo præterquam quod hoc nescit, neq; etiam animæ vim & naturam se firmiter tenere, sibi persuadet. Cum autem possit quatuor potissimum habere significata, videlicet, generatur, augetur, conseruatur, & melior euadit; nulli dubium, quod tertium significatum, videlicet, conseruatur, rectius huic dicto videtur accommodari posse. Deinde Galenus statim addit hæc verba: Cerebrum sanè (inquiens) sensus motusq; voluntarij principem auctoremq; esse omnibus animantis particulis in libris de Placitis demonstravi. Illud præterea persuasum habeo, spiritum, qui in eius ventriculis continetur, primarium esse animæ instrumentum: quem quidem temerè pronuncians eò ferebar, vt animæ vim, atq; naturam esse dicerem.

rem? Siue autem tota cerebri natura ex quatuor
 elementorum temperatione ad talem sit redacta sub
 stantiam, aut proprietatem, per quam sensus, volū-
 tarijque motus primus auctor in animantibus sit,
 itemq; memoriæ, & intelligentiæ; siue alia vis quæ
 dam vacans corpore sit cerebro indita à conditore
 nostro, & recedat nobis morientibus; nullam ha-
 beo firmam de hac re demonstrationem; imò eos,
 qui hac de re definire aliquid volunt, existimo no-
 bis temeritate potius, quàm sapientia præstare. Mox
 huiusmodi sententiam melius explicans subdit,
 quod planum est ex eo, quod ipse subiicit, verbum,
 producit, de animæ ipsius substantia dictum esse,
 ut cum ait: si autem ignescat, simul cum morbo
 & anima corpus depascitur. In quo verbum (igne-
 scat) videtur de Hippocratis sententia significare,
 animæ substantiam esse huiusmodi calorem; quem
 ipse naturalium actionum multis in locis esse aucto-
 rem affirmat. Maximum autem hoc loco decretū
 agitur, de quo est etiam inter Philosophos dissen-
 sio. nam quidam vnam esse animæ naturæq; sub-
 stantiam arbitrantur, quorum alij in spiritu, alij in
 corporis proprietate consistere eam volunt. Quidā
 verò non esse vnam aiunt, sed propriam esse yriq;
 attributam, eamq; non parum, sed toto genere dif-
 ferentem; ac naturæ quidem substantiam caducam
 esse; animæ verò æternam statuunt. Aristoteles
 autem, atq; Plato, vtramq; potestatem, vt nomi-
 ne comprehendunt. Quippe qui non solum qua
 ratiocinamur, atq; meminimus; animam vocent,
 sed eam etiam, quæ plantis inest. Stoici autem ap-
 pellare naturam solent, qua stirpes; animam verò,
 qua

qua animantes gubernantur. Viriusq; verò substantiam innatum esse spiritum, atq; inter se differre putant: sicciorem enim esse animæ spiritum; hu-
midiorē verò naturæ: atq; utrumq; non solum alimento, sed aere quoq; indigere. ut permaneat.
Quicunq; autem huius decreti principem Hippocra-
tem fuisse putant, ut in libro de septimanis est dictū,
ij. verbum (produciitur) de instauratione esse dictū
aiunt, quæ in ipsis ex ytraq; substantia & alimenti,
& aeris efficitur, ut evidenter apparet, & vltum vtri-
usq; novimus. Probatum enim est, moderationē
innati caloris à respiratione conservari: à ciborum
verò oblatione id, quod de corporea substantia de-
fluit, refarciri. Ac si anima est quædam forma cor-
poris, meritò produci ad mortem vsq; censetur: Ac
si eius substantia alia est à substantia naturæ, quam
Aristoteles alicem, Plato appetitricem vocat, ve-
rum quidem erit id, quod dictum est; sed de anima,
quæ rationis particeps est, non iam idem verè dici
poterit. Ac innatum calorem, cui corporea opera
Hippocrates præcipuè accepta refert, ignitum non
modo non posse priora munera obire, neq; nos ale-
re, quod erat eius præcipuum munus vel maxime,
sed etiam non secus, quam ignis, corrumpere, & li-
quefacere, nobis rem ratione perpendentibus, & cor-
poris colliquationes ab æstuosis febribus factas evi-
denter intuentibus est planè perspicuum. Hæc Ga-
lenus. Ex quibus facillè videre est, ipsi cum Hippo-
crate convenire, innatum calorem, cui Hippocrates
corporis actiones præcipuè acceptas refert, animæ
naturam, siue substantiam dici posse, siue (produci
tur & ignescat) de innato calore, siue de spiritu ab

L

huius

huius sententiæ auctore fuerint enucleata. Sed innatum calorem ipsammet animæ naturam atque substantiam esse longè clarius habemus Galeni testimonium in lib. de Rigor. cap. 6. circa medium, dum ita scribit: Procedet autem disputatio (ait ille) ex Hippocratis principijs, non autem corpuscula & meatus statuemus corporis nostri elementa: neque calorem, motus, aut attritus, aut alterius cuiusdam causæ sobolem pronunciemus, sed corpus quidem totum conspirabile & conflatile censemus: calorem autem non acquisitum, neque animalis generatione posteriorem, verum ipsum primum, primogenitum, & insitum: Ac natura sanè & anima nil aliud, quam hic existit. Quare si substantiam per se mobilem, & semper mobilem ipsum intelligas, haud errabis. Hæc ipse. Vnde an Galenus de animæ substantia decretum proprium apertius, quam his verbis, patefacere potuisset, ego prorsus non intelligo. Et idem prima aphor. com. 14. scribit Hippocratem suum secutum esse dogma, & omnium fere nobilissimorum Philosophorum, qui eorum, quæ animalia constituunt, elementorum, calorem viræ primarium auctorem esse existimant. Et in sequentis textus commentario inquit, nil aliud quicquam esse naturam animalium, præter hoc innatum calidum ex Hippocratis opinione.

Alios

Alios, præter Hippocratem & Galenum fuisse Philosophos, qui calorem animam esse existimaverunt, etiam si Aristoteles alter senserit: & Quid sit innatus, siue vitalis calor apud Hippoc. & Galenum. Cap. X.

EX his, quæ dicta hucusq; sunt, præstantissime Compater, potes coniscere, quòd etiam si Magnus noster Galenus 5. in 6. de vulgar. morb. com. 5. tradiderit, animæ vim & essentiam nosse esse omnino difficile, id quod ex tanta opinionum, rationumq; discrepantia, & ex tantum veterum, tum recentiorum Philosophorum concertatione intelligi potest; ac subinde illum alioquin Philosophum ac Medicum solertissimum, & ingeniosissimū, haud quaquam puduisse suam de re hac incertiam sepius suis in scriptis prodere, ut in libello de utilitate respirationis, in libro, Quod animi mores corporis insequantur temperaturam; in 7. lib. de usu part. necnon in fragmento de substantia facult. naturalium, & alijs in libris, qui Galeni legitimi ab omnibus censentur, videre est: Illi tamen hæc videtur fuisse opinio, animæ substantiam nihil aliud esse, nisi calorem naturalem, siue dicamus vitalem, ac primogenium, ut ex descriptis in superiori capite eius auctoritatibus luce clarius nobis constat. Quinimò dum 5. in 6. Epidem. com. 5. hæc formalia profert verba (Illud præterea persuasum habeo, spiritum in cerebri cavis positum primarium esse animæ instrumentum, quem etiam, ut potius animæ substantiā esse dicerem, mihi erat animus.) aperte declarat, se

spiritum hunc à calore naturali non admodum separare. Qui etiam lib. de Tremor. cap. 6. superius citato inquit animæ substantiam nil esse aliud, quam primum primigenium, & insitum calorem, qui neq; adsciticius est, nec animalium ortu posterior. Cuiusmet sententiæ auctores Stóicos s. simplic. superius adducto cap. nono laudare quoquo pacto videtur, quos credidisse ait, animam nativum esse spiritum, qui etiam innatus calor dicitur. Ad Stóicos autem aggregat Galenus Hippocratem s. in 6. Epid. comm. toties citato. Cum autem 1. aphor. 14. dixerit Hippocratem suum sequutum fuisse dogma, dum dixit in aphorismo, Senes paucis fominibus, (quos Græci hypocausta vocant) id est alimentis, indigere, & addat illa verba, & omnium fere nobilissimorum Philosophorum, innuit ante Magnum Hippocratem alios existisse, qui hoc ipsum docuerunt. Sed fortasse ante Hippocratem illud idem protulit Democritus, vir (vt auctor est Laertius) in rebus physicis exercitatissimus. Nam hic prorsus existimauit animam aut ignem esse, aut calorem. Id quod apertissimis verbis illi ascribit Aristoteles in 1. lib. de Anima, tex. 20. & Plutarchus in libro de Placitis Philosoph. cap. 3. Vnde, Octavi eruditissime, si franimæ particula existisset, quæ homo ratiocinatur, cognoscit, & sapit, nequæquam scio, an vnquæ idem Aristoteles, & alij Philosophi, præter omnem facultatem, & temperationem elementorum aliam animam superesse arbitrati fuissent. Quocirca illud, quod de humana mente à plerisque priscorum Philosophorum verissime traditum est, eam nimirum esse elementorum qualitate & facultate qua-

cunque

cunq; superiorem; atq; maiorem; propter diuini-
 o- res quasdam ipsius functiones; hoc idem; nulla ne-
 cessaria (ut mihi videtur) ratione adduci quidam
 alij de stirpium; & reliquorum animantium natu-
 ra docuerunt. In quibus vnus Peripateticorū Prin-
 ceps est Aristoteles; cui nunquam persuadere potuit;
 non aliud esse animam viuentium; atq; calorem.
 Qui tamen calor omnium actionum vite; de sensus
 certissimus est minister. In secundo enim de part.
 anim. cap. 7. sic ait: Quod autem nonnulli statuunt
 importune; animam esse ignem; aut aliquam eius-
 modi vim; melius fortasse dixeris; animam in quo-
 dam eiusmodi corpore consistere. cuius rei causa est;
 quod ad exequenda anime officia calor maxima
 administrandi vim habet. Cum enim officium ani-
 mæ sit alere; & mouere; hæc ea ipsa facultate potis-
 simum efficiuntur. Igitur animam esse ignem arbi-
 trari; simile est; atq; si terram; aut malleum; fabrum;
 aut artem fabrilem esse arbitreris: quia opus non
 nisi iunctis his efficiatur. Et in 2. lib. de ori. & in-
 ter. tex. 54. loquens de causis generationis; illosq;
 accusans; qui; sublata forma; vim omnem gigen-
 di attribuebant qualitatibus; & virtutibus elemen-
 torum; ita scribit: Amplius autem (inquit) & po-
 tentias attribuunt corporibus; propter quas & gene-
 rant; valde instrumentaliter; auferentes eam; quæ
 secundum formam est; causam. Quoniam enim
 natum est (inquiunt) calidum quidem segregare;
 frigidum autem congregare; & aliorum vnuquod-
 que hoc quidem facere; hoc autem pati ex his &
 per hæc; inquiunt; cetera gigni & inferre. Et ex q;
 55. Amplius autem (subdit) consimile faciunt; atq;

si quis

si quis ferræ, & vnicuique instrumentorum tribuat, ut sint causæ eorum, quæ gignuntur. Quocirca nulli dubium esse potest, quin Aristoteles generationis effectuum naturalium, præter calorem, causam aliam superiorem & principaliorem posuerit, quæ in viventibus anima ab ipso dicta est. Quamuis aurem Aristotelis sententia, propter maximam ipsius auctoritatem, mihi aliquam probabilitatem habere, semper visa sit, tamen ad calculos veritatis reducta, & reuocata mihi semper suspecta fuit. Et hoc eo magis, quo diuini Hippocratis & Galeni sententiæ minus arridet. Multa enim sunt, quæ nos impellunt ad credendum innatum calorem cunctis viventibus proprium (detracta semper rationali, quæ diuina est, & immortalis, & coelitus in hominem delapsa) sufficere posse. Nulla autem sunt vsque adeo firma argumenta, ut animum meum in contrariam sententiam deducere valeant. Quare Galeni placitum firmius probare nunc aggredior. Et quamuis huiusmodi provincia satis ardua, ac perdifficilis sit; nihilo tamen secius, quia iucunda est, pulcherrimasque continens contemplationes, & maximo usus esse poterit ijs, qui potissimum vitæ conseruandæ veriora principia venari expetunt, & Galenum admirabilem, ac Philosophorum & Medicorum lumen splendidissimum, ab ijs detractoribus, qui eum animæ ignarum esse adeo leuiter, adeoque temerè & iniquè susurrant, vindicabit, eam liberius suscipiam. Sed priusquam ad eius sententiam rationibus comprobandam accedam, necesse est, ut prius, quidnam sit innatus calor apud ipsum, breuiter aperiam. Ut igitur possit quilibet ipsius essentiam

illam

tiā exactius percipere, scire ante omnia debet, quod, quemadmodum in nostro quoq; de febris & innati caloris natura longiori tractatu docuimus, innatum calidum, & innatus calor (qui etiam natiuus, insitus, naturalis, & vitalis dici potest) nō eandem rem significant. Nam calidum innatum, seu natiuum, insitumue, aut vitale substantiam quandam innato calore affectam, ac subinde concretum aliquod accidens, seu caliditatem quandam cum subiecto iunctam significat. De qua Galenus aduersus Lycum pro Hippocratis tutela scribens, ait esse substantiam quandam seminalem sanguineamque spiritibus & calore affectam. Calor autem innatus siue insitus, siue naturalis, vitalisue, siue ingenuus, aut etiam proprius vocetur, formam, & caliditatem quandam tantum in abstracto nobis indicat. Huius porro nominis distinctio nem protulit Gal. 1. aphor. com. 14. hisce verbis: Hoc ipsum igitur verbum (calidum) aliquando transferimus ad qualitatem, cuius proprium nomen est caliditas: aliquando denominatiue totum corpus dicimus calidum a caliditate: estq; hic modus loquendi plurimus in omni vita, & fuit apud antiquos, velut Theophrastus ostendit in eo libro, qui de calido, & frigido inscribitur. Hæc ipse. Cum itaq; in natus calor & innatum calidum dupliciter usurpari soleat; ob id, si quis querat, an calor naturalis substantia calida & humida dici debeat, eo quia innatum calidum nomen videtur esse concretum, quod substantiam simul significat; sicuti calor nomen est simplex, ac simplicis qualitatis; huic possum respondere, calorem naturalem non ad se trahere

trahere notionem substantiæ calore naturali, seu vitali prædite, in eo quod calor est, sed in eo & quatenus naturalis est. . Calor enim naturalis, seu vitalis non est nudus ac simplex calor, sed est calor quidam affectus, & in quadam temperie constitutus, quæ temperatio tum substantialis est, tum accidentalis: substantialis, quidem propter substantias aut elementorum, aut humorum (de quibus post dicetur) quæ substantiæ miscentur, ad temperamentum substantiale calidum & vitale efficiendū: Accidentalis verò, quia planum est in mixto cum substantijs miscibilibus accidentia quoq; misceri. Quare posthac per calorem naturalem non concretum aliquod, sed qualitatē in abstracto audiri volumus, ne nos ipsos in laqueum corporum seipsa penetrantium inuoluamus, eamq; subeamus difficultatem, qua premuntur illi, qui formas substantiales & corporeas elementorum actu ponunt in misto, illatq; omnes in omnibus misti partibus esse affirmare coguntur. Ad pensum verò redeuntes, dicimus, calorem hunc in prima sui origine elementarem esse, sed ita attemperatum, ut omnia viventis munia possit obire. Hippoc. enim in 1. de natura humana aperte declarauit, nedum nostre generationis, verum etiam omnium, quæ generationi corruptioniq; sunt obnoxia, quatuor elementa esse, quæ ab efficacissima eorum qualitate calidum, frigidum, humidum, & siccum nominauit. aut, si volumus, ut Galenus inquit, ab essentia magis, quam qualitate nominasse, ignem, aquam, aerem, & terram nominabimus. . Ex his quatuor primordijs vult in animalibus sanguineis alia quatuor elementorum genera

genera præcreari. Sunt autem sanguis, pituita, & vtraq; bilis. Sed quia sanguis viuientium sanguineorum naturæ conuenientissimus est, & eorum est familiarissimum alimentum, ex æquabili quatuor elementorum temperie exquisitus generatur; & aliorum omnium humorum est particeps, vti Gal. in lib. de Plenitud. nos docuit. Sed quia viuentia sanguinea sunt plurimo reserta calore; calor autem in spiritibus vt in proprio subiecto residet, vti spiritus in humore & sanguine; Ideo sanguis non solum ex reliquis humoribus, sed potissimum ex aere, & spiritu copioso conflatu est. Ex sanguine verò fit semen, tanquam proximius adhuc nostræ generationis, & nutritionis elementum. Sed semen ex Arist. 2. de Generat. animal. 3. ex sanguine & spiritibus, & subinde ex quatuor illis primis elementis conflatur. Ergo tota hominis natura ex quatuor elementis constat, & proinde calor innatus, quem etiam naturam, vt superius dictum est, Hippoc. vocat, elementarius est. Eandem veritatem confirmat Galenus lib. de Foet. format. dū ait, influentem calorem ex sanguine, aere, & assumptis alimentis genitum, & subinde elementalem, innatum, siue complantatum fouere tanquam sibi similem. Et primo de Tuend. Sanst. cap. 2. & lib. de Marcor. cap. 4. idem Galenus eandem veritatē apertè docuit: Sed clarissimè prima aphoris. 14. vbi innatum calidum ex quatuor elementis mixtum esse tradidit. Ipsum autem esse frigiditate refractum & attemperatum docet lib. de Rigor. cap. 6. dum ait, ipsum ex duplici qualitate constare, altera calida, altera frigida, à quibus duplicem habet motū.

M

Quod

Quod tamen sano modo intelligendum est, & ipsū non simul calidum & frigidum, sed temperatum esse, etiam si caliditas frigiditati præpolleat, ut infra exactius declarabitur. Nam ad superiora (ait Galenus) exterioraq; lationem, & (ut ita dicam) à suo principio explicationem habet, quòd natura calidus sit: intrò autem fertur, & deorsum, hoc est, ad proprium principium viam init, quoniam frigidus aliquatenus particeps est: quippe ex calido & frigido temperatus. Prima sanè calidi ratione sua sponte mouetur; atq; hoc potissimum ad actiones indiget: magnum tamen ipsi vsum & frigidum exhibet. Solet enim calidum in sublime attolli, ac cum eo alimentum adducere: si autem frigidum non obstarat, etiam longissimè procederet. Fit autem frigidum huiusmodi caloris motui impedimento; ne dispersus aboleatur: quippe periculum est, ne ipse præ leuitate, & impetu sursum à corporibus discedat: sed frigidum retinet, impeditque, & vehementiam nimij huius motus tollit. Hec ille. Attemperatio autè ista, tanquam ab agente præcipuo, à cordis virtute fit, quia, ex omnium sententia, est innatus caloris fons, & scaturigo, & sui proprietate, caloreq; sibi proprio, spiritum vitalem creat, ac attemperat perenni illo duplici motu dilatationis & constrictionis. Cum autem innatus calor duplex sit, ut mox apparebit, & ut Galenus docet, influens nimirum, à corde manans, & insitus; vterq; in corde gignitur; sed influens, post ortum, & foetus efformationem, in proprio foetus corde: insitus qui in semine potissimum, & sanguine menstruo residebat, & post ortum in solidis partibus, & primum, ac principaliter

ter in corde, & humido primigenio, radicaliue situs est, penes prima germina in corde parentum. Dixi penes prima germina atq; principia, quia postea ab influente calore, & alimentis, & subinde à geniti fœtus corde fouetur & conseruatur, & augetur. Ex quibus caloris innati substantia, subiectumq; facile patet. Vt enim habemus à Galeno primo de natura. hum. com. 39. primo de tuenda valet. cap. 2. & primo de elem. libro, principaliter in spiritibus residet. Spiritus verò in semine & sanguine, necnō aliqua ex parte in triplici solidarum partium humiditate continetur: Sed maxima pars in humoribus & sanguine ipso, vt affectus ille, quem syncopen vocamus, in quo propter repentinam caloris in cor retractionem, totum corpus algidum remanet, nobis clarè patefacit. Quare sicuti calor in spiritibus subsistit, ita hi in semine & sanguine, & humida solidarum partium humiditate continentur, vti Gal. 5. in 6. de vulg. morb. com. 30. & 5. simpl. cap. 9. scriptum nobis reliquit. Quod si 4. in 6. eiusd. lib. de vulg. morb. com. 25. asseruit in sanguine, & sanguineis visceribus essentiam habere, id intelligere debemus tanquam in principijs quibusdam, in quibus magis affluenter reperitur, & præstantiores operationes expromit. Sed hæc de innati caloris natura mihi dixisse non sufficit; sed vt ad ea, quæ dicturus sum, altiora mihi superpetant principia, scire expedit, quòd quamuis Galenus ad simplices huius innati caloris differentias respiciens, duas tantum posuerit, nimirum insitum, & influentem, vti dictum est; nihilominus, si quis tertiam addat, quæ scil. ex vtriusq; mixtione siue coniunctione oritur,

à veritate non aberrabit. Quod enim triplex differentia caloris natiui statui possit, & ratione ipsa, & naturalium Philosophorum auctoritatibus probari potest. In perfectis enim, & languineis animantibus primus calor reperitur, vti diximus, quem insitum vocant, qui non est animantibus proprius, sed omnibus mistis communis. Omnis enim mistio istius caloris vi conflatur, quia mista per concoctionem ex 4. meteororum generantur. Concoctio vero à proprio & innato fit calore. Ab eiusdem quoque caloris actione seruantur mista; quo deficiente, dissoluntur, vt in putrescentibus patet. Talem ergo calorem proprium, & innatum, & insitum habent in animali partes similes, ac simplices, ex quibus corpus vniuersum, & organica membra constituuntur. Hanc veritatem nouit Auerroes, qui 4. & 5. Collig. de eo loquens ait, quod in simplicibus corporibus animantis est suus calor, qui à natura illis in primo orru insitus est, & ex elementorum mixtione, vnde illæ genitæ sunt, habetur: Qui nō est vnius naturæ in omnibus mistis, nec in omnibus simplicibus particulis animantis; sed pro earum varietate varius. Alterius enim est naturæ natiuus calor carnis ab eo, qui est ossis, & sic de reliquis. Est & alius modus, siue differentia caloris naturalis, non amplius mistorum communis, sed perfectorum in primis animantium proprius. Cum enim calor præ ceteris qualitibus sit magis actiuus, ideo omnes mixtorum formæ (quæ tamen non diuersæ, sed eadem sunt cum proprio suo naturali calore) proprias edunt operationes per suum proprium naturalem calorem. Vt enim per eum gignuntur;
ita

ita per eundem operantur. Quo verò formę nobiliorem obtinent gradum, eò plures, ac perfectiores (vt fusiùs in primo nostro libro de occult. & venen. morb. docuimus) habent operationes: vnūquodq; enim est propter operationem propriam. Quanto verò plures, ac perfectiores edunt operationes, tanto illis plus caloris opus fuit. Cum autem nullum mistum corpus animali, præsertimq; sanguineo perfectius sit, nec plures, ac perfectiores functiones sit sortitum, ideo natura illi liberaliorem caloris copiam fuit elargita. Vnde sola animalia, inter mixta, calida actu reperiuntur, & citra externum calorem alia calfacere possunt, vti in his, qui frigida ventriculi intemperie laborantes, Galeni consilio 7. meth. med. paruos catellos, aut alia huiusce generis animalia, sibi admouent, manifestè cernimus. Reliqua verò mixta, vt 4. collig. inquit Auerroes, externo egent adiuuante, siue actuante calore, vt alia calfaciant. Ergo natura animantibus, præter insitum mistis alijs communem, influentem quoq; indidit à corde manantem, qui priorem augens & fouens, est veluti sedes ac proximum vitæ principium, sine quo vita consistere non valet. Huius verò influentis caloris substantia & natura in sanguine & spiritibus (vt dictum est) consistit, ex Hippoc. & Galen. 8. de Placitis, cap. 7. Hic autem influens calor vnà cum spiritu, in quo subsistit, cum ad vnāquamq; particulam fertur, illi proprius fit, & cum insito illius particulæ, qui exiguus est, calore miscetur, & ex ambobus fit vnus calor, tanquam ex materia, & forma. Nam influens à corde manans formæ rationem habet: insitus ex prima elementorum

mentorū mīstione ortus materię rationem subit. Ex quibus patet in perfectis animantibus tria esse, quę ad naturam innati caloris pertinent, scil. spiritum, sanguinem, & calorem, qui solidarum partiū est proprius, siue sit ex prima elementorum mīstione ortus, siue ex duplici calore conflatus. Influens enim vocatur, qui in spiritibus, & sanguinea massa continetur, & à corde per arterias, & venas, quę cum arterijs per anastomosin connectuntur, in vniuersum corpus diffunditur. Infitus ac innatus, siue etiam primigenius dicitur, qui in solidis est particulis, & vnā cum animantis natura gignitur: Sicuti tertius ex vtrisque mixtus, actus nuncupari solet. Si quis autem quæreretur, an calor hic ex vtrisque conflatus, quem etiam actus vocant, ad membrorum substantiam pertineat, necne; quia videtur, ipsum ad substantiam partium pertinere non posse, cum ipso corrupto, & extincto, aut inanito, partis nihilominus, vt ossis, aut nerui, aut alterius partis, substantia & natura remaneat: Huic ego responderem, ipsum ad membri substantiam pertinere non solum quatenus membrum est; verum etiam quatenus mīstum. Non tamen arbitrandum est, me velle affirmare, quodd, deperdito partis calore, vniuersum mixtum ita dissoluatur, vt abeat in materiā primam. Quod dixi, sic declaro: Membrum idcirco membrum est, quia animę famulatur, vitęq; ac sensus munia exequitur. Quocirca dicimus illud, calore deperdito, partem aliquam corporis tunc amisisse, quia ea ad motum, & eum præsertim, qui membro naturalis est, vti nequit: sed insuper interit quoq; membrum quatenus mixtum est, non tamen,

men, vt quoquo modo mistum est; sed vt vitali mixtione mixtum est. Neq; credendum est, hanc vitalem mixtionem asferre, verbi gratia, neruo nouam substantiam corpoream; sed præexistenti substantiæ corporeæ, quæ ex elementis conflat, prædominium tantum adducit elementi ad vitam apti, cum vitalium qualitatū attemperatione, quæ est animantium vita in actu primo. Qua ratione optimè potuit Galen. 1. aphor. com. 15. & lib. 4. com. 37. vsurpare calorem naturalem pro animantium natura. Et Auerroes in comment. paraphrast. quarti Meteor. dixit calorem naturalem formam esse eius, cuius est calor. Quamuis autem suspicari possimus, Auerroem non voluisse, formam substantialem esse; tamen infra ostendemus, ipsum cunctorum viuientium formam esse, vno excepto homine, cuius solius forma & anima diuina est & immortalis. Ex his autem, quæ à nobis longiori sermone de innati caloris natura declarata sunt, possumus, pro exacta ipsius notitia per quoddam veluti corollarium colligere, ipsum sui natura humidum, ac subinde à prædominio aereum esse. Siquidem eius quoque substantia, ex Galeni testimonio sect. primæ aphor. 14. aerea est & aquea, sicuti ex semine licet coniectari (inquit ipse) quod paucam omnino terrenam substantiam participat, plurimum autem aeris calidi humidique in seipso continet, quemadmodum in commentarijs de semine ostensum est. Iam verò & alterum nostræ generationis principium, sanguis menstruus, humidum natura est. Et 5. simplicium, cap. 9. de pus mouentibus medicamentis verba faciens, & potissimum de his, quæ admodum

excal-

excalfaciunt, ex hoc (inquit) fit, vt natui caloris substantia diminuat, sed qualitas intendatur (sub istis scil. valde calfacientibus) quorum neutrum fieri expedit: verum halituosum & calidum spiritum contineri quamplurimum, & ad vnguem caliditate symmetrum (talis autem aer est) quippe cū hic in pueris copiosissimus omnes naturales actiones adaugeat. Et paulo infrā, Verum nihil prohibet, subdit, sanguineam substantiam, simulq; aeream, aut etiam (vt alij transferunt) seminalem vnā cum spiritu calidum inaudire innatum. Superius quoq; multoties ex eiusdem auctoritate dictum est, innatum calorem in sanguine & semine, & spiritu, in partium humiditatibus, imō & in sanguineis visceribus residere: quæ omnia calida sunt & humida. Quod etiam ex eo demonstrari potest, quia, si omnia ex ijs nutriuntur, augentur, & conseruantur, ex quibus constant, innati caloris substantia ex aere per os & pulmones, & sanguine ipso (sui natura humido, & aereo, ac temperatè calido) in sinistrum cordis ventriculum attracto gignitur, refarcitur, & iugiter quoad vsq; vita perdurat, conseruatur. Hæc autem infrā, in proprio magis loco, & ipsius Aristotelis auctoritatibus, & pluribus rationibus demonstrabimus; quæ quantū ponderis futura sint ad diluenda aduersariorum argumenta, infrā, suis in locis, apparebit.

Naturalem

*Naturalem calorem eas omnes functiones in viuenti-
bus exprimere posse (una tamen rationalis ani-
ma excepta operatione) quas ipsammet
animam edere voluit Arist. & pri-
mum illas , quæ ad animam at-
tinent vegetalem. Caput. xi.*

Naturalis viuentium caloris essentia exactè, ni-
fallor, declarata, reliquum est, vt ad propositū
nobis scopum properemus, & duo potissimum ab-
soluamus: quodum primum erit, validis rationi-
bus probare, huiusmodi calorem ab animæ sub-
stantia nullo pacto diuersum esse: Alterum erit, om-
nes illas rationes & ambiguitates infringere, quas
tum idemmet Arist. in 2. de Anima, tum alij eius se-
ctatores aduersus Hippoc. & Galenum, innatum
calorem animam esse asserentes, iactare consueue-
runt. Inter rationes autem, quibus valemus pro-
bare hunc calorem, animam esse viuentium, prima
atq; præcipua erit, si aperiamus, quo pacto, & quā
facile, idemmet naturaliscalor, in quocunq; viuen-
tium genere, ea omnia officia præstare valeat, (in-
tellectus tamen ac rationalis animæ excepto mun-
re) quæ Lycæi princeps Aristot. ipsi animæ voluit
esse tanquam agenti præcipuo accepta referenda.
Mox alias rationes, & , vt puto, non minoris robo-
ris apponemus. Ad primam quod attinet, cum præ-
ter ratiocinationem & intellectionem, duo sint in
viuentibus functionum genera, quorum vnum ad
vegetalem; alterum ad sentientem animam siue
facultatem refertur, ac pertinet: id primum in vege-

N

tali.

tali, mox in sentiente facultate probabimus. Vegetalis porro potentia tres sunt operationes præcipuæ, nimirum nutritio, accretio, generatio, & causa nutritionis aliæ nonnullæ famulantes ab omnibus dictæ, vt attractio, retentio, concoctio, expulsio, appositio, agglutinatio, assimilatio. De his igitur omnibus summam loquens Galenus lib. de Marco-re, cap. 3. dum aduersus illos inuehitur, qui falso à nativitate calorem corpora nostra, vt ab igni ligna, consumi arbitrabantur, hunc in modum scribit: Animantia omnia, inquiunt, illi, nuper genita, vt etiã stirpes, humida sunt: ideoq; calor tanquam humoris copia suffocatus, sese vix attollit, estq; caliginosus tardusq; & ægrè mouetur: tractu verò temporis, cum humoris illam vim superat, tum verò cuiusq; materiae dominus euadit. Itaq; nec caliginosus, nec turbidus, nec fumeus est, sed purus, ethereusq; effectus, omnes suas motiones sine vllò impedimento obit: &, vt vno verbo complectar, vt flammæ, cum in humida ligna inciderunt, principio quidem serè obruuntur, & quasi extinguuntur: quippe quæ & exiguæ & imbecillæ admodum sunt; progressu verò temporis paulatim emicant, & cresunt, paulatimq; materiam superant; tandem cum totam materiam superarint, in magnitudinem ingentem attolluntur; qui ipsarum vigor, roburque est; tum verò, alimento mox deficiente, marcescunt, & extinguuntur: Eodem etiam modo, inquiunt, noster calor animalis corpori, ceu materiae cuidam, inditus, principio quidem humidus imbecillusque est, & vsq; ad florentem ætatem auctus emicat, & augetur, & ad summam euahitur magnitudinem, ignisq;

ignisq; flammam imitatur: hincq; alimenti inopia sensim marcescit: estq; id senium: mox penitus extinguitur, idq; mors est. Hæc ratio omnibus ferè recentioribus & Medicis, & Philosophis probatur: quæ tamen (subdit Galenus) meo iudicio, vera nō est, utpote quæ flamma ignis animalium calori cōparetur. Ac ne illud quidem sentiam, qui ea vtuntur, flammis ortum esse ex corruptela eius materiæ, ex qua accenduntur: Animalia verò non illa calorem natiuum ab eo, qui ipsa effinxit, nacta esse; sed ut ab eo auerentur, & gubernarentur. Neq; ullū est tempus, in quo innatus in nobis calor per vniuersam hanc materiam non diffundatur, ijs nō modo viribus præditus, quibus animal effingit, sed alijs etiam permultis. Nam & alimentum ad se trahit, & materiam dispensat, & apponit, & agglutinat, & assimilat, & ut summam dicam, omnia fecit, quàm flamma, in materia sibi innata efficit. Et quanam vnquam flamma materiam, cui indita est, adauget? ecquæ materiæ potius alimentum assimilat, quàm sibi ipsi materiam? ecque tot machinationes conseruandæ materiæ causa adinuenit? Nam partes quasdam circumuestiuit, ac clausit, ne quid exterius exuperet: quasdam perforauit, ac dilatauit, canalesq; induxit, quibus modo alimentū, modo refrigerationem, spiritumq; traherent. Simul etiam excrementa per alios crassa, per alios tenuia extrudit. Omnem profecto de vsu partium tractationem imprudens transferam, si omnia nature opera deinceps recensuero. Quanquam huius opinionis principes idem esse natiuum calorem, & naturā dicunt. Sed non rectè ipsum flammæ assimilant,

& comparant, & corpora ab ipso corrumpi arbitrantur. Idem insuper Gal. 1. aph. com. 15. de eodem innato calore loquens, Hicigitur, ait, cum sit omnium operum naturalium causa (inquit, causa, non instrumentum) quia copiosior est hyberno tempore; idcirco, ubi appetentiam intendit, coctiones auget, & plus sanguinis accumulat, & crassius corpus efficit, & ut superfluitates excernantur, prouidentiam habet. At calor circumfusus non inodo superfluitates, sed æqualiter omnia euacuat, materiam inutilem, & ea etiam, que in corpore secundum naturam continentur unà dissolvens per eam, quæ à Medicis occulta diffusio nominatur, quam calor ianatus efficit. Neque enim aliud quicquam est natura animalium præter hoc calidum, ex Hippocratis opinione. Ostensum autem à nobis est in commentarijs de viribus naturalibus, naturam non solum appetere, conficere, agglutinareque singulis partibus proprium alimentum, sed & huius quoque superfluitates discutere. In libris autem de crilibus idem statuit unà cum Hippocrate eundem innatum calorem in morbis crises, siue iudicationes moliri. Quod quidē, sine præuia superfluatorum coctione, ab utiliumque separatione, & eorundem retentione, & meatuum refectione fieri nullo modo potest. In summa innumera pene huius eximij viri loca possem afferre, in quibus eadem innati caloris opera admirabilia recensentur, quæ si vellem tantummodo per capita percurrere, tempus me deficeret, & opus hoc, cuius breuitati maximè studeo, in maiorem, quam æquum sit, molem excresceret. Sed videre videor Aristotelis confederatos hac in

re Galeni auctoritatem deridere. Quocirca rationibus res est agenda, nisi vna & ipsiusmet Philosophi auctoritate pugnare velimus, cum apud quosdam nulla sit aut Medicorum, aut Philosophorum vox Aristotelis dignitate & opinione inferior. Cum igitur, ex eiusdem & omnium sententia, caloris proprium sit attrahere, frigidi verò repellere, & vti dictum est, innatus calor ad temperiem reductus est duplici constatus sit qualitate, altera calida, altera frigida, vti cum Galeo libro de Rigeri cap. 6. superius probatum est, quis inficiabitur, ipsum & attrahere, & expellere posse? Sed frigidam mittamus qualitatem, accipiamus innatum calorem, quatenus tantummodo calor est. Si itaq; sensui patet, quam plurima inanima corpora, atq; mixta, merito proprietatum, quæ ex eorum formis emergunt, nedum attrahere, iterum etiam euidētissime expellere posse, etiam si alia eis instrumenta; præter sibi congenitam proprietatem, non superant, vti de lapide Magneæ patet: Si alia admiranda ab ipsidem inanimatis mixtis prædeunt proprietates, quæ ab eorum formis ac determinatis reparationibus prædeunt, vti fusiùs in nostro de occultis, ac venen. morbis à nobis demonstratum est; quomodo à pari, imò magis innatus calor in corporibus viventibus, merito præcipuorum organorum excellentiora, ac diuiniore præstare non valebit? Relata fuit superius Auerrois ipsius Aristotelis præcipui sectatoris sententia 4. & 5. colliget; vbi de hoc eodem calore loquens scribebat, quod in simplicibus corporibus animantis est suus calor, qui à natura illis in primo ortu insitus est, & ex elementorum

torum mixtione, ynde ille genitæ sunt, habetur. Qui non est vnius naturæ in omnibus mixtis, nec in omnibus simplicibus particulis animantis, sed pro earum varietate varius. Alterius enim est naturæ natiuus calor carnis, ab eo, qui est ossis, & quæ sequuntur. Si sic, quis mirabitur, calorem innatum rectis, exempli gratia alicuius determinatæ partis fibris attrahere, ratione obliquarum, aut etiam transferarum retinere, & expellere posse? imò quid prohibet, longiori tractu ipsummet quod traxit, diutius retinere, & retinendo exactius apponere, & merito fibrarum, quæ in alimento sunt, agglutinare, & tandem simplici alteratione perdurante, & partis proprietate mediante, assimilare posse? Assimilationem verò nutritio de necessitate subsequitur. Vbi autem calor hic vberior & vegetior existit, vt maior ab eo fiat alimenti confectio, quam humidi fiat resolutio, atq; digestio, vt in corporibus, & animatis, quæ augentur, cōtingit, nutritioni accedit accretio. Ita facultatis formatricis munia obire posse natiuum calorem, & subinde animatorum formas, ac species siue ideas ex semine procreare, inde elici potest, quia si verum est, quod ex antiquorum Philosophorum decretis tradidit Aristot. 8. Physic. text. 55 nimirum, rarum, & densum rerum omnium communissima principia statui posse: quod etiam mox in tex. 77. confirmare videtur; qui etiam voluit cū suo præceptore Platone consentire, qui x. de legibus ait, localem motum esse primum omnium; ex eo autem consistere concretionem, & secretionem; ex quibus fieri inquit augmentum, & diminutionem: sicut tandem ab augmento ait consistere generationem;

à dimi-

à diminutione autem interitum: Si, inquam, hæc ve-
 ra esse censuerunt Antiquiores Philosophi, & ut qui-
 dam tradunt, vñ cum ipsis idem censuit Aristote-
 les, verissimum quoq; est, calorem qualitatem esse,
 quæ, ex omnium sententia, rarefaciendi vim habet,
 sicut frigus densandi: Vnde sicuti densum redigitur
 ad frigidum; ita rarum ad calidum. Sed, vti supe-
 rius cum Galeno ostensum est, innatus calor ex du-
 plici hac qualitate, calida, videlicet, ac frigida attē-
 peratus constat, & proinde huiusmodi muneris
 principalis minister statui potest. Amplius, si ca-
 lor, quatenus calor est, perpendatur, huic, ut Aristo-
 teles est auctor 2. de Generat. & corrupt. tex. 8. na-
 turaliter competit, ut congreget homogenea, siue si-
 milia, & disgreget heterogenea, siue dissimilia. Ca-
 lidum enim est, inquit, quod congregat ea, quæ sūt
 eiusdem generis. nā secernere, quod tribuitur igni,
 nil est aliud, nisi congregare ea, quæ sint eiusdem
 generis. per id enim secernuntur aliena. Sed semē
 heterogeneousum est & dissimile. Licet enim à prædo-
 minio, & penes partem formalem, ut in nostro tra-
 ctatu de læsa feminis generatione diximus, aereum
 sit, ac spirituosum, & homogeneous; tamen penes
 materialem portionem est aliorum omnium elemē-
 torū particeps, quia fit ex sanguine, qui ex quatuor
 constat primis corporibus. Quo circa calor in hu-
 iusmodi semen agens propria facultate potest om-
 nes partes similes ipsius foetus ex semine singu-
 latim congregare & vnire, atq; perficere, & ea, quæ
 dissimilia sunt, secernere. Cum autem frigus sit il-
 lud, quod, ut ait Philosophus, loco citato, sine discri-
 mine necit & congregat, cum ea, quæ sunt eiusdem
 tum

tum ea, quæ sunt distincti generis, faciliè sequitur, ut huius merito ex similaribus partibus prius calor is ope secretis, mox congregatis organicæ ac dissimilares deinde partes conficiantur, imò & ex his vniuersum corpus integratum consurgat. Sed video eos, qui in Aristotelis doctrina uersati sunt, & eum tueri contendunt, mihi obijcere posse, calorem ipsū non nisi calorem posse generare. Quod si concedamus natiuus calor animalium formas, quæ sunt substantiæ, procreare nullo pacto poterit. Quibus primum possum respondere in hac argumentatione principij petitionem fuisse factam. Ponitur enim ab eis tanquam certum, animalium formas esse substantias, cum tamen à nobis accidentia esse mox probandum sit. Sed demus esse substantias, nullius tamen ponderis ipsorum est argumentum. Nam calorem per se producere formas & sensitiuas & vegetatiuas est sensui notissimum. Quemadmodum in quàm plurimis tum herbarum, tum animalium generibus, quæ ex putri materia oriuntur, experientia, & ipsis oculis quotidie cernimus. Harum autē stirpiū & animalium ex putri materia genitorum causam aliam procreatricem præter calorem ipsum excogitare ac fingere purò hominis esse & vitali calore, & mente destituti. Huius autem veritatis longiorem probationem hoc in loco quis non expectet, cum illam in secundo nostro Totius Medicinæ libro, in cap. de Vermib. exactiorem adinuenire valeat. Quinimò hoc ipsum inficiari non potuit Aristoteles in 4. lib. de gener. animal. cap. ult. Id enim testatus est his verbis: Est (inquit) & Luna principium, propter eam, quam habet cum Sole communionem,

munionem; participationemq; lucis: Fit enim al-
 ter Sol paruus. Ita rerum omnium generationibus
 absolutionibusq; concludit: Calores enim, ac fri-
 gota quodammodo temperata generationes effi-
 ciunt: à temperatione verò cum discesserint, interit-
 us. Sic porro principij ac finis terminum adse-
 runt horum astrorum conuersiones. Ex quibus ver-
 bis liquet, Aristotelem probare iccirco Lunam prin-
 cipium esse generandi, tanquam alterum Solem
 paruum, quia caliditates gignat rerum procreatri-
 ces; vt iam dicere possimus, non idcirco produci re-
 viuentem à calore naturali, quia vim hanc accepe-
 rit ab anima viuentis. Hoc enim falsissimum esse
 in multarum rerum viuentium generationibus ex-
 perientia, & sensus docet. Sed quia calor hic, qui
 est aut in semine, aut in natura, coniungitur cum
 lucis calore; quæ lux cum sit mobilis cœli, & proin-
 de illius corporis, quod à viuente intelligenteque
 principio mouetur; multa valet producere, quæ per
 seipsum ac solus gignere non posset. Quam verita-
 tem & ipse Galenus optimè nouit, qui 17. de Vsu
 part. cap. 1. ita scriptum reliquit. Quis igitur (in-
 quit) adeo est demens, aut operum nature inimi-
 cus, qui non ex cute statim, & ijs, quæ primum oc-
 currunt, artem opificis intelligat? Quis non sta-
 tim animo concepit, mentem esse quandam, quæ
 vim habeat admirabilem; quæque terras omnes
 peruadens in omnes eius partes extendatur? V-
 bi que certe animalia procreari videas, quæ con-
 structionem habent admirabilem. Quanquam
 quænam vniversi pars terra est ignobilior? At-
 tamen mens quædam cernitur ad ipsam à supe-
 rioribus

rioribus corporibus peruenisse, quæ si quis contem-
platus fuerit, statim substantiæ pulchritudinem ad-
mirabitur: primum, ac maximè Solis, post ipsum
Lunæ, deinde syderum, in quibus par est, quanto
corporis substantia eis est purior, tanto etiam men-
tem inhabitare meliorem ac perfectiorem ea, quæ
in corporibus terrestribus habet. Et paulo post
inquit: Cum igitur in tanta colluie (loquitur de
hominis elementis) mens adueuiat adeo eximia,
quantam putandum est esse eius excellentiam in
Sole, Luna, alijsq; syderibus? Mihi quidem dum
hæc mente reuoluo, non exigua quædam mens eius
modi per ipsum etiam aerem nos ambientem videretur
esse extensa. Fieri enim non potest, cum lucis
ipsius Solis sit particeps, vt non etiam vim ab ipsa
assumat. Ex quibus Galeni verbis nescio, an huius
decreti exactior probatio reperiri queat.

*Calorem innatum animæ sensitiuæ functionum
primum esse auctorem & auctoritatibus, &
rationibus probatur. Cap. XII.*

His de functionibus, quæ ad animam, siue fa-
cultatem attinent vegetalem, explicatis, re-
manet, vt ad alterum functionū genus pergamus,
quod ad sentiētem animam, siue facultatem refer-
tur, ac pertinet: Et tum auctoritatibus, vt de prio-
ribus factum est, tum rationibus comprobemus, na-
tium animantium calorem omnes sentientis facul-
tatis operationes obire per seipsū facile posse. Vna
porro Galeni auctoritas habetur in libro de format.
foetus in vtero, cap. vlt. Quo in loco postea quam
multa

multa ad animæ cognitionem attinentiâ, & præsertim ad eius æternitatem & incorporeitatem spectantia sub dubio reliquit, hoc pro sibi certo, & firmo concludens, Tantū igitur, inquit, hoc habeo, quod de causa animalium formatrice asserere posse confidam, quod summa in ea ars, summaq; sapientia inesse conspicitur; quodq;, posteaquam formatū corpus fuerit vniuersum, id in toto vitæ curriculo tribus motuum principijs; ex cerebro per nervos & musculos, ex corde per arterias, è iecore per venas gubernetur. Quæ tamen sint hæc principia, manifestè non sum ausus constituere. Id quod cum alijs in libris declaravi, tum in eo præcipue, qui est de animæ speciebus; animæ substantiam ubiq; veritus definire. Neque enim corporea sit anima, an incorporea; eternanè prorsus, an corruptioni obnoxia, linearibus atque exquisitis demonstrationibus vsum quempiam inueni. Si itaq; superiori capite à nobis ostensum est, causam animalium formatricem nullam aliam esse præterquam innatum calorem; ergo & idem corpus animalis iam efformatū penes omnes ipsius functiones reget, & gubernabit. Neq; poterunt Aduersarij hanc Galeni auctoritatem aduersus nos retorquere dicentes summam artem, & summam sapientiam in calore ac simplici qualitate excogitari ac mente concipi non posse, cum tamen ex Galeni verbis id necessario colligatur; quia in superiori capite declaratum, demonstratumq; est, & experientia; & ipsius Aristotelis auctoritate firmatum ac roboratum, calorem naturalem, qui in semine, aut viuento & in natura inuenitur, quatenus coniungitur cum lucis calore, quæ

eius corporis est, quod ab intelligente principio mouetur, tum animalia, tum alia multa procreare posse. Dum autem dubitat in hoc eodem loco, quænam sit animæ substantia, & an æterna, & incorporea, vel corruptibilis, corporeaue, id proculdubio audiendum est de anima communiter accepta, & prout de rationali quoq; animæ parte prædicatur, vti sæpius superius à nobis fuit declaratum ac repetitum. In eodem pariter capite paulo supra scribebat: Cum enim audio quosdam Philosophos dicere, materiam animatam, quæ ab æterno est, in ideas respiciendo, seipsam excolere, atque informare, magis adhuc intelligo, vnam oportere esse animam, quæ & nos formet, & singulis membris vtatur. Et 5. in 6. de vulg. morb. com. 5. inquit Hippocratem innato calori corporea opera præcipuè accepta referre. Quamuis autem idem Galen. 1. aphor. 14. innatum calorem vitæ primarium auctorem ex Hippocratis mente nuncupauerit, & sequenti commento videatur asserere ipsum etiam appetere, non debet tamen iunior in hoc decipi, & inde elicere, ipsum sentire, quia nempe sensus, & appetitus sola ratione, non aut re & subiecto differant. Nam hoc in loco videtur potius Galeni verba ad naturalem, non autem ad animalem appetitum accommodari posse. Sed quid immoror, cum millies Galenus ex Hippocratis mente nobis scriptum reliquerit, calorem innatum omnium animalium operationum præcipuum auctorem esse, & corpora nostra tueri; & illudmet principium, quod nos effinxit & efformauit, nos quoq; toto vitæ curriculo gubernare. Neque nos perturbare debet Galeni auctoritas in

2. lib.

2. lib. de mot. muscul. cap. 5. ubi videtur naturalem motum ab animali motu distinguere, & actiones nature ab actionibus animæ; quia tunc Galenus vult secernere motum simplicem naturalem, qui ad animam pertinet vegetalem, ab ipso motu voluntario, qui ad animam spectat sensitivam: Qui tamē & ipse ab animali spiritu proficiscitur, qui in cerebro & nervis subsistit, in quo suus peculiaris, ac proprius innatus calor reperitur, in cuius virtute motus omnes voluntarios expromit. Quinimò ipse quoque Aristot. omnium actionum vitæ ac sensus calorem innatum certissimum ministrum esse voluit. Quamobrem in 2. de partib. animal. cap. 7. superius adducto his verbis loquitur: Quod autem nonnulli importunè statuunt, animam esse ignem, aut aliquam eiusmodi vim, melius fortasse dixeris animam in quodam eiusmodi corpore constare, cuius rei causa est, quod ad exequenda animæ officia calor maxime administrandi vim habet. Cum enim animæ officium sit alere, & movere, hæc ea ipsa facultate potissimum efficiuntur. Quare Aristoteles quoque hanc veritatem fateri veritate compulsus fuit. Nam, ut infra apparebit, verissimum quoque est, innatum calorem, non ignem vel igneum esse, nec igneam facultatem habere, sed potius aeream, & attemperatum. Verum auctoritates, tanquam minoris momenti, missas iam faciamus, & ad rationes, in quibus longè magis confidimus, veniamus. Incredibile profecto est, inquit isti, qui in Aristotelis auctoritatem ac verba iurarunt, appetitum & imaginationem, & memoriam, & amare, & odisse, & irasci, & alias huiusmodi animæ

mæ passionēs , quæ in animalibus fieri cernuntur,
 ab innato calore effectiue prodire . Maiora uiden-
 tur hæc esse, quam ut à calore innato gigni & obiri
 possint . Sed sciant isti boni viri, verissimum esse,
 quod ite omnes functiones procul omni dubio nō
 sunt effectus caloris, sed habentis calorem & animā.
 Quamuis aut calor ut calor non possit hæc omnia
 præstare & efficere; pōt nihilominus hæc omnia pro-
 ducere, quatenus nālis est , & corpori annexus, hoc
 est, ut clariùs me explicem, ut est tali modo tēpera-
 tus, & cum peculiaribus suis organis ac proprijs spi-
 ritibus certa quadam ac determinata attemperatio-
 ne præditis, copulatus . Nam neq; anima apud A-
 ristotelem, si sit substantia quædam, sola produce-
 re valet huiuscemodi operationes, quatenus scil. so-
 litaria est . Sed prout est in tali materia & organo
 constituta, cui dubium , quod omnia præstat, quia
 operationes organorum sunt , inquit Philosophus.
 Et quod dicimus de anima cum Aristotele, id ipsum
 de natiuo asserimus calore . Tantum enim principiū
 effectiuum istarum operationum non debemus ar-
 bitrari calorem esse, sed totum, & aggregatum ex in-
 nato calore sic attemperato, & organi temperamen-
 to ac conformatione peculiari, & habilitate, siue ap-
 titudine coniunctum & complicatum . Quinimō
 quamuis diceremus calorem esse præcipuum harū
 functionum per se productiuum, minimè tamen mi-
 randum esset, cum non sit operatio nobilior forma,
 à qua operationes illæ promanant . Cum igitur, ut
 superius demonstratum, ac sensui euidentissimum
 est, forma substantialis animalium, si qua est, imme-
 diatè à calore naturali producat, ut testis est expe-
 rientia

rientia, cur non omnes operationes ab eodem calore poterunt immediatè prodire? Verum quoniam inter cœteras animantium operationes motus voluntarius videtur præ ceteris aliam vim supra calorem innatum exposcere; & tanti momenti videtur esse, ut Galenus ad ipsum respiciens in lib. de form. foet. in vtero, cap. postrem. pene coactus sit propriam sententiam mutare, & supra innatum calorem, quæ toties vnâ cum Magno Hippoc. animæ substantiâ esse dixerat, aliam sublimiorem facultatem, excogitare, & in summa, de ipsa anima, quid nam sit, omnino ambiguum se ipsum fateri; Ea propter non sit ab re huiusmodi difficultatem amplius enodare. Clarissimum est apud Galenum, appetentiam, quæ ad differentiam naturalis appetitus, animalis vocatur, in ore ventriculi primum, & statim post in cerebro excitari: Neq; minus liquet, huiusmodi appetentię principalem auctorem calorem innatum esse: Quo fit, ut toties in commentarijs librorum Præfagiorum, & Epidemiorum Hippocratis, & alijs in locis, idem Galenus dixerit, prostratam appetentiâ animalem, quæ, scilicet, mente non ægotante, in ægotantibus suboritur, innati caloris extinctionis, siue eiusdem caloris pereuntis, & emorientis signum esse infallibile. Si itaq; calor hic appetentię animalis effectiuum est principium: Ergo etiam erit principium & auctor sensationis, & cognitionis indigentia, quia sensus, & appetitus sensitivus non realiter, sed sola ratione distinguuntur. Si sic, ergo etiam voluntarium motum excitabit, & effectiuè producet, quia facultas cognoscens, appetens, & mouens re & subiecto non discrepant: Sed ad appetentiam
 per

per quandam concomitantiam sequitur motus voluntarius . Ergo calor innatus voluntarij motus organici, & subinde musculis ac tendonibus copulatus, eiusdem motus auctor præcipuus statui poterit. Si enim apprehensio, motusq; progressiuus in virtute musculorum obeuntur, & hoc idcirco fit, quia, vt docuit Galen. 1. de motu muscul. cap. 5. musculi mēbra & ossa illa, quibus præsumunt, & flectere, & extendere valent, vnde clarè demonstrat eo loco, quod flectere quidem officium est musculorum internorum; extendere autem externorum, perspicuum omnino est, quod tensio, & in seipsos contractio, insita musculis est actio: extensio autem & laxatio, oppositorum intensorum, & ad seipsos trahentium . Si enim, vt postea inquit, totum musculus per transuersum' abscindas, siue in animali mortuo, siue adhuc viuente, partem eius aliam sursum, alia deorsum ferri euidenter videbis, ad suum terminum vtramq; tractam. Idq; si quauis in parte totum musculus per transuersum abscideris, fieri clarè perspicies. Quo manifestum est, quod omnis eius particula connatum habet motum, in seipsam scilicet coitionem. Etenim & si principium supernum solum abscideris musculi, totus ad caudam feretur: si finem inferiorem, ad caput retrahetur: si vtrinque abscideris, eum quasi conglobatum videbis, & concurrentem ad medium ex vtrisque finibus. Sed quorsum hæc scribo? Vt pateat innatum calorem voluntarij motus auctorem esse. Quod nunc declaro. Si vesicam vrinariā, ventriculū, vterum, & alia omnia membra, quæ in proprijs expulsionibus contractione utuntur, Galenus & omnes fatentur, merito calor

ris innati, tanquam agentis principalis, & merito fibiarum, tanquam agentis instrumentarii proprias expulsionem moliri: ergo à pari motus voluntarius, qui merito solius contractionis musculorum celebratur, ab eodem calore, tanquam ab effectiuo principio poterit proficisci, cum musculis, qui innatum contractionis motum sortiti sunt, fuerit copulatus. Omnis namq; musculi particula innatum habet motum, videlicet in seipsam coitionem. Sed possumus insuper asserere præter conatum musculi motum & coitionem, ipsius quoq; voluntatis nutum per quendam conatum concurrere: sicuti voluntatis nutus ab appetentia; & hæc ab ipsa sensatione, & hæc ab obiecto appetibili, & delectabili tanquam sine, & ab ipso calore naturali ceu principio effectiuo originem ducit, & motus principium sortitur.

Instantia nonnulla, quæ ex Galeni dictis colligi possent videntur, & eius iam explicatam de anima substantia opinionem videntur euertere. C. X11.

EX traditis autem luce clariùs patere arbitror, innatum calorem ea omnia officia præstare posse, quæ ipsi animæ, tanquam agenti superiori, aut primo agendi principio, Aristoteles voluit attribuere. & subinde, si anima esset natura quædam à naturali calore distincta, absq; dubio esset otiosa. nec enim ullam haberet actionem. Quantum autem apud eundem Aristotelem, & ipsam naturam absurdum sit entium superfluitas, & multiplicatio sine necessitate, nemo est, qui in naturali versatus sit Aristotelis Philosophia, & hoc ignoret. Videmus enim

P naturam

naturamentium simplicitatem maximè affectare, ac subinde multoties vnico & simplici instrumento plures vsus & actiones præstare, non autem simplicem & eandem pluribus instrumentis edere, quando æquè bene paucioribus, vel vnico eandem obire valeat. Si igitur anima est quid à calore diuersum, quam, obsecro, in plantis ac stirpibus operationē notare poterimus, cuius solus, ac per se calor innatus auctor esse non possit? Nec amplius dicant Philosophi fautores, difficile quidem esse id in stirpibus inuenire, sed in animalibus facile, quia cognitione & appetitu prædita sunt. Nam & has quoq; functiones à calore naturali effici posse monstrauius, & adhuc magis in præsentī capite probare conabimur. Nam priusquam ad alias rationes probantes, animam esse calorem, descendamns, ne vilis hac in re scrupulus apud aliquem Galeni sectatorē relinquatur, cogimur aliquantisper immorari in eius dictis examinandis & aperiendis, quæ ab eo scripta sunt in postremo capite libri de format. foet. in utero, tum quia pulcherrima, & maxima contemplatione digna mihi videntur; tum quia sententiā nostram, imò & ipsiusmet Galeni iam explicatam, & rationibus fulcitam, videntur euertere. Is igitur de his, quæ à Philosophis dicta sunt de animæ substantia, nec non de causa foetuum formatrice verba faciens, sic inquit: Ego verò, sicut fabricam nostri corporis ostendi summam Opificis & sapientiam, & potentiam præ se ferre; ita demonstrari mihi à Philosophis velim, vtrum is Opifex Deus aliquis sit & sapiens, & potens, qui & intellexerit prius, quale vnus cuiusq; animalis corpus esset fabricandum,

bricandum, & deinde quod proposuerat, potentia fuerit assecutus, an anima aliqua à Deo diuersa. Neq; enim naturæ (& per hanc non innatum calorem, quem Hippoc. in animalibus naturam appellat, sed causam vniuersalem rerum omnium generabilium & corruptibilium intelligit) quæ appellatur, substantiam, siue corporea, siue incorporea ea sit, ad summum sapientiæ dicent peruenisse, quam ne vlla quidem sapientia esse præditam inquirunt. Vnde eam ita artificiosè in foetuum formatione se gessisse credendum non est. Hoc enim ab Epicuro, alijsq; qui sine prouidentia omnia fieri opinantur, audientes, nullam fidem adhibemus. Nam duorum alterum necesse est, aut ex motu aliquo irrationali, atq; inartificiofo foetuum formationem in optimum finem deuenire, aut, quemadmodum, qui miracula moliuntur, principio motionis exhibito, discedunt, machinæ verò ipsæ aliquantisper, non multo tamen tempore, per se ipsæ artificiosè impelluntur; ita etiam Deos, vbi plâtarum, & animalium semina præpararint, vt ad tantam motuum successionem idonea sint, ipsos nihil amplius agere. Verum priorem opinionem refellere mihi non est opus, cum ab ijs ipsis, aduersus quos mihi disputatio est, damnata iam sit. Quod ad secundum spectat, diligentius considerandum, fieri ne possit, vt talis humor, qualis in genitura apparet, in tanto numero sibi mutuo succedentium motionum nunquam aberret, donec iustum finem attigerit. Nam sicut incredibile est, nullum in tanta partium multitudine errorem à fortuita motione committi; ita consecutionem motus artificiosam

ab aliqua irrationali substantia effici perinde , atq; ipsi dicunt, nimis audax est. His prælibatis , Galenus, vt ostendat maiorem huius negotij difficultatem, & supra calorem natium aliam virtutem eminentiorem in animalibus, etiam iam efformatis, requiri , statim subdit: Sed adhuc admiratione dignius videtur, quod per totum vitæ tempus, nobis omnibus insipientibus, assiduè fit, quod tamè, quo modo fiat, nullus ex ijs, qui naturæ speculationem profitentur, neq; aduertit, neque indagauit. Hoc autem illud est, quòd in membrorum functionibus accidit: euidentie verò causa, vno aut altero exemplo producto finiemus orationem. Vt autem breuibus, quæ à Galeno dicuntur, perstringamus, ipse proponit varium, & admirandum musculorum motum, primùm in manu; secundò in ipsa lingua. Sumit itaq; primum manum, quæ omnes digitos tribus ossibus compositos, & inter se articulis distinctos habet. Cum igitur aliquando nobis simul omnibus, vel priuatim singulis extendantur; aliquando in latus, idq; vel ad paruum, vel ad magnum digitum, inflectantur, & hi omnes motus per musculos fiant nobis ignorantibus, priusquam per dissectionem pateant, admirandum sanè est, quo modo non solum nos, sed paruuli etiam infantes, cum aliquem digitum extendere, vel flectere iubentur, statim id faciant, licet mouentem musculum non agnoscant. Deinde assumit linguam, de qua maior insurgit admiratio, cum de eius musculorū multitudine dissectionis professores dissentiant; tantum abest, vt singulis motionibus præpositum certò cognoscant: Et nihilominus puerulus, vbi audiat

hanc

hanc vocem (pānis) etiam si nesciat, quomodo lingua fingatur, nec à quibus musculis ad singulas voces proferendas agiteretur, eam exprimit. Ex diligentioribus autem Medicis, qui hoc indagarunt, quidam dixit vnumquemq; musculum quasi animal voluntatem nostram persentientem attrahere & circumducere linguam in conuenientem figuram ad vocem exprimendam. A qua tamen opinione veluti absurda (in nobis enim quamplurimas introduceret animas, siue animalia inuicem separata) recedendum esse ait Galenus. Quidam verò alij dixerunt à neruis ad originem suam musculos trahi, ad quorum tractum inferior ossium, quæ articulos constituunt, pars sequitur, cui musculi caput insertum est. Quam sententiam rejicit Galenus, tū quia adhuc non cognoscimus, quisnam musculus trahendus sit; tum quia minutissimi nerui maioribus musculis inditi sunt, qui nec in viuentibus in voluntarijs functionibus moueri, vti musculi mouentur, nec in mortuis, si nostris manibus conuellantur, musculos, sicuti musculi articulorum ossa trahere cernuntur. His positis, Galenus ad semen reuertitur inquit: Neq; tamen, quia singuli musculi voluntarijs motibus agitantur, propterea affirmandum est semen, perinde ac miracula, fuisse constitutum, ferriq; ita sine vlla cognitione, neque quid agat, intelligere. Nam eorum ratio, qui animam suam sibi corpus formare dicunt, ex dissectione satis probabiliter confirmata hinc contradictionem admittit. Ex vsu enim singularum corporis partium confirmatur, qui simul, dum etiam generantur, insitus videtur. Vnumquodq; enim animal

cernimus

cernimus ea præcipuè parte, quæ alijs præstat, se defendere : vitulum cornu petere, priusquam cornua produxerit; pullum equinum calcitrare nondum solidis ungulis; catulum sine validis dentibus ad mordendum incitari : simili modo volucres, antequam idoneæ sint, volare conantur. Quæ omnia videntur significare, animam, quæ partibus his utitur, ipsarum usum optimè callere, quasi ipsa eas fabricarit, non ab alio fabricatas acceperit. Sed cur, ubi membrum aliquod mouere voluerimus, qualibet motione id statim moueatur, licet mouentem musculum non agnoscamus, illud verò omnium difficillimum est. Vnde quidam putarunt, aliam esse animam, quæ quodlibet membrum fabricata est, aliam, quæ ad voluntarias functiones incitaret, & priore abeunte & recedente post corporum fabricationem, remaneat secunda, quæ scilicet incitat. Quæ quidem ratio de anima membra incitante licet vndiq; Galeno absurda visa sit, tamen ei præ se ferre videtur summum Opificis, qui nos condidit, artificium, quod nemo sanæ mentis in temerariam fortunam referre potest. Quemadmodum postea ex admirabili nostrorum corporum fabrica Galenus hoc declarat : Et potissimum ex tam ingenti particularum numero, quæ tam in dextris partibus, quam in sinistris æquales omnino sunt, quas non nisi à sapientissimo, & potentissimo Opifice factas esse credendum est : Quis tamen is esset, nunquam ab aliquo ex suis præceptoribus audire potuit, etiamsi & primum, & secundum, & tertium, & vsq; ad quartum percontatus esset. Vnde maxima tristitia affectus secum cœpit inuestigare, an aliquam de fabrica

ca animalium validam rationem posset inuenire; aitq; nullam hucusq; potuisse. Et ob id peritos hac in re Philosophos hortatus est, vt, si idoneum quippiam inuenirent, secum id sine inuidia communicare vellent. Tandem rursus repetit, quod cū videat puerulos exprimere verba sibi imperata, absq; eo quod musculos linguam ad ea accommodatē exprimenda mouentes, & multo minus neruos agnoscāt, probabile esse existimauit, cum, qui linguam nostram finxit, vel ipsum adhuc in formatis membris permanere, vel membra ipsa animantia constituisse, quæ voluntatem principalis animæ nostræ partis cognoscerent. Sed cū postea cognosceret, aliā esse principatus nostri animam, aliam, quæ in singulis membris est, vel prorsus vnā esse communem, quæ omnia administret, in eam ambiguitatē venit, vt putaret se ne probabili quidem commutatione, nedum certa cognitione aliquid de artifice, qui nos finxit, percepisse. Cum enim audiret quosdam Philosophos dicere materiam animatam, quæ ab æterno est, in Ideas respiciendo seipsā excolere, atq; informare, magis adhuc intellexit, vnā oportere esse animam, quæ & nos formet & singulis membris utatur. Huic tamen (subdit) opinioni illud aduersatur, quòd, quæ nos regit anima, appetitionibus ipsius inferuientes partes videtur ignorare.

Quo pacto omnes propositæ obiectiōes sint diluendæ.

Cap. X I I I I.

HÆc sunt (doctissime Compater) potiora illa Galeni dicta & conclusiones ab eo prolatae, quæ

quæ nostram, imò ipsius propriam de animæ quidditate sententiam videntur posse labefactate; & nobis persuadere, in animalium constructione, & functionibus edendis, supra natium calorem nobiliorum virtutem, & opificem sapientissimum, & potentissimum necessarium esse; & illam virtutem, quæ animalia produxit, non esse eandem, quæ illa vniuerso vitæ curriculo conseruat, atq; gubernat. Quibus, etiam si ex his, quæ superius à nobis scripta sunt, facile sit respondere, nihilominus pro virili rursus laborabo, vt validioribus adhuc rationibus Galeno satisfaciam, & eius desiderium, quo in eiusmodi quæstionibus soluendis vehementer ardebat, & ad tot præceptores percontandos incitabatur, si non ex toto, saltem magna ex parte expleam. Hanc autem provinciam libenti animo suscipio, non vt Galenum erudiam, (nimis enim arrogans & impudens essem) sed solum vt ipsum titubantem in suis proprijs decretis stabiliam, imò in diuersam ab ea, quæ cum Diuino Hippocrate de animæ natura protulerat sententiam cadentem, erigam. Quod vt breuius, quantum fieri poterit, & facilius prosequar, ab eius postremis iam relatis verbis, quæ veluti per quoddam corollarium apposuerat, sumemus initium. Cum itaque dixisset, se magis adhuc intelligere, vnam oportere esse animam, quæ & nos formet, & singulis membris vtatur, statim subdit, quod huic opinioni illud aduersatur, quod quæ nos regit anima, appetitionibus ipsius inseruiens partes videtur ignorare. Quod quidem in superioribus eiusdem capituli dictis duplici exemplo demonstrauerat, vno quidem ab extremæ manus, & ipsorum digitorum:

digitorum; altero ex ipsius linguæ varijs motionibus desumpto: quas etiam maxima admiratione dignas esse affirmauerat. Verum si quis in memoriâ reuocet, quæ superius à nobis dicta sunt, nimirum, innatum calorem, quatenus tali temperamento donatus est, & prout cum peculiaribus suis spiritibus & organis, certa quadam temperatione & cōpositione præditus est copulatus, omnes animæ functiones edere, non amplius mirabitur. Quod hoc sit verum, ex ipsiusmet Galeni auctoritate comprobo. Is enim primo de Vsu part. cap. 3. hæc eadem profert verba: Omne enim animal (inquit) & suæ ipsius animæ facultates, & in quos vsus partes suæ polleant, nullo doctore præsentit. Hoc autem probat exemplo nonnullorum animalium nuper natorum, quæ, licet particulas vndeque perfectas non sint adhuc sortita, ijs nihilominus vti desiderant. Naturæ .n. animalium (vt ait Hippocr.) à nullo doctæ sunt. Quapropter cetera quidem animalia mihi natura magis (subdit Galenus) quam ratione artem aliquam exercere videntur, apes videlicet plasmare, fingereq; alueolos; thesauros verò quosdam, & labyrinthos formicæ fabricari, nere autem & texere araneæ, vt coniecto, sine doctore. Insuper, vt idem habet in citato libro, cap. 2. multum differunt à se inuicem particule animalium, quoniam & ipsæ animæ differunt; omnibus verò aptum est corpus animæ moribus, & facultatibus. Idcirco Homini (sapiens enim est hoc animal, & solum eorum, quæ sunt in terra, diuinum) pro omnibus simul defensorijs armis manus dedit, instrumentum ad omnes quidem artes necessarium, paci ve-

rò non minus , quam bello idoneum . Et capite quatto inquit vnà cum Aristotele ; hominem manum velut organum quoddam ante organa habuisse , eò , quia rationem ipsam velut artem quandam ante artes fuerat sortitus . Mirari itaque posthac non debemus , si ipsos etiam puerulos digitos tam variè , ac tam artificiosè dimouere videamus . Si enim animalia , quæ ratione carent , sine doctore , in quos vsus partes suæ polleant , faciliè cognoscunt , multò magis , quæ ratione prædita sunt , id poterunt cognoscere . De linguæ verò admirabili motione quid attinet dicere ? cum in homine os ipsum longè magis ad loquendum quam ad apprehendendum fuerit efformatum . Ad quod respiciens Galenus , in comment. Timæi Platonis , dicebat : At oris quanta vtilitas , quantumque decus ? Cum enim vita animantium cibo potioneq; & spiritu teneatur , ad hæc omnia percipienda os est aptissimum : Cumq; mentis interpret oratio sit , ea potissimum ore emittitur , atque ijs instrumentis fere , quæ ore continentur , articulatur , vt in eo libro , qui de vocalium instrumentorum dissectione est , & in eo , qui de voce inscribitur , demonstrauiamus . Itaq; & sensa animi , & sua cogitata homines , nisi os essent consequuti , nunquam eloqui potuissent . Sed incredibile est , quanta opera ad id agendum machinata natura sit . Hæc ille . Scimus autem in vocis de articulatione linguam , præ ceteris partibus , magis præcipuum locum habere . Quocirca , si & psittaci , & picæ & sturni , & corui , & alia pleraque bruta animalia , quæ multò minus , quam homines , musculos linguam mouentes agnoscunt , voces plerasq;

rasq; dearticulatas, & integra verba, & interdum
 integras cantilenas, ore ipso magis ad apprehenden-
 dum, quam ad loquendum, siue vociferandum pro-
 pto & efformato, proferunt, mirandum certè non
 erit, si puerulus aliquod verbum proferre iussus &
 edoctus, lingua adeo ad id idonea, & ore ipso, la-
 bijs, dentibus, palato, & alijs partibus mirandum
 in modum ad hoc fabricatis, illud pronuntiabit.

Pueruli namq; & nonnulla animalia ratione caren-
 tia, vbi vocem aliquam auribus perceperint, eiuf-
 dem vocis speciem imaginatricis facultatis merito
 intimius, & in cerebri substantia tanquam molliissi-
 ma, & spiritibus purissimis refertissima statim ap-
 prehendant, ac diutius retinent, & deinde, vbi opus
 est, & voluntas id iubet, siue appetit, locutionis in-
 strumentis, & lingua potissimum exprimunt. Pars
 enim animæ imaginatiua, qua animalia donata
 sunt, vt Gal. inquit 2. de motu muscul. cap. 6. quæ-
 cunq; ea sit, hæc eadem & recordari videtur. Si ita-
 que insignes impressiones rerum in imaginatione
 acceperit animal, conseruat perpetuò: atq; id qui-
 dem est memoria tenere: si verò obscuras & peni-
 tus superficiarias, non conseruat. Ideo videmus
 neq; puerulos, neque cetera animalia, dum primis
 vicibus edocentur, ita rectè & integras voces edere;
 imò earum sæpe obliuisci; sed dum longiori tempo-
 re insignes vocum impressiones in imaginationibus
 acceperint, perfectè enuuciant, diutiusque conser-
 uant. Sed nunc ad Galeni consequentiã intimius
 examinandam venio. Dixerat ille, se intelligere
 vnam esse oportere animam, quæ & nos format, &
 singulis membris vtatur, quemadmodum & ego fa-

teor, & vnâ cum eo, & Hippocrate superius compro-
batur, addens ex eorum clarissimis auctoritatibus,
animam, quæ nos format esse ipsum natium calo-
rem, eo scil. modo, quem exposuimus. Sed dum
addit Galenus, quod huic opinioni illud aduerfa-
tur, quod scil. quæ nos regit anima, appetitionibus
ipsius inseruiens partes videtur ignorare, videtur
hanc cōsequentia elicere: Si anima, quæ nos format.
nos regit; ergo quæ nos regit debet cognoscere oēs
partes inseruiens suis appetitionibus, & suis mo-
tibus voluntarijs: ergo deberet cognoscere omnes
musclos nedum manus digitos & linguam, verum
etiam omnes alias partes mouentes. Consequen-
tia probatur, quia quæ nos effinxit sapientissima &
potentissima erat: hæc autem, quæ nos regit mu-
sculorum ignara. Ex hac Galeni argumentatione
tantum abest, vt à prima mea sententia dimouear,
vt potius firmitus credā innatū calorē illū esse, qui
sentiētis & nutriētis animæ functiones omnes regat.
Nam etiam si verissimum sit, innatum calorem me-
rito cœlestis luminis nos efformasse, propter cau-
sam superius assignatam; tamen postea quam ani-
mal efformatum est, nulla prorsus eget illarum par-
tium, quæ appetitionibus ipsius inseruiunt cogni-
tione: hæc enim vndequaq; frustratoria cense-
retur: Sed sufficit, vt animal, ignoratis prorsus mu-
sculis, solas ipsius motus, in quem voluntas, & ap-
petitus sensitiuus fertur, & inclinatur, differentias co-
gnoscat. Quas quidem, cum è genere communium
sensibilium sint, tum visu, tum auditu, tum etiam ta-
ctu facilius potest cognoscere. Nam tunc, post hæc
cognitionem, exiguisimo motus principio muscu-

lis, qui in illam motus differentiam tendunt, adhibito, merito voluntatis nutus, & parui cuiusdam conatus, statim muscoli innato sibi motu, quem ab animali spiritu à cerebro sibi delato suscipiunt, in seipso coeunt, & contracti membrum, cui inferuntur, simul trahunt. Spiritum autem animale naturalem perfundi calore, & eo tanquam præcipuo auctore mediante, motum excitare, cuicumque patere arbitror. Quod autem cognitio illa, quam Galenus adeo necessariam existimat, superflua sit, clarissimum est, quia sufficit ipse calor innatus cum organo sibi accommodato, & uti decet attemperato & conformato coniunctus. Unde, ut animalia ratione carentia mittamus: quæ tamen omnes partes mouent absque ulla musculorum cognitione, nedum partes animalium, quæ solas proferunt vegetalis animæ functiones, verum etiam stirpes, quæ sensu sunt orbatæ, trahunt alimentum sibi familiare, etiam si fibras & radices, quarum merito illud alliciunt, & illarum numerum, & conformationem penitus non agnoscant. Dummodo enim naturales motiones successiue fiant, & per quædam determinata media progrediantur, nulla prorsus cognitio requiritur; sed solus innatus calor sufficiens est. Ad hoc enim, ut iecur per venas, quas ignorat, alimentum trahat, & ventriculus ad escam extrinsecus trahendam animal impellat, sat est, ut primum corpus animalis inanitur, deinde naturalis appetitus partium, quæ inanitæ sunt, insurgat, postea per venas nutrimentum eadem partes attrahant, & venæ à iecore, & iecur per meserei venas à ventriculo, donec tandem ventriculus inanitus in eius ore propter suctum, & tristem

& tristem sensationem indigētiae sensum percipiat,
 & tandem animalis dicta appetentia suboritur.
 Quæ ad cibum quæritandum, & apprehendendum
 animal impellit ac cogit. Quæ omnia ab vnico ca-
 lore naturali, merito instrumentorum ad has ope-
 rationes accommodatorum, proculdubio obiri per-
 fectè possunt. Nam sine idoneis organis solus ca-
 lor alioquin optimè attemperatus ad operationes
 edendas non est sufficiens. Proinde ea solum ani-
 malia, quæ linguam aptius concinnatam habent,
 voces humanas faciliùs proferunt, & imitantur.
 Quod hoc sit verum, simia, qua nullum animal ho-
 mini similius est, vt ob id Galen. 2. de Vsu partium,
 ipsam ridiculam hominis imitationem dixerit, etiã
 si os ipsum ad hominis similitudinem depressum ha-
 beat; nihilominus, quia lingua ei est inepta, nun-
 quam humana verba imitata fuisse audita est.
 Ei autem linguam nequaquam voci dearticu-
 landæ fuisse tributam, ex eo patet, quia etiam
 masticationi, quæ & ipsa à lingua in animalibus
 vtilitatē sumit, parū apta deprehenditur. Nā sepe si-
 miæ, dū os cibo aliquo repletum habent, & eum mā-
 dere cupiunt, eam cibi partem, quæ sub malis recō-
 ditur, ipsis manibus è regione dentium coguntur im-
 pellere. Neq; arbitrandum est, in simijs innatum
 calorem accommodatum, & voces significantiores
 proferendi desiderium, & appetitum deesse, quia
 quàm plurimis alijs actionibus eundem appetitum
 nobis apertissimè patefaciunt. Quare etiam si in
 animalium formatione diuiniior quædam vis vnā
 cum innato calore ipsius seminis requiratur; tamen
 post eorum ortum innatus hic calor sufficiens eorū
 con-

conseruator, & rector censendus est . Quod autem naturalis ipse calor ad animalia gignenda, & efformanda præcipuè concurrat, exemplo animalium, quæ ex putri ortum ducunt, efficacissimè comprobauimus. Quæ in re videmus, non solum viliora, sed alia quædam animalia ex putredine oriri, quæ miram prudentiam præ se ferre videntur. Nam & formicæ, & apes, quarum reparationem Poeta in suo quarto Georgicorum libro ex iuueni putredine ab Aristeo adinuentam docuit, & pleraq; alia ex putredine orta, admirandas, & artificiosas proferunt actiones. Quod idcirco fieri arbitrari possumus, quia omnia id genus animalia, vti etiam sunt aranæ, siccioris sunt temperamenti, & vti superius docuimus ex Aristotele, talia omnia prudentiora sunt. In ijs enim imagines rerum, quæ ad horum animalium vitam conseruandam, & nutritionem attinent, eorum memoriæ & imaginationi vehementius inhierent. Quia ad memoriæ & retinendas species sensibilibus, temperamenti siccitas conducit. Ob id apes fingunt alueolos, in quibus mel pro nutrimento conseruant; formicæ horrea, in quibus grana asseruantur, sibi parant; aranæ ad cibum sibi comparandum, & muscas capiendas, telas texunt. In alijs uerò animalibus, in quibus humidior est calor innatus, tanta alimenti cura non obseruatur: & solum quo tempore famescunt, ad illud quærītandum excitantur. Quinimò pro speciei quoq; conseruatione; videmus volatilia, quæ siccioris sunt temperamenti, elegantiores, & in tutiori loco reconditos nidos componere; quæ minus sicci, viliores, & alijs animalibus magis expositos; humidiora uerò, qualis

qualis est cuculus, qui mollissimas habet carnes in relatione ad consimiles aues, & aliae, quæ cicures sunt, ne vllum quidem nidum construunt. Sicuti etiã equæ, asinæ, canes, feles, & id genus animalia pauca admodũ loci cura adhibita, proprios locos in eũ locũ in quem casu incidunt, parere consueverunt. Ex his igitur patet, cur quædam animalia functiones quasdam, nullo etiam edocente, sed sola imaginatrice, & memoratrice potentia mediante, ac propriorum organorum merito admiratione dignas obeant: idq; præsertim, dum ab obiectis externis externos sensus mouentibus excitantur. Externorum autem obiectorum sensibilibus species & imagines in organis sensorijs recipi, & cognosci, calor natiui munere, omnes fatentur. Dum enim sonitus species primum in externo, & mox in interno recipitur aere, qui intra membranam tympanũ vocatam conclusus continetur, cum in ibi dilatatus auditorius neruus desinat, animali spiritu, ac subinde innato calore perfusus aer ille, nedum speciem illam suscipere, verum etiam cognoscere, & ad cerebrũ ipsum deferre faciliè potest. Pariter coloris species primum ab externo & interno lumine illustrata, per diaphanum aerem, & per oculorum tunicas, & humores pariter diaphanos, in crystallinum humorem deferitur, & in eo tanquam in nitidiori speculo imprimitur; & quia ad hunc humorem insignis peruenit neruus, cuius medullaris portio à cerebri substantia deriuata in araneam tunicam migrat, & crystallini partem anteriorem inuestit, & quia ad hanc tunicam, & humorem crystallinum, tum aqueum plurima spirituosa substantia, diaphana, & purissima,

sima, sua peculiari innata caliditate perfusa ab eodem cerebro peruenit, idem spiritus & eandem speciem suscipere, & cognoscere, ac in intimiores cerebri partes vehere, & iudicare facillimè potest. Illud tamen patere arbitror, quod etiam si animalia quædam, ut ostensum est, insignes quasdam actiones expromant; nihilominus solus homo, quippe qui rationem tanquam artem ante artes, & manus ex porrectas, & admirabili, ac penè diuino artificio fabricatas, tanquam organum ante organa, solus obtinuit, omnes artes, ut Galenus ait 1. de partium usu, cap. 2. & 3. exercere valet. Non enim (ait) quia manus habuit, propterea sapientissimum est animal, ut Anaxagoras dicebat; sed quia sapientissimum erat, propter hoc manus habuit, ut rectissime censuit Aristot. Non enim manus ipsæ hominem artes docuerunt, sed ratio. Manus autem ipsæ sunt artium organa, sicut lyra Musici, & forceps fabri. Habet profecto simia manus ipsas satis eleganter et formatas, & inter omnia bruta hominis manibus simillimas, & subinde cum apprehensionem, tum alias multas manuum actiones præstantiores perficit: Nihilominus nullam penitus artem exercere valet, & quia ratione caret, & quia manus non habet ex porrectas, sed clauiculis, siue iugulis destitutas, & in summa manu pollicem digitum non exactè quatuor reliquis oppositum, nec tres articulos habentem fortitur, sed duos tantummodo. unde sapius, ut Galenus ait 2. de v. part. in quorundam corporum, præsertimque eorum, quæ rotundiora, & maiora sunt, apprehensione aberrat, & dum corpora hæc ab eius manibus decidunt, pueri rident.

*An Anima Mundi cum Platoniciis foetuum causa
formatrix dici possit? Cap. 15.*

Verum quia Galenus in fine libri de format. foet. in utero, & capitis, quod iam percurrimus, adhuc anxius de hac re fatetur, se non modo de animæ substantia dubitare, nec uel probabile quippiam habere quod asserat; verum etiam de foetuum formatrice causa nihilo minus ambigere; & postea huius rei causam aliam assignare videtur, ideo opere prærium esse arbitratus sum, hanc quoq; postremo loco ab eo positam sententiam, priusquam ad alias animæ substantiam calorem innatum esse probantes rationes me conferam, accuratius examinare. Inquit igitur Galen. nuper citato loco, quod cum quidam sibi ex Platoniciis Magistris diceret, animam, quæ per totum mundum diffusa est, foetus ipsos formare; artem & potentiam, quæ foetuum fabricæ adhibita est, dignam quidem ea esse existimabat; nunquam tamen adduci potuit, ut crederet, scorpiones, phalangia, muscas, culices, viperas, vermes, lumbricos, pitylas ab eadem fingi ac formari, prope ad impietatem accedere hanc opinionem ratus. Et in fragmento de substantia facultatum naturalium sic ait: Verum Plato in Timæo cum naturæ contemplationem paucissimis explicat auditoribus; qui rationes à scientia profectas intelligere poterant, à vulgi sententia recedit, Mundiq; animam per ipsum totum esse diffusam affirmat. Neq; verò existimandum est, eum virum sibi non constare, aut secum pugnantia dicere, sicut neq; Aristotelē, neq;

Theo-

Theophrastum: cum vulgo alia, suis verò familiaribus acroaseis conscriberent (vocant autem Græci acroaseis, siue acroamatica, ea quæ grauia & accurata sunt, aut etiam arcanarum, & grauiorum disciplinarum cognitionem). cum enim aliquod decretum, quod omnem planè sensum effugiat, multasque rationes ad sui demonstrationem postulet, intempestiuè affertur, auditores à se reijcit. Non est igitur de his pronunciandum prius, quam paulatim longa demonstratōne ad totius orationis conclusionem peruentum sit: neq; mundi animam per lapides, per testas, per arenam, per ambusta, aut putrescentiā cadavera permeare statuendum est: propterea, quod si ita simpliciter, & apertè coram populo tale quidpiam Plato dixisset, certè eum omnes contempsissent. Vnde autem motus in hanc sententiam deuenerit, ego aliis in commentarijs, nihil ei consentiens, aut repugnans, declarauī. Si quidem ipse quoq; non ita statuit de naturalium rerum contemplatione, sed ad probabilitatem, veriq; similitudinem vsq; progredi eam censet. Hæc ille. Cum autem talia Galeni commentaria nobis non suppetant, neq; etiam scire possumus, quid nam censuerit Platonem ad Mundi animam ponendam & excogitandam impulsisse. Hoc vnum ex Galeni verbis apertè colligimus huiusmodi opinionem ad probabilitatem vsq; progredi. In superiori autem auctoritate manifestè patet, Galenum artem & potentiā, quæ foetuum formationi, siue fabricæ adhibita est, anima mundi dignam certè esse existimasse, sed solummodo opinionem hanc iuspectam & impiam habuisse, cum videret scorpiones phalangia, mu-

fcas, culices, viperas, vermes; lumbricos, pitylas ab
 eadē mundi animā formari. Verum quoniam Ga-
 lenus Platonis sententiam probabilem esse faterur,
 huiuscemodi instantia Galeni mihi nunquam ali-
 cuius ponderis visa est, & in mēo de venenat. & oc-
 cult. morbis commentar. lib. præsertim secundo, sa-
 tis superq; declarauī, huiuscemodi animalia nedū
 ad mundi ipsius ornatum, verum etiā ad hominē
 ipsum, cuius gratia hæc omnia, quæ apud nos sūt,
 fuere à summo Opifice producta; & ad alia nobilio-
 ra animalia, quibus homo vescitur, sustentanda, &
 conseruanda mirum in modum conducere: Et quia
 insuper idem Gal. alibi, vt inferius dicam, hanc eā-
 dem mundi animā probare, complectiq; visus
 est: Eapropter hæc Platonis de mundi animā opi-
 nio si in bonum sensum redigatur, & nostræ senten-
 tiæ de calore innato fauere, & pro uera accipi potest.
 Si enim pro calore, qui ab astroꝝ, coelestiumq;
 corporum lumine promanat, accipiat, cui dubiū
 quod calor hic pro rerum omnium generabilium
 & corruptibilium productione necessarius est; cum
 dixerit Philosophus, Solem & hominem gignere
 hominem, & sic de reliquis animalibus, animatisq;
 corporibus. Simili modo lapides & metalla huius
 caloris vsq; ad terræ viscera permeantis merito ge-
 nerantur, & mox à terræ frigiditate concreſcunt. Et
 secundo de ortu, & inter. Aristotel. dum æternam
 generationem & corruptionem in æternos moto-
 res, & vniformem firmamenti reuolutionem, & cir-
 culi Signoꝝ, siue Zodiaci obliquitatem resoluit,
 id quod sensui euidentissimum est, in medium af-
 fert, & ex Solis recessu multorum viuentium cor-
 ruptionem;

ruptionem; ex eiusdem verò accessu eorundem generationem fieri asserit. De hac mundi anima locutus est etiam Auicenna eam cholcodeam, siue etiā, vt alij, datricem formarum, vocans: Et quamplurimi tum antiquiores tum recentiores Philosophi eiusdem mentionem habuerunt: Ac præsertim omnes Auerrhoistæ, qui voluerunt, naturam dirigi ab intelligentia non errante. Quia enim natura, quæ agit propter finem, ipsum finem non agnoscit, ideo hac eget intelligentia ipsam dirigente. Huius quoque Vergil. in Aeneide meminit, sexto nimirum libro, necnon Georgicorum quarto. Fernelius suū cœlestem calorem omnium formarum, quæ in mixtis cernuntur, auctorem esse affirmat. Octauum orbē ceu plurimis, & à nobis innumerabilibus astris, atq; luminibus insignitum vitæ principium vocat Arist.. Sed à Solis lumine cœlestem hunc calorem his inferioribus impertiri, sensui euidētissimum est. Nā speculo cōcauo radijs solaribus perpēdiculariter opposito, & ei stipula vel alia materia superposita, ex luminis ī eodē speculo reflexione & vnione ignis facillimè in ea succeditur. Quod etiam apud nōnullos arguit, lumen illud solare non esse nudā, ac simplicem qualitatem, & prorsus incorporeum. Nam simplex qualitas inquit, à speculi concauitate vniri nullo modo posset. Vnde mirari non debemus, si non solum Epicurus, verum etiam Democritus, qui fuit maximus Philosophus, asseruit lumen esse defluxum quendam corpusculorum à lucido corpore egredientium. Hoc autem sibi persuaserunt, vt optimè explicat Lucretius in quarto libro, & vnā cum eo Priscianus Lydius, propter quasdam proprie-

proprietates, quæ lumini attribui solent, quas etiam
 corporibus omnes attribuunt. Dicimus enim lu-
 men nedum calfacere, sed etiam secari, ferri, interse-
 cari; & alia huiusmodi multa enunciamus, quæ so-
 lis corporibus conueniunt. Sed nihilominus argu-
 mentum quod ex ignis accensione suborta in stipu-
 la quæ ponitur in concauo speculo radijs solaribus
 perpendiculariter opposito, maiorem vim habere
 videtur, ad probandum lumen expers omnino non
 esse cuiuscunq; corporeitatis. Alij tamen hoc negā-
 tes inquirunt id fieri, quia lumen perficit diaphanū;
 diaphaneitas autem aeris perfectior reddita, est in
 causa, vt rarefactio maior aeris sequatur: lumen .n.
 disgregandi, & rarefaciendi vim habet; rarefactioni
 verò subsequitur calfactio; quæ maior adhuc subse-
 quitur & ignita facilius imprimitur in materia ma-
 gis disposita, qualis est stipula, vel consimile cor-
 pus in concauo speculo impositum, & admotum.
 Nam etiam aer sui natura calidus est apta materia
 ad formam ignis recipiendam. Quod autem rare-
 factio caliditatis causa sit, paret etiam in his durio-
 ribus, siccisq; corporibus, quæ dum velociori motu
 inuicem fricantur, ex rarefactione ignescunt, & ardēt.
 Quamuis autem multi lumen in corporeum esse
 statuunt; tamen adeo inter se discrepant, vt nihil
 certi, & veri inde haurire valeamus. Nam Plato de-
 cimo de Repub. & in Phadone, quem deinde expli-
 cat, & sequuntur Priscianus Lydius, & Plotinus in
 lib. de visione, voluit lumen esse substantiam incor-
 poream, quæ separatim sua præsentia totum mun-
 dum perficeret, quemadmodum anima rationalis
 non hoerens, sed præsens, siue assistens corpori, perfici-
 cit

cit illud. Ex quo Platonis decreto elicimus ipsum lumen mundi animam dici posse: quia etiam rationalis anima dicitur corporis endelechia siue perfectio, etiam si forma ipsius sit assistens, & non informans, ut vult Auerthoes. Quidam alij dixerunt, lumen esse formam substantialem medij, non quatenus medium est, sed prout est perspicuum: etiam si decipiantur, quia quod vni est accidens, alteri non potest esse substantia, sed lumen est accidens medij, quia adest, & abest, sine eius corruptione: ergo non potest esse substantia perspicui. Nonnulli arbitrantur lumen nihil esse positivum, sed tantummodo esse praesentiam corporis lucidi, quae est regione corporis, quod illuminari debet, posita sit. Quod probat Aristotelis testimonio in lib. 2. de Anima, cap. de visu, & lib. de sensu & sensibili, cap. 7. dum quaerens, quomodo lumen per totum medium diffundatur; & solvens inquit, lumen (ut etiam notat Aphrodisaeus 1. de Anima) esse habitudinem lucentis ad id quod illustratur. Quae tamen sententia nec vera, nec probabilis est. Ex Aristotelis autem placitis lumen est qualitas, quia per eam denominamur quales. Et sicuti elementa habent primas qualitates, per quas agunt; ita & primum alterans hanc nobilissimam qualitatem habet, nempe lumen. Pertinere autem vult ad tertiam qualitatis speciem. Sed aduersus Aristotelem dubitat Theophrastus inquires: Si est qualitas, cur Aristoteles eam vocat energiam, id est actionem? Et si est actio, cuius est actio? Iam publicus pariter aduersus Aristotelis sententiam multas affert instantias, ut refert Priscianus Lydius in lib. de Anima super Theophrast. cap. 19. & pluribus rationibus

rationibus, ijſq; ſatis validis probat lumen non eſſe qualitatem: Imò præter Iamblici inſtantias aliæ ſunt difficilioreſ: quia vel lumen creatur, vel educitur de potentia materiæ: non primum, quia eſſet grauiſ error: Si educitur de potentia materiæ; ergo in tempore, quia omnem generationem præcedit alteratio. Inſuper nullus effectus eſt maior ſua cauſa; ſi lumen effectus eſt ſolis ergo non debet moueri celerrimo motu, quam ſol moueatur; At ſol in tempore mouetur: Quomodo ergo dicimus, lumen in inſtanti moueri, & medium illuſtrare? Adhæc, ſi Sol illuſminat in inſtanti, ergo eſt infinite virtutiſ, quod patet ex Auerroe, ſecundo de Cœlo. Amplius ſi lumen qualitas eſt, acriter pugnant ad inuicem quærentes, an ſit qualitas realiſ, uel intentionaliſ. Nam Scotuſ 2. ſentent. diſtinct. 13. & ante ipſum Aegid. Rom. aiunt, lumen in medio & organo habere eſſe intentionale. Diuiſus autem Thom. in prima parte, quæſt. 65. artic. 3. & in opuſc. 55. inquit, lumen in medio & organo eſſe reale habere. Nulla enim qualitas intentionaliſ, ait ipſe, poteſt eſſe principium effectus realiſ. Sed lumen in hiſ inferioribuſ varias & inſignes actioneſ realiter eſſicit. Et nulla inſuper qualitas intentionaliſ eſt per ſe ſenſibiliſ, quemadmodum lumen per ſe ſenſibile exiſtit. Caietanuſ lumen tum reale, tum intentionale eſſe eminenter continere arbitratus eſt: quia, ut inquit, lumen propter duaſ cauſaſ datum nobiſ eſt: vna eſt propter reru productioneſ; altera propter ſenſationem, & viſum. Hæc porro non ſine ratione inculcare, volumuſ, ſed, ut ſciant omneſ nil obſcuriuſ eſſe lumine, nil luminis eſſentia denſioribuſ tenebris eſſe magiſ inuolutum.

lutum . Quocirca hoc vnum naturalium Philosophorum sapientiam confundere deberet , quod licet lumen nos faciat quamplurimas , & illas quidem præstantiores rerum differentias cognoscere , tamen per seipsum aut vix , aut , vt puto , nullatenus cognosci potest . Sed quicquid de hac re quis sentiat , certissimum , & iudubitatissimum hoc est , cœleste lumen in hæc inferiora calorem secum vehere , & calore mediante in his inferioribus multarum operationum reale principium esse , omniaq; viuificare , & foecundare . Quantum verò animatorum generationi conferat hic calor à solis potissimum lumine productus , superius ex Aristotelis sententia dictum est , & ipsa experientia patefacit . Quod si quis negaret , calore , sensu , & mente destitutus omnino esset . Concludendum igitur est , quod si per mundi animam lucis calorem per vniuersum diffusum intelligamus , à veritatis tramite non ita recedimus : & tunc , vt superius ostensum est , possumus optimo iure affirmare , huiusmodi calorem à Solis , cœlestiumq; corporum lumine promanantem vnà cum calore , qui aut in semine , aut in natura subsistit , coniunctum , corpora viuentia effingere , & efformare facillè posse . In stellarum enim lumine omnes formæ inferiores , & sublunares in potentia continentur : ad actum autem perducuntur , dum calor huius luminis cum calore natiuo copulatur . Cum enim calor hic à lumine promanet , & lumen à cœlesti corpore fluat , quod ab ipso viuyente , intelligenceque principio continuo circulari motu mouetur , multa gignere & fabricare valet , quæ solus natiuus viuentium calor efformare non valeret . Quamuis

S

autem

autem Galenus hanc Mundi animam in fine libri de format. foet. in vter. repudiasse quodammodo visus sit: Nihilominus, si eo modo quem explicauimus, suscipiatur, adeo clarè, & apertè ipsam describit, & sine vlla prorsus ambiguitate complectitur in 17. libr. de vsu part. cap. 1. post medium, vt nihil apertius inueniri possit. Quo etiam in loco nostram de innati caloris & animæ substantia opinionem mirificè (si quis ipsum accuratiùs perlegat) corroborare videtur. Nam & ipsius Mundi animæ, & coelestis luminis, atq; caloris per vniuersū diffusi ac permeantis mentionem habuit. Verum pro hac eadem sententia comprobanda habemus etiam clarissimum ipsius Aristotelis testimonium: qui in tertio de generat. animal. cap. 11. hæc formalia profert verba: Generantur autem in terra, humoreq; animalia, & plantæ, quoniam humor in terra, spiritus in humore; calor animalis in vniuerso est, ita vt quodam modo plena sint animæ omnia.

*Calorem natium animam esse validioribus adhuc
argumentis probari posse. Cap. XVI.*

CV autem ijs omnibus obiectionibus, quæ ex Galeni dictis emergere videbantur, & probare, supra calorem eminentiorem vim in animantiū & viuientium procreatione & regimine requiri, satis, superq; responsum sit, remanet, vt hanc nostrā de animæ substantia opinionem validiùs comprobemus. Erit igitur prima ratio: Si anima est quid à calore naturali diuersum, aut id per demonstrationem causæ, siue, vt aiunt, à priori, aut certè demonstratione

stratione effectus, quam etiam à posteriori, siue demonstrationem quia, vocare solent, sciri posset. Sed neutro modo hoc sciri, & demonstrari contingit: ergo animam esse quid à natiuo calore diuersum, nulla ratione à naturali Philosopho poterit affirmari. Minorem propositionem sic ostendo: Si à priori, & demonstratione causam assumente id cognosci posset, oporteret procul dubio causam assumptam diuersam esse ab ea, quæ causa proxima constituitur geniti caloris, seu alterius accidentis, quod non putatur esse anima: Sed talis nulla excogitari potest: non materia, non efficiens, non forma, non finis: ergo demonstratione causam assumente non potest id cognosci. Quod autem nulla talis causa possit inueniri, ex eo facile probatur, quia ex eadem materia omnes formæ producuntur tam accidentales, quam substantiales, si quæ dantur: Causa verò efficiens proxima eadem est accidentium & substantiarum: Et idem calor, qui est in semine, producet dispositiones proximas, quæ sunt accidentia, & formam viuientis: quod non multò post rectius declarabitur. Forma autem viuientium est ipsamet anima: Nec idem per seipsum sciri potest: nam idem medium sciendi esset, atque scitum, quod est absurdum. Neque etiam finis aliquis excogitabitur, à quo diuersitas hæc ducatur. Si enim fingamus eum, quem multi iactant; vt scil. tam multa accidentia & partes, quæ sunt in viuente ab vna anima tanquam forma contineantur, nihil, quod momentaneum sit adducimus. Nam potius contrà quam isti fingunt, reipsa euenit; vt videlicet non accidentia à substantijs contineantur, sed potius ab acciden-

tibus substantiæ. Eædem enim sunt causæ conser-
uantes rei, & continentes, quę generantes fuerunt :
Sed proximæ generantes causæ fuerunt accidentia
disponentia : Ergo hæc eadem continentia statuen-
da erunt. Insuper substantia non corrumpitur, nisi
quia corrumpuntur accidentia, quæ conseruant :
ergo natura & tempore prius est contineri, & serua-
ri in materia accidentia, quam formam ipsam. Si
enim, Præstantissime Amalthee, vt ait Aristoteles
in primo pōster. cap. x. affirmatio est causa esse, erit
negatio causa non esse, & e contra : Sed non conti-
neri, nec permanere accidentia in materia est cau-
sa, cur nec forma substantialis contineatur : Ergo,
si hæc retinetur, causa illa ipsa erunt. Et quoniam
quæ ad hunc locum pertinent, spectant etiam ad ra-
tiones cōtrarias, quæ deinde refellendæ erunt; ideo
ad alteram propositæ argumentationis partem ex-
plicandam accedo: In qua dictum est, demonstra-
tione effectus, siue à posteriori discrepantiam ani-
mæ, & caloris naturalis nullo pacto cognosci. Hoc
igitur demonstrare facillimum esse existimo. Con-
cedunt Peripatetici (& nos suprà Aristotelis aucto-
ritatem adduximus) nullum esse officium, nullum
munus, siue opus viuentis, quod à naturali calore
non administretur, cui sententiæ in omnibus Hip-
pocrates, Galenusque consentiunt. Sed addūt Peri-
paterici, & Aristotelis sequaces, quod cum aliquod
viuentis opus administratur, calorem viuentis in-
natum à superiori quadam agente causa regi & gu-
bernari, vt malleus à fabro ad opus fabrilē dirigi-
tur. Inquiunt autem talem causam animam esse:
quod vtinam quam facilè, ita tam verè diceretur.

Etenim

Etenim, si certum est illud eorundem Peripateticorum principium, quod scilicet actione internoscitur forma, sicuti passione materia; illud quoque minimè ambigendum est, diuersitate actionum diuersitatē concludi formarum. Verum nulla est actio animæ ab ea actione diuersa, quam innatus calor producit: Ergo nec intelligi potest, aliam esse animæ, aliam innati caloris essentiam. Vt enim diuersitas actionis agentium causarum diuersitatem ostendit; ita vnitas actionis vnitatem indicat agentis principij. Hoc autem magis adhuc confirmari potest. In ijs enim functionibus, quæ minus instrumentorum vi, quam principalis agentis facultate existunt & obeuntur, cernimus diuersa quædam, quæ diuersitatem instrumenti, & principalis agentis palam indicant. Intuemur, inquam, aliquid, quod per se ad instrumentum refertur; aliquod etiam, quod per se ad artificem spectat. Exempli causa in scamni sectione duo quædam contemplamur valde diuersa, ipsam videlicet rem, & actionem illam, quæ dicitur sectio, & modum, siue artificium sectionis, quo quidem modo & artificio sua opera faber lignarius, & artifex molitur. Sicuti autem primam actionem, & sectionem ipsam ad ferram ipsam verè & propriè; ita secundam, artificiosam videlicet sectionem ad artificem, siue ad illius artē, & ideam referimus. Si igitur in actionibus viuentis nihil omnino est (ratiocinium, & alias ad intellectum attinentes operationes excludimus) quod à calore naturali non administretur, vel, vt clarius, ac melius loquar, nihil planè est, quod non possit ad calorem naturalem reduci, quemadmodum fuscè in
supe-

superioribus capitibus probauimus, cur, quæso, volumus, præter hunc, aliam causam agentem inducere, & entia sine aliqua necessitate multiplicare, & otiosa ponere? Istud videtur mihi non philosophari, sed potius diuinare, ac somniare. Secunda ratio illa esse potest: Illud per se generatur, quod per se corrumpitur: eiusdem enim est generatio, & corruptio: Sed illud quod in viuentibus per se corrumpitur, est calor naturalis, ut habemus apud ipsummet Aristotelem, qui in libro de Iuuent. & Senectut. & in libro de Mort. & Vita, mortem definit inqueens, esse corruptionem calidi: Ergo idem calor per se generatur in viuentibus, & propter hunc gigni viuentia dicuntur. Qui quam diu perdurat, & in viuentium corporibus manet (uti ex ipsius quoque Hippocratis auctoritate 5. in 6. Epidem. superius ostendimus) tam diu proprias actiones exercent, reguntur & viuunt. Tertiò hunc in modum possumus arguere: Principium proximum educens formam geniti, & ipsa forma geniti virtute illius principijeducta eiusdem debet esse substantiæ: Sed principium immediatum animalis formam educens est calor seminis, cum re uera in utero, & loco generationi dicato nulla sit alia vis & facultas animalis opifex: Ergo anima per quam gignitur animal, & calor seminis gignens eiusdem erunt substantiæ: ac subinde anima erit calor. His quartam possumus adnectere rationem, dicendo nullam causam esse, nullamque coniecturam, quæ nos cogat nutrientem ac sentientem animam à calore diuersam existimare: Ergo anima eadem erit cum ipso calore. Et quia probatio ipsius assumpti ex confutatione patebit omnium

omnium argumentorum, quibus ad nostram sententiam euertendam aduersarij vti possunt, ideo pro huius tractatus complemento, reliquum erit, vt singulis eorum argumentis singulas solutiones subiiciamus.

Confutatio quorundam argumentorum, quibus Aristotelis Affectu Galeni sententiam euertere conantur: Et primum, quo pacto Semen animatum esse possit. Cap. XV I I.

CVM autem plura argumenta aduersus Hippocratis & Galeni decretum, à nobis solidis rationibus comprobatum, illi, qui Aristotelem sequuntur, iactare consueuerint; ego tantummodo potiora, & quæ firmiora videntur, & ad quæ reliqua omnia, si quæ sunt, redigi possunt, in medium asferre operæ pretium duxi, ne scilicet noster hic labor nobis nimis operosus, & alijs valde tædiosus euadat: Et inter hæc illa primum breuibus percurram, quæ longiori non egent contemplatione, vt mox ad illa tandem, & postremo loco deueniam, quæ & longiori discursu indigent, & tum Philosophis, tum Medicis ad vitæ potissimum conseruationem, maximam vtilitatem asferre valeant. Vt autem ab illo sumamus initiū, quod cū superius dictis maiore habet affinitatem, eò, quia scilicet plura de facultate animalium formatrice, quæ in semine est, à nobis vltimo loco scripta sunt, Inquiunt aduersarij: In semine insitus est calor naturalis, opifex membrorum, & ipsorum animalium parens: Si igitur hic calor est anima; ergo semen est animatum. Si sic, ergo nutrietur, & sentiet,

giet, præsertim si loquamur de animalium semine. Nec enim anima esse potest sine actu vitali, neq; hic sine nutritione. Huic porro argumento mihi facile est Galenum respondentem adducere: qui lib. 1. de Semin. cap. 6. clarè fatetur, semen insitas habere facultates, & attractricem præsertim, quæ semper operetur. Quantacunq; enim (ait) seminis pars vuluâ attingit, ea statim membrana efficitur (de qua loquitur in superiori capite dixerat, ipsam post conceptum foetum ipsum statim inuoluere, & quibus in partibus sit vtero coniuncta declarauerat) quemadmodum paulo ante ostensum est. Reliquum omne facultates, ac vires insitas habet, attrahentem alteram sibi accommodata, qua contineret, immutaretq; materias, cibumq; sibi præpararet; aliena alteram, & superuacanea excernentem. Materias ite habet proprias, quas attrahat à vulua, sanguinem & spiritum, per orificia videlicet, quibus connexum est. Verum si Galeni dictis non acquiescant, possumus dicere non quemlibet calorem esse animam, sed eum solummodo, qui ex certa quadâ materia, & in certo loco generatur. Cum igitur duplex sit calor naturalis: vnus generans; alter verò generatus; huic profecto nomen animæ tribuitur. Ita .m. comparatum est à natura, vt anima generetur, non autem generet. Quod si quis inferat, ergo quod magis perfectum est, ab eo, quod est magis imperfectum, generatur; Huic possumus dupliciter respondere: primum per reiectionem. Nam qui ponunt in rebus naturalibus substantialem formam esse diuersam à complexione, & acervo accidentium, coguntur fateri, vel formam substantialem catere causa educente,

educante, & producente; vel certe eius non esse nisi accidentia; cum illa tantum agentia educant, quæ agunt: Agunt autem sola accidentia, ut sensui compertum est. Secundò dici potest, & verissimè idem principium productiuum, prout in materiam variā incidit, varias etiam producere formas. Cui rei testimonium adfert in operationibus artificiosis ipse ignis: qui prout diuersimodè præparatam, affectūq; materiā comprehendit: ita varias, & dissimiles formas fingit. Imò addi quoq; potest, calorem, quores viuentes ac sentientes producuntur, dupliciter spectari posse: vno modo, ut calor est sic in materia sua peculiari, ac propria temperatus; altero modo, ut toties diximus, prout coniungitur cum calore celesti, quod instrumentum est intelligentis animæ, ac mouentis coelum: Quæ cum motu & luce, quæ moderationem & temperationem variam accipit à motu, perpetuum efficit (Aristotele docente in calce secundi de Generat. & Corrupt.) rerum mortalium ortum & interitum. Priori autem modo naturalis calor, qui in semine residet, forlasse non gigneret viuentem aliquā substantiam: posteriore modo nō solum viuentem procreat; sed etiam sentientem; & tam vitæ, quam sensus omnis auctor est, propagator, ac custos. Possumus tandem negare aduersariorum consequentiam, dum inquirunt: Si semen est animatum, ergo nutrietur: Quia, ut in nostro de virtutibus cordis tractatu pluribus ab hinc annis demonstrauius, potest aliquo tempore foetus sine nutritione viuere: quia nutritio præsupponit alimentī attractionem, alterationem, ac præparationem, siue concoctionem. Sed attractio, alteratio, & conco-

atio, cum motus sint cum temporis successione, in tempore de necessitate fiunt. Ergo virtus caloris naturalis tempore præcedit alimentum, & multò magis nutritionem, quam alimentum supponit. Ex quo perspicui potest, aliquo temporis spatio animata sine nutritione viuere, etiam si infitas habeant vires, quibus omnia viuentium munera possint obire. Sed rursus instabunt: Anima est actus corporis organici, ex Aristot. in principio secundi de Anima: Si igitur calor naturalis est anima; ergo requirit corpus organicum. Sed cum naturalis calor sit in viuentium seminibus, ipsa semina erunt organica, & corpora dissimilaria. Hoc autem dici non potest, cum semen res quædam sit similis, & vnaquæq; pars seminis vim & nomen seminis retineat. Quibus respondeo negando; animam non residere in corpore simili. Nam illius proximum, immediatumq; subiectum est materia & pars similis: imò partes, quibus primum vita & actiones in organo referuntur acceptæ, vt toties è Galeno colligere valemus, sunt partes similes. Nam & caro, & vena, & nervus, & os; partes sunt similes, quæ tamen omnes anima sunt informata: Et si rursus quarant, cur in definitione animæ ponatur corpus organicum, dicam id fieri, quia natura non producit animam propter vnâ aliquam partem; sed propter multas, quæ mutua conspiratione & consensu corpus vnum organicum, & ex multis membris concretum efficiunt.

Calor innatus licet accidens sit, nihilominus viventium anima statui potest. Cap. XVIII.

Addunt insuper qui Aristotelem tuentur, secundum argumentum, cui tantam efficaciam attribuant, ut illud insolubile esse arbitrentur. Si enim (inquiunt) nihil aliud est anima, nisi naturalis calor; ergo ipsa erit accidens. Sed huiusmodi consequens est adeo absurdum, ut tolerari nullo modo possit: quia ipsa nullo modo potest dici, aut esse accidens: Ergo & antecedens erit ab omni veritate alienum. Probant autem consequentis falsitatem, & impossibilitatem, quia, ut ipsi dicunt, incommoda innumerabilia sequerentur. Nam animal esset per accidens: constaret enim ex rebus diversorum prædicamentorum, ex qualitate videlicet, ac materia, quæ est substantia. Adhæc actus & potentia, quæ constituunt substantias compositas non essent eiusdem ordinis: anima esset sensibilis; susceperet magis & minus: animalium productio esset alteratio, non autem generatio, cum mutationis terminus accidens sit, non autem aliqua substantia: & pleraque alia incommoda suborirentur, quæ in reliquis rationibus illorum apparere poterunt. Nos autem respondemus (Compater præstantissime) eum, qui Aristoteli in hac disputatione contradicit, oportere in nonnullis principiis ab eo dissidere, è quibus principiis apta est eius sententia de Anima: non tamen ab ipsa veritate, & à principiis non minus veris deflectere compellitur. Cui quidem veritati longè magis, quam Aristotelis auctoritati ad-

dicti esse debemus. Quapropter dici posset (quæso mihi animum adhibe) ex duobus entibus diuersorum prædicamentorum non posse vnum ens per se constitui, esse quidem principium in Peripateticorum disciplina: Sed apud illos, qui ex aliena sunt familia, nec esse quidem conclusionem affirmare valemus. Si enim potentia, quæ est accidens relatiuum (vt grauissimorum auctorum in Peripateticorum scholis est opinio) essentiam constituit materiæ primæ, quæ in suo genere est vnum ens per se, non autem duo entia; cur hoc ipsum non potest efficere calor naturalis cum materia præparata, & eo modo affecta, quo esse debet viuentium natura? Deinde, quæ, quæso, fraus esset inexpressibilis negare viuens mortale esse vnum aliquod ens per se? Cur nõ possumus arbitrari esse complexionem omnium accidentium cum materia, & naturali calore? Nam ceteras res mortales nihil aliud habere, præter materiam, & accidentia, est valde probabile: Quæ tunc generari dicuntur, cum aut omnia, aut pene omnia accidentia gignuntur: corrumpi verò, cum aut omnia, aut pene omnia corrumpuntur. De ordine porro actus & potentiæ retorquetur argumentum. Nam potentia materiæ est accidens: proportionem ergo seruat cum calore naturali, quod est item accidens. Nec vlla ratione negare debemus posse animam sensu percipi, si sit naturius calor. Hoc enim nostram sententiam necessario consequitur; & comitatur; sicuti cum Aristotelis opinione necessario coniunctum est, animam non esse sensibilem, si non sit aliquod accidens. Sed tamen neque credendum est naturalem calorem
semper

semper sentiri posse, cum insit in multis herbis, seminibus, & plantis, omnem sensum effugiens: imò & in multis animalibus adeo reconditus est, vt tactui, qui caloris est iudex, frigidiora potius percipiantur. Possumus insuper respondere calorem naturalem minimè sensibilem esse in eo, quod naturalis est, sed solum in genere & quatenus calor est. Nam vt est naturalis, est penitus insitus in viuientium partibus, ac membris; ita, vt accadat illi sentiri, & non sentiri. Si enim sit magnus & copiosus, tangi, sentiriq; poterit: Sin exiguus ac tenuis, non sentitur. Pariter determinatus ille gradus caliditatis, & cum humiditate mixtio illa determinata, aliqua quidem ratione percipi poterit; sed tactu ac sensu aut vix, aut nullatenus iudicari. Sed verissimè dictum est, quòd si plurimas plantas attrectauerimus, calorem minimè sentiemus, quia in his est exiguus. Quare, vt rectè docet Theophrastus, opesolaris lucis, & caloris ab ea prodeuntis plantę mirificè iuuantur, Quod si membrum sanguinei animalis attrectauerimus, calidum profecto percipiemus, tum quia in eo natiuus calor est maior; tum quia propter influentis caloris copiam, & euaporationē, quæ ab eius corpore iugiter fit, exhalationes & vapores, qui per totum corpus sanguinei animalis dispersi, & disseminati sunt, facillimè sentiuntur. Neq; verò vllum est absurdum, calorem & animā suscipere magis, & minus, cū id ipsum cernamus in cunctis viuentiū operationibus. Nā & concoctio, & nutritio, & attractio, & appetitio actiones sunt, quę intenduntur & remittuntur. Quod si dicat intendi, & remitti, quia intenditur, & remittitur animę dispositio

positio; quid tum? Materiae dispositionem necessarium sequetur forma corruptibilis. Nam si demus, lesa complexione, & temperatione materiae, non le-
di essentiam formae, hanc faciemus incorruptibilem. Et nimirum sicut esse formae est necessario coniunctum cum esse materiae praeparatae; ita perfectius esse formae cum esse perfectiore materiae. De productione demum animalis ac uiuentis ita pronuntiare possumus: Si per generationem intelligant procreationem alicuius actus substantialis, nec uiuentis rei, nec vllius alterius datur generatio, cum reuera non producantur (vt dictum est) nisi accidentia: Sin autem per generationem intelligant productionem cuiusdam esse, quod est esse simpliciter, non autem secundum quid, ita productio animalis dicenda erit generatio. Cum enim omnia accidentia rei generantur (vt superius diximus) res generari dicitur, & incipere esse simpliciter. Cum vero vnum aliquod, aut duo quaedam non praecipua accidentia generantur, res incipit esse secundum quid, per quod quidem esse in certa specie non constituitur.

Quaedam alia aduersariorum argumenta diluuntur.

Caput XIX.

Sed ad alia ipsorum argumenta diluenda procedamus: Calor est vnius speciei, (dicunt ipsi.) Ergo, si hic pro anima in uiuentibus statuatur, res omnes uiuentes, & animate erunt vnius & eiusdem speciei: quod rationi, ac sensui repugnat. Quibus hoc in loco responsum volo, consequentiam hanc nullam esse.

esse. Nam calor dupliciter spectari potest: nimirum vel ut actus elementi, & ut qualitas mixta cum cæteris qualitatibus elementorum; vel ut est naturalis, id est, quatenus est in tali determinata mensura & proportionē, & cum tali complexione qualitatum productus à Stellarum, & Solis calore, qui maxime vitalis est: Primo modo nulli dubium, quod est vnius speciei; & quatenus talis, omnia viuentia vni usdem & eiusdem speciei constitueret: Sed secundo modo consideratus est diuersæ profecto speciei in diuersis viuentium generibus. Neque enim calorem hunc naturalem credendum est eundem esse cum elementari, cum ille cælestis sit, ac diuinus eodem Aristotele auctore, in 2. lib. de generat. animal. cap. 3. & Hippocrate in libro de carnibus. Insuper sic arguunt: Viuens præcipue existit propter animam: Si ergo calor natiuus esset anima, sequeretur, quod accidens, cuius existere est inexistere, siue alteri inesse, esset causa substantiæ inexistendi, & magis causa, quam sit, materia subiecta. Quibus respondemus, in animali distinguendam esse substantiam ab ipsa essentia. Nam per illam non est in alio, tanquam in subiecto; per hanc existit in genere & natura viuentis. Illud habet à materia; hoc autem à forma accidentali. Accidentis autem esse dicitur inesse: non quia non propriam obtineat essentiam, & faciat, ut per eam res in certo aliquo gradu existat; sed quia non potest esse, & essentiam tueri naturalem extra materiam: quod ipsum nulla immutatione verborum cadit esse in quamlibet formam substantialem corruptibilem, cuius esse est inesse in materia prima. Addunt præterea tale argumentum. Si anima

est

est calor naturalis, ergo ab ea non sumetur prædicatione essentialis, sed tantummodo extrinseca, & denominatiua. Sed his neganda est consequentia. Calor enim naturalis, vti dictum est, non perinde est, vt calor elementalis, qui non constituit essentiam viuentium. Naturalis enim calor est forma viuentium, prout viuentia sunt: quocirca ita prædicatur denominatiue, vt denominatio sit non extrinseca. Vnde hoc loco animaduertendum, non parem esse prædicationem hanc, Res est calida; & hanc, Res est calida calore insito & naturali. illa enim est denominatiua extrinseca; hæc autem intrinseca & essentialis. Addunt insuper: Si calor innatus est anima, ergo substantiæ viuentes erunt omnes in accidentis prædicamento. Nam per rationes formales sunt res in certo aliquo prædicamento. Hoc argumentum ita solui posse arbitror. Propter res varias, & varias rationes, habent esse ea, quæ sunt, in diuersis prædicamentis. Sicut igitur equus propter quantitatem est in prædicamento quantitatis; propter generationem passiuam, in prædicamento passionis: ita propter materiam, quæ est substantia, in prædicamento substantiæ; propter formam vitalem ac sensitiuam est in prædicamento qualitatis. Postremo tandem hunc in modum arguunt: Si calor naturalis est forma viuentium, ergo vna planta erit magis planta, quam alia; & vnum animal magis animal, quam aliud, cum calor & magis, & minus suscipiat; sequereturq; in eo animali, in quo esset minor naturalis calor, sensus & iudicandi & imaginandi operationes imperfectiores esse. Hoc autem non est verum. Cui argumento etiã si pars aliqua solutionis, antea fuerit

fuerit in medium allata : est tamen rursus hoc in loco cum reliqua argumentatione diligentius exponenda. Tenenda autem sunt omnia hæc illi, qui planè huiuscemodi instantiam, & argumenti difficultatem voluerit profligare: primum cum duæ formæ inter se conferuntur, non posse dici, vnam esse magis formam, quam alteram; quamuis vna possit esse magis perfecta, quam altera. Nec enim calor vt octo est magis calor, quam calor vt sex, licet ille intensior, perfectiorq; sit: Magis enim, quod est in perfectionis gradu, non est magis in gradu ipsius esse simpliciter. Deinde notandum est, in formis accidentalibus magis & minus recipiari cum perfecto, & imperfecto: Nam maior calor est perfectus, si cum minore conferatur, minor autem imperfectus, si cum maiore comparetur. In formis autem, quæ necessariò connexę sunt cum complexione quadam primarum qualitatum, & ex illa oriuntur, vt est calor naturalis, quod est principium vitale & sensituum, non idem est maius, & perfectius, minus, & imperfectius: cum in huiusmodi formis maior, minorq; perfectio, non sit intrinseca, vt est in primis qualitatibus, sed extrinseca, id est aliunde pendens & exorta. Ille enim calor naturalis est perfectior, qui coniunctus est cum perfectiore complexione viuientis corporis, & organi, quemadmodum infrà cū Galeno 2. de temper. & 2. de sem. cap. 5. exactius declarabimus: Ille verò naturalis calor est imperfectior qui imperfectiorē habet qualitatum humorumq; temperationem, atque complexum. Vnde possumus hic facile intelligere, stultum esse affirmare vnum animal esse magis ani-

mal, quam aliud, licet vnum animal magis perfectum, quam aliud esse dicatur.

Quomodo calor naturalis merito viuientia ad plures loci differentias moueantur. Cap. XX.

HÆc erant, (Clarissime Compater) potiora aduersariorum argumenta, quæ nostram opinionem euertere posse videbantur, quæ tamen brevioribus, quo fieri potuit, percurrere volui, vt ad illa, quæ ex Aristot. in 2. de Anima, à tex. 38. vsq; ad 41. eliciuntur, & prolixiori, sed longè vtiliori, & iucundiori speculatione digna sunt, citius properare. Duo autem potissimum sunt: Vnum, dum aiunt: Si anima esset calor, sequeretur quod viuientia penes vnâ solummodo motus differentiam moueretur, nimirum, sursum, quia calor sui natura non nisi sursum mouetur: Alterum est, quia sequeretur, quod viuientia in infinitum excrescerent: nam ignis appposito combustibili semper crescit in infinitum. Quorum vtrumque experientia falsum esseprehenditur. Nedum enim animalia, verum etiam stirpes & sursum, trunco scilicet, ac ramis, & deorsum, radicibus nimirum mouentur: quæ quidem lationes ad inuicem nedum variæ, sed etiam sunt contrariæ. Pariter nedum stirpes, verum etiâ cuncta animalia vsque ad statutam, & determinatam quandam magnitudinem excrescunt, & mox decrescunt, senescunt, & intereunt. Primum autem argumentum prius dissoluemus, vt deinde longiore, & vtiliore contemplatione secundum penitus diluere, & enodare valeamus: Quamuis autem ex his, quæ

quæ superius tradita & probata sunt, facile possit ab vnoquoq; responsio elici, qua primum argumentum labefactatur; tamen non sit ab re vberioris & clarioris doctrinæ gratia Galenum lib. de Rigor. cap. 6. huiuscemodi difficultatem his verbis dissoluentem audire. Procedet autem disputatio (inquit) ex Hippocratis principijs, non autem corpuscula & meatus statuemus corporis nostri elementa; neq; calorem, motus, aut attritus, aut alterius cuiusdam causæ sobolem pronunciemus, sed corpus quidem totum conspirabile & cōfluxile censemus: calorem autem non acquisitum, neq; animalis generatione posteriorem, verum ipsum primum, primogenitum, & instum: Ac natura sanè & anima nihil aliud, quam hic existit. Quare si substantiam per se mobilem, & semper mobilem ipsum intelligas, haud errabis: singula autem hæc seorsum indagemus, etsi de ipsis alibi discere liceat: in præsentia autem sermonis continuitas examinanda est. Nam calor insitus ceu semper mobilis, neq; intro solum, neq; extra fertur; sed alterum ipsius motum alter semper excipit. Celeriter enim si intus calor maneret, in immobilitatem cessaret: si foras efferretur, & hic motus dissiparet ipsum, atq; hac ratione perderet: modicè autem extinctus, & modicè accensus, vt Heraclitus aiebat, semper mobilis ita perseuerat. Incenditur igitur, cum ad ima inclinatur, alimentum appetens: ab intimis elatus, & vndeque dispersus extinguitur. Verum ad superiora exterioraq; lationem, &, vt ita dicam, à suo principio explicationem, quod natura calidus sit, experitur: intrò autem fertur, & deorsum, hoc est, ad propriū

principium viam init, quoniam frigidi aliquatenus particeps est: quippe ex calido & frigido temperatus. Prima sanè calidi ratione, sua sponte mouetur: atque hoc potissimum ad actiones indiget: magnum tamen ipsi vsum & frigidum exhibet. Solet enim calidum in sublime attolli, ac cum eo alimentum adducere: si autem frigidum non obstar, etiam longissimè procederet. Fit autem frigidum huiusmodi caloris motui impedimento, ne disperfus aboleatur: quippe periculum est, ne ipse preleuitate & impetu sursum à corporibus discedat: sed frigidum retinet, impeditq; & vehementiam nimij huius motus tollit. Ex quibus Galeni dictis planè patet, cur in stirpibus nedum varius, verum etiam contrarius fiat motus, sursum scil. ac deorsum. Nā earum innatus calor propria ratione & sua sponte sursum mouetur, & alimentum, truncum & ramos facile secum ducit. Deorsum autem fertur, & ad ima inclinatur alimenti appetens, & quoniam frigidi tatis est particeps, & ea attemperatus, cui motui obsequentes stirpiū radices deorsum, ad propriūq; alimentum tendunt. Quamuis autem, vt rectè docet Philosophus 2. de Auim. t. 38. non item sit sursum & deorsum singulis, & vniuerso, & in stirpibus radices partibus supernis proportionē respōdeant, quia vt se habet caput ad animalia, ita radices se habent ad plantas: cum enim plantæ per radices alimentum capiant, recta ratione radices respondent ori, & dicuntur pars sursum: Nihilominus, si respiciamus ad ordinem vniuersi, Aristoteles absq; ratione carpit Empedoclem, qui quidem non differentiam positionis plantarum, sed vniuersi ordinē respexit:

respexit, ad quem radices si referantur, deorsum tendere dicuntur. Vti etiam ipse met Aristot. 2. phys. tex. 80. radices phantarum deorsum tendere falsus est. Cur autem in stirpibus hæ duæ solum lationis differentiaë insint; in animalibus verò longè plures, & nedum dilatationis & constrictionis, verum etiã progressius motus edatur, ex superius à nobis traditis facilimè patet. Natura siquidem eas viuenti bus actiones ac motiones tribuit, quæ eorum animæ, siue natiui caloris facultatibus, & organis sufficiant: Sed stirpes solum vegetalem; animalia etiam sentientem facultatem suere sortita. Hinc Gal. 1. de symp. caus. cap. 7. hæc nobis scripta reliquit: Nam quoniam cute tenus (ait) vnumquodq; animal in ambientem aerem digeritur, accidit, vt membra, quæ sub ea sunt, prima vacuentur: quorum ingenta vis ex proximis sibi alimentum trahit, id, quod vacuatur, reficiens: deinde rursus illa ex ijs, quæ sibi sunt proxima: sicut quæ tertio loco sunt posita, ab ijs, quæ sibi: atq; ita semper per continuum veluti in choro quopiam translatione celerrimè facta, ad ventriculi venas vacuatio peruenit; Hæ verò & solent pariter, & natæ sunt ex ventriculo nutrimentum trahere, perinde vt stirpium radices, quæ in terram sunt demissæ, ab ea. Cum enim hoc opus vniuersum naturale sit, non animale, similiter in stirpibus & animalibus perficitur. Ac in stirpibus quidem terra perpetuò paratum, largumq; alimentum rigantis ritu subministrat, quamdiu cœlitus temporum status pro natura se habet. Quando si ex terra squalloris excessu siccatus est humor, stirpes nutrimenti penuria marcescunt. Animalibus verò vt

terre

terre non affixis, præter utiq; pauca quædam natura ventrem pro nutrimenti veluti penu fabricauit, quæ madmodum stirpibus terram. Dedit autem animalibus & penuriæ sensum, quod scilicet ad cibum, portionemq; proritata in tempore expleantur : vocaturq; eiusmodi implendi desiderium appetentia. Ex quibus Galeni verbis liquet, cur plantis motus sursum, & deorsum satis superq; fuerit : Animalia verò & indigentia sensu, & motu progressiuo, ad queritandum, & apprehendendum cibum tempore famis, indiguerint. Quo pacto uerò ab extrinseco appetibili obiecto, & sensu, & appetitu, musculis mediantibus, ope natiui caloris moueantur animalia, satis superq; superius declarauimus. Dixit autem in hac citata auctoritate, animalibus, utpote terre non affixis naturam ventrem, pro nutrimenti veluti penu, fabricasse, uti stirpibus terram, præter utiq; pauca quædam, uolens ea animalia nobis innuere, quæ stirpanimalia à nonnullis, aut affixa lapidibus ab aliis, uocantur, quæ Græcis Zoophyta dicta sunt. Ut autem quæ de motuum in uiuentibus diuersitate tradita sunt, perfectius ab vnoquoq; percipiantur, in memoriam illud reuocandum est, quod, sicuti fusiùs docuimus in nostro primo de occultis, ac ueneficis morbis libro, cap. 5. formarum & substantiarum in natura multi sunt ordines ex officiorum generibus distributi. Cum enim forma natura quædam sit, & hæc, ut docet Philosophus in princ. secundi lib. physic. motionis principium; ideo quæcunq; unius simplicissimiq; motus causa fuerit, simplicissima illa, & imperfectissima, & infima iure optimo iudicari debet: Quæ uerò multiplicis, uarijque motus erit opi

. sex, perfectior existimabitur, & altioris cuiusdam
 ordinis. Sic elementi forma, quia loci mutatione
 sursum tantum, aut deorsum fertur, omnium cense-
 tur imperfectissima & abiectissima: stirpis, quæ nu-
 tritionis etiam, incrementi, procreationisque motū
 ciēt, & nedum sursum, uerum etiam deorsum fertur,
 perfectior & nobilior habetur. Hæc rursum absolu-
 tion est animantis forma, quæ præter hæc sensum ex
 hibet, & appetitum, quorum merito nobiliorem, &
 apertiore motum confert: sed nihilominus penes
 diuersas animalium formas ualde diuersum. Nam
 infimior quidem & solum dilatationis & constri-
 ctionis motum illis animalibus natura cōtulit, quæ
 stirpanimalia uocantur: in quorum numero & ma-
 rinæ spongiæ, & conchilia, & buccinæ, & purpuræ,
 & alia ostracodermata enumerantur. Paulo aper-
 tiorem, & eum motum, qui merito contractionis &
 expulsionis cuiusdam fit, uermibus, ac plurimis re-
 ptilibus donauit. Eminentiore adhuc illis anima-
 lium generibus contulit, quæ perfectiora sunt, & pro-
 gressiuo ciētur motu: etiam si & in istis multi insu-
 per reperiuntur ordines, qui penes plures, & perfe-
 ctiores, uel pauciores & imperfectiores functiones
 spectantur. De quibus uerba faciens Galenus in 2.
 lib. de semine, cap. 5. ita scribit: Quod uerò anima-
 lia imperfecta tum in partibus, tum in uniuerso in-
 terdum corpore efficiantur, satis ab Aristotele de-
 monstratum est. Oculorum autem, quando in ho-
 rum mentionem incidimus, natura in quibusdam
 animalibus adeo perfecta & efficax est, ut nihil eis
 desit, sed statim, ubi edita in lucem sunt, æquæ atq;
 adulta uideant. In quibusdam palpebræ aperiun-
 tur,

tur, longioreq; temporis mora indigent, ut exactè
fungi officio suo possint. Iam uero canes, uel pro-
uerbium ait, cœcos præ festinatione catulos pare-
re: quamuis imperfectos potius, si propriè loqui ue-
lis, quam cœcos huiusmodi recens natos catellos di-
xeris, cum paucissimis post diebus sint inspecturi.
At talpas reuera cœcas & esse, & gigni dicendum
est. Magis uerò etiam, quam talpæ, pleraq; ostrea-
rum genera, oculis carent. Vremibus autem nulli
prorsus quibusdam oculi, quibusdam solum ipsorū
obscurum uestigium inest. Atq; ita fit, ut gradus
quosdam natura habere videatur. Primum cum pa-
rum à plantis recedens, tactu, hoc est, uno tantum
præditum sensu animal fingit: Secundum, cum gu-
statum: Tertium, cum olfactum adiungit: Quar-
to gradu postmodum progressa auditum: Quinto
visum addit. Postea horum ipsorum eas, quas mo-
do dixi, differentias facit. Hæc ille. Omnium tan-
dem suprema & perfectissima est Hominis forma,
quæ præter hæc omnia enumerata, mentem, tanquā
diuinum munus, ab immortali Deo est consequuta.
Quod autem hi omnes & uarij formarum gradus
in uiuentibus, & operationum diuersitas (Diuinam
hominis Mentem excipio) in uariam atq; diuersā
innati caloris copiam, & attemperationem, primò
& principaliter, & in uarium organorum, quæ in ui-
uentibus fiunt, apparatus referantur, apertissimè
testatur Galen. lib. de foetuum format. cap. 3. dum
inquit: Cum iam utrosq; uentriculos habuerit cor,
& utraq; has materias, utpote perfecta iam ipsorū
substantia, pullat, secumq; eadem agitatione arte-
rias mouet: Vnde tunc foetus non amplius ut plan-

ta solummodo, sed ut animal iam administratur, quales sunt hiatulae, buccinae, pineae, ostreae, patellae, quae vel minimo, vel nullo prorsus pulsantur motu indigent. Demonstratum liquidem est pulsus calidis corporibus inesse. Nullum autem animal vel exangue planè calidum; vel plane calidum exangue est. Nam in sanguine, qui in venis est, absque cordis calore, tepida quaedam caliditas insita est. & propterea etiam in iecore. Cor verò quasi ignis quendam focum animalia sortita sunt. Sine corde enim sanguineorum animalium calor persimilis caliditati est, quae in domibus aestatis tempore sensitur. Sed quemadmodum domus, incenso in ipsa igne, calidior redditur; ita animalium corpus ex corde caliditatem maiorem acquirit, quam ea sit, quae in venis ac iecore insita est, & sanguine etiam qui in venis & iecore continetur. Hec ipse. Qui etiam dicebat loco supra citato cap. 5. lib. 2. de semine, Nihil mirum esse, si quemadmodum talpae oculi exprimi intus incepti foras à natura propelli non potuerunt; ita membra genitalia foeminis intus formata, in exteriorem partem nequiuerunt emergere, ob imbecilliores videlicet, ac imperfectiorem foeminae naturam, ut Aristoteles etiam inquit. Sed per naturam, ut sui moris est, neque voluit, neque potuit aliud præter calorem ipsū intelligere: quo potissimum foemina mare imperfectior est: Et de eadem foemina postea loquens addat, quòd, cum frigidior & humidior sit mare, ex hoc excrementa ad foetuum educationem accommodata, alere nata est.

Cur viuentia in molem immensam non excreſcant; ſed determinatam habeant magnitudinem: & primum Ariſt. ratio pro hac re perpenditur, & conſutatur. Cap. XXI.

N Vn c, tandem ad vltimū argumētum, quod ſententiam noſtram de animę ſubſtantia iam explicatā labefactare videtur, me conféro. In cuius quidem ſolutione ex conſequenti patebit, quānam ſit vera atque legitima, & determinatā viuentium magnitudinis, & eorum inclinantis æui, & ſenectutis, & vitæ longirudinis ac breuitatis, & tandem ipſius mortis cauſa. Dixi (vera atq; legitima) quia, vt ingenuè fatear, neq; Ariſtotelem ipſum; neq; vllum alium aut ex veteribus, aut ex recentioribus Philoſophis vel Medicis vidi (Galenum excipio, qui vt alijs in rebus; ita in hac quoq; fuit admirabilis) qui mihi ſatisfaciat. Vt autem in hac pulcherrima & vtiliſſima contemplatione nullus committatur error, & omnis obſcuritas, quantum fieri licet, è medio tollatur, ante omnia operæ præſtium eſt Ariſtoteliſ argumenti vim exactè perpendere, & explicare. Ipſe in tex. 40. & 41. ſecundi lib. de Anima, aduerſus Heraclitum, imò etiam aduerſus Magnum Hippocratem, huiuſcemodi rationem iactare videtur. Vos putatis naturam ignis eſſe abſolutè cauſam in plantis & animalibus accrerionis & nutritionis, eò quia is ſolus inter prima corpora videtur nutriri & creſcere, ſicuti etiam cordis & viuentium calore experientia obſeruamus alimētum concoqui, diſtribui, & in partium ſubſtantiam mutari.

tari. Sed ignis est potius concausa, id est, animæ instrumentum, non autem absolutè causa, qualis est ipsa anima. Potest autem Aristotelis ratio ad formam syllogisticam, & ad secundum modum secundæ figure sic reduci. Causa principalis & absoluta ea statui debet, quæ rectam efficiendi rationem includit, & operi terminos statutos adhibet. Sed ignis non potest esse talis: Ergo non est causa principalis & absoluta. Maior autem propositio ex eo probatur, quia omnium natura constantium terminus proprius est & ratio magnitudinis & accretionis: Natura siquidem infinitum renuit, & terminos quærit & exposcit. Minor ex eo ostendi potest: quia ignis crescit in infinitum, si ei apponatur combustibile: Infinitum autem terminis proprijs destitutum est. Argumenti Aristotelici forma declarata, videamus modo, quanti sit momenti: & primū accipiamus minorem propositionem. Dum in ea dicitur, ignem non posse includere rectam efficiendi rationem, & operi terminum adhibere, eò quia, si ei apponatur combustibile, in infinitum crescit, hanc (pace tanti viri) possumus absque vlla hæsitacione negare, imò etiam asserere ab Aristotele fuisse malè & extra rem vsurpatam. Nam etiam si hanc eandem Hippocratis, & Heracliti sententiam idem Aristot. in 2. de part. animal. cap. 7. reprobare conatus sit, & in lib. de Longit. & Breuit. vitæ, insitus calor vitalis ab eo dicatur similis flammæ, quæ ex oleo continenter reficitur, & subinde hoc potius igni, quam alijs primis corporibus competat; quia inter ea solus videtur nutriri, non quia propriè nutriatur, sed quia eius adgeneratio nutri-

tionem & generationem est maxime similis ; nihilominus, ut infra efficacissimis rationibus demonstrabimus, insitus calor vitalis igneus non est ; neque ei est iuncta siccitas, uti verè igneo iungitur calori ; neque ille est, qui ad instar flammæ humidum in corporibus viventium, tanquam oleum depascit . Apparebit insuper igneum calorem illum esse, cui, absque ullo ipsius animæ interuentu accretionis terminus in viventibus adscribendus est . Nam etiamsi verissimum sit, omnium natura constantium terminum proprium esse, & rationem magnitudinis & accretionis ; & naturam infinitum abhorrere, & terminos querere & exposcere ; nihilominus, ut toties in libris de Usu partium Galenus repetit, non statim, ubi natura, siue conditor nostri aliquem finem appetit, ille finis subsequitur, sed prius media quærit, ac parat, quibus finem illum consequi valeat . Sed dicere, animam esse illam, quæ certum & definitum terminum accretionis in viventibus constituit, est nugari & fabulas texere . Si enim id præstat anima, aliqua causa mediante id præstat . Sed quænam illa sit, nobis declararet Aristoteles . Insuper sibi videtur Aristoteles contradicere, dum primum inquit, omnium natura constantium definitum esse terminum magnitudinis, & accretionis ; & mox ait, ignem appposito combustibili, crescere in infinitum . Si enim hoc combustibile in infinitum, & molem immensam non potest apponi (hoc enim naturæ repugnat, ut dictum est) ergo Aristot. probatio nulla est. Si autem posset in immensum combustibile apponi, ergo cresceret ignis in infinitum, ergo falsum erit, quod omnium

omnium natura constātiū definitus est terminus magnitudinis & accretionis. nam etiam ignis est ex eorum genere, quæ natura constant. Verum quoniam aliquis posset Aristotelem ab hac contradictione vindicare dicendo, aliquod corpus dupliciter accipi posse, videlicet, vel quo ad molem indiuidui, vel quo ad numerum indiuiduorum, & postea affirmare quodlibet corpus, quoad molem indiuidui, ex sua forma terminum nancisci, quia ipsa met forma dicitur terminus, & omnis forma secundum propriā conditionem, & vt est definita natura, secum deferat proprios terminos; & ob id in fine huius textus inquit Arist. quod terminare est officium rationis siue formæ, quia natura, quæ forma est, dicitur renuere infinitum, & terminum querere. Sed quo ad numerum indiuiduorum, ex se definitum non esse, veluti singularium animalium non est numerus definitus, sed terminum recipiunt vel ex ordine vniuersi, vel ex ipsa materia, sine qua indiuiduorum numerus in infinitum non excrefcit: Et deinde addere posset, ignem, sicuti etiam reliqua elementa, esse quendam indiuiduorum numerum, quæ sunt simul iuncta, adeo vt actu sint vnum, sed potestate tot sint, quot sunt partes eorum, quæ aptæ sint separatim subsistere; Et tandem dicere ignem, qui ab Aristotele dicitur crescere in infinitum, non esse indiuiduum vnum, sed indiuiduorum multitudinem simul iunctam: Et quia insuper nedum ab Hypocrate, verum etiam à Galeno, vitalis calor, qui corpora nostra regit, atq; conseruat, sæpissimè ipsi igni comparatur; & sicuti ignis si non penes molem, saltem penes durationem, si continui ei apponatur combustibile,

stibile, videtur perpetuo posse conseruari; ita aliquis maximo iure posset ambigere, cur noster vitalis, siue naturalis calor ex assidua alimenti appositione vsq; in infinitum non perduret: Eapropter, Excellentissime Octaui, duo hæc potissima debemus pro virili primum aperire, & firmissimis rationibus fulcire: Vnum erit, quod noster innatus, siue vitalis calor igneus non est, nec ad instar flammæ, vt putauit Aristor. loco superius citato, & multi alij cum eo lapsi sunt, humidum in corporibus viuientium veluti oleum depascit: Alterum, quod causa præcipua, & principalis, quæ in viuentibus corporibus terminū, & certam magnitudinem & accretionem præscribit, non est anima, sed igneus calor, qui in viuentium corporibus, à natura, siue nostri conditore ab ortus primordijs insitus fuit. His enim duobus exactè declaratis, & comprobatis, reliquæ omnia, quæ in huius capitis principio declarare pollicitus sum, facile manifesta fient, & quamuis præsens discursus vniuersalis futurus sit, & ad omnia viuentium genera adapti possit; nihilominus præsertim ad hominē ipsum, tanquam ad reliquorum omnium animatorum metrum, ac optimam legem atq; mensuram, sermonem nostrum, vt utilior euadat, posthæc sæpius accomodabimus. Neq; id ab re, cum nedum stirpes omnes; verum etiam omnia animalium genera in gratiam hominis, tanquam in præcipuum finem à summo Opifice producta fuerint.

Innatum

*Innatum calorem non siccum & igneum, sed humidum,
& aereum esse, & subinde nostrum corpus & hu-
midum non depascere, sed potius regere, &
conseruare. Cap. XXI.*

QUod autem natiuus calor sui natura igneus, & squalidus non sit, verum potius aereus & humidus, superius in huius libri capite decimo & Galeni auctoritatibus quàm plurimis, & rationibus ostensum à nobis est. Idcirco enim de eius quidditate tractauimus, vt deinde nonnullis propositionibus, siue principijs ex eius essentia declarata desumptis, ad ea, quę dicenda erant, vteremur. Galenus itaq; nedum in lib. contra Lycum protulit innatum calidum esse substantiam seminalem, sanguineamq; , spiritibus, & calore affectam, ac subinde aeream & calidam & humidam: verum etiam in primo de natur. human. com. 39. in 1. de Tuend. cap. 2. & 1. de Elemen. innatum hunc calorem in spiritibus residere ait, sicut spiritus in semine & sanguine subsistunt, nec non aliqua ex parte in triplici Solidarum partium humiditate: & 1. Aphor. com. 14 scribebat eius substantiam aeream esse & aqueam, sicut ex semine licet coniectari, quod paucam substantiam terream omnino participat, plurimum autem aeris calidi humidique in se ipso continet. Et 5. simplic. cap. 9. dicebat, quod nihil prohibet sanguineam substantiam simulq; aeream aut etiam seminalem vnā cum spiritu calidum inaudire innatum. quam sententiam nos postea rationibus probauimus. Simili modo calorem natium corpus nostrum,

strum, & humidum non depascere in sequenti capite, nimirum, xi. huius libri, Galeni auctoritate probatum est. Qui in lib. de Marco r. cap. 3. aduersus illos insurgens, qui falsò à natiuo calore corpora nostra, vt ab igne ligna, cōsumi putabant, scribebat animalia omnia nupergenita, vt etiam stirpes, humida esse, non tamen calorem nostrum flammæ ignis comparandum esse: Quia animalia non ita natuum calorem ab eo, qui ipsa effinxit, nata sunt, sed vt ab eo augerentur: & gubernarentur. & mox addebat, huiusmodi innatum calorem & alimentum ad se trahere, & materiam dispensare, & apponere, & agglutinare, & assimilare, & (in summa) omnia secus, quam flamma in materia sibi innata efficere, vti loco citato fusiùs diximus. Quocirca si verissimu m est, ignem & flammam vim tantum habere perdendi materiam, qua alitur, vt Galenus ait, nullam verò reficiendi; natuum autem calorem suam materiam conseruandi, augendi, & à rebus contrarijs, atq; adeo ab omni calamitate defendendi; quomodo possumus unquam cum Fernelio, & tot alijs, animum inducere, ut credamus, illud ipsum, quod certissimum est uitæ principium, nobis perniciem in omni uita machinari, eandemq; causam & uitalem, & mortiferam esse? Sed missa pro nunc Galeni auctoritate alioquin apud nos maxima non sit ab re hoc idem & ipsius Aristotelis auctoritate, & firmissimis rationibus comprobare. In auctoritatibus enim illa eligenda est, quæ sit omni pondere & existimatione grauior. Sed, quæso, quænam aut Medicorum, aut Philosophorum uox est, & auctoritas, quæ non sit Aristotelis dignitate & opinione inferior?

inferior? Sed ipse sc̃pissimè Galeni sententiam indicat, atq; confirmat, statuitq; calorem in animantis membris infusum nec igneum esse, nec eius succi & humidi consumptorem, ex quo nunquam sine suo interitu secerni potest. Hæc enim duo vicissim retro commeant, calorem igneum esse, & naturæ animantium consumptorem. Quare vt planè liqueat, calorem conseruatorem esse insiti & primigeni humoris, nullo autem modo euerforem, probandum adhuc magis est ex Aristotele, naturalem calorem humidum esse & acreum, nullo verò pacto igneum, & siccum. Arist. igitur secundo libro de generat. animal. cap. 3. apertissimis verbis testatur, calorem in animalibus nec ignem esse, nec ab igne ortum ducere. Et in primo cap. eiusd. libri docuerat, siccitatem rem esse vitæ inimicissimam, humorem autem amicissimum. Ergo cum nihil amicius vitæ sit, quam calor naturalis, hunc humidum esse oportet, non siccum. Insuper in lib. de long. & breuit. vitæ, hoc ponit tanquam certum, vitam contineri humore calido, seu humore & calore: siccum verò & frigidum interitus causam adducere. Vnde si naturalis calor adiunctam haberet siccitatem, quæ calorem acuit, quis non videt, eum exitio futurum esse, non saluti? Quare in eodem libro addit, copiosum humorem causam esse vitæ longinquioris, quia diutius siccitati resistit, & magnam vim caloris ait vitam prorogare, quoniam facit, ne humor frigore concreseat, & pereat. Scribitque calorem hunc in quibusdam rebus pinguem seruari, ad siccitatem & refrigerationem arcendam; in alijs alio succi genere præditum esse. Et paulo post adiun-

git, plantas esse diuturnioris vitę, quam animalia, quoniam humorem habent minus dilutum. Verum si calor siccus esset, vitamq; nostram perpetuò exhauriret, cum facilius, & celerius exhauriat humorem terrena portione temperatum, quam humorē puriorem, profecto breuius esset vitę curriculum, quam viuunt plantę, quam eius vitę, quam viuunt animalia. Adhęc illud quoq; falsum esset, homines, qui vitam ducunt in regionibus calidioribus diutius ijs viuere, qui frigidas incolunt. Nā quanto maior est calor, tanto maior est humidi consumptio. Verum Aristoteles sentit continenter frigesceri & exarescere naturalem calorem, & hanc ob causam vitam minui & abbreviari: non autem docet, continenter humidum tanquam pabulum ab intestino calore deuorari. In eodem libro humorem calidum ait esse vitę, & accretionis causam: at eadem est cognatio humoris & caloris, quę caloris, & humoris. Et sicuti dicimus, humorem vitalem esse calidum, sic vitalem calorem esse humidum. Quare sicuti Arist. sic loquutus est de naturali humore in lib. de diurn. & breuit. vitę; ita in lib. de sens. & sensili de calore dixit, eam vim habere, vt diminuat animal, vt conficiat. Et idem Arist. in 4. Meteor. cap. 1. putredinem esse definit interitum proprij & naturalis caloris in quouis humore ab aliena caliditate, quę rei continentis est. Verum quę putrescunt, non sunt ignea; ignis enim non putrescit, vt idem ait 4. Meteor. & in lib. de long. & breuit. vitę exponit. Quare naturalis calor non erit siccus: sic enim igneus esset. Confirmatur testimonio eiusdem Philosophi, qui 26. sect. probl.

18. problem. cum quæssisset, cur Auster sit causa siccitidi halitus; respondit, ideo, quod res humidas, & calidas efficit. Hæc autem, inquit, rerum omnium maximè putrescunt. Idem in quarto Meteor. cap. 3. concoctionem, quæ fit in animali, ait esse similem elixationi, quam paulo ante docuerat, non siccò, sed humido calore perfici. Quare si Aristoteli fides adhibenda est, calor viuentis humidus est, non siccus. Quod nunc rationibus quoque probabimus. Prima igitur erit, quia calor naturalis cum sit auctor, & dux vitæ, ideo eam qualitatem comitem habebit, quæ vitæ socia est, non mortis: Sed siccitas est socia mortis; humiditas vitæ, vt in libr. de long. & breuit. vit. Arist. docet: Ergo humiditatem sociam habebit. Adhæc calor est qualitas illius materiæ, quæ vitæ proximum est subiectum: Sed hæc materia est humida, & calida oleo per similis, & facilis vt exardescat: Ergo hic calor non cum siccitate, sed cum humore copulatus erit. Deinde, si calor naturalis siccus esset; ergo, quanto esset maior, tanto siccior esset; & cum calor naturalis debeat esse superior ceteris qualitatibus, sequeretur, calorem naturalem celeriter animal interimere, cum ignis sit acerrimus vitæ hostis, qui si vincat cetera elementa, de eorum salute actum est: vt in febricitantibus euenire conspiciamus. Præterea ea constitutio, siue temperatura, quæ plus habet naturalis caloris, est longinquioris temporis: Ergo si naturalis calor foret siccus, fieret etiam, vt calida & sicca corporis habitudo, ac temperatura esset vitæ diuturnioris, quam cæteræ constitutiones, ac temperaturæ; imò quæ temperamenta maximè chole-

rica essent, longissimæ etiam vitæ essent: Et nihilominus experientia probamus, quod corpus animalis quanto siccus fuerit, atq; calidius, tanto etiã est ad omnem vitæ ruinam proclivius. Denique eius effectus, qui est & dicitur per se, aliqua debet esse causa per se: Sed affectio calida & humida, quæ inest in sanguine, per accidens, vt sanguis est (hic enim frigidus est sua natura & siccus, vt ait Arist. 2. de part. animal. cap. 3. sed vt à natura comparatus est ad alendum animal calidus est & humidus) est effectus naturalis: Ergo huius vitalis constitutionis aliqua debet esse causa, cui per se illæ duæ qualitates conueniant. Sed causa per se conficiens sanguinem est calor naturalis: Ergo hunc sui natura humidum, & acreum oportet esse. Hinc necessario possumus astruere, quòd, cum animantium calor, cuius merito in vita permanent, humidus sit, nullo modo vitalem humorem exhaurire valet. Quod triplici ratione concluditur: Quarum prima est: Certissimum est Philosophorum pronunciatum multifariam ab Aristotele explicatum, & à Peripateticis demonstratum, Actionem quamlibet effici ex contrario. Si igitur calor naturalis agit in suum humidum, oporteret humorem calori esse contrarium. Sed nemo vnquam dixerit, humorem calori esse contrarium, cum vtraq; qualitas miro concordie vinculo astricta teneatur. Secundò, si calor naturalis corrumpere suum subiectum, cum hoc sit calidum, & humidum, sequeretur, idem seipsum corrumpere. neque enim corrumpi potest humor, quin calor etiam ipse extinguatur. Tertiò, si flammæ naturam noster calor imitatur; ergo, quanto
maior

maior fuerit, ac robustior, magis, vehementiusque conficiet; quanto fuerit imbecillior, tanto minus conficiet ac consumet: Quomodo fit igitur, ut idem homo, eodem genere & modo cibi contentus hyeme & æstate, æstate langueat, viribus deficiat, frangatur corpus, omnia membra mirum in modum extenuentur; contra hyemem valeat viribus & corpore (ut ait Hipp. 1. aph. 15.) firmiores sint artus, partesque omnes corporis pleniores? An quia corporis nostri consumptio, ut in sequenti capite docebimus, fit à calore minimè naturali; refectio autem & recreatio est insiti caloris, qui hostili & externo magno conatu semper obstitit? Et hæc de primo, quod probandum erat; satis sint; nunc ad secundum, quod ostendere polliciti fuimus, est transcendum.

In viuientium corporibus calorem igneum & siccum de necessitate reperiri, qui determinata magnitudinis, ac seny causa est. Cap. XXII.

HOc autem erat, ut probaremus, in viuientium corporibus certam ac determinatam magnitudinem non ab anima, ut falso existimauit Aristoteles, sed ab igneo quodam, ac squalido calore, tanquam à proximo & præcipuo agente proficisci. Quod ut firmiori probemus fundamento, eodem tempore & ipsius Galeni auctoritate, & rationibus demonstrabimus, in nostris, imò in omnium viuientium corporibus, præter innatum calorem, à quo omnis eorum vita & conseruatio dependet, & sui natura humidus, & acereus est, alium calorem inesse, qui
siccus

siccus, & igneus est, à quo vitalis humor, & viuientium corpus continuo dissoluitur, & labefactatur.

Quamuis autem per demonstrationem quia, siue a signo, id ab vnoquoq; alioquin mediocriter in Logica & Naturali scientia exercitato ex his, quæ ostensa sunt, colligi facile possit, quia cum experientia ipsa edoceamur, corpora nostra continuo fluore vexari, & quò magis senescunt, cò sicciora fieri, & certissimè sciamus, id ab innato calore, qui corpora assiduò reficit, & humidus est, nullo modo fieri posse, statim inde colligimus, hoc ab alio calore, qui igneus est, de necessitate fieri: Nihilominus, quia tale decretum apud aliquos nedum nouum, verum etiam fictitium & absurdum videri posset, illud & auctoritatibus, & rationibus probare aggrediemur. Quantum spectat ad auctoritates, ante omnia habemus Galeni testimonium, & illud quidem admodum præclarum, quia à rei natura desumitur, & ratione fulcitur, in 1. scilicet de Tuend. valet. cap. 2. in quo sic habet, Sanè (inquiens) quæ corpus nostrum lædunt, corrumpuntq; , ea sunt genere duplicia: Altera nobiscum congenita, & quæ vitare nequeas, quæq; ex ipsis generationis principijs, veluti radice oriuntur: Altera, quæ & declinare possis, & orta à nobis non sunt: quæ tamen non minus, quam illa, corpus nostrum conficiunt: quorum vtraque iam seorsim distinguemus. Sanguis, semenq; genitale, generationis nostræ primordia sunt: ille, ceu materia quædam apta, concinnaq; & opifici ad quid uis sequax: hoc opificis rationem obtinens. cò stat horum vtrumq; ex iisdem genere elementis, humido, sicco, calido, & frigido; aut, si mauis ab essentia

sentia sumptis nominibus, quam à qualitate, nominasse, aqua, terra, igni, & aere. Dissident hæc inter se ipsa temperamenti mensura. Siquidem in femine plus est igneæ substantiæ atq; aeræ: in sanguine, aqueæ, terreæq; ; quanquam præpollet in hoc quoq; & calidum frigido, & humidum sicco; & ob eam exuperantiam fit, vt non siccus, sicut ossa, vnguis, pilusq; , sed humidus meritò dicatur.

At semen sanguine siccus quidem est: cæterum ipsum quoq; humidum fluxileq; est. Atq; ita nobis vtrinq; ex humida substantia genituræ origo profiscitur. Hanc tamen humidam seruari, conueniens non erat, si modo ex ea nerui, arteriæ, venæ, ossa, cartilagine, membranulæ, & similia fieri deberent.

Ergo statim in generationis initio coniectum validius oportuit elementum id, quod siccandi vim haberet. Est uerò id natura quidem maximè ignis; sed tamen & terra: est enim ea quoq; res sicca.

Verum huius plus immisceri principiis commodum non erat, quod hæc magis humida erant futura. Ignis certè quod non plus sit admistum, nec obstat quicquam: & sanè admistum est tanto plane plus in utroq; principio, quantum nec iam torreat, viatue, & tamen abundè siccet. Quippe etiam tantus calor adhibitus agilitatem præstare ad motiones sat erat. Ab hoc igitur primum cogitur, paulùq; concrefcit, quod in vtero conceptum est, mox siccus redditum, veluti lineamenta quædam, & rudimenta cuiusq; membri obtinet. Vterius verò etiā siccescens, non lineamenta, rudimentaue modo, sed etiam exactam uniuscuiusq; speciem ostendit. Iam uerò in lucem editum, & magnitudine proficit, & tum

tum siccior, tum ualentius se ipso semper efficitur, donec ad summum incrementum sit peruentum. Tum uerò & incrementum omne sistitur, ossibus nimirum ipsis per siccitatem non ultrà sequacibus. Cuncta deniq; membra non solum robusta fiunt, sed etiam uires suas summas obtinent. In eo uerò, quod sequitur, tempore omnibus iam partibus suprà iustum sicciscentibus, non solum cuiusq; officiū minus probè administratur, sed etiam corpus ipsum macilentius graciliusq;, quam ante, redditur. Ergo ultrà siccatum non macilentius modo, uerum & rugosum efficitur. Artus quoq; ipsi inualidi, atque ad mōus suos incerti, inconstantesq; probantur. Affectio hæc in animalibus Senium, appellatur, ei, quæ in stirpibus Anansis Græcè dicitur, proportionē respondens. Est. n. & illa stirpis senium siccitatis excessu proueniens. Vna igitur hæc est omni genito corpori corruptelæ, interitusq; connata necessitas. Altera est, quæ etiam in animalibus præcipue cernitur, totius substantiæ fluor, quem insitus calor excitat, Hæc Galenus, Quæ ubi quis diligenter inspexerit, statim ei palam fiet, in nostris & omnium uiuentium corporibus, præter aerium & humidum, alium igneum & siccum inesse calorem, à quo statutum ac determinatum eorum incrementum, ac senectus prouenit: & exinde eliciet; cur uiuentium corpora, ut astruebat Aristoteles in argumento superius relato, etiam si continuò eis alimentum suppetat, in molem immensam non excrescant, imò & decrescant, senescant, & tandem marcore consumptæ pereant. Neq; enim igneus calor in nostris corporibus à primordijs generationis inditus, cum sit
agens

agens naturale (quod approximatum passio, & non impeditum agit quantum potest) potest gradum & proprias vires sistere, ac coercere: sed licet ossa, ac solidae partes iam robustae, ac firmatae conuenienter sint: nihilominus ulterius exicare, ac humidum vitale depascere non desistis, donec ex toto fuerit consumptum, cuius quidem perfecte consumptioni necesse est, ut etiam innati nostri ac humidi, aerei quae caloris consumptio & corruptio & mors ipsa, quae huius caloris extinctio est, subsequatur. Quod quidem in alio, & magis proprio loco nimirum libro de Marcore, cap. 3. & 4. etiam superius cap. xi. huius libri pro maiori parte à nobis exarato, hisce verbis idem Galenus adhuc magis confirmauit. Cum enim eorum opinionem reprobasset, qui natium calorem flammæ ignis assimilabant, & suam sententiam Hippocratis auctoritate probare conabantur, cum dicerent hæc formalia verba ab Hippocr. fuisse conscripta (calor, qui corpora produxit, nos interficet) in primis respondet ipse: o præstantissimi viri, cum librum, in quo hæc habentur, non esse verum Hippocratis dicemus: deinde si fuit ea Hippocratis sententia, quomodo enunciata sit, explicandum fuit, & aliqua afferenda demonstratio: Si verò adhibenda tibi fidem censent eò quòd demonstrationes non suppetant, profectò, non rectè sentiunt. Est illud quidem verum, propter innatū calorem senescere corpora, atque corrumpi denique: falsus tamen est modus, quem isti afferunt. Neque enim ab innato calore corpora, vel ligna à flamma consumuntur: atque hoc fortasse exemplum est ijs, qui à febre corruptuntur, accommodatum: & quod prædictis verbis persecu-

tus est Hippoc. indicare tale quippiam videtur. Est tamen verissimum corpora naturali quadam confectione exiccari; idq; propter natium calorem effici: uti in 1. de tuend. valet. demonstratum est: quod etiam hoc loco repetemus. Natura, quæ stirpes & animalia procreat, corporeum aliquod principium ad illorum ortum omnino capit: quippè cū nulla res sit, quæ sui ortus initium ab eo, quod penitus non est, possit sumere: Inde verò exorsa ad eum scopum, quem sibi in fabricatione proposuit, semper ordinatè procedit: quod in eo positum est, ut quod facit perfectum reddatur, siue stirps, siue animal sit. illudq; perfectum est, in quo nulla propriarum actionum desideratur. Multæ autem actiones sunt, ad quas duris opus est instrumentis. Quod in causa est, ut multæ in animalibus duræ particulæ fiant. Cum verò necesse sit, ut principium ortus ipsarum contrà quàm perfecti animalis postulat ratio, molle sit, ut aptè componi, conformarique possit, suoq; Opifici ad omnia præsto sit; ideo quantumcunq; semen durum sit, mollis tamen stirps editur, cum illud prius moderato humore quodam irrigetur, ut natura fiat pro semine. Quocirca si oportet, ut ortus animalis è molli essentia ducat initium, quæ ut absolvitur, sic redditur dura, certè in prima elementorum, è quibus animal constituitur, temperatione, tum humidum, tum siccum dominetur, necesse est. Atq; humidum quidem aqueū est: siccum verò est duplicis naturæ, ut vel terreū, vel igneum sit. Non poterat autem ab initio maior terrei copia admisceri, cum animantis principium esse humidum oporteat. Reliquum igitur modo
est

est igneum, quod in primo ortu, primaq; compositione necessario exuperat. Si igitur natura, cum animal, aut stirpem ad vigorem vsque produxisset (& hoc dictum admiratione dignum est, & necessarium viuentium interitum ostendens) aliam rursum elementorum dispositionem, quæ & proportionem responderet, & æqualis viribus esset, inducere potuisset; hoc utiq; solum modo eius fabrica vacans, senio, & incorrupta permansisset, cum perfectum quempiam sapientem nacta esset. Neque enim mala victus ratione vtens sic incorrupta simpliciter perdurasset. Ac tum quidem Ægyptius ille suam nobis artem in re, quæ fieri posset, ostendisset. Nunc verò, cum prima ortus animalium, stirpiumq; elementa nec transferri, nec commutari queant, etiam post vigorem exiccare corpus necesse est: quamuis non iam opus sit, hoc vt patiatur, cum iam vsus, qui siccitatem postulabat, pertransierit. Sed declinatio, quæ exiguam siccitatem habet, multos fallit, quasi nondum marcor quidam sit: At senectus, quæ ab illa non differt genere, sed sola magnitudine, deprehendi facile potest. Hæc causa est, quæ euidenter ostendit, siccitatem progressu temporis esse vniuersis animalibus necessariam, nisi quis omnino amens sit, & senectutem nec vitari posse, nec sanari. nam quod primum ortum animantis necessario consequitur, quo modo prohibebit quispiam, ne fiat, aut, cum iam factum sit, abolebit? Hæc ille. Si quis autem adhuc clarius Galeni testimonium exoptat, in nostris, ac viuentium corporibus duplicem in esse calorem comprobans, alterum æreum, & humidum, alterum igneum & siccum, ipsū

diligenter perlegat in expositione decimi quarti aphor., 1. particulę: In qua præter cætera & alia multa, quę rē huiusmodi apte cōprobant, hæc formalia habet verba. Hippo. (inquit) cū hoc in lib. propō fuisset cōpendiosam, & aphoristicam doctrinā facere, non ita sermonem ampliavit, quemadmodum ego nunc; sed loco istorum verborum, Qui crescūt, & si æqualem habēant substantiā calidam, atq; ignem cum ijs, qui in ætatis vigore consistūt, a quo sc̃a tamen atq; aeræ substantię plus habent: Qui crescunt, dixit, plurimum habent innatum calorē: simul memorię subijciens ipsoꝝ substantiā, simul propositum suum demonstrans. Quia enim humidam, & calidam habent substantiā, qui crescunt, idcirco, plurimum ab ipsis defluere necessarium est, & plurimo egent alimento, alioquin corpus absumitur; & rectē: Vbi enim id, quod defluit, plurimum est, quod verò influit: paucum: hic necesse est, subiectam corrumpi substantiā. Ex quibus verbis nedum proposita à nobis sententia patet, verum etiam quilibet colligere valet, quod si corporū resectio, & alitio à nativō & humido calore pendet, eorum digestio, evaporatio, atq; consumptio non nisi ab igneo & sicco calore ortū habebit. Quare Galeni auctoritate patet, quod in quocunq; animato corpore insitus est calor quidam siccus naturali maximē contrarius, qui propriam materiam, siue subiectum naturalis caloris omnibus momentis extenuat, dissipat, ac depascit, à quo cum naturalis calor auelli non possit, & ipse cogitur eandem ruinā, perniciemq; subire, quia cum suo humore ipse extenuatur, consumitur, exhauritur, atque distrahitur.

Hoc

Hoc autem perpetuum naufragium alimento reficit, quo se ac suum vitalem humorē tuetur, semper, que quo ad vsq; perdurat, reficere, & resarcire conatur. Quod autem & determinatæ magnitudinis, & inclinantis, vigoris & senectutis, &, vno verbo, omnium ruinarum auctor calor sit igneus & siccus, in nostris corporibus à primordijs generationis inditus, rationibus etiam probari potest. Nam primò experientia nos docet, eos, qui sui natura calidi sunt ac sicci temperamenti, breuiori tempore vita priuantur, quàm ij, qui natura calidi sunt & humidi. Adhæc æstiuo tempore propter hunc siccum calorem concidunt animalium corpora, labefactantur vires, debilitatur, & minuitur mirum in modū vitalis humor & calor: neq; enim, vt dictum est, vitalis humor diminui potest, & calor natiuus, qui in eo, ceu proprio subiecto subsistit, integer, & irrefractus remanere. Quod enim efficit calor ignis res humidas offendens, hoc ipsum efficit igneus calor, qui in animantium corporibus residet, dum in res humidas & pingues, cuiusmodi vitalis calor, & humor est, incidit. Sicuti enim humor aqueus, quia frigidus est, ægrè admodum accenditur; ita humor aereus, quia calidus, facile in flammam vertitur. & sicuti lignorum humiditas aquea & inconcocta potius ignem obruit & extinguunt: ita ille lignorum humor, qui pinguis & aereus est, & eius radicalis humor, in quo dum vita fruebatur, innatus illius calor residebat, facillimè exardescit, & flammam mittit. Quod autem de temperaturis, & anni temporibus dictum est, illud idem in vitæ institutis & regionibus eandem veritatem habet. Quanto enim magis

hæc

citatem, vitæ contrarias qualitates esse protulit.
 In problematibus verò latiore quadam & popula-
 ri dicendi ratione contentus nequaquam rationes
 ita ad tenue elimatas persequitur. Dum autem ani-
 mantium calorem comparat minori flammæ, quæ
 à maiori opprimitur, non vult significare, maiorem
 calorem, perinde vt flammam, nostrum calorem
 vrere & absumere; sed ipsum, cum marcescit, perin-
 de deficere, vt minor flamma languet, & flaccescit
 à robustiore absorpta. Vt enim maior flamma mi-
 norem absorbet, quia minoris materiam deuorat;
 sic calor externus si fuerit maior, quam naturalis sit,
 huius materiam depascit, licet nullam vnquam per-
 niciem suæ materiæ naturalis calor moliatur. Quod
 si rursus quis instet, Aristotelem affirmasse, mate-
 riam propriam absumi à calore naturali; respondeo
 calorem naturalem dupliciter spectari posse, vel vt
 est naturaliter affectus, & optimè attemperatus, &
 sic nunquam suum humidum consumit: vel vt est
 vitiatum, & ab extraneo calore præter naturam affectus
 & ita ea omnia efficit, quæ calor externus efficit na-
 turæ inimicus. Et quemadmodum, vt toties dictum
 est, legitimum caloris naturalis opus est concoque-
 re, & corpus regere, augere, & nutrire, ita, dum
 ipsum febrilis æstus, ac perniciosus & igneus in-
 tuadit, hoc opus vel intermittit, vel ignauè exercet,
 & corpus, propriumq; humidum absumit, & re vitæ
 prorsus contrariam perficit. Quod autem hoc verè
 à nobis dictum sit, illud est magno argumentol,
 quod in eodem libello Aristoteles maiori flammæ
 comparat calorem naturalem, quem in omnibus
 alijs locis minori comparauit: quæ sanè compara-
 tio

tio leuis efflet, ridicula, & ſecum pugnans, niſi dice-
 remus, calorem naturalem flammam maiorem di-
 ctam ab eo fuiſſe, cum vehementer ab externo calo-
 re, penes gradum, & temperiem intenditur, & immu-
 tatur. Ex quibus etiam Hippocratis enunciatur
 5. in 6. Epid. tex. 5. quod prius ſatis obſcurum erat,
 apertiffimum euadit, dum, ſcilicet, inquit, quod
 hominis anima, id eſt, natiuus calor, ſemper ad mor-
 tem uſq; producitur; ſin autem igneſcat, hoc eſt, ſi
 ardore febrili corripitur, ſimul cum morbo, & febre
 ipſa, & anima, id eſt, eodem natiuo calore ſui natu-
 ra humido, corpus depaſcitur, hoc eſt, ab igneo ca-
 lore conſumitur, & corrumpitur: Priuſquam autem
 igneſceret, neq; proprium humorem, neq; corpus
 ipſum depaſcebatur; ſed ſolum corpus alebat, rege-
 bat, ac uſq; ad mortem ab alio calore igneo proue-
 nientem, pro ſuo poſſe, conſeruabat. Sed tandem
 videntur quoquo pacto contraria noſtrę ſententię,
 in qua diximus natiuum calorem humidum eſſe,
 Ariſtotelis verba 35. ſect. problem. probl. 12. prola-
 ta. Ibi enim, cum neceſſitatem explicaret reſpiran-
 di, his verbis loquitur, Spiramus (aiens) quia ſi-
 cut humor conuertitur in ſpiritum, ſic aer in ignem,
 qui affert dolorem, & mitigatur ſpiritu. Verum in
 hoc loco Ariſtoteles, vt arbitror, ignem dixit feruo-
 rem cordis, qui non eſt calor naturalis humidus, &
 aereus, ſed potius affectio cordis ex immoderato
 eius calore profecta, qui calor non modo humidus
 ſolum non eſt, ſed etiam plurimas ſicci, & ignei ca-
 loris partes habet adiunctas. Et hæc ad omnes ob-
 iectiones, quę aduerſus Galenum afferri poſſunt,
 ſatis ſint.

Cur Homo non omnem, sed talem habeat determinatam magnitudinem. Cap. XXIV.

SI quis igitur reperiatur, qui has nostras lucubrationes æquo animo, & accuratè perlegere, exactiùsq; perpendere non recuset, ei arbitror planum fore, Diuinum Galenum ea omnia, quæ de animæ natura sciri poterant, & quantum scilicet humana conditio patiebatur, reliquis omnibus exactiùs cognouisse: & sicuti iure optimo rationalem animam se prorsus ignorare fassus est, & nunquam ipsam aut corpoream, aut corruptibilem esse affirmare ausus est; ita rectissimè sensisse, dum de vegetali, & sentiente facultate verba faciens, ipsam, vnà cum suo præceptore Hippocrate, nil aliud esse, nisi natium calorem, est arbitratus. Quocirca nil aliud superesse videretur, nisi vt ex dictis rationalis animæ incorporeitatem, ac æternitatem eliceremus; vt id, quod in huius operis præmio tibi, Excellentissime Compater, pollicitus sum, tandem prosequeretur: Sed priusquam id præstem, duo alia quæ sita ad ipsum hominem particulariùs attinentia, quæ cum prædictis maximam connexionem & affinitatem habent, & forsitan magis vtilia sunt, mihi enodanda propono. Quorum primum est, si iam claret determinatam viuientium magnitudinem ab igneo calore in generationis initio ab eorum conditore in eorum seminibus, siue corporibus inditoproficisci, cur homo, qui omnium animantium est finis, ac veluti lex, atq; mensura, talem ac tantam determinatam sortitus sit magnitudinem? Secundum

dum illuderit, cur idem homo, alioquin naturæ miraculum, & omnium, quæ à Deo Opt. Max. creata sunt, compendium, ita ut, referente Galeno 3. de usu part. cap. x. veluti quendam paruum mundum esse dixerint viri veteres naturæ periti, & mortalis, & adeo brevis vitæ creatus sit. Qua de re, quantæ sint in toto terrarum orbe, apud omnes fere homines, ac præsertim eos, qui non nisi hanc nostram brevissimam vitam diligunt & magnificiunt, querelæ, omnes norunt. Neque enim Naturales Philosophos excipio, etiam si isti, ut docet Auerroes in proœmio magni commentarii primi Physicorū, tanquam ij, qui cognoscentes huius vitæ curriculum in relatione ad æternitatem, esse tanquam punctū ad lineam, ac subinde nullius penè momenti, ipsam parui pendere deberent. Nam Theophrastus, ut plerosq; alios brevitatis causa prætermittam, dum esset prope mortem constitutus, de natura conquirebatur, quod elephanti, & coruo longiorem vitā, quam hominibus, dedisset, inquires, Heu? cum Philosophiam incipio, mori cogor. Quocirca sicuti Galenum à susurronum detractionibus tutati fuimus, decens est, ut eodem modo naturam ipsam, siue (ut melius cum Galeno loquar) nostri conditorem, & Opificem ab improborum hominum querelis, pro viribus, tueamur. Ad primum quæsitum quod attinet, non est, ut vel efficientem, vel materialem huius rei causam afferamus, quia sicuti efficiens ex superius enarratis apertissima est, quia duo calores concutunt, naturalis quidem, qui corporibus nostris conveniens incrementum, quantum pro suis viribus sibi permittitur, exhibet; igneus autem

calor illud idem incrementum sistit, vltcriusq; progredi non sinit: ita materialis causa ad ipsam humani corporis temperationem redigitur, quæ quidem spectatur penes talem determinatam primorum corporum qualitatũ & substantiarum mensuram: vnde, cum vti superius dictum est in hoc libro, & in primo lib. de occultis & venef. morbis exactiũ demonstratum, & Galeni auctoritate in primo de temperam. cap. vlt. sancitum, corpus humanum nedum in relatione ad cuncta animalia, verum etiam ad ea omnia, quæ sub cœlo sunt, exquisitissimam, & exactè mediam attemperationem habuerit; ita par erat, vt inter omnia animantia exactè mediocrem inde magnitudinem nancisceretur, quam quidem mediocritatem natura in omnibus semper affectat. Sed debemus ad aliam causam, quæ reliquis omnibus honoratior & eminentior est, confugere, nimirum, ad finem ipsum, cuius gratia reliquæ omnes in esse ponuntur, & de qua Galenus in libro de partium vsu semper principaliter sermonem habet. Quare debemus in memoriam reuocare id, quod superius cum Galeno dictum est, nimirum, Naturã, quæ stirpes, & animantia procreat, corporeum aliquod principium ad illorum ortum omnino capere; inde verò exortam ad eum scopum, quem sibi in fabricatione proposuerat, semper ordinatè procedere: quod in eo positum est, vt quod facit, perfectum reddatur, illudq; perfectum esse, in quo nulla propriarum actionum desideratur. Quæ cum ita sint, verissimum quoque est, hominem ipsum ab optimo omnium Conditore, principaliter quidem ad contemplationem fuisse creatum, vt huius meri

to opificem suum cognosceret, amaret, & tandem possideret, sicuti ea quoq; mediante, eius imaginē, ac similitudinē præ se fert. Sed insuper nedum ad contemplationem, verum etiam ad operationem ipsam, & ad labores fuit effectus homo. Vt enim ex Diuina Historia habemus, in paradiso voluptatis positus fuit, non vt otiaretur, sed vt operaretur, & custodiret illum. Non enim absque operibus congruis, & traditi præcepti custodia, sui Conditoris gratiam consequi poterat. Sed insuper tanta fuit sui conditoris bonitas, & liberalitas, vt ipsum in omnibus, quantum fieri poterat, sibi assimilari cupiens, iusserit, vt idem homo nedum terram propagatione repleret, ac sibi subijceret, verum etiam dominaretur piscibus maris, volatilibus coeli, & vniuersis animantibus, quæ mouentur super terram. Verum huiusmodi dominium principaliter merito Rationis, quam Galenus 1. de part. v. su artem ante artes vocat, atq; prudentiæ à Deo Opt. fuit consecutus; sed secundario & per medium instrumentarium, ac necessarium illud adipiscitur merito Manuum, quæ & exporrectæ, & tam admirabili artificio fuere constructæ, & idcirco organum ante organa ab eodem Caleno nuncupatæ. Ad quæcunq; enim apprehensionem mirificè sunt accommodatæ. Quibus, ad progrediendum per quamcunq; loci differentiam, humani pedes, vt Gal. docet 3. de vsu part. admirabili proportionem respondent. Ceterum neq; manus, neq; pedes, absq; motu & operatione aliquod vnquam opus absoluerēt. Cum autem motus ab animali facultate edatur, & id non sine animalium spirituum consumptione, & defa-

defatigatione fiat; id circo congruum omnino erat, vt homo ea corporis magnitudine præditus eſſet, quæ nec ita parua eſſet, ne ad ſibi cuncta animalia ſubijcienda, eſſet inepta, nec ita vaſta & magna, vt eius motor immodicè defatigaretur, & plurima ſpirituum animalium copia conſumpta, pauci deinde pro cognitione & contemplatione ſupereſſent, in quàm homo principaliter dirigitur. Mediocreſ igitur habuit magnitudinem in relatione ad maxima, & minima animalia: quia ſic melius ad ea omnia ſuperanda, & arcenda accommodatur. Huius autem veritatis illuſtrandæ, ac roborandæ auctore Diuinum Hippocrate habemus, qui 2. aphor. ſect. tex. vlt. inquit, quòd magnitudo corporis iuuentis quidem neq; indecens eſt, neq; illiberalis; ſenectæ verò inutilis, & deterior paruitate. Si itaq; vterq; exceſſus reprehenditur ab Hippocrate, magnitudo quidem immodica in ſenectate, paruitas nimia in iuuentute: Ergo ſola mediocris magnitudo congrua, & irreprehenſibilis erit. Inſuper nimia corporis vaſtitas, præter id, quòd contemplationi, & Muſis nimis incommoda eſſet, quia ſic homo in alimentis copioſioribus ſibi comparandis, & aſſumendis plurimam temporis iacturam faceret; & a contemplatione diſtraheretur; eſſet quoq; otioſa, quia ad animalia domanda ratio ipſa & prudentia ſatis ſuperq; ſufficiens eſt. Vnde, vt habemus apud Sapientem, Melior eſt homo prudens, quam fortis; & Homerus non Achillem, ſed Vlyſſem Troianæ urbis expugnatorem vocat. Sed alias huius determinatæ magnitudinis cauſas in libello noſtro de vſu totius core. hum. cap. 6. tradidimus.

Qua de causa sit. Homo mortalis effectus.

Cap. XXV.

CUr autem humanum corpus & secundum se totum, & penes omnes sui partes admirandum, & omnibus numeris absolutissimum, ac perfectissimum, æternum quoq; non fuerit effectum, aut saltem, vt idiotæ dicere solent, ex coelesti corpore, vel auro purissimo, perpetuis fere temporibus duraturo, fabrefactum, Galenus 3. de vsu part. cap. 10. rationem reddere conatur. De bonitate siquidem, sapientia, & virtute admirabili Creatoris verba faciens, cum prius stupidum quendam, vel potius temerarium hominem redarguisset, torpore & otio marcescentem, ac delitiis adeo fractum, vt graue ipsi esset è lecto surgere, reddendorum excrementorum gratia, ac subinde diceret, satius fuisse ita constructum esse hominem, si solum pedem porrigens excrementa per calcaneum siue per pedem excerneret; mox ita scribit: At uerò si de huiusmodi pecudibus plura verba fecero, melioris mētis homines merito mihi fortè succenscant, dicantq; me polluere sacrum sermonem, quem ego Conditoris nostri verū hymnum compono, existimoq; in eo veram esse pietatem non taurorum hecatombas ei plurimas sacrificari, & casias, aliaq; sexcenta odoramenta, ac vnguenta suffumigari; sed si nouerim ipse primus, deinde & aliis exposuerim, quenam sit ipsius sapientia, quæ virtus, quæ bonitas. Quod enim cultu conueniente exornare omnia, nihilq; suis beneficijs priuatum esse voluerit, id perfectissimæ bonitatis speciem

cimeum esse statuo: & hac quidem ratione eius bonitas hymnis nobis est celebranda. Hoc autem omne inuenisse, quo pacto omnia potissimum adornarentur, summe sapientiæ est. Effecisse autem omnino quæ voluit, virtutis est inuictæ, & insuperabilis. Ne igitur mireris Solem, Lunam, & vniuersam aliorum astrorum seriem summo artificio dispositam esse, neue te attonitum magnitudo eorum vel pulchritudo, vel morus perpetuus, vel circuituum certa descriptio reddat adeo, vt si inferiora hæc compara ueris, parua tibi videantur esse, & omni ornatu carere. Etenim sapientiam & Virtutem, & Prouidentiam hic quoq; similem inuenies. Considera mihi materiam, ex qua quodq; factum est, et ne temerè tibi persuadeas, ex sanguine menstruo et spermate immortale animal posse cōflari, aut impatibile, aut semper mobile, aut splendidum, & pulchrum æquè, ac Sol est. Sed ut Phidiæ artem expendis, ita & artem omnium Conditoris perpende. Sed te quidē fortassis attonitum reddet Iouis Olympici ornatus undiq; mirabilis, ebur lucidum, aurum multum, magnitudo totius statuæ. Potrò si ex luto eiusmodi videris, contemptim fortasse præterieris. At non ita certè quisquis est artifex, artiq; in operibus dignoscendi peritus, sed laudat Phidiam pariter, siue lignum vile, siue lapidem quemcunq; siue ceram, siue lutum viderit similiter ab illo ornatum. Attonitum enim facit idiotam quidem materiæ, artificem autem artificij pulchritudo. Age iam et tu naturę peritus sis, vt te non idiotam, sed physicum nominemus. Relinque materialium differentiam, et ipsam artem nudam conspice. Cum oculi constructio-

nem

nem consideras, organum visorium mente completum, cum verò pedem, instrumentum ambulatorium. Quod si ex Solari substantia oculos habere censes, & aurum syncerum in pedibus, non ossa & & cutim, materiæ, ex qua constant, oblitus es. Memor igitur eius, considera, vtrum lumen cæleste est, an terrenus limus. Permittes enim me ita vocare matris sanguinem, qui in matricem influit. Ve igitur Phidiæ si dederis lutum, nunquam reperieris ehurneam statuam: ad eundem modum, sanguinẽ vbi dederis, nunquam receperis vel Solem, vel Lunam, vel splẽdidum eiusmodi & pulchrum corpus. Diuina enim sunt illa, & cœlestia; nos autem sumus terreæ statuæ: Opificis tamens ars in vtroque æqualis. Hæc Galenus. Quæ quidem etiam si pulcherrima, perpetuaq; memoria digna sint, ceu illa, quæ tria illa admirabilia Sanctissimæ & indiuiduæ Trinitatis attributa nobis patefaciunt; nihilominus ad probabilitatem vsq; progrediuntur, neque omnino demonstrant, cur homo penes corpoream molem ex semine & menstruo sanguine alioquin conflatus, à tanto Opifice æternus non fuerit creatus. Cum enim hoc in loco fateatur in nostri conditore perfectissimam esse bonitatem, summam sapientiã, & inuictam insuperabilemque virtutem; & in postremo capite libri de format. foetus in vtero, bis repetat, fabricam nostri corporis summam Opificis & sapientiam & potentiam præ se ferre, possumus rationabiliter existimare, ipsum nedum Sapientissimum, & Optimum, verum etiam Omnipotentem esse. Si enim talis non esset, eius virtus inuicta, & insuperabilis non es-

set. Quod si omnipotens est ; ergo omnia facere potest , quæ non implicant contradictionem . Quod si facere posset & non vellet ꝑ, aut non sciret id præstare, proculdubio neque eius bonitas, neque eius sapientia perfectissima ac summa esset. Quod si potentia equalem tum scientiam, tum bonitatem obtinet, procul omni dubio nullam implicat contradictionem, nec aliqua ex parte ei repugnat, vt ex corporeo principio, & ex semine, sanguineq; menstruo, corpus formet æternum perpetuòq; duraturum, quemadmodum & cœlum ipsum corporeum est, ex omnium sententia, & nihilominus ab Aristot. & alijs compluribus inalterabile, & æternum statuitur. Imò & idemmet Galenus in superiori descripta auctoritate cœlestia corpora diuina, & subinde incorruptibilia nominauit. Quare ne summam Sapientiam, Bonitatem, atq; Virtutem vel in re minima offendamus, melius est statuere (ita etiã attestante sacro eloquio) Deum Optimum ipsum hominem à principio ita efformasse & sibi eam curam, taleq; alimenti genus adhibuisse, vt etiam si ex quodam limo (vt Galeni verbis vtat) aut etiã ex sanguine compactus & efformatus extitisset, posset nihilominus immortalis euadere, & etiam in hoc, suo Conditori, ad cuius imaginem creatus erat, assimilari. Qua quidem cura & alimenti genere, propter primi parentis transgressionem, à Deo Opt. Max. iure subtraçto, non ipsius Conditoris, sed sua ipsius culpa mortalis euasit. Quod si Galenus cognouisset, quot hymnis, quantisque laudibus nostri Opificis summam Virtutem, Bonitatem, ac Sapientiam decantasset, vnusquisq; nostrum imaginari

nari faciliè potest. Pariter, si hominis formam, rationalem nimirum animam, æternam esse, quemadmodum de ea sæpiùs dubitauit, certò sciuisse, utiq; & ipsum corpus ab eadem forma incorruptibili perpetuò absque corruptione seruari potuisse existimasset. Sed ad rem. Volens igitur rationem reddere Galenus, cur homo à corruptione non sit immunis, inquit, ex limo terrestri, & ex sanguine menstruo animal incorruptibile non potuisse formari, quia sicuti, si alicui architecto alioquin peritissimo lutum, vel figulinam materiam dederimus, non possumus ab eo, nisi lutulentam, aut figulinā statuam repetere: ita sanguinem ubi dederimus Conditori nostro, vel Solem, vel splendidū & pulchrum corpus non valemus recipere. Sed quid si ei dederimus cœleste corpus? aut quid si aurum purissimum? Arbitror Galenum istis hominibus, iure optimo pecudibus ab eo vocatis, responsum exhibere recusasse: Sed solum dixit, cœlestia illa corpora esse diuina. & cum peculiarem materiam ex qua constant, prorsus ignoremus, ex consequenti, cur ex ea non potuerit homo formari, ignorare necesse est. Possumus tamen & huiusce rei rationē curiosis hominibus facillimè reddere. Nam præter id, quod possumus opinari, ex cœlesti corpore, cum nimis raro, & solum ad circularem motum obnoxio humanum corpus, quod durissimis, & densissimis partibus, ad actionum scilicet robur, indigebat, & singulis motuum differentiis præditum esse debebat, creari fuisse impossibile: Implicat insuper contradictionem, ut ex corpore homogeneo, quale cœleste corpus est, fiat corpus heterogeneum, qua-

le corpus est humanum. Quod quidem cum & ad cognitionem & ad actionem sit à summo Opifice destinatum, pro diuersarum, & tot rerum cognitione, & tot motionum generibus obeundis, tot organorum generibus ex diuersæ naturæ partibus conflatis indigebat. Et subinde non nisi ex quatuor elementorum corruptibilium naturis effingi poterat. Dicit rursus idiota: Debebat saltem ex auro illud componere, quod licet & ipsum tandem corrumpatur; tamen inter omnia mixta corruptioni maximè resistit; & insuper ex quatuor elementis conflatur, & quod magis est, temperatissimum est, si ad hominem temperatum conferatur, & humanæ naturæ adeo amicum, ut ob id ab omnibus Medicis pro cordiali medicamine sit vsurpatum. Ex dictis patet, quam ineptum sit tale quæsitum. Nonne & aurum ipsum corpus est homogeneous, & vnius simplicioris naturæ? Sed insuper aereus ille, & innatus, ac influens calor, qui copiosissimus ad tot actionum genera in homine pernecessarius est, quomodo in auro adeo denso recipi poterit? Quâob rationem forsitan plures Chymistæ & Sublimatores reperti fuere, qui aurum ad extremam tenuitatem, & raritatem redigere conati sunt, & ob id potabile vocant, cuius haustu isti miseri putant hominem imortalem reddi posse. Ipsos miseros voco, quia, ut longa admodum experientia didici, absque villo fructu & tempus ipsum, & pecuniam, & cerebrum, & vitam quoque assiduè sublimationibus absumunt. Sed istis omiſſis, congruum magis est, ut ad ea, quæ vtiliora sunt, pergamus.

Cur homo vitam adeo breuem fuerit sortitus .

Caput XXVI.

CVm autem declaratum sit, quibus de causis homo penes partem corpoream non sit corruptionis expertus, remanet, ut diligentius inquiramus, cur tam citò corrumpatur, & vitam adeo breuem sit consequutus, ut iure merito ipsius miseriam commemorans Vates ille Regius de eo cecinerit: Homo vanitati similis factus est; dies eius sicut umbra pretereunt. Quibus verbis (si quis ea accuratè perpendat) certè non poterat in tam sublimi creatura vilius & breuius vitæ curriculum innuere . Sed ut etiam in hoc non minus eluceat summa ipsius Opificis Bonitas, Sapientia, atque Virtus, debemus altius sermonem exordiri, & tum ad iam propositas, tum ad alias finales causas confugere, quia sic adinueniemus hominis conditorem ex parte sui in nulla prorsus re defecisse. Monstratum iam à nobis est, hominem ipsum & contemplatiuum potissimum, & actiuum animal, ad Dei que similitudinē fuisse productum; & insuper cūctorum animalium imperium habuisse; & subinde nedum rationem ipsam tanquam artem ante artes, verum etiam manus exporrectas, admirabili artificio compositas, tanquam organum ante organa adeptum esse. Sed insuper ad differentiam brutorum, solus celsam & erectam obtinuit figuram, ut huius merito tum perpetuò cœlum ipsum tanquam proprium locum ac finem, in quem a Deo Optimo destinatus est, facilius inspiceret; tum corpus vniuersum ad omnes actionum

actionum & motuum differentias facilius, ac melius accommodaret. Ut enim in libro de Vsu totius corporis humani cap. 7. demonstrauimus, figuræ rectitudo principaliter ad bipeditatem, bipeditas verò ad meliorem motionem, & perfectiorem incessum, motumq; progressuum dirigitur. Amplius, recta hæc figura ad meliorem apprehensionem mirificè conducit, quia huius munere homo ad omnes artes, & omnes manuum operationes, siue deambulando, siue quiescendo, siue stando, siue sedendo exerceantur, maximè dispositus & idoneus euadit. Ideo Gal. 1. de Vsf. part. cap. 2. dicebat, hominem animal alioquin mansuetum atq; politicum non minus ad bellum, quam ad pacem idoneum esse: & hoc eam potissimum de causa, quia omnis generis motionibus, cum sit erectus, siue antrorsum, siue retrorsum, siue ad latera, siue etiam in gyrum, commodè dimouetur. Quibus sic positis, ad peculiarem ipsius vitæ cursum per suam finalem causam demonstrandum iam accedamus. De hoc autem Hippoc. loquens in principio suorum aphorismorum, ipsum absolutè breuem esse affirmat, vel potius talem esse dicit in relatione ad artem Medicam sui natura prolixam. Sed doctrina vtens aphoristica nullam huius breuitatis causam assignauit. Plato verò in Timæo hominis vitam breuem appellat: sed cum in relatione vel ad plantas, vel ad animalia, quæ homine prolixiorē vitam habent, ita vocari possit, quia breuis, & longa ex eorum entium sunt genere, quæ ad aliquid dicuntur, ad quam vitam referenda sit humanæ vitæ breuitas, hoc Plato non explicat; sed tantummodo huius breuitatis causam quandam assignare

signare videtur, ita scribens: Cæterum, ait, cum illi Fabricatores nostri de humano genere consulta rent, vtrum diuturnius, sed deterius, an breuioris vitæ, sed melioris ipsum efficerent; breuem melio remq; vitam diuturnæ ac deteriori esse omnino an teponendam censuerunt. In horum autem verbo rum explanatione Galenus nil prorsus dixit, quod ad rem faciat: idq; forsitan, quia horum verborû sententia adeo clara est, vt nulla indigeat expositio ne. Accipit autem Fabricatores in plurali nume ro, & addit, consultarent, certissimè nobis osten dens hoc loquendi modo, se Moyſis diuinam histo riam diligenter perlegisse: In qua post reliquarum omnium creaturarum productionem, dum Sum mus Opifex ad hominem ipsum, tanquam admira bilissimum ferum omnium compendium, ac veluti breuem epilogum se confert, inquit tûc, Faciamus, in plurali numero, vt nobis innueret, Trium Diui narum Personarum quasi maturo cõsilio hominem fuisse creatum. Causa verò breuitatis humanę vi tæ, quam Plato apertissimè ponit, est eiusdem vitæ hominis maior perfectio, siue bonitas: quam potis simum merito rationis & ipsius contemplationis adipiscitur: ad differentiam nedum stirpium, sed etiam ceterorum animalium ratione carētium, quæ solum nutrientem, ac sentientem vitam agunt, sed hominis vita diuturniorem. Adeo vt videatur Pla to existimasse, Deum Opt. non potuisse hominis vi tam simul & meliorem & diuturniorem reddere; sed quia ei perfectam cognitionem, & ratiocinati cem facultatem contulit, coactus fuerit breuioris vitæ ipsum efficere. Verum hæc Platonis consequen tia,

tia, vt superiùs diximus, & vt infrà clarius apparebit, nullam prorsus necessitatem, imò forsitan nec probabilitatem includit. Videmus enim nedum plurima plantarum genera breuiorem homine vitam habere, verum etiã pleraque animalia; inter quæ multa reperiuntur, quæ quanto viliora sunt, tanto minus viuunt, vt in stirpibus, crustatis siue conchilibus, & reptilibus inducere vnusquisque potest. Quid igitur prohibet, vt etiã quo perfectiora sunt, & meliorem vitam habent, eò diuturniorem nanciscantur, cum potissimum natura semper eligat id, quod melius est, & quod perfectius est semper cautiùs custodiat? Sed insuper nulla ab eo ponitur causa, quæ cogat nostrum Conditorum humanam vitam adeo breuem reddere. Ideo operæ pretium est, ipsam ex iactis superius fundamentis elicere & omnibus patefacere. Ostensum igitur demonstratumque est, vitæ principium, auctorem, & seruatorem esse innatum, aereumque, & humidum calorem, sicuti è conuerso igneum & siccum eiusdè vitæ destructorem, & euerforem esse. Neque minus probatum est in hominis efformatione vtrumque calorem esse necessarium. Nam omnium functionum Opifex præcipuus, excepta ratiocinandi actione, est calor innatus, & humidus: ignei verò, ac squallidi caloris vsus, atque necessitas vna atque præcipua erat, vt is in nostri ortus initijs inditus & humidioribus elementis admixtus esset in causa, vt ossa nerui, ac reliquæ solidæ partes motui dicatæ, tractu temporis probè ac congruè siccescerent, & ad validiorem motum idoneæ fierent. Primum igitur nostri Opificis consilium in eo positum fuit, vt in nostræ generationis

nis primordijs atq; corporibus vberimum & copiosissimum vitalem, siue innatum, & humidum calorem inlereret, qualem in homine & pro tot, ac tantis edendis functionibus, & pro vitæ maiori diuturnitate, esse decebat. Qui cum in sanguine (vt superius ex Galeni auctoritate diximus) & sanguineis visceribus pro maiori parte subsistat, humanum corpus sanguine adeo exuberat, vt nullum animal sanguineum, seruata penes corporis magnitudinē proportionē, & paritate, homine ipso maiori sanguinis copia affluat. Neq; etiam vllum reperitur animal, quod homine ipso sit actu calidius. Hoc igitur fuit in homine diuturnioris, imò longissimi æui præcipuum & validissimum fundamentum. Quo quidem potuit facillimè reliqua omnia mixta, in quibus vitæ principium reperitur, eiusdem vitæ diuturnitate superare. Sed conditor nostri ignei ac sicci caloris infusione, & ingeniti natiuiq; caloris copiā imminuere, ac iugiter absumere, & subinde tantam hominis æui prolixitatem intercidere fuit coactus. Igneus enim calor duplici modo, vt primo deuenit, sanat. Gal. docet, natiuum calorem exhaurit, ac dissipat, nimirum & siccitate absumendo, & caliditate euaporare faciendo. cum enim corpora nostra, vt natiui caloris amplius receptaculum euaderent, valde humida, ac mollia sint, ratione intensioris, & ignei caloris in humidum agentis semper euaporant, & in continuo fluore sunt posita. Diceret aliquis: Nonne melius erat, vt homo solum contemplatium animal efficeretur? Id enim satis ipsi fuisset ad suum Opificem cognoscendum, & tandem fruendum, & suum optatum finem, perpetuamque

vitam consequendam : nam tunc Summus Opifex non fuisset coactus tantam ignis portionem in nostris corporibus indere, vt ex eo tanta perniciēs, & tam citò succederet. Contemplationi siquidem nō motus, sed quies maximopere conducit. nam, vt inquit Aristot. 7. phys. tex. 20. quiescendo animus fit prudens. Hoc quæsitum, sanè, primo aspectu pulchrum videtur : sed tamen, si ab homine actionem tollas, cuius merito se ipsum alit, sui speciem propagatione conseruat, animalibus imperat, cūcta, quæ apud nos sunt, sibi supponit, alijs hominibus opitulatur, egregias atq; sublimes operationes promit, sui Conditoris gratiam adipiscitur, ei magis assimilatur, & vsq; ad sydera sese extollit, nedum media, per quæ in propositum sibi finem peruenit, deles & aufers; verum etiam pro dimidio fere eius maximā perfectionem destruis. Sed insuper vnum aliud tandem addo non minori animaduersione dignum, quod non solum ad actionum, & solidarum partiū, quibus actiones fiunt, robur, ignis in nostris corporibus insertio erat necessaria, verum etiam pro eadē contemplatione, & alijs causis ac finibus minimè contemnendis, vt nunc probabo. Superius, si rectè meministi, Prudentissimè Octaui, ex Galeni, Aristotelis, & Platonis, imò aliorum veterum auctoritate ostensum est, siccitatem ad mentis aciem exacueandam maximopere conferre, & pernecessariam esse : nam corpora quanto humidiora, tanto stolidiora ; quanto sicciora, tanto prudentiora. Vnde dicebat Heraclitus, Splendor siccus anima sapientissima. Nam Plato (inquit Gal. lib. quod animi mores, &c. cap. 4.) vult animā ab humiditate corporea in obliuionem

uionem duci eorum, quæ prius, quam in corpore esset inclusa, cognouisset. Loquitur enim his fere verbis in Timæo, in illo loco, ubi ait, Deos fabricasse homines, cum immortalem animam in corpus influens, atque effluens indidissent. Quo quidem in loco perspicuum est, substantiæ infantium humiditatem innui. Et mox ait: Horum ergo affectuum causa ab initio cum anima corporis mortalis vinculis includitur, amens fit, cum verò incrementi, alimentique riuus parcius fluit, ac circuitus tranquilliore motu iter suum conficiunt, progressuque temporis sedatiores fiunt, tum in figuram naturæ suæ congruam restituntur, & singulorum circulatorum directione conuersiones, eiusdem & alterius naturam rectè discernunt, hominemque ita institutum, prudentem reddunt. Cum enim ait: Cum vero incrementi alimentique riuus parcius fluit, significat humiditatem, quam prius esse dementiæ animæ causam affirmauit: perinde ac siccitas ad prudentiam, humiditas ad dementiam animam perducatur. Sed si humiditas dementiam, siccitas prudentiam parit, certe summa siccitas summam prudentiam gignet; mixta humiditati tantum perfectæ prudentiæ detrahet, quantum humiditatis assumpserit, & cap. 7. eiusd. lib. idem ex Arist. decretis in 2. lib. de part. animal. conscriptis, nobis declarat, dum inquit, quod apes, & aliæ pleræque huiusmodi animantes sunt multis sanguine præditis animantibus natura prudentiores. Insuper videmus, quod quanto magis homines senescunt, tanto prudentiores, & ad contemplationem aptiores fiunt: Nil autem est senectus, præterquam siccitas temperamenti, ut Galenus &

in lib. de Marasmo, & in 2. lib. de Temper. docuit. Adhæc, aliū vsum igneus calor in nostris corporibus inditus præstare valet, quemadmodum Gal. in 1. lib. de ruen. valet. cap. 2. scriptum reliquit. Cū enim sui natura ad motum paratissimus sit ignis, & eius calor insignem mouendi vim habeat, quia ex omnium Philosophorum consensu maximè actiuus est ignis; ideo ad præstandam agilitatem motionibus, quæ in homine eduntur, mirum in modū conducit. Quamobrem nullum reperitur animal, quod penes omnes partes motui destinatas, aut velocius, aut artificiosius, aut elegantius, vel maiori cum agilitate moueatur. Postremò, si verum est illud, quod scribit Aristot. & alijs in locis, & tertio de partibus animal. cap. 6. nimirum, hominem cellam, & rectam figuram fuisse consequutum, eò quia plurimū caloris in corde & thorace habuit, nulli dubium, quod etiam si aereus natiuusq; calor huic figure rectitudini vsum aliquem præstare valeat; nihilominus igneus longè maiorem opem ferre potest, cum sit ille potissimum, qui in corde & thorace, ac præcordijs potissimum viget, & sui natura maiori cum impetu sursum feratur. Sic enim loco citato scribit Aristoteles: Calor enim (inquiens) est quod vim obtinet agendi; sanguinis autem copia caloris indicium est. corpora enim melius erigit. quamobrem homo cæteris erectior omnibus est. Ex quibus rationibus clarè constat, cur in homine effingendo Summus Opifex plurimum ignis in eius primordijs indiderit, ac subinde eius vitæ prolixitas non parum abbreviata fuerit.

*De naturâ omnium viventium ævo: de humana vitæ
cursu in relatione ad ceterorum viventium du-
rationem; & de summa Naturæ, nostrig;
Conditoris Iustitia. Cap. XXVII.*

Sed quibus de causis homo si ad reliqua, in qui-
bus est vitæ spiritus, conferatur, breviorē vitæ
cursum habuisse videatur, adhuc non ita clarè nobis
constat. Ideo rationabile est, ut hoc etiam brevi-
bus, quantum fieri potest, aperiamus; & unā sum-
mā Opificis Iustitiam comprobemus: Priusquā
verò de viventium ævo aliquid dicāmus, scire expe-
dit, nos de illā vitæ periodo loqui, quæ cunctis vi-
uentibus merito suorum principiorum naturalium
statuta, ac tributa fuit. Et hoc ad differentiam illa-
rum causarum, quæ violentę potius, ac præter na-
turam cum sint, vitæ curriculum in viventibus sæ-
pissimè interrumpunt. Is igitur in viventibus vitæ
cursus, siue præscriptum ac definitum ævum natu-
rale, siue naturæ legibus consentaneum dici pote-
rit, quod, uti Galen. nos admonet 1. de Tuend. val.
cap. 2. evitari nullo modo potest, & ab ipso solum
igneo calore in eorum seminibus, siue corporū ini-
tijs inserto, calidum & vitalem humorem sensim
dissolvente, depascente, & diripente viventibus præ-
scribitur ac proficiscitur, quemadmodum ex supe-
rius comprobatis colligere vnusquisque poterit.
Vnde licet mors quoque naturalis verè dici non pos-
sit, quia à naturā, quæ semper bonum appetit, nun-
quam intenditur; tamen cum non sit præter naturæ
leges, quilibet prout vult, naturalem quoq; voca-

re poterit, ad differentiam illius, quæ ab illis causis originem ducit, quæ euitari possunt. De hac igitur vitæ periodo, quæ viuentibus à natura fuit præscripta, nunc agere intendimus, etiam si sermonis affinitate de alijs quoque causis, quæ naturale hoc æuum abbreviant, loquuturi simus. Priusquam igitur rem huiuscemodi particulatim pertractemus, illud in primis vniuersaliter de viuentium quo præsciendum, quod si vita ex Arist. mansio siue participatio est natiui caloris in corpore, diuturnitas vitæ illud potissimum exigit, vt viuentis corpus huius natiui caloris, & vitalis humoris copiam in se contineat, quæ faciliè discuti, exhaustiri, & exsicari non possit. Vt enim ex Arist. sententia 4. Meteor. Auerroes rectè docet, causa longitudinis vitæ in vniuersali est dominium qualitatum actiuarum supra passivas, quod non in gradu, sed in virtute continendi intelligi debet. Donec enim calor terminat, ac continet humidum, vita perdurat; quando humidum diffluit, & exundat, nec amplius coercetur, fit viuentis corruptio. Et quanto maius est dominium, eò longior est vita. Secundò vitæ diuturnitas nedum perfectam partium conformationem, verum etiam multò magis earum, ac præsertim cordis, vel illius partis, quæ ei proportionè respondet, proportionatum temperamentum requirit. Exempli causa, si viuens habeat reliquas corporis partes ita calidas, vt earum calor cordis proportionè superet, vel sint ita frigide, vt cordis proportioni non correspondèat, vitæ diuturnitas subsequi non potest. Tertià diuturnitatis vitæ causa, quæ ex toties repetitis colligitur, est proportio humidi vitalis, quem etiam radicalem

vocat,

vocant, cum calore nedum aereo, & naturali, verū etiam igneo & sicco. Vnde ex parte humidi duo requiruntur, nimirum copia siue quantitas, & qualitas. Quantitas, vt diutius exiccationi obstare possit, & vegetiorem copiosioremq; calorem in se continere: Qualitas, vt sit aereum, & vnctuosum: aereum, ne congeletur, & subinde calorem obruat, & extinguat: vnctuosum, & tenacius, vt ægrius ab igneo, & interno calore dissoluatur, & absumatur, & ab extrinseco ambiente calore difficilior euocetur, & inaniatur. Calor autem aereus, natiuusq; debet esse multus, ne faciliè extingatur, & corrumpatur: Debet esse proportionatus humido, ne paucus ab eo obruatur. Igneus autem calor debet esse, quantum fieri licet, exiguus, ne humidum citius depascat, exiccet & inaniat, & euaporare faciat.

His autem causis externas obiter addere nobis licet: Inter quas Arist. 4. de Gener. animal. cap. vlt. cœlum proponit, inquiens, syderum aspectus ad vitæ diuturnitatem plurimum posse conferre. Ita aer ambiens debet esse calidus, & humidus, non tamen immodicè, ne putredinem excitet, sed adeo cōmensuratè, vt animalis temperamento correspondeat.

Quod autem vsus Veneris immoderatus vitam abbreviet, docuit nos Arist. 1. de gener. anim. Est enim semen, quod coitu eiicitur, excrementū vtile, & vltimi alimenti, quod in partium alimentum proximè conuerti debet, quia solidæ partes semine nutriuntur. & insuper vnâ cum semine plurimum caloris emittitur, & euaporat, in quo vita consistit. Quamobrè inquit Arist, Mulum esse longioris vitæ, quam Asinum. Passeres item ob eandem causam duobus vel

tribus

tribus annis viuunt, & inter tales aues, ob eandem causam, mares sunt breuioris vitæ, quam fœminæ, quæ tantam seminis copiam non effundunt. Labor quoq; nimius, & exercitatio corporis immodica humidum desiccant, breuioremq; vitam reddit. Quanti autem sit momenti cibi, &imenti quantitas, & qualitas, nec nō tempus, ordo, & apparatus, & alia id genus ad victus rationem attinentia, ad vitā diutius protelandam, vel abbreviandam, non est hic dicendi locus, cum & libri Galeni de tuend. valet. & de caus. morb. & de medendi methodo, & alij quàm plurimi huc essent nimis imprudenter transfereendi. Quibus breuiter prælibatis, ad particulares viuentium differentias descendendo, & quēnā sint longioris, quæue breuioris vitæ, declaro. Si quis quærat, quēnam inter viuentia sint vitæ longioris, dicendum ex Aristotele, Plantarum genus Animalibus esse viuacius; quod etiam multis capitibus Theophrastus in libris de Plantis persequitur. Ideo plantæ à toto genere sunt diuturnioris vitæ. Nam planta quædam, vt ait Arist. & Plinius, vsq; ad quingentos annos perdurauit. Et si fidem Grecis adhibere velimus, olus illud, quod in arce Mineræ Athenis conseruabatur, innumeris penē annis virens fuit seruatum. Huius autem diuturnioris vitæ causam esse inquit Arist. cō, quia plantæ sæpe reuiuescunt, & refcondescunt, inanente stipite. In animalibus verò non ita. Alia insuper ratio est, quia in plantis humor aereus & tenax abundat. Et hoc patet, quia semper in terra, & aqua defixæ manent: Adhæc cortice duro & denso quasi pelle fuere cinctæ, quo ab externis, ambientisq; iniurijs proteguntur.

guntur. Quæ quidem rationes etiam si satis probabiles sint, mihi tamen veriora vitæ diuturnioris principia superius demonstrata non videntur attingere. Quapropter principijs superius propositis in memoriam reuocatis, plantas in tres ordines mihi liceat distinguere, videlicet, in Arbores, Arbusta, siue Frutices, & Herbas, siue Olera. Arbores autē, vt docet experientia, diutiùs viuunt; breuiùs frutices, siue arbusta (semper autem renouationem, quæ fit dum pullulant à radice matris, excipimus) breuissimæ vitæ sunt herbæ, etiam si vnà cum suis radicibus capiantur. Huius diuersitatis causa, vt ego arbitror, ex maiori, vel minori plantarum duritie proficiscitur. Nam omnes in relatione ad animalia, si cum suis radicibus spectentur, duriores quidē sunt, etiam si magis, vel minus sint duræ. Cum.n. motu locali, & progressiuo essent plantæ destitutæ, & in vno loco defixæ manere debuissent, quia pro alimenti penu semper paratam habent terram; ideo in earū seminibus, siue naturę primordijs non fuit necesse plurimum ignis indere, sed potius sicci terrei. Ex hoc autem terreo principio in eis dominante & exuberante, duritiem corporis consequuntur: ex hac verò duritie id habent, vt earum natiuus æreusque calor & humidum vitale in eorum corporibus inclusum, ratione ignei internique caloris, qui paucus in ijs est, & extrinseci ambientis caloris, parum admodum euaporet. Vt enim toties Galenus repetit, corpora quò magis mollia sunt, eò magis euaporant. nam aqua sui natura humidissima, & mollissima ad ignem apposita, vniuersim exhalat, & euaporat. Quanto duriora exi-

D D

stunt,

sunt, tanto minori corporis & humidī flūori sunt obnoxia. Quinimō si arbores speciatim examine-
mus, huius veritatis maiorem comprobationem eli-
ciamus. Quanto enim proceriores & duriores, ac
densiores sunt, & grandiores mittunt radices, tanto
longioris sunt vitæ, vt in palma, nuce, quercu, robo-
re, ilice, tilia, ac similibus arboribus videre est: quæ
vsq; ad ducentesium, & trecentesium interdum
annum vitam protelant: contra ficulnea, periscus,
prunus, & his consimiles, ac præsertim quæ citius
crescunt arbores, & teneriores sunt, breuioris sunt vi-
tæ: quia maior in illis proprii natiui caloris & hu-
midi vitalis ab interno, & igneo, & ab extrinseco ca-
lore fit absorptio, digestio, & euaporatio: Imò &
ab externo frigore fit maior in eis natiui caloris ex-
tinctio. Quæ autem in medio istarum quodam mo-
do positæ sunt arbores, vt pyrus, malus, cerasus, ac
consimiles mediocrem vitæ cursum in relatione ad
alias sortiri consueuerunt. Nam verissima etiam est
illa regula inter plantas, quod quæ tardè crescunt,
multo durant æuo; quæ cito crescunt, citò pereunt.
Sed incrementum non nisi propter earum duritiem
prolongatur; sicuti ab ipsarum molitie acceleratur.
Durities verò propter terreī elementi exuperantiā
suboritur. Cuius causa fit, vt plantæ ex terra potis-
simum, tanquam sibi simili alimento alantur. Ani-
malia verò ex ijs, quæ viuunt, non autem ex terra,
& alijs, quæ vita carent, nutriuntur. Adhæc, plan-
tæ longiorem vitam nactæ sunt, quia in motu vo-
luntario & sensationibus calorem & spiritum non
absument, & subinde somno non egent, sed semper
in actu secundo, & nutriendi actu positæ sunt: quia,
vt ait

ut ait Auerr. in expol. 2. de Anima, possunt semper operari, quia in operatione non defatigantur, nec seipsas deltruunt, sed potius semper vegetatione seiplas, ac vires proprias, calidumq; natiuum refarciunt. De animalibus autem loquendo affert hanc distinctionem Philosophus: Terrestria sunt Aquaticis viuaciora: illorum enim humor est aereus; isto rum autem quamuis sit multus, est tamen aqueus, ac frigidus cum sit, facile congelatur, & insitum natium calorem obruit & exinguit. Inter terrestria Sanguinea sunt viuaciora Exanguibus: quia sanguis calidus est & humidus: in his autem qualitatibus vita consistit. Sed possumus addere sanguinea esse illa, quæ influente calore nuncupato, à corde manante, prædita sunt: qui calor influens in relatione ad insitum, quem etiam complantatū vocant, quia in solidis partibus, siue in earum substantificis humiditatibus subsistit, vberimus existit. Quod si aliqua exanguia reperiantur, quæ viuaciora, & diuturnioris sint vitæ, id contingit vel quia quo ad molem maiora sunt, & grandiora, & multum humidi tenacis, egrèq; dissolubilis habent, atque dura pelle fuere contexta; vel quia dulcioribus, & ad vitam magis aptis alimentis nutriuntur, quales sunt Apes, quæ melle sustentur. De animalibus autem perfectis, si ad experientiam, rationem, & Philosophi auctoritatem respiciamus, non parua existit controversia. Nam inter animalia perfecta viuacissimū, quod memoria scitur, est Elephas. Viuit enim trecentis annis. Post elephantem recensetur Homo, secundum Aristotelem. Ipse enim in 4. de Gener. anim. cap. x. inquit, hominem omnium animalium

esse vitæ longissimæ, excepto elephante. Alij magni nominis scriptores aiunt Aquilas, Vultures, Cornices, Ceruos, esse diuturnioris vitæ, quam Homo. Aristoteles tamen contrarium voluisse videtur, & statuisse hominem ipsum vitæ diuturnitate reliqua omnia animalia superare. Et eius ratio validissima est: Quoniam temperamentum hominis est aeri ambienti quàm simillimum, qui calidus, & humidus est. Sed res quò similiores sunt locanti, eò diutiùs conseruantur. Sed aliam rationem non minus efficacem addere possumus. Sæpissimè cū Gal. à nobis dictum, demonstratumq; est, hominis temperamentum, in vniuersa rerum natura, eucratori & perfectissimum esse. Ergo tale temperamentum reliquis diuturniorem vitam asferre debet, quia ab omnibus excessibus, & causis externis vitalem calorem, & humorem corrumpentibus æquè, ac plurimum, distat: Et cū corruptio idcirco fiat, quia vnū elementum alia multum excedit, & superat, huiusce modi incommodum multum abest ab eucrata temperatura. Quæ ob id etiam citiùs ac faciliùs, quam reliquæ temperationes restauratur. Et in hac optima temperatura elementa sunt ita ad mediocritatē redacta, & adeo inuicem refracta, vt vix, aut solum longissimo temporis tractu vnum possit aliud superare, & mixtionem corrumpere. Nec est, vt quis obijciat, calidum & humidum temperamentum viuacius esse debere, eò quia vita in calido, & humido sita est. Non enim in quocunq; calido, & humido vita consistit; sed solum in calido naturali & attemperato, & humido aereo, & radicali, perfectoq; & vinctuoso, quod temperatissimum est. Tale autem
humidum

humidum temperatura calida & humida non suppetat. Quod autem hoc verè dictum sit, clarum est, quoniam, vt testis est Aristoteles, sanguinei ante senectutem canescunt. Canities autem ex imbecillitate caloris naturalis prouenit. His rationibus possumus & aliam adhuc efficaciorè subnectere. Si enim verissimè ostensum est, propter plurimas finales causas, & vsus insigniores, hominem ipsum cunctis animalibus atq; viuētibus vberimum natiuum calorem, igneum & siccum latiori interuallo, ac proportionē dominantem, adeptum esse; si vita ex talis caloris conseruatione dependet, quanto copiosior erit naturalis calor, tanto diutius perdurabit, & corruptentibus causis resistere poterit, & se ipsum, ac humidum suum, in quo situs est, efficacius & facilius restaurare. Quod eò facilius consequi potest homo, cum rationis merito, & omnes corruptentes causas cognoscere, prouidere, ac præcauere, & congruum sibi alimentum seligere valet. Vnde & propter hanc vnam causam & eminentissimam facultatem, qua cunctis animantibus præstat, & dominatur, eis longiorem vitam habere debuit. Et tandem, cum ex Aristotelis, & omnium Philosophorum, Medicorum, & Theologorum sententia, Homo sit omnium, quæ sub orbe creata & genita sunt, vltimus, ac perfectissimus finis, in quem omnia elementa, ac mixta tum inanima, tum animata conspirant, ac diriguntur, videtur aut impossibile, aut natura ipsa, quæ semper appetit esse, & ea, quæ perfectiora sunt, semper accuratius conseruat, indignum, aut iniquum, hominem ipsum reliquis omnibus viuētib; diuturniori vita non fuisse donatum.

natum. Nedum enim reliqua omnia proceriora animalia, & plantæ, verum etiam elephas inter cetera magnitudine, & corporis proceritate vastissimum animal in hominis vsum & commoditatem fuit à natura creatus. Ipsum enim humana ratio & manus apprehendit, domat, instruit, & ad maxima ferenda onera, & maiora trananda flumina sibi accommodat, & assuefacit, quemadmodum ex Galeni auctoritate in 17. libro de vf. part. cap. 1. quo in loco admirabilem proboscidis vsum declarat, nobis colligere licet. Si itaq; Prudentissime Amalthæe, hæc uera sunt, videtur non iniuriā de natura Theophrastum conquestum fuisse, quod videlicet Elephantis, Coruo, & vt alii tradunt, nonnullis aliis animalibus longiorem uitam, quam hominibus, sit elargita. Nisi velimus dicere, aliis de causis naturæ leges fuisse confractas. Quemadmodū aliud quoq; in homine obseruamus, quod naturæ institutis atq; præceptis minimè consentaneum videtur. Videmus enim in animæ potentiis subordinatis in brutis quidem inferiorem semper superiori, & præstantiori obtemperare: Sed in homine non sic se habet: quinimò id, quod ei ex usu ad vitæ tutelam sibi esse deberet, in perniciem ac vitæ breuitatem sæpius impellit. Hoc unum, quæso, animaduerte, & mox tuum de hac re iudicium expecto. Bruta, nisi uiolentum aliquod eorum uitam intercidas, semper ferè eam vitæ periodum consequuntur, quæ illis à natura, siue naturæ consentaneis principiis, fuit præscripta, & condonata. Homo uel nunquam, aut vix, aut rarissimè ipsam attingit. Scimus profecto id posse brutis contingere, quia pro diuersis an
ni

ni temporibus, ac coeli statibus, aerisq; constitutionibus, solum, regionem, & aerem commutant in melius: quod hominibus non ita concessum est: Sed longè magis id euenit, quia ratione destituta cum sint, à solo naturæ instinctu, & animalis appetitus impetu gubernantur; & in primis à nullis animi curis, & affectibus, qui hominem vehementiùs torquent, vexantur, & premuntur. Neq; enim ullo vel parentum, vel amicorum, uel inimicorum, vel ipsius mortis, uel penuriæ alimenti, & consimilium rerum metu, ac causa, assiduò vt homò, tristantur. Sed insuper eorum plurima non nisi statutis quibusdam temporibus, & quo tempore semen copia turgescit, in Venerem aguntur: Homo indiscriminatim, & nulla seruata temporis opportunitate, & sæpissimè nulla eum excitante seminis copia, ac turgentia, sed solis blanditiis, & illecebris excitatus, & illectus, sua cum maxima pernicie, in Venerè ruit. Vnde impudica illa Octauiani soror, & Agrippæ coniunx interrogata, cur bruta non nisi statutis quibusdam anni temporibus coirent, & post factum conceptum à coitu omnino abstinerent; homines verò, & mulieres non item; elegantissimè, sed iniquissimè tamen, & in distortum sensum respondit id fieri, qui bruta ratione carent. Et tandem, vt rem hanc expediam, bruta cibum non capiunt, nisi dū tamescunt, & appetitu vrgentur, & præter id, quod illud potissimum alimentum expetunt, & capiunt, quod sibi familiarius est, illud idem & simplicissimum vt plurimum, & quantitate opportunitissima sibi congruum, ac commensuratum deuorant. Ab homine quot errores in alimentorum delectu, qualitate,

te, copia, condimentis, apparatu, ordine, & importunitate committantur, tu longè melius nosti, qui tot annorum spatio Medicinam fecisti, & toties in illos ægrotantes incidisti, qui ob hanc vnam potissimum causam & ægrotarunt, & perierunt. Nostro enim seculo gula adeo inualuit, vt homines longè magis ventriculi capacitate, quam viribus cibi, potusq; copiam dimetiantur. Et licet ratio ipsis dicat, vt praua fugiant alimenta, nihilominus potius fungos, fructus fugaces, & id genus alia, quæ facillimè corrumpuntur, & vt ait Gal. 2. de Alim. facul. ex ea corruptela in succum veneno finitimum vertuntur, quam salubria, & inculcata cibaria, & alimenta deuorant, & ingurgitant. Quare patet, rationis merito hominem potius & deteriorem & breviorẽ vitam consecutum fuisse, quàm bruta acceperint. Quocirca, nisi ad altiora, verioraq; principia cõfugiamus, impossibile omnino est, naturam, quam semper Galenus, & Hippocr. iustissimam vocant, ab iniustitia vindicare, & Theophrasti querelas iustissimas non iudicare. Quapropter, sicuti rationem reddere non licet, cur inter animalia sola Mulier in partu acerbissimis, ac vehementissimis doloribus, ac cruciatibus foetum edat; cum tamen natura longè magis de mulieris, quam brutorum foeminarum salute, & partus facilitate debuisset esse sollicita, Ita & cur appetitus in homine rationem subijciat; & cur ratio ei potius deteriorem vitam afferat; & cur, vno verbo, is adeo breui tempore hac lucis vsura fruatur, scire est impossibile, nisi ad veracissimam Historiam confugiamus, & id, quod superius dictum est, denuò repetamus. Sicut enim primus nostrum
omnium

omnium Parens ante lapsum poterat euadere immortalis, & solum post Diuini præcepti transgressionem, in vltionem peccati, mortalis factus est; ita cum vidisset Deus O. M. hominem libero arbitrio, quo nil præstantius, aut sublimius esse potest, abutentem, propter illud idem, eius vitam, quæ etiam post Adæ lapsum, ad millesimum prope annum pertingebat, fuit abbreviata, nam filius Enôch, & octauus post Adam, vixit nongentis, sexaginta, nouem annis. Sic enim habemus libro Genes. cap. 6. Dixitq; Deus, Non permanebit spiritus meus in homine in æternum, quia caro est; eruntq; dies eius centum viginti annorum. Quod autem propter peccata adeo brevis reddita fuerit hominis vita, ex verbis, quæ paulo post habentur, clarius patet. Videntem autem Deus (inquit historia in eod. capite) quod multa malitia hominum esset in terra, & cuncta cogitatio cordis intenta esset ad malum omnipotente, poenituit eum, quod hominem fecisset in terra. Quinimò summopere cupiens hominem à sceleribus emendari, priusquam hominis æuum ad ceterisimum & vigesimum annum, sicuti comminatus prius fuerat, redigeret, permisit vniuersale diluuiû, vt humanum genus, quod postea futurum erat, talem, ac tantam videns correptionem, seu punctionem, ab erroribus, & peccatis emendaretur & abstineret. Nam post diluuium vixit Noe nongentis quinquaginta annis, quia fuit iustus. Deinde habemus Heber quadringentis triginta annis vixisse: eius autem filium ducentis & nouem annis. Post quem alius vixit ducentis & septem: & post ipsum alius ducentis. Abraham verò centum septuaginta

quoque vixit annis. Et in summa, clarè perspicimus paulatim à summa Dei clementia & bonitate annos de hominis vita fuisse detractos, prout etiam hominum malitia crevit, & semper in deterius lapsa est. Vnde etiam in hoc nobis convenit, ac par est, admirabilem & nostri Conditoris bonitatem, & Naturæ ipsius ministræ summam iustitiam admirari. Nam propter vitæ brevitatem & innumerarentur errores, & homines, nisi vnde quaque insipientes, aut mente capri sine, ad vitam hanc adeo brevem, & terrena omnia contemnenda, & æternitatem ipsam, celestemq; patriam, vnde lapsi sunt, exoptandam, & consequendam efficacius impelluntur. Idq; multò magis scientes, quod etiam humanum corpus, quod nunc corrumpitur, rursus viuū, perfectum, & incorruptibile sit futurum, & in longè præstantiorem, nobilioremq; formam redigendum, & instaurandum.

De Rationalis Animæ immortalitate. Cap. XXVIII

Quibus autem medijs, siue secundis causis, ad hominis vitam abbreviandam Deus Opt. vsus sit, ad nostrum institutum declarare non attinet. Scimus quosdam opinatos fuisse propter aquas diluvij, herbarum, fegetum, eorumq; seminum, imò & arborum, fruticum, & animalium, quibus homo vescitur, calorem nativum & aereum hominis vitæ sustentandæ accommodatissimum fuisse magna ex parte refractum, obrutum, & extinctum, ac subinde hæc omnia ad hominis & innati eius caloris nutritionem ineptiora evasisse. Alij putarunt

tarunt propter Solaris luminis tot ecclipsationes tē-
porum successione suborras, hanc calamitatem fuisse
se hominibus communicatam, eò, quia clarissimū
est, mundum hunc interiorem, à cælestibus illis cor-
poribus, ac lationibus, & potissimum à solis splen-
dore ac lumine caloris ministro, ac deferente guber-
nari: Et ob id quidam alij dixerè à Deo iustissimo,
& optimo cœlestes influxus in hæc inferjota sen-
sim fuisse subtractos. Sed cum videam cœterorum
viuentium æuum suæ naturæ consentaneum illæ-
sum, & immobile ferè permanfisse, & solam homi-
nis vitam quasi ad nihilum recidisse, & propter hæc,
& alias rationes, quas breuitatis causa prætermi-
tō, huiuscemodi causas suspectas habeo: Et potius
arbitror Deum Opt. Max. qui mortem non fecit,
non quidem impulsuè, & secundis causis ab illo
paratis, sed potius permisit uè, & peruerfa hominis
voluntate mediante, id fuisse consequutum. Homi-
nis si quidem voluntas præcudubio libera est; sed
post Adæ lapsum appetitus sensitivus cum ratione
pugnat interdumq; præualet, eiq; dominatur, & sic
innumeros homo committit errores in victus ratio-
ne præsertimq; penes animi curas, ac sollicitudines,
penes cibum, & potum, & penes res venereas. Et
quamvis ante diluuium plus quam nongentis an-
nis vixerint homines, & adeo luxuriosè, vt propter
hoc vnum erratum aquis diluuij fuerint obruti, &
demersi; nihilominus humanum semen tunc tem-
poris validius erat, & vberiore innato calore perfu-
sum, sed propter parentum errores sensim debilius
cuius, & sic eius imbecillitas posteritati paulatim
fuit communicata. Ab imbecillis enim patribus

vt plurimum adhuc imbecilliores filij procreantur:
 & ijs membrorum, ac partium imbecillitatibus, in-
 signiti, quibus patres præditi erant. Quinimo vnū
 aliud obseruamus in praxi, quod scilicet frequētius
 articularis dolor nepotibus, quam filijs communi-
 catur: sicuti etiam, læsa alicuius arboris radice, nō
 propinquieribus, sed summis flagellis, siue ramis,
 citius & euidentius lēsio & noxa communicatur.
 Ob id ipsius hominis prauitatem, vti cernimus, sem-
 per vitæ breuitas comitatur. Quam veritatem Ho-
 rarius in 3. lib. suorum Carmin. pulcherrimè his ver-
 bis expressit: Damnosa quid non imminuit dies?
 Ætas parētum peior auis, tulit nos nequiores, mox
 daturus progeniem vitiosiorē. Quæ quidem sen-
 tentia ex eo quoque confirmatur, quòd non statim
 post factam à Deo comminationem, & præscriptū
 centum & viginti annorum terminum, hominis vi-
 ta ad adeo breue spatiū fuit redacta; sed potius
 sensim ac sensim, & longo admodum annorum cur-
 su. Aliquis etiam posset existimare, à primo nostrū
 omnium parente, qui omnes plantarum, & anima-
 lium vires, ac proprietates exactissimè callebat, eius
 filios, nepotes, ac pronepotes, in ratione victus, ac
 præsertim in alimentorum, quæ plurimum natiui
 caloris, & minimum ignei, continebant, electione
 & vsu adeo fuisse edoctos, & instructos, vt longio-
 rem vitam adipisci potuerint. Sed quicquid de hac
 re sit, cum certissimè sciamus homines olim vsq; ad
 nongentos & sexaginta annos vitā protelasse, & no-
 stris tēporibus rarissimè octuagesimū transcendere; &
 subinde si quis velit rationem subducere, ex duode-
 cim partibus humanę vitæ (cæterarum omnium
eminen-

eminentissime) reliquis illæsis permanentibus, vn
 decim partes detractæ, & fundicus euerſæ fuerunt,
 idq; ea potissimum de causa, ut humanum corpus,
 nunc propter peccatum primi parentis in corruptio
 nem descendens, tandem & ipsum, vnâ cum sua for
 ma, æternitatem & incorruptionem consequatur;
 cùm non minus nos, qui vndecima hora ad vineæ
 culturam accessimus, quam ij, qui prima hora ve
 nerunt, etiam penes partem corpoream, æternita
 tem consequi valeamus: cum apud plerosq; sapien
 tissimos Philosophos somnus ipse sit melior nostri
 pars, & vita nostra innumeris & maximis repleta
 sit miserijs, ac calamitatibus, quarum præcipua est
 assidua mortis meditatio; ac subinde iustorū mors
 somnus est placidissimus, sicuti vita hæc nostra
 mors à Sapientibus dicitur, et reuera est, uel potius
 uia ad mortem, cum nullam prorsus habeat stabili
 tatem, et permanentiam, quis iustè poterit et nostri
 Conditorum, et Naturam arguere? cum præsertim
 hæc vna de causa fuerit ad insignem breuitatem vi
 ta hominis perducta, vt tandem et ipsum corpus
 immortalitatem, et summam perfectionem induat?
 Quæ si verissima sunt, quid erit dicendum de ea ho
 minis parte, quæ ad sui conditoris imaginem, ac si
 militudinem (id enim ter repetit Diuina Scriptu
 ra) creata est? Et si in humano corpore tantum, et
 tam admirabile inest artificium, vt de eo in libris
 de vsu partium mentionem faciens Galenus, sem
 per obstupescat, & indicibili admiratione repleatur,
 etiam si id ad suam formam relatum, eam conueni
 entiam, ac proportionem habeat, quam malleus
 habet ad ipsum artificem; si, inquam, hac parte ter
 rea,

rea, crassa, passibili, ac lutosâ (vt Galeni verbis vtar) tantum artificij, atq; excellentiæ inesse conspiciamus, nonne alteram hominis partem, quæ artifici proportionè responderet, & cœlestem, & diuinam, & abstractam, & impassibilem esse fatebimur? Quinimò nisi ratio, & hominis anima esset immortalis, & solum hac breuissima vita frueretur, iure merito naturâ iniquitatis esset accusanda, quia cum homo rationis merito innumeris animi curis ac calamitatibus repleatur, & in singulis inductione facta mortem ipsam certissimè futuram præuideat, huius solius contemplatione, nisi minus sapiat, quam bellua, ad cæterorum brutorum differentiam, miseriam quoq; , nedum breuem vitam duceret. Sed tandem ex his, quæ de animæ essentia ex Galeni placitis in hoc libro scripta, probataq; sunt, facillimum est colligere, rationalem hominis animam, extrinsecus accedere, è materiæ potentia non educi, ab ipso corpore non pendere, ac subinde sui naturâ impassibilem & immortalem esse. Scimus profecto Galenum nunquam ausum fuisse dicere ipsam sui naturâ corrumpi, & mortalem, aut corpoream, sed semper id se ignorare fassum fuisse. Quod non leue argumentum est, ipsam mortalem non existere. Si enim id aliqua ratione demonstrare potuisset, procul dubio maximus hic Philosophus eam tandem ad eo assidua in hac re (vt ipse inquit in fine libri de format. foet. in vter.) meditatione facta, vtiq; excogitasset, & inuenisset. Maximus Aristotelis Commentator Auerroes ad altiore naturæ cognitionis gradum eleuatus ipsam rationalem animam incorruptibilem certissimè cognouit: sed quia in prin-

cipijs

*Quid de anima ut
legatur ex Galeno*

cipijs sui magistre persistere uolens, ad primum ho-
 minem, & illum subinde a Deo Ter. Opt. Max crea-
 tum naturali lumine non potuit peruenire, in duo maxi-
 ma absurda incidere fuit coactus. Nam ad euitandam
 infinitatem in actu, quæ tamen in substantijs corpore
 & magnitudine carentibus & in potentia non est
 absurda & impossibilis protulit hominis intellectu
 ipsum non quidem informare, sed ei solum assiste-
 re, & quod deterius est, in vniuersa humana natura
 vnum & indivisibilem esse. Dixi in rebus & virtu-
 tibus magnitudine carentibus, & potestate, infini-
 tum non esse absurdum, quia Arist. negat infinitum
 actu in rebus corporeis, & materialibus tantummo-
 do, ut apud ipsum videre est 3. physic. tex. 34. &
 39. ibi enim ait de hoc infinito pertractare ad phy-
 sicum attinet, & licet a tex. 35. vsq; ad 39. de omni
 infinito etiam ad abstracta spectante videatur per-
 tractare, & asserere naturam etiam in abstractis in-
 finitum abhorre, nihilominus aduersus huiusce-
 modi infinitum nullam aliam efficacem rationem
 adduxit, nec desunt rationes, quibus potest sustine-
 ri. Sed dato quod etiam in abstractis infinitum sit
 impossibile, & absurdum, tamen dicere possumus
 ex rationalis animæ immortalitate non inferri infi-
 nitum actu, sed solum potestate, quod quidem ab
 Aristot. conceditur in 3. physicorum. quia illi sem-
 per fit, & fieri potest noua additio, in qua consistit
 essentia illius infiniti quod est potentia, ut habe-
 mus tex. 57. ex eo quia semper aliud, & aliud fit, &
 paulo post inquit, quod omnino sic est infinitum, ut
 semper aliud, atq; aliud accipiarur. Et licet ibi ad-
 dat, & acceptum quidem semper finitum sit, & sub-
 inde,

inde, cum ex Arist. mundus fuerit æternus, infinitus animarum numerus præcessisse videatur, attamen in tex. 63. perfectius infinitum definiens, inquit esse, id. cuius secundum quantitatem accipientibus, semper aliquid accipere extra est, & nō addit illam particulam, & acceptum quidem semper finitum sit. cum igitur semper noua animarum additio fieri possit, nec vnquam, ex Arist. ad finem deuenire, & ad talem numerum & quātitatem, qua non possit alia maior vsq; in infinitum addi, possumus probabiliter arbitrari hanc fuisse mentem Aristot., & penes argumentum de infinito actu non sibi contradicere. & quamuis in tex. 57. dicat (& acceptum quidem semper finitum sit) possumus tamen respondere, quod quamuis Mundus ex Arist. non habuerit principium, nihilominus animarum numerus hucusq; a parte post finitus est, posteaquam nūc vltima anima datur, & semper per totam eternitatem vltima dabitur; nec vnquam ad talem multitudinem perueniemus, qua maior non possit exhiberi, & noua additio fieri. Cū igitur numerus præcedens finitus semper sit a parte post, non possumus ex philosophi sententia affirmare talem numerum actu finitum esse sed solum potestate. Si quis vero rursus obijciat ipsum in tex. 75. soluendo instantias quibus probauerat dari infinitum actu, dixisse tempus & motum infinita esse, & intellectionem, non permanente accepto, idest præterito, ac subinde non actu sed potestate infinita esse, & ex hoc inferret, quod si permanet acceptum, & animæ iam præteritæ, dabitur infinitum actu; Huic dico id esse per accidens, quod partes præcedentes remaneant, vel non remaneant,

&

& hoc superabundanter additur ipsi infinito potestate tali. Nam pro eius essentia constituenda, ei sat est, ut semper aliquid in potentia remaneat. Sed ad tollendum infinitum actu, sufficit ut sequentes partes semper remaneant accipiendæ & producendæ. Cum enim Arist. de motus eternitate, & hominum generatione meminisset, non possumus imaginari ipsum animarum numerum, & difficultatem non vidisse. Cæterum Auerrhois decreta a D. Thoma firmissimis argumentis euertuntur. Si enim (ait) nō informaret, sed solum assisteret, uti nauta naui, sequeretur, quod homo non intelligeret, ac subinde non esset homo, quia per propriam suam formam debet habere suum esse: sed detracto intellectu, forma, quæ remanet, non est hominis propria, sed brutis communis. Et quia hoc maximum incommodum vidit Auerroes, rursus, ut illud effugeret, in homine Cogitativam ab eo vocatam facultatem ab ipsa imaginatiua realiter distinctam excogitavit, vel potius somniauit, ac pueriliter, absq; vlla necessitate, entia multiplicavit: cū nihil ab imaginatiua in opere planè differat. Quod si intellectus vnus esset in cunctis hominibus, ac veluti intelligentia quædam abstracta, quam humanam Auerroistæ intelligentiam vocant, sequeretur, quod quoties vnus homo aliquid actu intelligit, reliqui etiam omnes illud idem intelligerent. Neque tutum est eorum subterfugium, dum inquirunt, intellectiones à diuersis hominibus varias, ac diuersas contingere eò, quia obiecta intelligibilia, quæ à diuersis facultatibus imaginatricibus, siue phantasij, intellectui offeruntur, varia sunt. Si enim concedamus, intel-

lectum esse abstractum, & in omnibus hominibus vnum & indiuisibilem, impossibile omnino est, vt, dum ab vno obiecto intelligibili mouetur, in omnibus eodem modo non moueatur. Addimus huiusce modi Auerrois sententiam intellectus æternitatem non probare: quia si haberet esse & suam subsistentiam in cunctis hominibus tanquam in sua sphaera, verissimum est, quod in his, quæ sunt eiusdæ speciei, quicquid secundum naturam competit vni, nõ repugnat alteri, sed competit pluribus hominibus, vt vel ratione pestis communiter grassantis, vel belli, vt pereant: ergo non repugnat vt omnes simul pereant; si non repugnat, ergo est possibile vt pereant: Sed possibili posito in esse, nunquam sequitur impossibile. Ita plurimi homines coitu, & propagatione non gaudent. Est igitur per accidens, vt quidam propagatione vtantur, & quidam non: quæ verò per accidens sunt, possunt esse & non esse. Si itaq; aut propter omnium interitum, aut propter abstinentiam à Venere, humana sphaera aboleretur, nonne & ipse intellectus, siue intelligentia humana simul periret? Reliqui verò fere omnes Aristotelis interpretes opinati sunt, ipsum credidisse intellectum æternum esse, & non vnum, sed multiplicatum, & in vnoquoq; homine peculiarem, atq; distinctum, vno excepto Alexandro Aphrodisæo, qui posuit ipsum corruptibilem: sed videns plurima absurda aduersus hanc sententiam suboriri, & clarissimas Aristotelis auctoritates, in quibus ipsum & immortalem, & abstractum statuit, subterfugere volens, in longè deterius erratum lapsus, asseruit, Agentem Hominis Intellectum Deum esse. Platonē porro

portio rationalem animam, tum alijs in locis, tum potissimum in Rhœdone, in quo huiusmodi contemplationem ex professo pertractavit, diuinam, & immortalem posuisse, adeo clarum est, vt nulla indigeat probatione. Aristoteles sæpius asseruit intellectum immaterialem esse, eo quia ipsius operationes corporales non sunt, neq; organo obeunt materiali; quod quidem sæpius probauit ne dum in proœmio lib. de anima, & in 3. lib. ac potissimum tex. 7. in fine, & tex. 15. verum etiam id apertissime testatus est 2. de gener. animal. cap. 3. in cuius medio, Quorum enim (inquit), principiorum actio corporalis est, hæc sine corpore inesse non possent, tum est, vt ambulare, & quæ sequuntur. Et paulo post subdit: Restat igitur, vt mens sola extrinsecus accedat, eaq; sola Diuina, sit: Nihil enim cū eius actione communicat actio corporalis. In quibus illud notandum, quod ipse hæc subiunxit, vt dubitationem solueret, quam paulo supra proposuerat. Et erat an omnes tres animæ, vegetalis videlicet, sentiens, & rationalis è semine gignantur, & producantur, vel potius earum pars. Ipsam igitur soluit ex propria sententia, quemadmodum graui Philosopho conueniebat. Cum enim dixisset, quod de mente etiam quo nam tēpore, & quomodo, & vnde eam recipiant, quæ principium id participant, plurimum dubitatur, addit enitēdum esse pro viribus, & quoad fieri potest, & respondens concludit, quod vegetatiua, & sensitiua habent esse in corpore, & à corpore, non autem intellectuua, quia nihil cum eius actione communicat actio corporalis. Vnde nescio, quo spiritu ducti Alexandrei dicere ausi sint Aristo.

hoc in loco de intellectu agente, qui ex eorum sententia Deus est, verba facere. Cum enim quærat an omnis anima sit in potentia seminis, & soluens dicat, quod sola mens est ante compositum, & extrinsecus aduenit, quomodo quæso de Deo loqui potest. Ei enim sermo est de animabus, quæ sunt in potentia seminis. Sed nemo esset vnquam adeo stupidus, qui verteret in dubium an Deus esset ante compositum, aut in potentia seminis, cum & simplicissimus sit, & ab omni compositione vndequaque alienus. Sed quid in maximorum Philolophorum, ac Medicorum sententijs referendis immoror, si omnium primus Hippocrates, in libello de Carnibus, animæ originem coelestem esse fatetur, & eius substantiam, quam caloris nomine vocat, immortalem facit. Nam licet quibusdam cõmunibus sententijs & opinionibus prius se vsum fuisse affirmet, coactus nimirũ in arte Medica pertractanda cõmune principium plurimorum sententijs proponere; tamẽ suã sententiã patefaciens, apertẽ inquit, quod id, quod calidum, caloremue dicimus, quiddam non mortale esse sibi videatur. Sed ad rationem ex dictis desumptam veniamus. Arist. 2. de Animã nos docet, animæ facultates non nisi ex functionibus ipsis cognosci posse. Sed superius probatum est & nutriendum, & sentientem, & appetentem, & mouentem animæ functionem posse in natiuum viuentium calorem, tanquam in principium, ac principale agẽs, referri, absq; vlla prorsus superioris facultatis necessitate. Innatus enim calor, vt ostensum est, potest per seipsum absque alio opifice æquẽ benẽ has omnes operationes obire. Sed altera ex parte impossibi

le

le omnino est, innatum calorem absq; alia superiore & eminentiore virtute, aut diuidere, aut componere, aut inducere, aut ratiocinari, ac syllogizare, aut consequentiam, aut repugnantiam in rebus cernere, aut prouidentia vti, aut artes ac disciplinas construere, aut alia huiusce clasfis munia sexcenta perficere. Quocirca necessarium omnino est, in harum functionum causa indaganda, natiuo calore posthabito, ad altiore vim confugere, eiq; manum dare, illiusq; virtutis, & animæ facultatis auxilium implorare, quæ actionibus his edendis sit idonea, ac subinde sit elementorum qualitate, ac omni facultate maior, propter diuiniore ipsius functiones, quarum virtute & omnia cognoscere, & omnia fieri, in homine ipso luce clariùs conspiciamus. Non possumus autem hanc animæ virtutem sublimiorem subterfugere, credendo naturalem calorem à coelesti lumine & calore adiutum posse tales, ac tantas operationes exprimere, sicuti ab eo auxilium nactus foetum & animal ipsum fingere & efformare potuit. Nam calor & vis illa coelestis, quæcunq; illa sit, quæ in foetuum efformatione innato calori suppetias tulit, post formatum foetum, & post animam in eum infusam, ac genitam, in foetu iam concepto atq; perfecto non manet, vt Galenus in fine libri de format. foetus nos docet, sed recedit. Si enim maneret, inquit ipse, & illa met vis, quæ corpus nostrum format, illud idem deinceps gubernaret, ac dispensaret, utiq; omnium partium numerum, ac vsum optimè cognosceret. Nihilominus clarè percipimus, quòd, quæ nos regit anima, appetitionibus ipsius inservientes partes videtur ignorare. Vix enim

(inquit

(inquit Galenus) ex dissectione à peritis propria
vniuscuiusq; musculi inueniri scientia potuit: ante-
quam vero dissectione exploremus, neq; partes cor-
poris, neq; ipsarum functiones cognoscimus. Neq;
possumus euadere dicēdo, huiusmodi formatricem
vim à nimia corporis humiditate obrundi, & stoli-
dam reddi, ac subinde non, nisi corpore siccescēte,
corporis particulas, & earum vtilitatem posse perci-
pere: quia nihil humidius nostræ generationis prin-
cipiis corporeis esse potest; & nihilominus vis illa
cēlestis atq; sublimis in illis insita in nostri corpo-
ris, ac omnium animalium fabrica, vt Gal. inquit
loco citato, summam & Sapientiam, & Potentiam
præ se fert. Insuper innatus calor, ad proprias eden-
das functiones, corporeo indiget organo; rationa-
lis autem animæ vis, ad proprias edendas opera-
tiones, organo non eget corporeo; et subinde cum
non sit organica, nec egeat corpore, sui natura ab-
stracta, corporis expers, & immaterialis existit, cor-
ruptioniq; non est obnoxia. At uerò ipsam à qua-
cūq; corporea facultate liberam & immunitem es-
se, hæc ratione Galenus 7. de Placit. Hipp. et Plato
nis probauit: Si de animæ essentia (inquit) defini-
tum quid dici oportet, de duobus alterum fateri ne-
cesse est, aut velut splendidum quoddam, & æthe-
reum corpus ipsam esse, quò uel inuiti cum Stoici,
tum Aristoteles quadam consequentia ducuntur:
aut esse ipsam quandam corporis expertem substā-
tiam; primum tamen ipsius vehiculum esse hoc ip-
sum corpus æthereum uidelicet, cuius intersectu cū
cæteris commercium habeat corporibus. Sed pau-
lo ante huiusmodi ambiguitatem diuiniens, ita
scriptum

scriptum reliquerat: Ex his igitur (inquit) quæ
apparent, cogitauerit aliquis, ventriculorum & cerebri
spiritum, duorum alterum, siquidem corpore caret
anima, primum esse ipsum eius, vt sic dicam, domi-
cilium: si uerò habet, illum ipsum spiritum ani-
mam esse. Hæc ille. Sed rem totam certiùs ex-
primeus hæc formalia verba subiungit: Sed cum
ventriculis illis constrictis, paulo post rursus sen-
tiat, rursusque moueatur animal, dici non potest il-
lam esse spiritum. Satiùs est igitur arbitrari in ipso
quidem cerebri corpore animam habitare, quali
tandem cunq; sit substantia. non enim id iam quæ-
ritur, primum uerò ipsius instrumentum, ad omnes
animantis tum sensus, tum voluntarios motus illū
esse spiritum. Proindeq; ea dissipato, dum nouus
intus collectus sit, non quidem vita, sed sensu tan-
tum ac motu priuari animal. Quod si ille fuisset ip-
sa animæ substantia, eo, profecto, dissipato, animal
statim ipsum simul interisset. Deinde ait: Itaq; ar-
teriarum spiritus vitalis & est, & appellatur; anima
lis autem in cerebro consistit, non tanquam ani-
mæ substantia, sed quasi organum primarium ip-
sius in cerebro habitantis, qualiscunq; ea sit sub-
stantiæ. Et paulo post inquit: Quod autem anima-
lis spiritus neq; substantia sit anime, neq; eius do-
micilium, sed duntaxat instrumentum primarium,
inde didicimus, quod ipso per vulnera euacuato,
statim veluti mortuum reddatur animal; recollecto
autem, reuiuiscit. Ex quibus clarè constat, ipsum
hæc ratione impulsū voluisse animam nostram
prestantiorem, simplicioremq; esse, eamq; peculia-
rem, ac simplicem & incorpoream habere substan-
tiam.

tiam. Si enim anima ætherea & spirituoſa animæ
li ſubſtantia præſtantior eſt, & ſpiritus hic corpo-
rum eſt præſtantiſſimus, tenuiſſimus, atq; puriſſi-
mus, neceſſe eſt eam corporis expertem eſſe. Neq;
poſſumus nunc aſſerere ipſam incorpoream qui-
dem eſſe, ſed nil aliud præter innatum calorem, qui
& ipſe incorporeus exiſtit. Nam præter id, quod ſu-
perius oſenſum eſt, & omnibus patere poteſt, quod
huiuſcemodi calor & ſimplex qualitas, non poteſt
rationalis animæ munijſ fungi, ſed altior viſ de ne-
ceſſitate requiritur, eadem ratione, qua Galenus vti-
tur ad probandum animam non poſſe eſſe ſpiritu,
quia eo in cerebri permeantibus vulneribus inani-
to, aut cerebri compreſſionibus obruto, vt in Apo-
plexia præſertim fieri cernimus, ſenſu & motu ani-
mal deſtituitur; ſed eo reſtaurato, denuò reuiu-
ſcit; hac eadem ratione poſſumus probare, animam
innatum calorem per huiuſcemodi æthereum, ani-
malem q; ſpiritum diffuſum, & in eo ſubſiſtentem,
eſſe non poſſe: quia calor accidens cum ſit, ad hoc
vt conſeruetur in eſſe, hoc eodem ſpiritu, ceu ſubie-
cto indiget, & ſpiritu inanito, aut obruto, vel quo-
quo pacto corrupto, vnà calorem in eo diſſemina-
tum perire, & euaneſcere nec eſſe eſt. Habemus in
ſuper aliam Galeni auctoritatem in fragmento de
ſubſtantia naturalium facultatum ſuperius quoq;
ad verbum exarata, in qua inquit, quod animam
noſtram alii putarunt eſſe corporis experte, alii ſpi-
ritum eſſe; alii ne eſſe quidem illius propriam vllam
ſubſtantiam, ſed corporis ſubſtantie proprietatem
dici, quæ earum rerum, ad quas faciendas apta &
nata eſt, vires habeat. Et ſtatim poſt ſubdit: Ego

verò

verò inter hos medium quendam ordinem sequor .
 Quis autem sit hic medius ordo, quem sequitur, co-
 nnuere facile possumus ex eius verbis , quæ paulo
 infra profert, inquit , illud sibi perspicuum videri,
 quòd licet foris in hæc corpora commigret, ea ta-
 men eorum obnoxia sit naturis, quæ , vti dixerat,
 sunt ex quadam elementorum temperatione con-
 flatæ . Vnde medium hunc ordinem vocat, eò quia
 videlicet anima neq; sola sit proprietas substantiæ
 corporis ex elementorum orta qualitatibus , neq;
 simpliciter substantia sit incorporea, quæ per se con-
 sistens nullo corporis egeat adminiculo . Et ob id li-
 cet incorporea sit, attamen corporis commodis in-
 seruit, nec potest citra bonam eius temperiem inte-
 gras actiones expromere . Quamdiu enim (inquit
 toties Galenus) corporis est constricta vinculis, il-
 lius ornatu & bona constitutione opus habet . Et
 idem scribebat, animam, vt in corpora commigra-
 uerit, ipsam eorum naturis inseruire, quæ sunt ex cer-
 ta elementorum temperatione ortæ . Neq;, quod ad
 artem Medicam pertinet , quicquam sibi officere
 putat, quòd ignorat, quemadmodum inmittantur,
 aut ab alijs in alia corpora concedant animi . O-
 portet enim profecto idoneum esse id corpus, quod
 animam recepturum est, & si sui temperamenti ma-
 gnâ ipsam mutationem subeat, ex eo statim ani-
 mam ipsam emigrare . Ex quibus Galeni verbis duo
 planè clara colligere vnusquisq; potest ; primùm,
 quòd anima, quam simplicem , & corporis experte
 dixerat , corporis legibus & natura tenetur ; alterũ
 quod animæ propria sit substantia , quæ per se sine
 corpore consistat . Nam illa verba (in corpora com-

migrare, aut protinus emigrare) nil aliud significare possunt. Quod si est, illam apertè Galenus pronunciat esse immortalem & indissolubilem, etiam si in huiusmodi consequentiam incidere non audeat, cum in eodem loco id se prorsus ignorare fateatur. Ex his pariter colligimus falso argumentari quosdam aduersus animę nostrę immortalitatē. & incorporeitatem, dum inquirunt, ipsam neq; epotum venenum, neq; malos affectus corporis sustinere; sed propter hæc è corpore emigrare coactam esse, & subinde ab affectibus corporeis aliquid pati, & ex consequenti quandam cum corpore communionem habere, ac corpoream, & corruptibilem esse. Hæc enim consequentia nulla prorsus est. Nihil enim quicquam patitur anima: sed illa tantummodo, quorum merito anima corpori consociatur, & hæret, afficiuntur: sunt autem innatus calor ac insitus spiritus, in quo ille subsistit, quæ quum extremo corporis vitio dissoluuntur, anima libera & expedita necessariò de corpore decedit, quia in eo nullum amplius proprium & consuetum munus potest obire. Et si quis rursus obijciat, nos superius dixisse, quod læso & morbosè præsertim intemperato cerebro, aut angustia obsessio, vt in apoplexia, vel consimili contingit affectu, mens & animæ vis, & animæ actio perturbatur, deprauatur, & impeditur: Sicuti cerebro bene habente, hæc omnes animales functiones inculpate eduntur; & ex hoc colligat, animam corpori inferuire, eoq; apto & idoneo indigere: Huic primum respondemus, admittendo, ipsam animam, donec vnà cum corpore connectitur, siue consociatur, eo vti; sed tamen non vt instrumento,

sed

sed potius (vt Galenico loquendi modo vtar) tanquam domicilio. Sicuti enim pictor alioquin incolumis, & in arte pingendi peritissimus, & penicillo & aliis organis instructissimus, ad hoc, vt probas efficiat picturas, loco, siue domicilio indiget luminoso, & ab obscuro, & tenebroso ab opere prorsus impeditur: Sic anima, dum in nostro immergitur corpore, illo non tanquam instrumento, sed tanquam domicilio rectè constituto, ad ratiocinandum & intelligendum, opus habet. Quo si sit destituta, vel nihil agat, vel vitiosè agat, vel forsitan ab eo emigrare cogetur, prout corpus vario modo, & minus vel magis præter naturam afficitur. Galenus enim 2. de loc. affec. cap. 9. de hac controuersia loquens, Si hæc animæ pars, inquit, ita esset in continente ipsam corpore, vt nos in domo aliqua: in primis fortasse: nullā ei noxam afferri putaremus a loco: quoniam verò ipsā lædi videmus, quomodo lædatur, est inuestigandum. Si uerò veluti forma quædam corporis est ab ipso inseparabilis, eam lædi non inficiabimur ob sulcipientis ipsam corporis alterationem. At quia de hac re inter Philosophos ingens pugna est, aliis eam veluti in domicilio contineri dicentibus: aliis uero ipsam corporis formam esse putantibus: idcirco, quomodo lædatur, inuentu perdifficile est. Quod verò lædatur, ab experientia discere licet. Nam fracto ossè capitis, & compresso cerebro, protinus sensum omnem amittit ægrotans. Ex quibus verbis colligimus, quòd licet Galenus sub dubio reliquerit, an anima sit in cerebro, tanquam agens in domicilio, vel tanquam forma in materia; attamen si sit tanquam in domicilio, nulla ei noxa

essentialis à loco potest aduenire ; sed solum impeditur. Secundò possumus obiectionem retorquere , & experientiam ipsam in medium adducere. Videmus enim quàm sæpissimè, dum potissimum artem Medicam exercemus, ad organorum omnium, imò totius corporis labefactionem, & omnimodam ferè destructionem, rationalem vim incolumem permanere, & in propria functione nihil omnino lædi. Nèdum enim ratione alicuius insignis & lethalis affectus, verum etiam ratione marcoris, corpus vniuersum, ac omnia principalia membra , præsertimq; cerebri omnino languent, & calor innatus, insitusq; spiritus pene omnis exinctus est, & facies apparet Hippocratica, & licet egrotantes ad extremam vitæ lineam sint redacti, tamen rationalis animæ functiones sæpissimè inculpatas , imo nonnunquam, quam antea , meliores exercent. & insuper Arist. primo de anima tex. 12. inquit maxime simile proprio operi ipsius animæ esse intelligere , & hoc maximo iure , quia versatur circa vniuersalia a materia seiuncta suo proprio munere : & mens a uehementi intelligibili nullatenus offenditur, quia corporeo non utitur organo ; & intellectio sine corporis & spirituum permutatione fit , quinimo dum attentius speculamur, sensuum affectiones non percipimus. Alij verò ex procœmio primi de Anima ab Aristot. dicto excitati (dū ait, si aīa nō habet opus propriam non contingit separari) sic arguunt : Corpus est animæ organum, quo, ad edendas proprias functiones , indiget : Si sic, ergo non habet opus proprium : Ergo solitaria & à corpore seiuncta nil potest efficere : Sed absurdum est, animam inertē
& otiosam

& otiosam esse : Ergo non potest separata ac solitaria consistere . Quod si à corpore seiungi nequeat, & non possit per se subsistere ; ergo vnà cum corpore peribit : Ergo neque incorporea erit, neque diuina, sed corporis, & elementorum particeps. Quibus vnà cum D. Thoma, & alijs possumus facillè respondere, animam non esse ita corpori obligatam, vt assidua illius ope indigeat . Hoc enim non affirmavit Philosophus in illis verbis . Neque nobis licet ex illis elicere humanam mentem ex Arist. opinione mortalem esse, eo quia scilicet sine phantasia nō intelligit ; Nam ipsemet Aristot. text. xx. tertij libri de anima dicit aperte esse æternam & immortalem, & nil intelligere sine phantasia, & subinde id est intelligendum dum est vnà cum corpore coniuncta, vt recte latini interpretantur . Qui aiunt Mentis sui conditione competere opus proprium, ex accidenti tamen, vt corpore iuncta phantasia indiget . Nam quemadmodum Deus Optimus in vniuerso, natura mediante, siue secundis causis, plures operationes exequitur, etiam si eius substantia naturę, & vniuerso, non sit obligata, & adstricta, imò longè præstantiores habeat actiones absq; vllō naturę, secundarumq; causarum adminiculo : Et sicuti Galenus 17. de Vsu part. cap. 1. apertissimè fatetur, cœlestium quoque corporum intelligentias, præter motum, quem illis exhibent, in hæc inferiora plures alias & præstantissimas actiones exercere : Ita humana Mens ad Dei similitudinem effecta, creataque corpori, quod regit, non ita adstricta, aut subiecta est, vt sine ipsius ope eminentiores non possit edere functiones : quia, vt ratiocinetur,

corporis

corporis non eget adiumento, quo ut instrumento
 utatur, sed per se solam ratiocinatur & intelligit.
 Hoc enim non concessio, longè rationabilius posset
 natura reprehendi, quòd homini inexplibilem ap-
 petitum indidisset. Neq; verò de naturali vel sen-
 sitiuo, qui propter diuinæ legis prævaricationem
 corruptus est, loquor; sed de voluntario, qui ab in-
 tellectu sola ratione, non re & subiecto distingui-
 tur. Homo siquidem naturali quodam instinctu
 omnia scire & cognoscere, omnia possidere deside-
 rat, & vno verbo, omnium bonorum voluntatem
 & appetitum habet insatiabilem & immensum: qui
 cum in hac breuissima vita ad suum actum deduci
 & satiari nō queat, aut frustratorius & otiosus erit,
 aut solum, vbi mens ab hoc corpore fuerit seiuncta,
 perficietur, ad suumq; perfectum actum perduce-
 tur, & ut Diuinis verbis utar, tunc solum satiabi-
 tur, cum ei gloria sui conditoris apparuerit. Ad
 hæc sicuti rationalis anima a corpore secreta ex sen-
 tētia D. Thomæ intelligit per species infusas à Deo;
 ita etiam sine corpore potest intelligere, & hoc eò
 magis, quò illā cognitio, quæ in corpore fit, breui-
 simo tempore perdurat: & insuper lōge plures sunt
 homines ab intellectione & speculatione alieni, ru-
 des, & ignari, in quibus frustra anima rationalis
 esset vnita, quia iu illis suum finem non assequitur.
 Concludamus igitur, ac pro huius operis comple-
 mento dicamus, quod si humana ratio à principio
 nostri corporis parres, ac earum vsum non agnos-
 cit, si est veluti tabula rasa, ut ait Plato, in qua nil
 scriptum est, si nonnunquam, propter cerebri mor-
 bos, in functionibus lædi, impediri, ac titubare vi-
 detur,

detur, id contingit, quia licet corporea & organica non sit, eget tamen, quamdiu corpori iuncta est, in suis edendis functionibus, aliqua facultate organica, quæ existens in corpore ei phantasmata, ex quibus species intelligibiles oriuntur, subministret. Et in homine solum naturalis calor est ipsius instrumentum, cui optimè disposito, tanquam vegetali & sentienti animæ, ac veluti tetragono, rationalis anima tanquam pentagonus superueniens hominem perficit, & informat, & quascunq; ipsius proprias operationes molitur. Quarum illa (quam etiam reliquarum omnium præcipuam, & præstantissimam statuo) cuius merito ab indiuiduantibus conditionibus ipsum vniuersale (circa quod ipsamet veritas, quæ æternorum est ex Aristotele primo poster. versatur) abstrahit, ac sensim vsque ad primum & vnum rerum omnium principium certissimè dignoscendum se erigit, eius de necessitate (dicant vel credant alij quicquid velint) diuinitatem & immortalitatem nobis demonstrat: Et subinde ipsius vniuersi maximum ornatum, perfectionem, nexum, & colligantiam, quam semper natura in omnibus mirum in modum affectat, atque pro viribus molitur, nobis patefacit. Si enim ab homine etiam penes animam æternitatem detrahas, nulla prorsus horum sublunarium, ac corruptibilium cum cœlestibus, ac æternis illis corporibus, atq; motoribus colligantia superest: quoniam licet elementa secundum se tora incorrupta seruari possint; tamen sui natura omnes partes, ac subinde ipsum totum habent corruptioni obnoxium. Sed homo corpore passibili, mente verò sui natura incorruptibili præditus, optimo iure

&

& Microcosmos, seu Paruus Mundus à Galeno; maximisq; Philosophis nuncupatur, & mundi superioris & inferioris, cœlestis & elementaris, nexum & ornamentum vnde quaque perficit. Homi- nis enim solius natura inter belluas, & sempiternas mentes constituta est media: quippe quæ forma sit non ita penitus abstracta, vt corpori inferi non queat; neque corpori sic demersa, vt aliquando e- mergi non possit; ac proinde cum virisque extre- mis, nempe cum formis tam caducis & materiali- bus, quam abstractis, & immortalibus media mu- tuaque societate conspiret: Quæ quidem commu- nio cum nulli conueniat enti, præterquam homi- ni, & rerum natura ab vno extremo non feratur ad aliud, nisi dato certo medio, profecto conclu- dendum firmissimè est hominem ratione corporis interitui esse obnoxium; merito verò intellectus immortalitatis esse participem. Quare rationalis anima medium quoddam inter abstractas mate- rialesque formas optimo iure statui potest: &, vt in hoc recte censuit Auerrhocs, æternorum & corru- ptibilium est vinculum, & ob id vtriusque extremi proprietates participare debet. Si quis autem obijciat incorruptibile secundum naturam corpo- ris sui natura corruptibilis actum esse non posse, Huic D. Thomas in prima parte quæst. 76. art. 3. ni- titur respondere: Veruntamen, quia, siue illud cor- pus per se, siue per accidens sit corruptibile, semper verum erit animam rationalem sui natura eternam mortalis corporis actum esse, ac subinde cum per- petuo tempore informandi vim habeat, illa non poterit per modicum illud tempus, quo informat, proprium

proprium munus explere; Forſitan melius eſt arbi-
trari naturale lumen non poſſe realem reſponſio-
nem excogitare: & fateri, ſicuti ſuperius quoque
oſtenſum a nobis eſt, Deum Optimum ante primi
patentis lapſum, media ei tradidiſſe, quorum me-
rito etiam penes corpus poterat immortalis euade-
re. Quocirca mirandum non eſt veteres Philoſo-
phos non potuiſſe hominis naturam intelligere,
quia finem, ob quem Deus illum condiderat, igno-
rabant. Cum enim hominis finis eſſet ſupra natu-
ram, nimirum perpetua ſui conditoris fruitio, ab
illis prorsus ignorata, ipſa quoque media, per quæ
ad talem finem perueniret, explorare non potue-
runt. Cum igitur homo penes partem corpoream
corruptibilis eſſet, ac ſubinde ad tantum ac talem
finem deuenire non valeret, ſummus Opifex ei
contulit media, nimirum Gratiæ donum (cuius
longe maior eſt vis quàm naturæ) vt eiùs merito
etiam penes corpus à corruptione immunis fieret;
quod natura ſine corruptione eſſe non poterat.
Quamuis igitur ſi corpus ipſum ſpectemus, vnio
videatur inconueniens: attamen ſi conditoris no-
ſtri ſpectetur intentio, conuenientiſſima cenſeri de-
bet. Is enim ſtatuerat omnibus creaturis ſe ipſum
communicare, illis omnibus æternitatem exhiben-
do. Sed quia omnes non erant illius capaces, vo-
luit merito gratiæ hominis corpori æternitatem tri-
buere, quia in eius corpore reliquæ omnes creatu-
ræ, omneſq; gradus entium, nimirum elementa-
re, mixtionis, vegetatiuum, ſenſitiuum, & in-
tellectiuum continentur. Quinimò, ſi cœleſtia
corpora, eorumque motus in ipſum hominem tan-

HN quam

quam in finem diriguntur, vt testatur Aristoteles, & finis nobilior esse debet ijs omnibus, quę in ipsum ordinata sunt; si cœli sunt incorruptibiles, multo magis homo debet esse liber ab interitu. Hęc sunt, Clarissime Octavi, quę tum nostri, tum aliorum ingenij excitandi, & exercendi causa de animę essentia, ex Galeni mente, exarare volui, ea potissimum intentione ductus, & impulsus, vt Galenum ab ignorantium maledictis vindicarem, & vt posthac omnes, qui hos nostros labores legent, ipsum ceu Diuinum quendam Philosophum extollant, suspiciant, ac venerentur.

L A V S D E O.

T. O. M.



*Supraſcriptum Librum, cui titulus eſt de Anima,
Perilluſtris, ac Excellentiff. D. Euſtachij Rudij
Vtinenſis, qui incipit Quāto ſemper apud oēs,
& in fine dicitur, ſuſpiciant, ac venerentur,
legi, & perlegi nihilq. in eo contra fidem, bonos
mores, ac Principes contineri atteſtor*

*Ego Fr. Octavianus de Rauenna publicus Meta-
phyſica profeſſor. quare impreſſione digniſſi-
mum, ac utiliſſimum iudico.*

Qua ſtante atteſtatione, ego Fr. Zaccarias
quod imprimatur concedo.

Fr. Zaccarias Inquiſitor Paduæ
manu propria.

Imprimatur. Octavius Linellus pro
Sereniſs. Republica Veneta.

Imprimatur. Franciſcus Picciolus
Canc. Præt.

P A T A V I I

Ex Typographia Laurentij Paſquati,
Impreſs. Camer. 1611.



1. The first part of the book is a general introduction to the subject of the history of the world, and is divided into two parts, the first of which is a general introduction to the subject of the history of the world, and the second of which is a general introduction to the subject of the history of the world.

The following is a list of the names of the persons who have been elected to the office of Justice of the Peace for the year 1888, in the several townships of the County of Franklin, New Hampshire, at the annual meeting of the Board of Supervisors, held on the 1st day of March, 1888.

[Faint, illegible handwriting]

PAVIA
Ex Typographia Ludovici P. V. 1844.
Ludovicus Capelli, Edidit.









